


# ନାରୁ ନାଗମହାଶ୍ରୀ



ଶ୍ରୀଶବ୍ଦଚନ୍ଦ୍ର ଚକ୍ରବର୍ଣ୍ଣ କଟ୍ଟକ ପ୍ରଣୀତ

୫ମ ସଂକ୍ଲବଣ

୧୩୩୯ ମାଲ

[ ସର୍ବସ୍ଵତ୍ତ୍ଵ ସୁବନ୍ଧିତ ]

ମୂଲ୍ୟ ୬୦ ଟଙ୍କା ମାତ୍ର

বলিবাতা  
নং মথাজি লেন,  
“উদ্বোধন বাধ্যালয় হলতে  
ব্ৰহ্মচাৰী গণেন্দ্ৰনাথ  
কঙুৰ প্ৰকাশিত।

$$\begin{array}{r} 57 - 2^7 \\ \times 220 + 78 \\ \hline 106 | 2^7 6 \end{array}$$

আর্গেন্টাই প্ৰেস  
প্ৰিণ্টাৰ—সুবেশচন্দ্ৰ মজুমদাৰ,  
৭১১ নং বিজ্ঞাপুৰ ষ্ট্ৰীট, বলিবাতা

## উৎসর্গ পত্র

মহাসমন্বয়াচায় শ্রীশ্রীরামকৃষ্ণদেবের লীলা-সহচর  
শ্রীমৎ প্রেমানন্দ স্বামিজীৰ করকমলে “নাগ  
মহাশয়ের জীবনী” সাদৱে সমর্পণ  
কৱিলাম । ইতি—

বিনয়বন্ত—  
শ্রীশ্বচ্ছন্দ দেবশর্মা ।



## ନିବର୍ଣ୍ଣ

ଦାଶୀ ମେଷଚରିବନ ଜାହା ସମ୍ପର୍କୀୟଙ୍କରିଲେ ପ୍ରଥମ ପଥପ୍ରଦର୍ଶକ, ଯାହାର  
ଅନୁତ୍ତ ଧାରା ସର୍ବ ନାମ । ମାତ୍ରୀ ଦେବୀକେ ଏ ପରାଜିତ କବିଯାଇଲ,  
ଯିନି । । । ହନ୍ଦାଙ୍ଗ ନବିଶ୍ଵାସି । ଶ୍ରୀଦିଗ୍ବିନ୍ଦୁର କା ଏବଂ ଭକ୍ତିର ପାତ୍ର  
ବଣିଯା ନରଥୀ ପାନଗଣିତ ହତ୍ତାଣ ଏବଂ ଯାହାର ତ୍ୟାଗ, ତିତିକ୍ଷା,  
ତପସ୍ୱୀ ଓ ଶୈଖ ହେଉସତ ଯଥାର୍ଥ ଅଲୋକସାମାନ୍ୟ ଛିଲ, ସେହି  
ଶ୍ରୀଦିଗ୍ବିନ୍ଦୁର କାବ୍ୟର ନାମରେ କ୍ଷେତ୍ରକୁ ଘଟନା ଲିପିବନ୍ଦ  
କାବ୍ୟର ବାସନା ବଢ଼ିଲା । ହଟୀର ବଳବତ୍ତୀ ଥାବଲେଣ ନାନା କାବ୍ୟରେ  
ଥିଲା । ଘଟ୍ଟୟା ଟୁଟ୍ଟେ ନାମ, । ପରି ମାନନୀୟ ନାଟ୍ରାକାବ ଶ୍ରୀଯୁକ୍ତ ଗିବିଶଚନ୍ଦ୍ର  
ବୋଧ ହୁଏଇଲା । କେ ବିଷମ ଏହାର ଉତ୍ସାହିତ କବାମ ଏବଂ ତିନି ଓ  
ଶ୍ରୀଦିଗ୍ବିନ୍ଦୁ ପ୍ରାଚୀ ସାମାନ୍ୟ ଗ୍ରହଣାନ୍ତି ଆନ୍ତାପାତ୍ର ଦେଖିଯା ଦେଓଷାଯ  
ଆପଣାର ଏକାନ୍ତ ଅନୁଭିକାରୀ ଜ୍ଞାନୀୟାଙ୍କ ଆମି ତ୍ର ମହାତ୍ମାର ଜୀବନ-  
ଚରିତ୍ର ପେଇ ଆଶିକଭାବେ ଲିପିବନ୍ଦ କବିତେ ସାହସୀ ହଇବାଛି ।  
ପରିଶେଷରେ ଏହି ଗ୍ରଂ ପାରେ ଶ୍ରୀଦିଗ୍ବିନ୍ଦୁ କିଛୁମାତ୍ର ଆଧ୍ୟାତ୍ମିକ ଉପକାବ  
ହୁଏଇ ଏବଂ ନାମମହାଶ୍ରୀର ପୂର୍ଣ୍ଣ-ଚରିତ୍ରର ପୂର୍ଣ୍ଣପ୍ରଭାବ ଯଥାର୍ଥ ଅନ୍ତିତ  
କବିତେ ଯୋଗ କରି କାହିଁ ବ୍ୟକ୍ତିକ ଇତ୍ତା ଭବିଷ୍ୟତେ କିଞ୍ଚିନ୍ମାତ୍ର ପଥ-  
ପ୍ରଦର୍ଶନ ଦାତ । । । । କାବ୍ୟଲେଖି ଶ୍ରୀ ସାର୍ଥକ ଜ୍ଞାନ କବିବ ।

କଲିକାତା, ୧୩ ବୈଶାଖ । }  
ସତ୍ତବ ୧୯୧୯ ମେସାହ । }

ଅଲମିତି  
ଶ୍ରୀକାବସ୍ତୁ ।

যোহহংভাব-বিবজ্জিত-স্তপশশি-জ্যোৎস্নাভিরুদ্ধাসিতঃ  
তোগাসক্তি-নিরাকৃতো শুরু-কৃপা-মন্ত্রেণ সংপ্রাণিতঃ  
• দৈত্যামানিষ-কেতনং শুরুপদে ভৃঙ্গায়মানো মুদা  
বন্দেহহং শিরস। সদ। তমমরং নাগাখ্যমুদ্বারকম্ ॥

# সূচীপত্র

## প্রথম অধ্যায়

বিষয়	পৃষ্ঠা	
জন্ম ও বাল্য-জীবন	...	১
দ্বিতীয় অধ্যায়		
কলিকাতায় আগমন	...	১৪
তৃতীয় অধ্যায়		
দ্বিতীয়বার বিবাহ ও ডাক্তারী ব্যবসায়	...	২৫
চতুর্থ অধ্যায়		
শ্রীরামকৃষ্ণ-দর্শন	...	৪৬
পঞ্চম অধ্যায়		
দেশে অবস্থান	...	৬৯
ষষ্ঠ অধ্যায়		
গৃহস্থান্তর ও গুরুস্থান	...	৮৭
সপ্তম অধ্যায়		
অক্ষয় দে	...	১২৩
অষ্টম অধ্যায়		
মহাসমাধি	...	১৫৪
পরিশিষ্ট	...	১৭১

—————

শ্রীশ্রীরামকৃষ্ণনন্দমালা।

শ্রীশরচন্দ্র চক্রবর্তী বি.এ, প্রণীত ; ২৪টি সংস্কৃতস্তোত্র ও  
৫টি বাঙ্গলা সঙ্গীতের অপূর্ব মালিকা ।

মূল্য ।০ আনা মাত্র ।





জী  
২৭

# সামুন্দর্যমহাশয়

## প্রথম অধ্যায়

জন্ম ও বাল্য-জীবন

ঝাহাব জীবনবৃত্তান্ত লিখিতে আমি প্রয়োগ হইতেছি, পূজ্যপাদ  
স্বামী বিবেকানন্দ তাহাব সম্বন্ধে বলিতেন, “পৃথিবীৰ বহু স্থান অমণ  
কৱিলাম, নাগমহাশয়েৰ ত্থায় মহাপুক্ষ কোথাও দেখিলাম না।”

পূর্ববঙ্গে নাবায়ণগঞ্জ বন্দবেৰ আধক্রেশ পশ্চিমে দেওভোগ  
নামে একটি ক্ষুদ্র পল্লী আছে; তথায় ১২৫৩ সালেৱ ৬ই  
ভাদ্র \* তাৰিখে নাগমহাশয় জন্মগ্ৰহণ কৰেন। সে দিন  
শুক্লা প্রতিপদ তিথি, চন্দ্ৰ সিংহভবনে। নাগমহাশয়েৰ সম্পূর্ণ  
নাম দুর্গাচৱণ নাগ; কিন্তু এই গ্ৰামে আমৱা তাহাকে “নাগ-  
মহাশয়” বলিয়াই উল্লেখ কৱিব;—কেননা, অনেকেৱে কাছে  
তিনি এই নামেই সুপৱিচিত। নাগমহাশয়েৰ পিতাৱ নাম  
দীনদয়াল, মাতাৱ নাম ত্ৰিপুৱাসুন্দৱী। দীনদয়ালেৱ পিতা  
প্ৰাণকুষ্ট; মাতা কুক্ষিগী। ইহাদেৱ আদি-নিবাস তিলারদি;  
দেওভোগ গ্ৰামে ছই তিন পুকুষেৱ বাস। দীনদয়াল ব্যতীত  
প্ৰাণকুষ্টেৱ ছইটি কল্পা হইয়াছিল; তন্মধ্যে জ্যেষ্ঠা ভগবতী নবম  
বৰ্ষে বিধবা হইয়া আমৱণ পিতৃগৃহে বাস কৱিতেন। কনিষ্ঠা ভাৱতী-

\* ইংৱাজী ১৮৪৬ খ্ৰীষ্টাব্দ, ২১শে আগষ্ট।

সন্দেশ কিছু সংগ্রহ করিতে পারা যায় নাই; শুনা যায়, তিনি পিত্রালয়ে বড় একটা আসিতেন না এবং জ্যেষ্ঠা ভগবতীর পূর্বেই তাহার মৃত্যু হইয়াছিল।

নাগমহাশয়ের জন্মের চারি বৎসর পরে তাহার কনিষ্ঠা ভগিনী সারদামণি জন্মগ্রহণ করেন। সারদার জন্মের ছই বৎসর পরে দীনদয়ালের আর একটি কন্তা হয়, কিন্তু সেটি চারি মাস বই জীবিত থাকে না। ইহার ছই বৎসর পরে ত্রিপুরাসুন্দরী আর একটি পুত্র প্রসব করেন। প্রসবগৃহ হইতে বাহির হইয়াই সূতিকা-রোগে তাহার মৃত্যু হইল। প্রস্তুতির এক মাস পরে শিশুটিও তাহার অনুগমন করিল।

নন্দিনী ভগবতীর ক্ষেত্রে পুত্র কন্তা ছইটিকে সমর্পণ করিয়া মাতা লোকান্তরিত হইলেন। নাগমহাশয়ের বয়স তখন আট বৎসর, সারদার চার। পিতা আর বিবাহ করিলেন না। ভগবতী বালবিধবা, অতি যত্নে ভাতার পুত্র কন্তার লালন পালন করিতে লাগিলেন, বিশেষতঃ নাগমহাশয়কে। ভগবতীর স্নেহ ও পালন স্মরণ করিয়া নাগমহাশয় বলিতেন, “এই পিসীমাই আমার জন্ম-জন্মের মা ছিলেন।”

দীনদয়াল দেবদ্বিজ-ভক্তিপরায়ণ নিষ্ঠাবান् হিন্দু ছিলেন। তিনি কলিকাতায় কুমারটুলীতে শ্রীযুক্ত রাজকুমার ও শ্রীযুক্ত হরিচরণ পাল চৌধুরী মহাশয়দিগের গদিতে সামান্য চাকরী করিতেন। বাসা-বাটীরপে কুমারটুলীতে দীনদয়ালের একখানি খোলার ঘর ছিল।

দীনদয়ালের সহিত পাল বাবুরা প্রভু-ভূত্যের গ্রাম ব্যবহার করিতেন না, তাহাকে পরিবারভুক্ত পরিজনের মধ্যে গণ্য করিতেন।

ধর্ম্মত্বীর, সত্যনিষ্ঠ, নির্লোভ দীনদয়ালের উপর পাল বাবুদের প্রভৃতি বিশ্বাস ছিল। দীনদয়ালের নিকট কখন তাহারা নিকাশ তলব করেন নাই। একবার কয়েক হাজার টাকা হিসাবে গরমিল হয়। দীনদয়াল চুরি করেন নাই, তাহাদের ধারণা ;—সমস্ত টাকা বাজে খরচ হিসাবে লিখিয়া লইতে আদেশ দিলেন। ঘটনার প্রায় এক বৎসর পরে সেই টাকা ধরা পড়ে। তাহাতে বাবুদিগের ধারণা দৃঢ়তর হইল এবং দীনদয়ালের উপর বিশ্বাস বাড়িল। সেই অববি দীনদয়াল যাহাতে দশ টাকা উপার্জন করিতে পারেন, সে সম্বন্ধে পালবাবুর বিশেষ দৃষ্টি রাখিতেন। এই ক্ষুঢ় কর্ম্মচারীর নির্লোভতার একটি দৃষ্টান্ত দিতেছি।

পালবাবুদের মুণ চালানির কাজ ছিল; নৌকাযোগে মধ্যে মধ্যে নারায়ণগঞ্জে মুণ পাঠাইতে হইত। তখন আহারাদির চলাচল তেমন হয় নাই এবং সুন্দরবনের ভিতর দিয়া গতিবিধি করিতে হইত বলিয়া নৌকাপথে বিলক্ষণ দম্পত্তি দ্বারা দৃষ্ট প্রতি চালানের সঙ্গে একজন সাহসী ও বিশ্বস্ত কর্ম্মচারীকে যাইতে হইত। একবার দীনদয়াল চালান লইয়া যাইতেছিলেন। নৌকা সুন্দরবনে প্রবেশ করিলে নিরাপদ স্থান পাইবার পূর্বেই সম্ভ্য হইল। আর অগ্রসর হওয়া দীনদয়াল যুক্তিযুক্ত মনে করিলেন না। অদূরে একখানি প্রকাণ্ড ভাঙ্গা বাড়ী এবং তারিকটে ছুই-খানি ক্ষুকের ঘর দেখিতে পাইয়া তিনি সেইখানেই নৌকা বাঁধিতে বলিলেন। রাত্রে আহারাদি করিয়া দাঢ়ি-মাঝিরা ঘুমাইতে লাগিল। দীনদয়াল একা একগাছি লাঠি পাশে রাখিয়া সমস্ত রাত্রি জাগিয়া বসিয়া তামাক খাইতে লাগিলেন। ক্রমে রাত্রি শেষ হইল। তোর প্রায় পাঁচটার সময় দীনদয়াল

নৌকা হইতে নামিয়া ভাঙ্গা বাড়ীর একপাশে শোচে বসিলেন। তাহার স্বভাব একটু চঞ্চল ছিল, বসিয়া বসিয়া অঙ্গুলি দ্বারা সন্নিকটস্থ মৃত্তিকা খুঁড়িতে লাগিলেন। একটু খুঁড়িতেই দীনদয়ালের মনে হইল, টাকার মত হাতে কি ঠেকিতেছে উৎসুক হইয়া আর একটু মাটি সরাইলেন, দেখিলেন এক ঘড়া মোহর। দীনদয়াল হই চারিটি মোহর তুলিয়া পরীক্ষা করিয়া দেখিলেন, সব প্রাচীন কালের। তিনি সেগুলি পুনরায় মাটি চাপা দিয়া তাড়াতাড়ি উঠিয়া নৌকায় আসিলেন এবং মাঝিদের বলিলেন, “ওরে এখানে বড় ভয়ের আতাস পেষেছি, এখনি নৌকা ছেড়ে দে।” মাঝিদের শোচাদির জন্ম একটু অবসর প্রার্থনায় কর্ণপাত করিলেন না। সেখান হইতে হই তিনি ক্রোশ সরিয়া গিয়া নৌকা বাঁধিতে বলিলেন। দীনদয়াল বলিয়াছিলেন, “গুপ্তধনে প্রথম তাহার লোভ হইয়াছিল, কিন্তু তখনই মনে হইল—যদি ইহা কোন ব্রাহ্মণের অর্থ হয়, তবে ব্রহ্মস্থহরণ পাপে অনন্তকাল নরকে বাস করিতে হইবে।” পাছে প্রোথিত অর্থ তাহাকে পুনঃপ্রলোভিত করে সে জন্ম তিনি সে স্থান ত্যাগ করিয়া পলাইয়া আসেন।

নাগমহাশয়ের বাল্য-জীবনের ঘটনা বেশী কিছু সংগ্রহ করিতে পারা যায় নাই। শৈশবকাল হইতেই তিনি অতিশয় মিষ্টভাষী, সুশীল ও বিনীত ছিলেন। সে সময় তাহার গঠন-সৌন্দর্য অতীব মনোহর এবং আকারও বেশ হৃষ্টপুষ্ট ছিল। মাথায় লম্বা লম্বা চুল থাকায় তাহাকে অতি সুন্দর দেখাইত। দরিদ্রের ঘরে জন্ম, হৃগাছি কপার বালা ভিন্ন অন্ত কোন আভরণ কখন তাহার অঙ্গে শোভা পায় নাই। কিন্তু সেই লম্বিত-কেশ স্বভাব-সুন্দর শিশু যখন নাচিয়া নাচিয়া খেলা করিত, তখন তাহাকে দেখিয়া

মুঢ় না হইত, এমন কেহ ছিল না। প্রতিবাসিনী প্রোটাগণ সেই প্রিয়দর্শন বালককে দেখিলেই ক্রোড়ে তুলিয়া লইয়া আদর করিতেন। কিন্তু আদর করিয়া কিছু খাইতে দিলে বালক কদাচ তাহা গ্রহণ করিত না।

শান্ত-স্বভাব বালক সন্ধ্যার সময় একা বসিয়া তারকাখচিত আকাশ পানে চাহিয়া থাকিত। কখন পিসীমাকে আদ্দার করিয়া বলিত, “চল মা আমরা ঐ দেশে চলে যাই, এখানে থাকতে আর ভাল লাগে না।” চঙ্গোদয় হইলে, বালক পরমানন্দে করতালি দিয়া নাচিয়া বেড়াইত। বাতাসে বৃক্ষ ছলিলে বালক ভাবিত, তাহারা ডাকিতেছে; বলিত—“মা আমি ওদের সঙ্গে খেলা কব্ৰ”;—বলিয়া দোহুল্যমান তরুণলের মত আঁকিয়া বাঁকিয়া অপূর্ব ভঙ্গীতে নৃত্য করিত। সে মনোরম নৃত্য দেখিয়া পিসীমা আনন্দে আত্মহারা হইয়া বালকের মনোহর মুখে বার বার চুম্বন করিতেন।

পুরাণের গল্প বলিতে পিসীমা বড় নিপুণা ছিলেন, রূপকথার ছলে রামায়ণ, মহাভারত প্রভৃতি উপাখ্যান বলিয়া বালককে ঘূম পাড়াইতেন। যে দিন সংসারের কার্যে নিতান্ত অবসন্ন হইয়া পড়িতেন, সে দিন আর পিসীমার গল্প বলা হইত না; কিন্তু বালক কিছুতেই ঘূমায় না, অশান্ত হইয়া মহা আদ্দার করে। অন্ততঃ একটি ছোটখাট গল্প না বলিলে পিসীমার নিষ্কৃতি নাই। পিসীমা যে সকল গল্প বলিতেন, কোন কোন দিন বালক সে সকল অবিকল স্বপ্নে দেখিত। স্বপ্নে দেব-দেবীর মূর্তি দেখিয়া কখন কখন ভয়ে জাগিয়া উঠিত; পার্শ্বপিসীমাতা দিনের শ্রমের পর অকাতরে পড়িয়া ঘূমাইতেছেন, বালক মহা ভীত হইলেও

তাঁহাকে জাগাইত না, স্থির হইয়া তাঁহার পার্শ্বে বসিয়া থাকিত।  
বাত্রি প্রভাত হইলে নাগমহাশয় পিসীমাকে স্বপ্নকাহিনী  
শুনাইতেন, শুনিতে শুনিতে পিসীমা বিশ্বায়ে অভিভূত হইতেন।

ছেলেবেলায় খেলাধূলায় নাগমহাশয়ের তেমন মন ছিল না;  
কিন্তু সঙ্গীদের আগ্রহে তাঁহাকে কখন কখন খেলিতে হইত।  
ক্রীড়ার সময় যদি কেহ মিথ্যা কথা কহিত, তিনি তাহার সহিত  
আলাপ বন্ধ করিতেন, এবং যতক্ষণ না সে অনুতপ্ত হইয়া  
প্রতিজ্ঞা করিত—আর কখনো মিথ্যাকথা বলিবে না, ততক্ষণ  
তাহার সহিত সৌহ্যত করিতেন না। বাল্যকালেও নাগমহাশয়  
কখন কাহারও সহিত কলহ করেন নাই। যদি কখন বালকে বালকে  
বিবাদ হইত, তিনি মধ্যস্থ হইয়া এমন সুন্দরভাবে তাহা মিটাইয়া  
দিতেন যে, প্রতিবন্দী পক্ষ-ব্যক্তির পরম সন্তুষ্ট হইয়া তাঁহার নায়কতা  
স্বীকার করিত। ক্রীড়া বা পরিহাসচ্ছলেও নাগমহাশয় কখনও  
মিথ্যাকথা বলিতেন না। অতি শিশুকাল হইতে তাঁহার অমিষ-  
চরিত্রে আবাল-বৃক্ষ-বনিতা সমভাবে মুঝ হইতেন। দেওভোগে  
এখনও এমন লোক জীবিত আছেন, যাহারা একবাকে বলেন—  
দীনদ্যালের পুত্রের গ্রায় সুশীল, সরল, সচরিত্র ও বিনীত-স্বভাব  
বালক তাঁহারা আর দেখেন নাই।

মাতার মৃত্যুর পর, পিসীমার আদর-যত্নে আরও কয় বৎসর  
কাটিয়া গেল। বয়সের সঙ্গে সঙ্গে বালকের জ্ঞান-পিপাসাও বাড়িতে  
লাগিল। এখনকার মত তখন বিদ্যালয়ের এত ছড়াছড়ি ছিল না।  
নারায়ণগঞ্জে একটি মাত্র বাঙ্গলা স্কুল ছিল। নাগমহাশয় সেইখানে  
পড়িতে লাগিলেন। কিন্তু এখানে তৃতীয় শ্রেণী অবধি পড়িয়া  
আর তাঁহার পড়া হইল না। কেন না, তৃতীয় শ্রেণী এই স্কুলের

সর্বোচ্চ শ্রেণী ছিল। সেই অববি পড়িয়া পড়া ছাড়িতে হইল—  
নাগমহাশয় অতিশয় ক্ষুণ্ণ হইলেন। পূজার সময় দীনদ্যাল দেশে  
আসিলে, তিনি পড়িবার জন্ত কলিকাতায় যাইবার ইচ্ছা প্রকাশ  
করিলেন। কিন্তু দীনদ্যাল সম্মত হইলেন না। বলিলেন, “সামাজ্য  
আয়ে কলিকাতায় পড়ার ব্যব বহন করা আমার পক্ষে একান্ত  
অসম্ভব।” নাগমহাশয়ের নিদাকণ মর্মপীড়া হইল; কলিকাতায়  
পড়িবার আশায় জলাঞ্জলি দিয়া তিনি দেশে স্থুলের সন্ধান করিতে  
লাগিলেন। শুনিলেন, ঢাকায় অনেকগুলি বিদ্যালয় আছে।  
নারায়ণগঞ্জ হইতে ঢাকা পাঁচ ক্রোশ দূর। সেখানে পড়িতে গেলে  
নিত্য দশ ক্রোশ পথ হাটিতে হইবে। পিসীমা এ প্রস্তাবের প্রতিকূল  
হইলেন, বালকসঙ্গীরা অনেক বারণ করিল; নাগমহাশয় কাহারও  
কথা মানিলেন না। কাহাকেও কিছু না বলিয়া, কোঁচার খোটে  
চারটি মুড়কী বাঁবিয়া লইয়া পরদিন সকালে ঢাকা যাত্রা করিলেন।  
বিদ্যালয়ের অনুসন্ধানে সমস্ত দিন কাটিয়া গেল। একটি বাঙ্গলা-  
ক্ষুল মনোমত করিয়া বাটী ফিরিলেন। বাটী আসিতে সন্ধ্যা অতীত  
হইল। পিসীমা তখন পাড়ায় পাড়ায় তাঁহাকে অন্বেষণ করিয়া  
বেড়াইতেছেন। নাগমহাশয়কে প্রত্যাগত দেখিয়া তাঁহার আর  
আনন্দের সীমা রহিল না। অগ্রে যন্ত করিয়া আহার করাইলেন,  
তারপর সমস্ত দিন অদর্শনের কারণ জিজ্ঞাসা করিলেন। নাগমহাশয়  
সকলকথা বলিয়া বলিলেন, “কাল হইতেই পড়িতে যাইব ঠিক  
করিয়াছি, সকালে ৮টার মধ্যে দুটি রাঁধিয়া দিতে হইবে।” বালকের  
আগ্রহ দেখিয়া পিসীমা বলিলেন, “তা রামজী তোর মঙ্গল কব্বেন,  
পথে তোর কোন বাধা-বিঘ্ন হবে না।”

পরদিন স্থুলে ভর্তি হইবার মত কিছু সম্বল লইয়া আহারাদি

করিয়া ৮টার সময় নাগমহাশয় ঢাকা গেলেন এবং নর্ম্ম্যাল স্কুলে  
ভর্তি হইলেন। এই বিদ্যালয়ে তিনি পনের মাস পড়িয়াছিলেন।  
এই পনের মাসের মধ্যে তাহার কেবল দুই দিন মাত্র স্কুল কামাই  
হইয়াছিল। রৌদ্র, বৃষ্টি, হিম সমতাবে মাথার উপর দিয়া গিয়াছে,  
একদিনের জন্মও তাহার অটল অধ্যবসায় দমিত হয় নাই। কিন্তু  
উৎকট পবিশ্রমে তাহার শরীর দিন দিন শ্রীণ হইতে লাগিল।  
তিনি বলিতেন, “ঢাকায় পড়িতে যাইতে আমার তিলমাত্র কষ্ট  
অনুভব হইত না। সোজামুজি বনের ভিতব দিয়া চলিয়া যাইতাম।  
ফিবিবার সময় যদি কোন দিন কুধার উদ্রেক হইত, এক পঞ্চাশ  
মুড়কী কিনিয়া খাইতে খাইতে বাড়ী চলিয়া আসিতাম।”

একদিন বাড়ী আসিবার সময় তিনি পথে একটি প্রেতাঙ্গা  
দেখিতে পান। এ সমস্কে তিনি বলিয়াছিলেন, “ভূতপ্রেত  
প্রভৃতি অপদেবতা কিছুই মিথ্যা নহে। কাবণ, ঠাকুর বলতেন—  
ও সব সত্য। ঢাকায় যখন হেটে পড়তে যেতাম তখন এক  
দিন বাড়ী ফেব্রুয়ার সময় বড় রাস্তার পোলের ধারে একটা ভূত  
দেখেছিলাম। নিকটবর্তী একটা প্রকাণ্ড অশ্বথ বৃক্ষ আশ্রয় করে  
ভূতটা পশ্চিম মুখে হয়ে দাঢ়িয়েছিল। আমি আন্মনে আসছি,  
আর হটাঁ গ্রিটে নজবে পড়ে গেল; দেখে বসে পড়লাম। কিন্তু  
বহুক্ষণ চেয়ে চেবেও যখন দেখি ত্রি ভূতটা সরে গেল না, তখন মনে  
হল—ও কি ছাঁটি ভূত ভস্তু। আমি ত ওর কোন অনিষ্ট করি  
নি, ও কেন আমার অনিষ্ট কববে? এই ভেবে জোর করে  
দাঢ়ালাম, সাহস করে অগ্রসর হতে লাগলাম। ত্রি গাছের নীচ  
দিয়ে এলাম, কিন্তু আমায় বিছুই বললে না। ত্রি গাছ পেরিয়ে  
গেছি, এমন সময় আমি পিছনে ভয়নক অটুহাসির আওয়াজ

কাণে পেতে লাগ্লাম। কিন্তু আমি আর ফিরে চেয়ে দেখলাম না। ঢাকা যাওয়া আসার সময় আরও হই তিন দিন তার দর্শন পেয়েছি। কিন্তু আমায় কোন দিনও কিছু বলে নি। শেষে দেখে দেখে মাঝুষের মত বোধ হোত।”

নাগমহাশয়ের উপর এই স্থলের এক শিক্ষকের পুত্রনির্বিশেষ প্রেছে ছিল। তাহাকে নিত্য পদব্রজে যাইতে দেখিয়া তিনি বলিয়াছিলেন, “বাবা, আর অমন কষ্ট করে পড়তে এস না। না হয় আমার ওখানে থাকবে, যে করে হোক তোমার খরচ চালাব।” নাগমহাশয় উত্তর দিলেন, “আমার কোন কষ্টই হয় না।” পড়াশুনায় তাহার আগ্রহ দেখিয়া উক্ত শিক্ষক বলিতেন, “না জানি কালে এ বালক কি হইয়া দাঢ়াইবে।” শিক্ষক জীবিত থাকিলে দেখিতেন, তাহার ভবিষ্যদ্বাণী অঙ্গরে অঙ্গরে সফল হইয়াছিল।

ঢাকা নর্ম্ম্যাল স্থলে নাগমহাশয় অত্যন্ত কাল মাত্র পড়িয়াছিলেন। কিন্তু এই অল্পদিনেই বাঙ্গলা ভাষা অতি সুন্দরভাবে তাহার আয়ত্ত হয়। তাহার হস্তাক্ষর যেমন মুঙ্গপংক্তির হ্যায়, রচনাও তেমনি সরল, সারবান্ত ও হৃদয়গ্রাহী ছিল। সেকালের তুলনায় সেরূপ সুন্দর রচনা অতি বিরল। তাহার এই সময়ের সকল প্রবন্ধই ধর্ম ও চরিত্রগঠন উদ্দেশ্যে রচিত। ভবিষ্যতে যখন নাগমহাশয় কলিকাতায় ডাক্তারি পড়তে আসেন, সেই সময় এই রচনাগুলি “বালকদিগের প্রতি উপদেশ” নাম দিয়া পুস্তকাকারে তিনি ছাপাইয়াছিলেন। এই পুস্তক-প্রণয়ন বা মুদ্রাঙ্কণ সম্বন্ধে তিনি কখন কাহাকেও কোন কথা বলেন নাই। এমন কি, তাহার চিরস্মৃহান্ত স্মরণে পুস্তক মুদ্রিত হইবার পূর্বে কিছু জানিতে পারেন নাই। বই ছাপা হইলে নাগমহাশয় তাহাকে একথণ

উপহার দিয়াছিলেন। তার পর সমস্ত পুস্তকগুলি দেশস্থ বালক-দিগকে বিতরণ করিয়াছিলেন। দেওভোগে এই পুস্তকের হ' এক খণ্ড এখনও দেখিতে পাওয়া যায়।

নাগমহাশয়ের পরম ভক্ত শ্রীযুক্ত হরপ্রসন্ন মজুমদার মহাশয়ের গৃহিণী নাগমহাশয়ের মুখে তাহার বাল্য-জীবন সম্বন্ধে কোন কোন কথা শুনিয়াছিলেন। তাহার কিয়দংশ লিপিবদ্ধ করিয়া তিনি লেখককে যে পত্র লিখিয়াছিলেন, নিম্নে তাহা উক্ত করা গেল—

“বাবার ( নাগমহাশয়ের ) বাল্য-জীবন কিষ্টি কোন জীবনের ঘটনা আমি অবগত নহি বা কোনরূপে লিপিবদ্ধ করি নাই। তবে আমার সহিত সাক্ষাৎ হওয়ার পর, তিনি উপদেশচ্ছলে আমাকে যাহা যাহা বলিয়াছিলেন, তাহার স্মরণার্থ কিছু কিছু ঘটনা আমি একথানা বহিতে লিখিয়াছিলাম। কিন্তু তাহাতে তাহার জীবনের বিশেষ কোন ঘটনা পাইবার বা জানিবার কোন আশা নাই। তবে দুই-একটি ঘটনা, যাহা তিনি নিজমুখে আমাকে বলিয়াছিলেন তাহাই-তোমার অনুরোধে লিখিতেছি। বোধ হয় তাহা তুমিও জান। কিন্তু তোমার অনুরোধ এড়াইতে আমার সাধ্য নাই; কারণ, আমি জানি তুমি তাহার আদরের সন্তান ছিলে। ধর্ম সম্বন্ধে আমার সহায়তায় যদি কাহারও কোন উপকার হয়, আমি একাগ্রহদয়ে অকৃত্তিচিত্তে তাহা করিতে স্বীকৃত আছি। ইহাতে যদি আমার স্বার্থের হানি অথবা বিষয় সম্পর্ক ত্যাগেও তোমাদের কিছুমাত্র সহায়তা হয়, তবে আপনাকে ধন্ত মনে করিব।

“সত্য কথা সম্বন্ধে তিনি নিজ মুখেই একদা বলিয়াছিলেন যে, কোন সময়ে খেলার সময় তাহার সমবর্স্ক স্থাগণ তাঁদের অপর পক্ষকে অঙ্গ করিবার জন্ত একটি মিথ্যা কথা

বলিতে বাবাকে বার বার অনুরোধ করে। বাবা তাহা বলিতে অস্বীকৃত হওয়ায় তাহাদের পক্ষের হার হয়; তাহাতে তাহার বাল্যবন্ধুগণ রাগত হইয়া বাবাকে ধানক্ষেত্রের উপর টানিয়া টানিয়া তাহার কোমলাঙ্গ ক্ষতবিক্ষত করিয়া দেয়। বাবার সে যন্ত্রণা শ্মরণ করিয়া আমার এখনও অশ্রুপাত হয়। এইরূপ অকারণ শাস্তি দিয়া বাবার স্থাগন আরও বলে—তোমার সত্য কথায় যদি আমাদের আবার এরূপ হার হয় তবে এর চেয়ে অধিক শাস্তি দিব। বাবা রক্তাভ্যরীরে গৃহে প্রত্যাগত হইলে, তাহার বাবা ও পিসীমাতা এ বিষয়ে কত মতে জিজ্ঞাসা করেন, কিন্তু ইহা লইয়া পাঢ়ায় একটা গোলযোগ হইবে মনে করিয়া বাবা ঘুণাক্ষরেও এ বিষয়ে কিছু প্রকাশ করেন নাই।

“১৩১৪ বৎসর বয়সে তিনি নাকি ঢাকা মেডিকেল কলেজে \*  
ভর্তি হন। \*

“সকাল সকাল তাহার পিসীমাতা বাবাকে আলুভাতে ভাত  
রাঁধিয়া দিতেন, তিনি তাহাই খাইয়া পায়ে হাঁটিয়া ঢাকায় পড়িতে  
যাইতেন। আবার পায়ে হাঁটিয়া বাড়ী ফিরিয়া আসিতেন। একদিন  
ঢাকা হইতে ফতুল্লা গ্রাম পর্যন্ত চলিয়া আসিয়াছেন; ভয়ানক ঝড়-

---

\* কিন্তু প্রক্ষেপ শুরুশচন্দ্র মন্ত মহাশয় বলেন—“একথা সত্য নহে।  
নাগমহাশয় কলিকাতায় আসিয়া Campbell Medical School-এ ভর্তি  
হইয়া দেড় বৎসর অধ্যয়ন করেন। পরে হোমিওপ্যাথি শিক্ষা করেন। ঢাকা  
নশ্ব্যাল স্কুলে পড়িতে যাইতেন মাত্র। কলিকাতায় যখন আমার সহিত তাহার  
পরিচয় হয়, তখন দেখিয়াছিমাম তিনি Hiley's Grammar পড়িতে পারিতেন।  
অনেকস্থল কঠিন ছিল। কিন্তু সকল কথা ভালঝুপ উচ্চারণ করিতে পারিতেন  
না। আমি তাহাকে বলিতাম, ‘তোমাদেব বাঙালদেশে পঙ্গিত জন্মায় বটে,  
কিন্তু এ দেশের লোকের মত ইংরাজী বলতে-কইতে পারে না।’ তিনি  
আমার কাছেও একটু ইংরাজী পড়িতেন।

বৃষ্টি ও অঙ্ককারে, দেশে যেন প্রলয়ের স্মৃচনা হইয়াছে ; ফতুল্লার দোকান-পসার সব বন্ধ হইয়া গিয়াছে—এ সময় কাহাকেও ডাকিলে কদাচ দোর খুলিয়া দিবে না ; বিশেষতঃ নিজের স্ববিধার জন্ম অন্তকে বিরক্ত করা ছোটকাল হইতেই বাবার অভ্যাস ছিল না । স্বতরাং ঝড়-বৃষ্টি মাথায় করিয়াই বাবা অগ্রসর হইতে লাগিলেন । তখন বৈশাখ মাস । ভয়ানক মেঘগর্জন ও প্রবল ঝড়-বৃষ্টিতে বাবার মনে মহা আতঙ্ক উপস্থিত হইল ; ঘন ঘন বিদ্যুতের উন্মেষণে তিনি রাস্তা দেখিয়া চলিতে লাগিলেন । নারায়ণগঞ্জের অন্তিমদূরে অবস্থিত শ্রীশ্রিলক্ষ্মীনারায়ণজীউর মন্দিরের পাশ দিয়া বাবার বাড়ীতে যাইতে রাস্তার ধারে যে একটা পুরু আছে, চলিতে চলিতে বাবা হঠাৎ পা পিছ্লাইয়া ঐ পুরুরে পড়িয়া যান । শত চেষ্টাতেও আর উঠিতে পারেন না, হুরুঘাস ধরিবার চেষ্টা করেন, তাহাও ছিঁড়িয়া যায় ; তথাপি বাবা সাহসে ভর করিয়া উঠিতে চেষ্টা করিতে লাগিলেন । তখন তাহার কেবল পিসীমার মুখ স্মরণ হইতে লাগিল । না জানি তিনি বাবার জন্ম ভাবিয়া কতই আকুল হইতেছেন, এই চিন্তা করিয়া রামনাম করিতে করিতে বহু আয়াসে বাবা পুরু হইতে উঠিয়া পড়েন । তারপর কিছুই হয় নাই ; এইরূপ ভাবে ধীরে ধীরে বাড়ীতে উপস্থিত হন । বাবার পিসীমাতা তখন চিন্তিতা হইয়া বাতি লইয়া কেবল ঘর-বাহির করিতেছিলেন এবং তাহার নাম ধরিয়া ডাকিতেছিলেন । বাবা বাড়ীতে উপস্থিত হইয়া কিন্তু ঘটনার বিন্দুবিসর্গও পিসীমাকে বলেন নাই । এই মাত্র বলিয়াছিলেন, ‘আজ পথে খুব ভিজেছি, আর তেমন কোন কষ্ট হব নি’ ।”

নাগমহাশয় ক্রমে কিশোর বয়সে পদার্পণ করিলেন । যাত্-হীন বালকের সংসার-বন্ধন দৃঢ় করিবার জন্ম পিসীমা তাহার

বিবাহের উদ্ঘোগ করিতে লাগিলেন। ষটক দ্বারা পাত্রী অন্বেষণ করাইয়া কলিকাতায় দীনদয়ালকে সংবাদ দিলেন। বিজ্ঞমপুরের অন্তর্গত রাইজিংডিয়া গ্রামনিবাসী শ্রীযুক্ত জগন্নাথ দাসের একাদশ বর্ষীয়া কন্তা শ্রীমতী প্রসন্নকুমারীর সহিত নাগমহাশয়ের বিবাহ হইল। প্রসন্নকুমারীর তিনি সহোদর,—মহেশ, হরেন্দ্র ও ভগবানচন্দ্ৰ। জগন্নাথ বেশ অবস্থাপন্ন লোক ছিলেন।

নাগমহাশয়ের ও তাঁহার ভগিনী সারদাৰ এক রাত্রে বিবাহ হয়। গোধূলি লঘে ভাতার এবং শেষরাত্রে ভগিনীৰ বিবাহ হইল। বিবাহের পাঁচ মাস পরে নাগমহাশয় কলিকাতায় আসিলেন।

---

# ବିତୌଯ ଅଧ୍ୟାୟ

## କଲିକାତାୟ ଆଗମନ

କଲିକାତାୟ ଆସିଯା ପିତାର ବାସାୟ ଥାକିଯା ନାଗମହାଶୟ କ୍ୟାଷେଲ ମେଡିକ୍ୟାଲ ସ୍କୁଲେ ଡାକ୍ତାରୀ ପଡ଼ିତେ ଆରଣ୍ୟ କରିଲେନ । କିନ୍ତୁ ତୀହାର ଅଧ୍ୟଯନସ୍ମୃତୀ ଯେମନ ବଲବତ୍ତୀ ଛିଲ, ତେମନ ଫଳବତ୍ତୀ ହିତେ ପାରେ ନାହିଁ । ଏଥାନେଓ ତୀହାର ଦେଡ଼ ବୃଦ୍ଧିରେ ଅଧିକ ପଡ଼ା ହଇଲା ନା । କି କାରଣେ ସେ ତିନି କ୍ୟାଷେଲ ସ୍କୁଲ ପରିତ୍ୟାଗ କରେନ, ତାହା ତୀହାର ଜୀବନେବ ଅନେକ ସ୍ଟନ୍ଡାର ମତ ଅନ୍ଧକାରାଚ୍ଛନ୍ନ ।

- କ୍ୟାଷେଲ ସ୍କୁଲ ଛାଡ଼ିଯା ନାଗମହାଶୟ ବିଖ୍ୟାତ ଡାକ୍ତାର ବିହାରୀଲାଲ ଭାଦୁଡ଼ୀର ନିକଟ ହୋମିଓପାର୍ଟ୍ୟାଥି ପଡ଼ିତେ ଆରଣ୍ୟ କରେନ । ଡାକ୍ତାର ଭାଦୁଡ଼ୀ ନାଗମହାଶୟରେ ଅମିଯ ଚରିତ୍ରେ ଦିନ ଦିନ ଅଧିକତର ଆକୃଷିତ ହିତେ ଲାଗିଲେନ ଏବଂ ତୀହାର ଅଧ୍ୟଯନେ ଆଗ୍ରହ ଦେଖିଯା ଅତି ସମ୍ମର୍ମଦ୍ଦିତ ଶିକ୍ଷା ଦିବାର ଜଗ୍ତ ତିନି ନାଗମହାଶୟକେ ସଙ୍ଗେ କରିଯା ରୋଗୀ ଦେଖିତେ ଯାଇଲେନ । ସକାଳ-ସନ୍ଧ୍ୟା ଛବେଲା ଯାଇଯା ନାଗମହାଶୟ ଭାଦୁଡ଼ୀର ନିକଟ ପଡ଼ିଯା ଆସିଲେନ ଏବଂ ବାସାୟ ବସିଥା ଅତୀତ ବିଷୟେର ପୁନରାଲୋଚନା କରିଲେନ । ଏଇକପେ ପ୍ରାୟ ଦୁଇ ବୃଦ୍ଧିର କାଟିଯା ଗେଲ ।

ଡାକ୍ତାରୀ ଶିକ୍ଷାର ଜଗ୍ତ ନାଗମହାଶୟକେ ଏଥିନ ଅଧିକାଂଶ ସମୟରେ କଲିକାତାୟ ଥାକିତେ ହିତ । ସ୍ଵର୍ଗ ପ୍ରାୟ ପିଆଲରେ ଥାକିଲେନ । ଶୁତରାଂ ବିବାହେର ପର ପରିବାରେର ସହିତ ଆଲାପ-ପରିଚୟ ହଇବାର ତୀହାର ବଡ଼ ସୁଯୋଗ ହୟ ନାହିଁ । ସୁଯୋଗ ହିଲେଓ ନାଗମହାଶୟ

বধূর সংস্পর্শে আসিতে ভীত হইতেন। তিনি যখন দেশে যাইতেন, বধূ যদি সে সময় দেওভোগে থাকতেন, পাছে তাঁহার সহিত রাত্রি-যাপন করিতে হয়, এই ভয়ে সন্ধ্যা হইলেই গাছে উঠিয়া বসিয়া থাকিতেন। পিসীমা তাঁহাকে নিজের ঘরে স্থান দিবেন, এরপ অঙ্গী কারাবন্দ না হইলে তিনি কদাচ নামিয়া আসিতেন না। যোগমায়া বলিয়া দীনদয়ালের বাসায় একজন পরিচারিকা ছিল। দীনদয়াল তাঁহাকে কণ্ঠার মত দেখিতেন; নাগমহাশয় তাঁহাকে “বোন্দিদি” বলিয়া ডাকিতেন। যোগমায়া কখন কখন দীনদয়ালের সঙ্গে দেওভোগে যাইত। বধূর উপর নাগমহাশয়ের ঈদৃশ ব্যবহার সে স্বচক্ষে দেখিয়া স্বরেশ বাবুকে বলিয়াছিল।

পিসীমা ভাতুশ্পুত্রের এই অলৌকিক আচরণ দেখিয়া মনকে প্রবোধ দিতে লাগিলেন—বধূর সহিত সন্তাব সম্প্রীতি এখন না হউক, কালে হইবে। কিন্তু হায় দুরস্ত কাল তাঁহার সকল আশা ভরসায় ছাই দিয়া, অকালে বধূটিকে হরণ করিয়া লইল! কলিকাতায় সংবাদ আসিল, আমাশয় রোগে তাঁহার মৃত্যু হইয়াছে। বালিকার অকাল মৃত্যু নাগমহাশয়ের হন্দয় স্পর্শ করিল, কিন্তু এক পক্ষে তাঁহার মনে শান্তি আসিল। ভগবান् সংসারবন্ধন হইতে অব্যাহতি প্রদান করিলেন ভাবিয়া তিনি নিশ্চিন্ত হইলেন। দীনদয়ালের বড়ই আঘাত লাগিল। আপনি গৃহশূণ্য হইয়া আর দারপরিগ্রহ করেন নাই। ভাবিয়াছিলেন পুত্রের বিবাহ দিয়া ভাঙ্গাঘর নৃতন করিয়া বাঁধিবেন। হায় বিধাতার বিড়ম্বনা! উপায় কি? দীনদয়াল স্থির করিলেন, পুত্রের আবার বিবাহ দিবেন। পুত্রকে লইয়া অবিলম্বে দেশে গেলেন; কিন্তু মনোমত পাত্রী পাওয়া গেল না। দেশে ছদ্ম থাকিবার উপায় নাই,—নিজের কাজকর্মের

ক্ষতি, পুত্রেরও পড়া-শুনার ব্যাঘাত। জামাতার উপর কল্যানির্বাচনের ভারদিয়া পুত্রসহ পুনর্বার বলিকাতাব চলিয়া আসিলেন।

আবার হোমিওপ্যাথি চর্চা আরম্ভ হইল। একটি ছেটখাট ঔষধের বাস্তু কিনিয়া নাগমহাশয় পাড়ায় পাড়ায় গরীব-হংখীদিগকে চিকিৎসা ও ঔষধ বিতরণ করিতে আরম্ভ করিলেন। ডাক্তার ভাদুড়ী বলিতেন, অনেক উৎকট ইশ্চিকিৎসা বাধিতে নাগমহাশয়ের নির্দিষ্ট ঔষধ ব্যবহার করিয়া তিনি উৎকৃষ্ট ফললাভ করিয়াছেন। ঔষধ নির্বাচনে নাগমহাশয়ের আশ্চর্য নিপুণতা ছিল। নাগমহাশয়ের শাশুড়ী একবার কলিকাতায় আসিয়াছিলেন; তিনি জামাতার অলৌকিক চিকিৎসা দেখিয়া বলিতেন, “জামাই আমার সাঙ্গাং মহাদেব, যাহাকে যা ঔষধ দিতেন তাহাতেই তাহার কল্যাণ হইত।” ক্রমে চারিদিকে নাগমহাশয়ের স্বনাম ছড়াইয়া পড়িল। পঠদশাতেই নবীন চিকিৎসক গরীব-হংখীদিগের ভরসাস্থল হইয়া দাঢ়াইলেন। ক্রমে বাসায় রোগীর ভিড় বাড়িতে লাগিল। ইচ্ছা হইলে নাগমহাশয় এখন হইতেই অর্থোপার্জন করিতে পারিতেন, কিন্তু তাহা তিনি করেন নাই। এ সময় তিনি যে চিকিৎসা করিতেন, তাহা ব্যবসায় নহে—পরোপকার।

পরোপকার করিবাব স্বয়েগ নাগমহাশয় কখন ছাড়িতেন না। পরের জন্ত হীনকার্য করিতে তিনি কখন কুণ্ঠিত হন নাই। তাহার পিতৃবন্ধুগণ সময়ে সময়ে তাহাব দ্বারা হাট-বাজার করাইয়া লইতেন। নাগমহাশয় তাহাদের চালের মোট, কাঠের বোৰা পর্যন্ত বহন করিতেন।

বিপন্ন ব্যক্তিকে রক্ষা করিবার জন্ত নাগমহাশয় সর্বদাই বন্ধপরিকর ছিলেন। প্রেমচান্দ মুন্সী বলিয়া হাটখোলায় একজন

ধনী ছিলেন। প্রভৃতি অর্থ থাকিলেও, মুসী মহাশয় বাসায় চাকর রাখিতেন না। তাহার এক দূরসম্পর্কীয় ভাই ছিল, তাত রঁধা হইতে জল তোলা পর্যন্ত সেই সমস্ত কার্য করিত। মুসী মহাশয় প্রত্যহ গঙ্গাস্নান করিতেন। তাহার নিত্যকর্ম ছিল স্বানের পূর্বে একবার নাগমহাশয়দের বাসায় আসা আর মুহূর্তঃ নাগমহাশয়কে দিয়া তামাক সাজাইয়া খাওয়া; তারপর তেল চাহিয়া লইয়া মাখিতেন, পরে গঙ্গাস্নান করিয়া বাটী ফিরিতেন। এইরূপে দিন বাইতেছিল। দৈবাং তাহার সেই ভাইটি মরিয়া গেল। প্রেমচান্দ বড় ক্লপণ ছিলেন, বাজে খরচের ভয়ে পাড়ার লোকের সঙ্গে মেশামিশি করিতেন না। আজ ভারি বিপদে পড়িলেন, সৎকার করাইবার জন্য একটি লোকও পাইলেন না। কায়স্ত লক্ষ্যপতি প্রতিবাসিগণের দ্বারে দ্বারে ফিরিলেন, কিন্তু এক প্রাণীও তাহার সহায় হইল না। নিরূপায় মুসী মহাশয় নাগমহাশয়দের আশ্রয় গ্রহণ করিলেন। পিতা-পুত্রে শবদাহ করিয়া তাহাকে সে যাত্রা রক্ষা করেন।

নাগমহাশয় ডাক্তার ভাইড়ীর কাছে প্রায় এক বৎসর পড়িবার পর স্বরেশবাবুর সঙ্গে তাহার পরিচয় হয়। স্বরেশ তাহাকে “মামা” বলিয়া ডাকিতেন; কেন, এখন তাহার স্বরণ নাই। হাটখোলার প্রসিদ্ধ দত্তবংশে স্বরেশের জন্ম। শ্রীরামকৃষ্ণের ক্লপালাভের পূর্বে তিনি ব্রাঙ্কভাবাপন ছিলেন। একদিকে স্বরেশচন্দ্ৰ নিরাকার ব্ৰহ্মবাদী, ঠাকুৱ-দেবতা কিছুই মানেন না; অন্তদিকে নাগমহাশয় ঘোড়া হিন্দু, দেব-দ্বিজে অটল শৰ্কাপৱায়ণ। সময়ে সময়ে উভয়ে ঘোৱতৰ বাক্যুক্ত হইত। নাগমহাশয় বলিতেন, “হিন্দু দেব-দেবীও সত্য, আর ব্ৰহ্মবাদও সত্য। তবে অনেক সাধনভজনের পর

জীবের জন্ম জন্মান্তরে ব্রহ্মজ্ঞান হতে পারে, কিন্তু সে লক্ষের মধ্যে ছু এক জনের হয় বিনা সন্দেহ।” আবার বলিতেন, “বেদ, পুরাণ, তন্ত্র, মন্ত্র, তবে কি এ সকল তুমি মিথ্যা বলতে চাও? ব্রহ্মজ্ঞান চরম লক্ষ্যস্থল বটে, কিন্তু এ সকল পেরিয়ে না গেলে তা লাভ হতে পারে না। মহামায়ার ক্লপা না হলে, তিনি পথ ছেড়ে না দিলে কার সাধ্য যে ব্রহ্মজ্ঞান লাভ করে!“ সুরেশ মুখে সতেজে উত্তর দিতেন, “রেখে দাও মামা, তোমার শাস্ত্র-মাস্ত্র, আমি ওসব মানিনি;” কিন্তু নাগমহাশয়কে প্রতি দেবদেবীর প্রতিমার সম্মুখে সাষ্টাঙ্গে প্রণিপাত করিতে দেখিবা এবং ব্রাহ্মণে তাঁহার অচলা শৰ্কা দর্শন করিয়া সুরেশ মনে মনে বলিতেন—এরূপ বিশ্বাস থাকিলে অচিরে যে ব্রহ্মজ্ঞান লাভ হইতে পারে তার আর সন্দেহ কি?

প্রতি সন্ধ্যায় সুরেশ নাগমহাশয়ের বাসায় যাইতেন। প্রায় প্রতিদিনই এইকপ বাদামুবাদ হইত, কিন্তু কেহ কাহাকেও স্বয়তে আনিতে পারিতেন না। কি করিয়া যে এই পরম্পরবিরোধী প্রকৃতি পরম্পরকে প্রথম আকৃষ্ণ করিয়াছিল, জানি না। কিন্তু প্রথম পরিচয় হইতে উভয়ের জীবনব্যাপী সৌহৃদ্য হইয়াছিল। দেখা হইলে ভগবৎ-প্রসঙ্গ ভিন্ন তাঁহাদের অন্ত আলাপ হইত না।

সুরেশ নাগমহাশয়কে কখন কখন কেশববাবুর সমাজে লইয়া যাইতেন। কেশবের বক্তৃতায় নাগমহাশয় মুক্ত হইতেন; কিন্তু সমাজের আচার-ব্যবহার তাঁহার ভাল লাগিত না। ব্রাহ্মসমাজ হইতে প্রকাশিত “চৈতন্তচরিত,” “কপসন্নাতন,” “মুসলমান সাধু-গণের জীবন” প্রভৃতি গ্রন্থসকল নাগমহাশয় অতি আগ্রহের সহিত পাঠ করিতেন। নববিধান সমাজের “আমায় দে মা পাগল করে” গানটি উন্মত্তভাবে গাইতেন, কিন্তু তাঁহার সুরক্ষিত ছিল না।

স্বরেশ বলেন, প্রথম আলাপ হইতেই তিনি দেখিয়াছিলেন, নাগমহাশয়ের জীবন একেবারে কালিমাশৃঙ্খ। বাল্যকাল হইতেই সদাচারী ও ধর্মনির্ণয়। নাগমহাশয় আজীবন সকল প্রকার লোকাচার, দেশাচার ও গৃহস্থাচার মানিয়া চলিতেন, কখন তাহার অন্তর্থা করেন নাই। শোনা যায়, বাল্যকালে “হাতেম তাই” গ্রন্থ নাগমহাশয়কে বিশেষ আকৃষ্ট করিয়াছিল, কিন্তু বিশ্বাস ও ঈশ্বরামুরাগ শ্বাস-প্রশ্বাসের গ্রায় তাহার সহজাত ছিল। এক সময় কয়েকটি বছু নাস্তিক মতের পুস্তকাদি পাঠ করিয়া, নানাভাবে নাস্তিক মত প্রচার করিতেন। নাগমহাশয়ের সঙ্গে কখন কখন তাহাদের বাগ্-বিতঙ্গ হইত। কিন্তু তর্কে পরাজিত হইয়াও নাগমহাশয় দৃঢ়স্বরে বলিতেন, “ঈশ্বর যে আছেন, তাতে আমার তিলমাত্র সন্দেহ নাই।” এ তাহার প্রথম বয়সের কথা। তাবী জীবনে তিনি পুনঃ পুনঃ বলিতেন, “আছে বস্ত লয়ে আবার বিচার কেন? ভগবান যে স্মর্যের গ্রায় স্বতঃপ্রকাশ।”

এই সময় ডাক্তারী শিক্ষায় নাগ মহাশয়ের আর তেমন অমুরাগ রহিল না। তৎপরিবর্তে শাঙ্কুচর্চা করিতে লাগিলেন। কিন্তু পিতার অহুযোগে ডাক্তার ভাইড়ীর সংস্কৰণ একেবারে ত্যাগ করিতে পারিলেন না। নাগমহাশয় সংস্কৃত ভাষা জানিতেন না। পুরাণ, তন্ত্র প্রভৃতির যে সকল বঙ্গাহুবাদ হইয়াছিল, তাহাই যত্ন করিয়া পাঠ করিতেন। পত্রিত পাইলে আগ্রহ সহকারে শাঙ্কুমৰ্শ বুঝাইয়া লইতেন। নিত্য গঙ্গাস্নান, নিয়মিতরূপে একাদশীত্বত পালন করিতেন এবং প্রতিদিন সায়াহে কুমারটুলীর সন্নিকটে কাশী মিত্রের শুশানঘাটে বেড়াইতে যাইতেন। কোন কোন দিন অনেক রাত্রি পর্যন্ত চিঞ্চাকুল হৃদয়ে সেথায় বসিয়া থাকিতেন। রাত্রি গভীর।

লম্বিত শব্দ বক্ষে ধারণ কবিয়া ধিকি ধিকি চিতা জলিতেছে ! শশান-বাসী অশ্বথের সহিত, শশানবাহিনী জাহানী সমষ্টিবে স্মৃত মিলাইয়া জীবন-মবগের কি একটা কক্ষণ গান গাহিতেছেন—সে গানের ভাষা নাই, অথচ তাহা মর্মস্পর্শ ! নাগমহাশয় বসিয়া বসিয়া ভাবিতেন, অনিত্য অনিত্য, সকলই অনিত্য ! একমাত্র সত্য ভগবান्, তাহাকে লাভ করিতে না পারিলে, এ জীবন বিড়ম্বনা ; কেমন করিয়া তাহাকে লাভ করিব ? কে আমায় পথ বলিয়া দিবে ?

কাণ্ঠি মিত্রের শশানবাটে কখন কখন সাধু, সন্ন্যাসী, সাধক আসিতেন। নাগমহাশয় ব্যাকুল হইয়া তাহাদিগকে জিজ্ঞাসা করিতেন। কেহই তাহাকে সত্ত্বে দিতে পারিতেন না। নাগমহাশয় বুঝিলেন—অধিকাংশ সাধকই ‘সিঙ্কি সিঙ্কি’ কবিয়া ঘূরিয়া বেড়াইতেছেন, পরাভুতি লাভ তাহাদের উদ্দেশ্য নহে। একদিন এক তাত্ত্বিকের সঙ্গে এই শশানে তাহার সাক্ষাৎ হব। বামাচার সাধনা কিকপ জিজ্ঞাসা করিলে ঐ তাত্ত্বিক কতকগুলি বীভৎস ব্যাপার বর্ণনা করিতে আরম্ভ করেন। তাহার ব্যাখ্যা শুনিয়া নাগমহাশয় বলিলেন, “আপনাকে এখনও অনেক ঘাটের জল খেতে হবে। আপনি তন্ত্রের মর্ম কিছুই বুঝতে পাবেন নাই।” এইকপ সন্ন্যাসী ও সাধক দেখিতে দেখিতে ধর্মে আস্থা হওয়া দূরে থাকুক, নাগমহাশয়ের কখন কখন সন্দেহের উদ্দীপন হইত। কেবল এক বৃক্ষ ব্রাহ্মণের উপর তাহার শ্রদ্ধা হইয়াছিল। এই ব্রাহ্মণ তাত্ত্বিক সন্ন্যাস লইয়া শশানে সাধনা করিতেন। তাহার ভেদবুদ্ধি ছিল না, ব্যবহার উদার এবং প্রথর অস্তদৃষ্টি ছিল। ইনি নিয়মিতক্ষেত্রে কারণাদি ও ব্যবহার করিতেন। তাত্ত্বিক সাধনার গুচ্ছমর্ম এবং ষষ্ঠীচক্র-রহস্য অতি বিশদ ও সরলভাবে ইনি নাগমহাশয়কে বুঝাইয়া দিয়াছিলেন। তন্ত্রমতে

সাধন করিবার অভিপ্রায় প্রকাশ করিলে বৃক্ষ ব্রাহ্মণ নাগমহা  
শয়কে আশীর্বাদ করিয়া আশ্বাস দিয়াছিলেন যে, মা জগদম্বা  
অচিরেই তাহার বাসনা পূর্ণ করিবেন। এই সাধক সম্বন্ধে নাগ-  
মহাশয় বলিতেন, “ব্রাহ্মণ সাধনার পথে খুব অগ্রসর হয়েছিলেন,  
পরিণামে তাঁর সজ্ঞানে গঙ্গালাভ হয়।”

এই বৃক্ষ ব্রাহ্মণের উপদেশে, নাগমহাশয় মধ্যে মধ্যে মহানিশায়  
শ্মানে বসিয়া জপ-ধ্যান করিতেন। একদিন ধ্যান করিতে করিতে  
তাহার শুভজ্যোতি দর্শন হয়। সেই অবধি তিনি নিয়মিতরূপে  
শ্মানে গিয়া জপ-ধ্যান করিতে লাগিলেন।

সে কথা ক্রমে দীনদয়ালের কর্ণগোচর হইল। তিনি অতিশয়  
উৎকৃষ্ট হইলেন। অবিলম্বে পাত্রী স্থির করিবার জন্য জামাতাকে  
পত্র লেখা হইল। দীনদয়াল ভাবিয়াছিলেন—পুত্রের তরুণ বয়স,  
সংসারে কোন বন্ধন নাই, তাই শ্মানে সাধু-সন্ধ্যাসীর সঙ্গে ঘুরিয়া  
বেড়ায়। বিবাহ দিলেই এ সকল ছর্বুদ্ধি দূর হইবে। জামাতাও  
ত্বরা করিয়া কল্পনির্বাচন করিলেন—দেওভোগ নিবাসী রামদয়াল  
ভুঁইয়া মহাশয়ের প্রথমা পুত্রী শ্রীমতী শরৎকামিনী। কলিকাতায়  
সংবাদ আসিল। কিন্তু পুত্রের নিকট দীনদয়াল বিবাহের প্রস্তাৱ  
করিলে নাগমহাশয় বলিলেন, “আমি আর বিবাহ কৰ্ব না।”  
দীনদয়াল কত বুঝাইলেন—কিছুতেই পুত্রকে সম্মত করিতে  
পারিলেন না। এক একদিন কথায় কথায় কথাস্তুর হয়, পিতা  
রাগ করিয়া উপবাস করেন, সঙ্গে সঙ্গে পুত্রেরও উপবাস হয়।  
দিন বড় অশান্তিতেই কাটিতে লাগিল। দীনদয়াল বলিলেন,  
“তোর জন্য ভদ্রলোকদের কৰ্ত্তব্য আমাকে এ বৃক্ষ বয়সে  
মিথ্যাবাদী হতে হোল।”



১১ - 29  
Acc 22068  
৩২। ১৩। ২০২৬

নাগমহাশয়—“একবাব ত বিবাহ দিয়েছিলেন, তাতে ত তার  
মৃত্যু ঘটেছে—আবাব কোথা থেকে কাব মেয়ে এনে মৃত্যুৰ হাতে  
দিতে চাচেন ?”

দীনদ্যাল—“যাব অদৃষ্টে যা আছে বিধাতাব ইচ্ছায় তাই হয়।  
আমি তোব বাপ, আমাৰ আজ্ঞা না মানলে তোব কোন দিকে  
কিছুই হবে না। আমি শাপ দিয়ে যাব তোব যাতে ধর্ষে উন্নতি  
না হয়।”

বিষম বিপদ। একদিকে পিতাব অভিশাপ, অন্ত দিকে ধর্ষের  
পথবোধ। যোমিসঙ্গ নবকেব মূল, সেই পথেই পিতাব প্ৰেবণ।  
হা ভগবান्, কি হইবে। অতি কাতব হইয়া নাগমহাশয় একদিন  
পিতাকে বলিলেন, “দেখুন, এই বিবাহ হতেই জীবেব যত ক্লেশ  
উপস্থিত হচ্ছে। আপনি দয়া কবে এই সকল হতে নিৰুত্ত  
হন,—আব আমায় বন্ধনে ফেলবেন না। যতদিন আপনাৰ  
শৰীৱ আছে, আমি কাৰ্যমনোবাকে আপনাৰ সেবা কৰ্ব। ঘৰে  
বৈ এসে যা কৰবে, আমি তাৰ চাইতে শতগুণে আপনাৰ  
সেবা কৰ্ব। আমায় অব্যাহতি দিন।”

পুত্ৰেব বিষম মুখমণ্ডল দেখিয়া, তাহাৰ উপব তাহাৰ কাতববাক্য  
শুনিয়া বুক্কেব বড় দুঃখ হইল। ভাবিলেন—যাহাৰ স্বৰ্খেৰ জন্ত এই  
বিবাহেৰ চেষ্টা কৰিতেছি, সেই যদি অসুখী হয়, তবে কাজ কি ?  
এ সকল ছাড়িয়া দিই। কিন্তু তখনই তাহাৰ মনে হইল, হৰ্গাচৱণ  
না বিবাহ কৰিলে বংশ নিৰ্বংশ,—পিতৃপুৰুষগণেৰ জল-পিণ্ড লোপ  
হইবে। দীনদ্যাল বিচলিত হইয়া উঠিলেন, কিন্তু উপায় কি ?  
তক-যুক্তি, তিৱন্ধাৰ সকলই নিঃশেষ হইয়াছে। ব্যথিত হৃদয় বৃক্ষ  
গোপনে বসিয়া কাদিতে লাগিলেন। নাগমহাশয় সে সময় ঘৰে

ছিলেন না ; ফিরিয়া আসিয়া কক্ষে প্রবেশ করিয়া দেখিলেন বৃক্ষ পিতা কাঁদিতেছেন। হৃদয়ে বড় ব্যথা লাগিল, ভাবিলেন—বাপ বই এ সংসারে আপনার বলিতে আর আমার কেহই নাই। তায় ! আমারই জন্ত তাহাকে এত ক্লেশ পাইতে হইতেছে। দূর কর ছাই ধর্ম কর্ম, আজ হইতে পিতার কথাই পালন করিব। আমি বিবাহ করিলে বদি বাবার মনে শান্তি হয়, তাহাই করিব। পুত্র কালবিলম্ব না করিয়া বলিলেন, “বাবা, আমি বিবাহ করব।”

সহসা কথাটা বৃক্ষের হৃদয়ঙ্গম হইল না, অশ্রুসিক্ত নয়নে পুত্রের মুখপানে চাহিয়া রহিলেন। নাগমহাশয় আবার বলিলেন, “বিবাহের দিন স্ত্রির করে আপনি অবিলম্বে দেশে পত্র লিখুন।”

আহলাদে গদগদকর্ণে দীনদয়াল বলিলেন, “তুই যে আমার মান রক্ষা করলি, এতে আমার ধর্ম রক্ষা হোল। বিবাহ করে তোর যেমন ইচ্ছা তেমনি করিস্, আমি কিছুই বল্ব না। আমি কায়মনো-বাকে আশীর্বাদ করছি, ভগবান् তোর মনোবাঞ্ছণ পূর্ণ করবেন।” বলিয়াই দীনদয়াল পালবাবুদের বাড়ী গিয়া স্থুৎ-সংবাদ প্রদান করিলেন। শুভসংবাদে স্থুতি হইয়া পালবাবুরা বলিলেন,— বিবাহের আংশিক ব্যয় তাহারাই বহন করিবেন।

সবাই স্থুতি, কিন্তু যাহার বিবাহ তাহার চিত্তে দারুণ ছতাশ উপস্থিত হইল। পিতাকে বিবাহসম্মতি জ্ঞাপন করিয়াই নাগমহাশয় বাটী হইতে বাহির হইয়া গেলেন। সমস্ত দিন পথে পথে ফিরিয়া, সমস্ত রাত্রি গঙ্গার কূলে বসিয়া আকুলহৃদয়ে কাঁদিতে লাগিলেন। ব্যাথার ব্যথী নাই,—মনের বেদনা কাহাকে বলিবেন ? দিনরাত্রি অনাহারে কাটিয়া গেল। দীনদয়াল তাহার কিছুই জানিতে

পাবিলেন না। বিবাহের দিন স্থিব কবিতে, দেশে চিঠি লিখিতে ও  
প্রযোজনীয় জিনিষ পত্র কিনিতে বৃদ্ধ অতি ব্যস্ত বহিলেন।

ক্রমে ক্রমে সকল দ্রব্যই কেনা হইল, কেবল পাত্রের পোষাক-  
পবিচ্ছদ বাকি। দীনদ্যাল পাত্রকেই সে সকল মনোনীত কবিয়া  
কিনিয়া আনিতে বলিলেন। কিন্তু নাগমহাশয় কিছুতেই সম্মত  
হইলেন না। দীনদ্যাল অবশেষে আপনিই সে সকল ক্রয় কবিয়া  
আনিলেন।

আজ দেশে ঘাইবাব দিন। দীনদ্যাল জিনিষ-পত্র গুচ্ছাই-  
তেছেন; নাগমহাশয় প্রতিদিন যেমন সঙ্ক্ষ্যাব সময় গঙ্গাতীবে  
বেড়াইতে যাইতেন, আজও তেমনি গেলেন। গৃহে ফিবিবাব পূর্বে  
মা গঙ্গাকে প্রণাম কবিয়া বলিলেন, “মা ! শুনেছি তুমি পতিত-  
পাবনী ! সংসাব-আশ্রমে গিয়া যদি আমাৰ গাঁৱে ধূলা কাদা লাগে,  
তা হলে মা ধূয়ে নিও। বিপদে-সম্পদে মা আমাৰ তোমাৰ  
শ্রীপদে স্থান দিও।” তাবপৰ বাটী ফিবিয়া পিতাপুত্রে দেশে  
যাত্রা কবিলেন।

## তৃতীয় অধ্যায়

### দ্বিতীয়বার বিবাহ ও ডাক্তারী ব্যবসায়

বিবাহ-প্রসঙ্গে নাগমহাশয় বলিতেন, “শুক্র প্রজাকাম হয়ে বিবাহ কব্লে, তাতে কোন দোষ স্পর্শ্য না। কিন্তু পূর্বকার মুনি ঋষিরাই ঐরূপ বিবাহের উপযুক্ত ছিলেন। আজীবন ব্রহ্মচর্য করে হয় ত সন্তান কামনায় বিবাহ কব্লেন। ব্যাস, শুকদেব, সনক, সনৎকুমারের গ্রায় পুত্র জন্মাইয়া অন্তে বানপ্রস্থাশ্রমে গমন কব্লেন। কিন্তু এই কলিকালে তেমনটি হবার উপায় নাই। এখন সেরূপ তপস্তা নাই, কাজেই কামজ পুত্রাদি উৎপন্ন হয়ে নানা ব্যতিচারদোষে ছষ্ট হয়।” তারপর আপনার এই দ্বিতীয় পরিণয় উল্লেখ করিয়া বলিতেন, “কি করি ! পিতৃ আজ্ঞা ! বিষবৎ বোধ হলেও আমাকে তা কব্তে হোল !”

বিবাহের পাঁচ ছয় দিন পূর্বে পিতাপুত্রে দেশে পৌছিলেন। দেখিতে দেখিতে শুভদিন উপস্থিত হইল। পাত্রীর বাটী দূর নয়, গ্রামেই। বাঢ়োগ্রাম করিয়া দীনদয়াল মহানন্দে বর লইয়া চলিলেন। নির্বিষ্ণে শুভকার্য সম্পন্ন হইল। নাগমহাশয় মনে মনে এতদিন যে আশা পোষণ করিতেছিলেন,—সংসারধর্ম না করিয়া ঈশ্বরলাভে ঘন্টবান হইবেন,—তাহা ফুরাইল। তাবিলেন—বিধাতার বিড়ম্বনায় যখন সংসারে প্রবেশ করিতে হইল, তখন অর্থের প্রয়োজন। চাকরীর উপর আজীবন ঘৃণা,—স্থির করিলেন, স্বাধীন ব্যবসায় ডাক্তারী করিবেন। পিতাপুত্রে কলিকাতায় আসিলেন। স্বরেশ

বলেন, এই সময় হইতে নাগমহাশয় ভিজিট লইয়া চিকিৎসা করিতে আরম্ভ করেন।

অধ্যয়ন-স্থুথে, রোগীর পরিচর্যায়, সহদয় স্থুদের সহিত সদালাপে, ভাগবৎ-প্রসঙ্গে, নাগমহাশয়ের নিশ্চিন্ত জীবন ধীরে ধীরে বহিতেছিল ; কিন্তু সহসা নির্মল আকাশে একখানি মেঘ দেখা দিল। পত্র আসিল—পিসীমা পীড়িতা হইয়াছেন। একে বৃক্ষ বয়স, তাহার উপর আমাশয় রোগ, নাগমহাশয় উদ্বিগ্ন হইয়া দেশে গেলেন। পিসীমার কাছে পৌঁছিবামাত্র তিনি আহলাদে বলিয়া উঠিলেন, “তোর মুখ দেখে যে মরতে পাব্ব, এই আমার পরম সৌভাগ্য।” নাগমহাশয় বিস্তর চেষ্টা করিলেন, মাতৃস্থানীয়া পিসীমাকে রক্ষা করিতে পারিলেন না। মৃত্যুর পূর্বে, নাগমহাশয়কে ডাকিয়া সকলের আহার হইয়াছে কি ন। জিজ্ঞাসা করিলেন। অন্তিম সময়ের ১৫ মিনিট পূর্বপর্যন্ত বৃক্ষ বারান্দার সিঁড়িতে বসিয়া জপ করিতে-ছিলেন, বলিলেন, “আর কালবিলম্ব নাই।” নাগমহাশয়ের মাথার হাত বুলাইয়া আশীর্বাদ করিলেন, “তোর যেন রামে মতি থাকে।” নাগমহাশয়ের সঙ্গে স্নেহময়ী পিসীমার ইহজীবনে এই শেষ কথা। পিসীমা রামমন্ত্রে দীক্ষিতা ছিলেন—“রা” বলিতে বলিতে তাহার প্রাণবায়ু বহিগত হয়, নাগমহাশয় স্বকর্ণে শুনিয়াছিলেন। দ্বিতীয়বার বিবাহের সাত বৎসর পরে নাগমহাশয়ের পিসীমার মৃত্যু হয়।

শোক কি, ইতিপূর্বে নাগমহাশয় তাহা জানিতেন না। পঞ্চীর উপর তাহার মমতা বসে নাই,—প্রথমা পঞ্চীর শোক তিনি আদৌ পান নাই। শেষবে মার মৃত্যু হইয়াছিল ; এক মার পরিবর্তে আর এক মা পাইয়াছিলেন,—পিসীমার স্নেহ তাহাকে সে শোক ভুলাইয়া রাখিয়াছিল ; আজ সেই পিসীমা তাহাকে ত্যাগ করিয়া

গেলেন,—বড় শুরুতর বাজিল। গৃহবাস নাগমহাশয়ের পক্ষে অসহ হইয়া উঠিল। ছুটিয়া ছুটিয়া পিসীমার চিতাভূমে যাইতেন, সেখানে পড়িয়া রাত্রিধাপন করিতেন, কখন বা জঙ্গলে গিয়া রাত কাটাইতেন। তাহার কনিষ্ঠা ভগী সারদা বলেন, “দাদা আমার এই ঘটনায় উন্মাদের মত হয়ে উঠেছিলেন। ডেকে স্বান-আহার করাতে হোত। কখন কখন দেখতাম—পশ্চিম ধারের জঙ্গলের পাশে মড়ার মত পড়ে আছেন। তাই বাবাকে চিঠি লিখে কলিকাতা হতে বাড়ী আনান তব।”

পিসীমার শ্রাকাদি করিয়া নাগমহাশয় পিতৃসঙ্গে কলিকাতায় চলিয়া আসিলেন। শোকের উগ্রবেগ ক্রমে একটু কমিল বটে, কিন্তু আর এক চিন্তা আসিয়া তাহার স্থান অধিকার করিয়া বসিল। নাগমহাশের দিনরাত ভাবিতে লাগিলেন—মানুষ কেন জন্মগ্রহণ করে, কেন মরে? মৃত্যুর পরই বা তাহার কি গতি হয়? পিসীমার কি গতি হইল? তিনি কোন্ লোকে গেলেন? যে পিসীমা আমার গায়ে একটি আঁচড় লাগিলে কাতর হইতেন,— এত ভাবিলাম, এত কাদিলাম, কই তিনি ত আর ফিরিয়াও দেখিতেছেন না। মরিলেই যদি সব সম্পর্ক ফুরায়, তবে ছাই-ভুঁ কিসের এত ‘আমার আমার’? এ জন্ম-জরা-মৃত্যুপূর্ণ সংসারে কেন আসিয়াছি, মহুষ্য-জীবনের কর্তব্য কি? নাগমহাশয় দিনরাত এই চিন্তায় বিভোর হইয়া থাকিতেন।

নাগমহাশয় টাকা লইয়া চিকিৎসা করিতে লাগিলেন বটে, কিন্তু কাহারও নিকট কিছু চাহিতে পারিতেন না। শ্রদ্ধা করিয়া যে যাহা দিত, সম্পূর্ণচিত্তে তাহাই গ্রহণ করিতেন। তাহার পসার দিন দিন বাড়িতে লাগিল।

ব্যবসায়ে নাগমহাশয়ের কোনো বাহাড়ির ছিল না। গাড়ী-  
ঘোড়া ত নয়ই, তিনি কখন ডিস্পেন্সারিও করেন নাই। অনেক  
দূর-দূরান্তের হইতে তাহার ডাক আসিত ; তিনি ইঁটিয়া যাইতেন।  
কেহ গাড়ী করিয়া লইয়া যাইতে চাহিলেও সম্ভত হইতেন না।  
সামাজি জামা জুতা, কাপড়, চাদর পরিয়া চিকিৎসা করিতেন।  
পরিপাটী পোষাক হইলে পসার প্রতিপত্তি আরও বাড়িবে ভাবিয়া  
দীনদয়াল একদিন মনোমত পরিচ্ছদ কিনিয়া আনিয়া দিলেন।  
কিন্তু পুত্র বলিলেন, “আমার পোষাকের কোন দরকার নাই, ঐ  
টাকা দিয়ে কোন গরীব-চুঁথীর সেবা করলে যথার্থ কাজ করা  
হোত।” দীনদয়াল দীর্ঘনিঃশ্঵াস ফেলিয়া বলিলেন, “তোর দ্বারা  
আমার অনেক আশা ছিল। এখন বুঝছি আমি আত্মবক্ষিত  
হয়েছি। তুই যে দরবেশ হতে চলছিস।” কেবল কি তাই?  
সংসার-অনভিজ্ঞ পুত্রের সকলই স্মষ্টিছাড়া ! পাড়ায় কে কোথায়  
ব্যাধিতে কষ্ট পাইতেছে, কে কোথায় অনাহারী, তাহার অনুসন্ধান  
ও প্রতিকার না করিয়া পুত্র জলগ্রহণ করে না। অসমর্থ ব্যক্তির  
নিকট হইতে ভিজিট ত লয়ই না, উষধের দামও নয় ; অধিকস্তু  
পথ্য-খরচ দিয়া আসে। পথে পরিত্যক্ত নিরাশ্রয় রূপ ব্যক্তিকে  
আপনার গৃহে আনিয়া চিকিৎসা করে। বুভুক্ষু ভিখারীকে মুখের  
অন্ন ধরিয়া দেয়। সকলই যেন কেমন কেমন।

একদিন এক গরীবের বাড়ী নাগমহাশয় চিকিৎসা করিতে  
যান। গিয়া দেখিলেন, রোগীর অবস্থা শোচনীয়। তিনি চারি  
ঘণ্টা বসিয়া তাহার শুশ্রা করিলেন, তাহাকে উষধ খাওয়াইলেন।  
রাত্রে আবার তাহাকে দেখিতে গেলেন। শীতকাল, একে শতছিল  
খোলার ঘর, তাহার উপর রোগীর গত্তবজ্জ্বল নাই। নাগমহাশয়

তাবিতে লাগিলেন—একে ইহার কঠিন রোগ, তাহাতে ঠাণ্ডায় এই ভাবে পড়িয়া থাকিলে ত কিছুতেই ইহাকে বাঁচান যাইবে না। গায়ে এক জোড়া ভাগলপুরী খেস ছিল, সেইটি রোগীর গায়ে চাপা দিয়া নাগমহাশয় সেখান হইতে সরিয়া পড়িলেন। রোগী অনেক ডাকাডাকি করিল, কিন্তু তিনি ফিরিলেন না। দরজার বাহির হইতে উচ্চকঢ়ে বলিয়া আসিলেন, “ভয় নাই, কাল আবার এসে দেখে যাব।” পরদিন সকালে রোগী, তাহার কাছে ক্ষতজ্ঞতা প্রকাশ করিতে লাগিল। নাগমহাশয় বলিলেন, “আমার চেয়ে তোমার শীতকাপড়ের অধিক প্রয়োজন মনে করেই তোমাকে সেখানি দিয়ে গেছি।” পুত্রের গায়ে খেস না দেখিয়া দীনদয়াল পুত্রকে তদ্বিষয়ে জিজ্ঞাসা করিলেন। ব্যাপার শুনিয়া বিস্তর বকাবকি করিতে লাগিলেন। ফলে সেদিন আর পিতাপুত্রের আহার হইল না। পরদিন দীনদয়াল আবার একখানি শীতবস্তু কিনিয়া দিলেন। রোগী আরোগ্যলাভ করিলে নিত্য আসিয়া নাগমহাশয়কে প্রণাম করিয়া যাইত এবং তাহার সন্ধানে রোগী আসিলে তাহার চিকিৎসা-ধীন করিয়া দিত।

আর একদিন নাগমহাশয় একটি দরিদ্রকে চিকিৎসা করিতে গিয়া দেখিলেন, রোগী ভূমি-শয্যায় পড়িয়া রহিয়াছে। তাহার বাসায় একখানি অতিরিক্ত তত্ত্বপোস ছিল। তৎক্ষণাত তাহা লইয়া গিয়া রোগীকে শয়ন করাইলেন—তারপর চিকিৎসা করিতে আরম্ভ করিলেন। দীনদয়াল এ সকল বড় পছন্দ করিতেন না।

একটি শুন্দি শিশুর বিস্তৃচিকা হইয়াছিল। নাগমহাশয় সমস্ত দিন ধরিয়া তাহার চিকিৎসা করেন, কিন্তু শিশুটি কিছুতেই বাঁচিল না। সুরেশ বলেন, “আমি ভেবেছিলাম সেদিন তিনি

অনেক টাকা ভিজিট পাবেন। সন্ধ্যাকালে দেখলাম তিনি  
রিক্তহস্তে কাঁদতে কাঁদতে গৃহে ফিরছেন এবং বলছেন  
'আহা ! সেই গৃহস্থের একমাত্র শিশু সন্তান, কিছুতেই তাকে  
রক্ষা করা গেল না ! তাদের গৃহ শূন্য হয়ে গেল ।' সে রাতে  
আর তিনি জলস্পর্শ কর্তে পারলেন না ।"

নাগমহাশয়ের পসাব দিন দিন আবও বাড়িতে লাগিল।  
পালবাবুরা তাহাকে গৃহ-চিকিৎসক নিযুক্ত করিলেন। সে জন্ম  
পালবাবুরা এখনও তাহাকে ডাক্তার বলিয়া উল্লেখ করেন। বাবু  
হরলাল পাল বলেন, নাগমহাশয যতদিন তাহাদের গৃহ-চিকিৎসক  
ছিলেন, ততদিন তাহাদের বাটীতে একটি অকালমৃত্যু ঘটে নাই।  
একবার তাহাদের একটি আত্মীয়া স্ত্রীলোকের বিস্মিত হয়।  
নাগমহাশয চিকিৎসা করিতে লাগিলেন, কিন্তু রোগ ঔষধ না  
মানিয়া উত্তোলন বাড়িতে লাগিল। তীত হইয়া নাগমহাশয়  
ডাক্তার ভাদুড়ীকে ডাকাইবার জন্ম অনুরোধ করিলেন। ভাদুড়ী  
আসিলে, কি কি ঔষধ দেওয়া হইয়াছে, বলা হইল। ভাদুড়ী শুনিয়া  
বলিলেন, "ব্যবস্থা ঠিকই হয়েছে, আমার আর নৃত্ব কিছু করবার  
নাই।" পালবাবুরা জেন করিলেন, কিন্তু ডাক্তার ভাদুড়ী ঔষধ ত  
দিলেনই না, অধিকন্তু বলিয়া গেলেন, রোগীকে যেন হস্তান্তরিত  
করা না হয়। নাগমহাশযের স্থুচিকিৎসায ক্রমে বোগী আরোগ্য  
হইলে চিকিৎসকের উপর পালবাবুদের শ্রদ্ধা বর্দিত হইল। তাহারা  
আর অন্ত চিকিৎসক ডাকিতেন না, অতি কঠিন রোগেও নাগ-  
মহাশযের উপর নির্ভর করিয়া থাকিতেন। স্ত্রীলোকটি সম্পূর্ণকপে  
সারিয়া পথ্য করিবার পর, পালবাবুরা একদিন একটী কপার কোটা  
টাকায ভর্তি করিয়া নাগমহাশযকে পুরস্কার দিলেন। প্রতিপালক

বলিয়া পালবাবুদের স্বহস্ত হইতে নাগমহাশয় কখন ভিজিট গ্রহণ করিতেন না। বলিতেন, “যাহা হয় বাবাকে দিবেন।” রূপার কোটা, কি টাকা, তিনি কিছুই গ্রহণ করিলেন না। পালবাবুরা ভাবিলেন, পুরস্কার মনের মত হয় নাই, তাই নাগমহাশয় লইতে অনিচ্ছুক। তাহারা যাহা দিয়াছিলেন তার উপর আরও পঞ্চাশটি টাকা দিয়া লইবার জন্য তাহাকে বিশেষ পীড়াপীড়ি করিতে লাগিলেন। নাগমহাশয় বলিলেন, “ওষধের মূল্য ও তাঁর ভিজিট কিছুতেই কুড়ি টাকার বেশী হতে পারে না।” নিতান্ত জেদ করায় সেই কুড়িটি টাকা লইয়া চলিয়া গেলেন। অগত্যা পালবাবুরা বাকি টাকা উশারদীয় পূজার সাহায্যের জন্য, দীনদয়ালের নামে জমা করিয়া রাখিলেন।

বাবুদের মুখে এই ঘটনা শুনিয়া দীনদয়ালের ধৈর্যচূড়ি হইল। সামান্য অর্থের জন্য তাহাকে এই বৃদ্ধবয়সে চাকরী করিতে হইতেছে, আর তাহার নির্বোধ পুত্র কিনা আপনার আয় প্রাপ্য উপেক্ষা করিয়া প্রত্যাখ্যান করে ? কিন্তু তিরস্কার বা উপদেশ সকলই বিফল হইল। পুত্র বলিলেন, “আপনিই ত আমাকে সর্বদা ধর্মপথে থাকতে উপদেশ দেন। আমি জেনে শুনে কি করে বেশী টাকা আনতে পারি ? আমি ঠিক জানি, এ কয়দিন যে সব ঔষুধ দিয়েছি, তার দাম জোর ছয় টাকা, আর এই সাত দিনে আমার পারিশ্রমিক চৌদ্দ টাকার বেশী হতে পারে না ; তাই কুড়ি টাকা এনেছি। আমি আর বেশী টাকা নিলে অধর্ম করা হোত। আপনি যেন বাকি টাকা আর কদাচ নেন না।”

দীনদয়াল—“বাবুরা যদি তোর উপর খুসী হয়ে তোকে বাকি

টাকা পারিতোষিক দিয়ে থাকেন, তুই কি তা গ্রহণ কৰবি না ?  
একপতাবে তোর ব্যবসা আর চলবে না।”

নাগমহাশয়—“তা যদি না চলে, না চলবে ; আমি যা অগ্রায়  
বলে বুঝতে পাব্ব, তা প্রাণান্তেও আমার দ্বারা করা হবে  
না। ভগবান্ সত্যস্বকপ, মিথ্যা ব্যবহারে ইহকাল পরকাল নষ্ট  
হ্য।”

উত্তর শুনিয়া দীনদয়াল বুঝিলেন, এ পুত্র কখনই সংসারে  
উন্নত হত্তে পাবিবে না।

এদিকে পুত্র ভাবিতে লাগিলেন,—চায় হায় ! এরই নাম  
সংসার ! এই যথার্থ ভবাটবী ! ছলে-বলে টাকা আনিতে পাবিলেই  
তবে সংসারে তাব নাম, যশ, প্রতিপত্তি লাভ হয়। এমন সংসারে  
আমার কোন প্রয়োজন নাই। সৎভাবে থাকিয়া ভিক্ষাবৃত্তি  
অবলম্বনে দেহ রক্ষণ করা শ্রেয়, তথাপি যাহা অগ্রায় বলিয়া  
বুঝিযাছি, সেই কার্য্য দ্বারা অর্থ উপার্জন করিয়া এ অসার দেহের  
পুষ্টিসাধন করা কিছু নয়।

নাগমহাশয়ের যেকপ পসার বাড়িয়াছিল, বিষয়বুদ্ধি থাকিলে  
তিনি অনেক টাকা উপার্জন ও সঞ্চয় করিতে পারিতেন। কিন্তু  
যে স্থলে তাহার মাসিক তিন চাবি শত টাকা হওয়া উচিত ছিল,  
সে স্থলে ত্রিশ চলিশ টাকা মাত্র হইত। ভিজিট বলিয়া তিনি কাহারও  
নিকট কিছু চাহিতেন না, যে যাহা দিত পরমাদরে তাহাই গ্রহণ  
করিতেন। চতুর লোক পারতপক্ষে তাহাকে ঠকাইতে ছাড়িত  
না। কেহ চিকিৎসা করাইয়া ভিজিট দিত না। কেহ ধার লইয়া  
পরিশোধ করিত না। সুরেশ বলেন, “মামা চিকিৎসা করে  
ফিরে আসবার সময় দেখেছি, চার পাঁচ জন লোক তাহার

নিকট টাকা হাওলাত করিবার জন্ম বাসায় বসিয়া আছে। কেহ কিছু চাহিলে নাগমহাশয় ‘না’ বলিতে পারিতেন না। সেইজন্ম অনেক সময় তিনি যাহা উপার্জন করিয়া আনিতেন, তাহা হাওলাতবরাত দিতেই একপ্রকার নিঃশেষ হইয়া যাইত। এক একদিন নিজের আহারের সংস্থান পর্যন্ত থাকিত না। যে দিন এইরূপ হইত, সেদিন তিনি তুই এক পয়সার মুড়ি খাইয়া দিন কাটাইতেন। অথচ হয়ত সেদিন তাহার সাত আট টাকা উপার্জন হইয়াছে। তাহার নিকট ধার লইয়া ত কেহ কখন উপুড় হস্ত করিতেন না ; অধিকন্তু কেহ কেহ আবার বলিতেন, “তোমার আর ভাবনা কি, তোমাকে ঈশ্বর দিবেন।” নিজের জন্ম নাগমহাশয় কখন এক কপর্দিকও সঞ্চয় করেন নাই। হাতে যাহা কিছু উপুড় থাকিত, দীনদয়ালকে দিতেন। আপনার জামা-জুতা কিনিবার প্রয়োজন হইলে পিতার নিকট চাহিয়া লইতেন। সঞ্চয়ের কথায় তিনি বলিতেন, যখন যাহার যাহা প্রয়োজন হয়, ভগবান্ অবশ্য তাহা পূর্ণ করিয়া দেন। আমাদের ভাবনায় চিন্তায় কিছুমাত্র ফল নাই। ভগবানে নির্ভর করিলে একুল-ওকুল হ'কুলই বজায় থাকে। আমরা ‘অহং’বুদ্ধি লইয়া যাহা যাহা করিতে চাই, তাহাতেই পরিণামে ঠকিতে হয়,—ইহা আমার প্রত্যক্ষ দেখা।”

নাগমহাশয় অধর্ম্ম, কপটাচার বা ভগ্নামীর কখন প্রশ্ন দিতেন না। একদিন নবঘোবনসম্পন্ন একটী বৈষ্ণবী সঙ্গে এক ভেকধারী বৈষ্ণব তাহার বাসায় ভিক্ষা করিতে আসে। নাগমহাশয় তখন ভগবচিন্তায় নিমগ্ন ছিলেন। স্বারে “রাধে রাধে” রব শুনিয়া বাহিরে আসিলেন। বৈষ্ণব-বৈষ্ণবীকে দেখিয়াই তাহার আপাদমস্তক ঝলিয়া গেল। বলিলেন, “অমন চং করিয়া ‘রাধে রাধে’ বলিলে

ভিক্ষা পাবে না। যদি একবার মনে প্রাণে বলিতে পার, পাইবে।”  
বৈষ্ণব-দম্পতি আর কেন কথা না বলিয়া চলিয়া গেল। নাগ-  
মহাশয় ভাবিতে লাগিলেন, “হায় হায়, এই ত ঘোর কলিযুগ  
পৃথিবীকে গ্রাস করিতে আসিয়াছে। আজ চক্রের সামনে সাক্ষাৎ  
কলিকাল দেখিলাম।”

বৈষ্ণব-বৈষ্ণবীর মত, একদিন একটী তৈরব, তৈরবীসঙ্গে,  
তাহার বাসায় ভিক্ষা করিতে আসে। ত্রিশূলধারী তৈরব নাগমহা-  
শয়কে দেখিয়াই গাজার পয়সা দাবি করিল। নাগমহাশয় সে কথার  
কোন উত্তর না দিবা বলিলেন, “আপনি যাহা ইচ্ছা করিতে পারেন,  
কিন্তু হিন্দুর কুলবতী যুবতী স্ত্রীকে তৈরবী সাজাইয়া রাজপথে চলা-  
কেরা কোন্ শাস্ত্রমতে করিতেছেন, আমাকে বুঝাইয়া দিতে হইবে।”  
তাহাতে উগ্রতৈরব আরও উগ্রতর মূর্তি ধারণ করিয়া বলিল,  
“কিছু না দাও ত না দেবে, কিন্তু অমন ক’রে গাল দেবার তোমার  
প্রয়োজন কি ?” তৈরব-তৈরবী চাটিয়া চলিয়া গেল। নাগমহাশয়  
ভাবিতে লাগিলেন, “ভাল গুরু না হইলে লোকের এইরূপ হৃদশা  
হয় ; আপনিও মজে, পরাকেও মজায় !” তিনি বলিতেন, “না  
বুঝিয়া লোকে যাহা করে, তাহার ক্ষমা আছে ; কিন্তু ধর্মের  
ভাগ করিয়া লোক যদি কপটী ও ব্যভিচারী হয়, কল্পন্ত্যেও  
তাহার উদ্ধার হওয়া কঠিন।”

একবার এক অপরিচিত ভদ্রলোকের বাড়ীতে তাহার ডাক  
হয়। নাগমহাশয় উপস্থিত হইলে, সে ব্যক্তি একটী পরমা সুন্দরী  
যুবতী বিধবাকে দেখাইয়া তাহার গর্ভ নষ্ট করিয়া দিবার জন্য  
তাহাকে অনুরোধ করে। শুনিয়া নাগমহাশয় ক্ষণেক সন্তুত হইয়া  
রহিলেন। পরে বলিলেন, “একে ত কোন ভদ্রলোকের কুলে

কালি দিয়া মেয়েটাকে বাহির করিয়া আনিয়াছেন—এই এক মহাপাপ। তার উপর আবার অণহত্যা করিতে উত্ত হইয়া মহাপাতকে লিপ্ত হইতেছেন !” তিনি বিস্তর বুঝাইলেন, কিন্তু কোন ফলোদয় হইল না। লোকটা তাহাকে অর্থের প্রলোভন দেখাইয়া জিদ করিতে লাগিল। নাগমহাশয় চলিয়া আসিলেন। হায ! এ মহাপাপ নিবারণের কি উপায় নাই ? ব্রাঙ্কসমাজের উপাচার্য শিবনাথের বক্তৃতাদি শুনিয়াছেন। নাগমহাশয় ভাবিলেন—শিবনাথ ধার্মিক এবং একজন প্রতিষ্ঠাবান লোক। তাহাকে বলিলে এ পাপকার্যের প্রতিবিধান হইতে পারে। শিবনাথবাবুর কাছে গেলেন। সমস্ত শুনিয়া, শিবনাথ নাগমহাশয়কে হ'একটা ব্রাঙ্কের নাম বলিয়া দিলেন এবং তাহাদের সহিত পরামর্শ করিয়া আইনানুসারে কার্য করিতে উপদেশ দিলেন। ব্রাঙ্কগণের সহিত পরামর্শও নিষ্ফল হইল। শেষে নাগমহাশয় ভাবিলেন—আমিই আর একবার চেষ্টা ক'রে দেখি। পরদিন সেই ভদ্রলোকের বাড়ী গিয়া দেখেন, তাহারা কাশীধামে পলাইয়া গিয়াছে। পাপকার্যের কোনই প্রতিকার করিতে পারিলাম না, ভাবিয়া নাগমহাশয় অনেক দিন পর্যন্ত সন্তপ্ত ছিলেন ও মাঝে মাঝে আক্ষেপ করিতেন।

আর্থিক উন্নতি হইলেও দীনদয়াল বাসায় পাচক ব্রাঙ্কগ রাখিতেন না। নিজেই রাঁধিতেন। পুত্রের ইচ্ছা—পিতাকে রাঁধিতে না দিয়া তিনি রাঁধেন। সে জন্ত স্বয়েগ পাইলেই রাঁধিতে বসিতেন। দীনদয়ালের তাহাতে বিষম রাগ হইত। সতর্ক থাকিতেন—যাহাতে পুত্র আর স্বয়েগ না পান। পুত্রও তেমনি তকে তকে ফিরিতে-ছেন। এই রক্ষনব্যাপার লইয়া পিতাপুত্রে প্রায়ই কথাস্তর হইত। বাসায় সে সময় যদি কোন ভদ্রলোক উপস্থিত থাকিতেন, তিনি

মধ্যস্থতা করিয়া সেদিনকার যত বিবাদ মিটাইয়া দিতেন। কিন্তু দিলে কি হইবে, পরদিন আবার তাই। ছ'জনেই প্রাতঃকাল হইতে মনে মনে আঁচিতেছেন—আজ আমি রাঁধিব। যিনি স্বযোগ পাইতেন, তিনি বসিয়া যাইতেন, কিন্তু যাহার মনোরথ বিফল হইত, তাহার আর ক্রোধের পরিসীমা থাকিত না। নিত্য এইকপ বাদবিসম্বাদ হইতে নিষ্কৃতি লাভ করিবার জন্য, নাগমহাশয় স্থির করিলেন—পরিবারকে কলিকাতায় আনিয়া রাখিবেন। শুরেশ-বাবুর বাটীর নিকট একখানি দ্বিতীয় বাটী ভাড়া লওয়া হইবে, কেননা খোলার ঘরে স্থান সঙ্কীর্ণ। ১৮৮০ সালে মা ঠাকুরাণী স্বামী ও শঙ্কুরের সেবা করিবার জন্য কলিকাতায় আসিলেন। সংসারে এই তাহার প্রথম পদক্ষেপ। দেশে থাকিতে যে, বধুর স্বামীর সহিত দেখা হয় নাই, এমন নহে। কিন্তু সে এক, এ আর ! তখন ছিলেন বধু, এখন গৃহিণী। নবীনা গৃহিণী প্রবীণার তায় সংসারের সকল কার্য ও স্বামী শঙ্কুরকে যত্ন করিতে লাগিলেন। দীনদয়াল স্বর্থী হইলেন বটে, কিন্তু প্রাণপণ করিয়াও বধু স্বামীর চিন্তাকর্ষণ করিতে পারিলেন না। পতির শাস্ত্রপাঠে যে অনুরাগ তাহার শতাংশের একাংশও তাহার উপর নাই। চিকিৎসা করিয়া যে সময় যায়, নাগমহাশয় অবশিষ্ট কালটুকু ভাগবত, পুরাণ পাঠে অতিবাহিত করেন। কখন কখন দীনদয়ালকে পড়িয়া শুনান। বধুর চিন্ত দিন দিন অস্থিব হইয়া উঠিতে লাগিল।

ভাগবতের ভবাটবীর বর্ণনা ও জড়ভরতোপাখ্যান নাগমহাশয়ের মনের উপর বড় প্রবল আধিপত্য বিস্তার করিতে লাগল। জড়ভরতের কথা পড়িতে পড়িতে তিনি অভিভূত হইয়া ভাবিতেন, সামান্য হরিণশিশুর মাঝায় অতবড় মুক্তপুরুষের যথন জন্মান্তর

গ্রহণ করিতে হইল, তখন সাধারণ জীবের পক্ষে আর কি কথা ! মায়ার অনির্বচনীয় অচিন্তনীয় শক্তি ভাবিতে ভাবিতে ভৌতিকিত্বল চিন্তে তিনি কেবল “মাগো, মাগো” করিতেন। চিন্তা ক্রমে ঘোরতর হইয়া উঠিল। কিসে মহামায়ার হাত হইতে পরিত্রাণ পাইবেন, কি উপায়ে সংসার-বন্ধন হইতে মুক্তিলাভ করিবেন—অহনিষ্ঠি এই ভাবনা। বিবাহ করিয়াছেন, অর্থে পার্জন করিতেছেন, বন্ধনের উপর বন্ধন বাঢ়িতেছে,—মুক্তির উপায় কি ? ব্যাকুল হইয়া ভাবিতে লাগিলেন। যখন চিকিৎসা ব্যবসায় আরম্ভ করেন, ভাবিয়াছিলেন—দীন-হৃঃথীর উপকার হইবে। অন্তর্ভুক্ত যত্নে রোগীর শুশ্রষা করিয়াছেন, অকাতরে দান করিয়াছেন, কতদিন মুখের গ্রাস ক্ষুধাতুরকে ধরিয়া দিয়াছেন,—কিন্তু হায়, কয়জনের হৃঃথ দূর হইয়াছে ! তবে এ হৃঃথপূর্ণ সংসারে কেন আসিলাম ! আবার বিড়ম্বনার উপর বিড়ম্বনা !—বিবাহ করিলাম কেন ? ছাই টাকা ! ছাই মেয়েমালুষ ! এই লইয়া কি জীবন কাটাইব ? না, ভগবান্কে প্রত্যক্ষ করিয়া নরজন্ম সার্থক করিব ! কি সাধনা করিলে, কোন্ মহাপুরুষের আশ্রয় গ্রহণ করিলে ভগবান্কে প্রত্যক্ষ করা যায় ? এই ভাবনায় নাগমহাশয়ের মন নিতান্ত অশান্ত হইয়া উঠিল।

এই সময় স্বরেশ ও আর কয়েকটী ব্রাহ্ম ভদ্রলোক একত্র হইয়া গঙ্গাতীরে উপাসনা করিতেন। নাগমহাশয় সেখানে এক-পাশে বসিয়া ধ্যান করিতেন। উপাসনার অন্তে কোন দিন ব্রহ্ম-সঙ্গীত, কোন দিন কীর্তন হইত। কীর্তনের সঙ্গে নাগমহাশয় নৃত্য করিতেন। ভাবাবেশে মতভাবে নৃত্য করিতে করিতে এক এক দিন পড়িয়া গিয়া ঝাঁহার শরীর ক্ষতবিক্ষত হইয়া যাইত।

একদিন গঙ্গার গর্ভে পড়িয়া যান। সুরেশ অপর এক ব্যক্তির সহায়ে তাহাকে উদ্ধার করেন। কিন্তু সকল দিন তাহার একপ মতভাব দেখা যাইত না। ভাবসংবরণে নাগমহাশয় অতিশয় দক্ষ ছিলেন। তিনি বলিতেন, “যত থাকে গুপ্ত, তত হয় পোক্ত। আর যত হয় ব্যক্ত, তত হয় ত্যক্ত।” সুরেশ বলেন, ভাবোন্ততার সময়ে প্রবল ঈশ্বরানুরাগের লক্ষণসকল নাগমহাশয়ের শরীরে সুস্পষ্টভাবে প্রকটিত হইত। “দেখাতেই দীক্ষা, শোনাতেই শিক্ষা।”

কিন্তু যতই বিশ্বাস অনুরাগ থাক, বিধিপূর্বক দীক্ষা গ্রহণ করিয়া সাধন-ভজন না করিলে ঈষ্টদর্শন হয় না—এক সাধুর মুখে এই কথা শুনিয়া, নাগমহাশয় দীক্ষাগ্রহণের জন্য ব্যাকুল হইয়া উঠিলেন। তাহার দারুণ অশাস্ত্র উপস্থিত হইল। কোথায় গুরু পাইবেন, কে তাহাকে মন্ত্র দিবে—নিরন্তর এই ভাবনা। গঙ্গাকুলে সময় সময় অনেক সাধুসজ্জনের সমাগম হয়, তাহাদের মধ্যে যদি কেহ দয়াপ্রবণ হইয়া তাহাকে দীক্ষা দান করেন—এই আশায় তিনি অনেক রাত্রি পর্যান্ত গঙ্গাতীরে বসিয়া থাকিতেন। এইরূপে কিছুকাল অতিবাহিত হইলে, নাগমহাশয় একদিন কুমারটুলীর ঘাটে স্নান করিতে করিতে দেখিলেন, একটী মাত্র আরোহী লইয়া একখানি একমালাই ডিঙি ঘাটের দিকে আসিতেছে। বিক্রমপুরী ডিঙি তাহার কৌতৃহল আকর্ষণ করিল। ঘাটে লাগিলে দেখিলেন, নৌকার আরোহী তাহাদেরই কুলগুরু কামারথারাবাসী বঙ্গচন্দ্র ভট্টাচার্য। নাগমহাশয় তাড়াতাড়ি স্নান করিয়া উঠিয়া গুরুদেবের পদধূলি লইয়া, হঠাৎ নৌকাযোগে তাহার কলিকাতায় আসিবার কারণ জিজ্ঞাসা

করিলেন। বঙ্গচন্দ্র বলিলেন, “বাবা, মহামায়ার আদেশে তোমাকে মন্ত্রদীক্ষিত করিতেই এখানে আসিয়াছি।” নাগমহাশয় বুঝিলেন—  
 তাহার কাতর প্রার্থনা করুণাময়ী জগজ্জননীর কর্ণগোচর হইয়াছে।  
 তাহার বাসা তখন কাশ মিত্রের গলিতে; পরমানন্দে বঙ্গচন্দ্র  
 ভট্টাচার্যকে তথার লইয়া গেলেন। কুলগুরুকে দেখিয়া দীনদয়ালের ও  
 আহ্লাদের অবধি রহিল না, কারণ তাহার একান্ত ইচ্ছা ধর্মোন্মাদ  
 পুত্র কুলগুরুর কাছে দীক্ষা গ্রহণ করেন। পরদিন শুভদিন ছিল,  
 নাগমহাশয় সন্তোষ শক্তিমন্ত্রে দীক্ষিত হইলেন। ডিঙি কুমারটুলীর  
 ঘাটে অপেক্ষা করিতেছিল। যেদিন নাগমহাশয়ের দীক্ষা হইল,  
 তাহার তিন চারিদিন পরে বঙ্গচন্দ্র বিক্রমপুর রওনা হইলেন।  
 করেক্ষণে বিশ্রাম করিবার জন্য দীনদয়াল ও নাগমহাশয় তাহাকে  
 বিস্তর মিনতি করিলেন, কিন্তু বঙ্গচন্দ্র রহিলেন না। মাঠঠাকুরাণীর  
 মুখে অবগত হইয়াছি বঙ্গচন্দ্র কৌলসন্ম্যাসী ছিলেন। নাগমহাশয়ের  
 দীক্ষার পর বৎসরান্তে তাহার দেহত্যাগ হয়।

দীক্ষা গ্রহণ করিয়া নাগমহাশয় সাধনার অগাধ সলিলে  
 আপনাকে ডুবাইয়া দিলেন। জপ-ধ্যানে রাত্রি পোহাটীয়া যাইত।  
 অমাবস্যায় উপবাস করিয়া গঙ্গাকূলে বসিয়া জপ করিতেন। জপ  
 করিতে করিতে সময় সময় তাহার বাহুজ্ঞান বিলুপ্ত হইত। একদিন  
 তিনি তন্ময় হইয়া জপ করিতেছিলেন, জোয়ার আসিয়া তাহার  
 অচেতন দেহ ভাসাইয়া লইয়া যাই, সংজ্ঞা হইলে তিনি সাঁতার  
 দিয়া উঠিয়া আসেন। চন্দ্রের হ্রাস-বৃক্ষের সঙ্গে আহারের হ্রাস-বৃক্ষ  
 করিয়া নাগমহাশয় কিছুকাল নক্তুরত আচরণ করিয়াছিলেন।  
 শুরেশ বলেন, নাগমহাশয় তন্ত্রমতেও সাধনা করিতেন। তিনি কখন  
 ফুল-বিষ্঵দলে বাহুপূজা করেন নাই। দীক্ষা গ্রহণান্তে সর্বদা জপ

তপ ধ্যান করিতেন, কিন্তু তাহার স্বাভাবিক প্রবৃত্তি রাগমার্গে। এই সময় নাগমহাশয় অনেকগুলি শামাবিষয়ক পদাবলী রচনা করেন। জপ ধ্যানাত্তে কখন কখন তাহার কোন কোনটী গান করিতেন। গ্রহশেষে আমরা পাঠককে তাহার দুই চারিটী উপহার দিব।

ক্রমে ব্যবসায়ের পক্ষে ক্ষতি হইতে লাগিল। লোকে ডাকিতে আসে, পায় না,—অঙ্গ চিকিৎসকের কাছে যায়। উপার্জনের পছাড় সঙ্কীর্ণ হইয়া উঠিল।

দীনদয়াল দেখিলেন, আবার সর্বনাশ উপস্থিত। স্বরেশের সহিত পুত্রের সৌহৃদ্য হওয়াতে তিনি এক প্রকার নিশ্চিন্ত ছিলেন। পিসী-মাতার মৃত্যুর পর নাগমহাশয়ের মনে প্রথম যখন সংসারবৈরাগ্যের উদয় হয়, দীনদয়াল ভাবিয়াছিলেন স্বরেশের উপদেশেই তাহা দূর হইয়াছিল। স্বরেশ ধার্মিক এবং সৎ গৃহস্থ। এমন বিচক্ষণ ব্যক্তির সংশ্রে থাকিতে পুত্রের সে নির্বাণেন্মুখ অনল যে পুনঃপ্রজ্ঞানিত হইবে, পিতার সে কথা মনেই হয় নাই। দীনদয়াল লোকের কাছে গর্ব করিয়া বলিতেন, স্বরেশের সহিত সৌহৃদ্যবন্ধন তাহার পুত্রের পক্ষে পরম কল্যাণকর হইয়াছে। এখন বুঝিলেন স্বরেশ হইতে আর কোন ভরসা নাই। সংসারধর্ম্মে যাহাতে পুত্রের স্বীকৃতি হয়, নিরূপায় বৃক্ষ, বধূমাতাকে তৎসম্বন্ধে নানাবিধি উপদেশ দিতে লাগিলেন। হায়, বধূরই বা উপায় কি? পতির মতি-গতি সতী পূর্ব হইতেই বুঝিয়াছিলেন। সত্য বটে অন্ন-বন্ধের ক্লেশ নাই। সামাজ্য সংসার—পিতা পুত্রের উপার্জনে এক রুকম চলিয়া যায়; কিন্তু কেবল অন্ন-বন্ধে ত হৃদয়ের অভাব পূর্ণ হয় না। স্বামীর অনুরাগই নারীজীবনের একমাত্র অবলম্বন।

বৃক্ষ পিতাকে অবসর দিয়া, হাট-বাজার প্রতি সংসারের সকল কার্য নাগমহাশয় করেন। কিন্তু প্রাণহীন পুত্রলিকা যেমন যন্ত্ৰ-চালিত হইবা হস্তপদ সঞ্চালন করে, নাগমহাশয়ের সকল কার্যই সেইরূপ। কিছুতে তাঁহার মন নাই। থাইতে হয়, থান ; না পরিলে নয়, তাই পরেন ; ডাক্ষারি করেন, তাও দীনদয়ালের পীড়া-পীড়িতে। বধু নতশিরে দীনদয়ালের উপদেশ শুনিতেন, কিন্তু মনে মনে ভাবিতেন—এ গৃহবাসী সন্ন্যাসীকে বাঁধিতে পারে এমন রমণী এখনও জন্মগ্রহণ করে নাই। মায়িক ভালবাসা না থাকিলেও নাগমহাশয় নিয়ত সহধর্মীনীর ইষ্টচিন্তা করিতেন। বধুকে তিনি কেবলই বলিতেন, “কায়িক বা মায়িক সম্বন্ধ কখন চিরস্থায়ী হয় না। যে ভগবান্কে প্রাণ দিয়া ভাল বাসিতে পারে, সে-ই নরজন্ম সার্থক করিয়া চলিয়া যায়। যাহারা এই মায়িক সম্বন্ধে একবার লিপ্ত হইবা পড়ে, জন্মজন্মেও তাহাদের মোহ দূৰ হয় না। সংসার-নরকে তাহাদিগকে পুনঃ পুনঃ যাতায়াত করিতে হয়। ছাই এ হাড়মাসের খাঁচায যেন বৰু হইও না। আমাকে ভুলিয়া মহামায়ার শরণাপন হও,—তোমার ইহকাল পরকাল ভাল হইবে।” তাপসের গৃহিণী তপস্বিনী হইলেন।

মাঠাকুৱাণী কলিকাতায় ধাকাতে স্বরেশের যাতায়াত এক-দিনও বৰু হয় নাই। তিনি এক একদিন নাগমহাশয়ের বাসায় আহারাদি করিতেন। স্বরেশ বলেন, “পরিবার আসিলেও নাগ-মহাশয়ের ধৰ্মতাৰে কোনৱৰ্প পরিবর্তন হয় নাই। দেবতা চির-দিনই দেবতা ; শত প্রতিকূল অবস্থায়ও তাঁহার দেবত্ব নষ্ট হয় না। নাগমহাশয়ও ঠিক তেমনি ছিলেন। পরিবার বলিয়া তাঁহার কোন আঁট ছিল না।

নাগমহাশয় ক্রমেই উগ্র হইতে উগ্রতর সাধনায় নিমগ্ন হইতে লাগিলেন। এদিকে দীনদয়ালের শরীরও ক্রমে ভাঙ্গিয়া পড়িতে লাগিল। বৃক্ষবয়সে দীনদয়াল পালবাবুদের অধীনে কুতেব কার্য করিতেন; তিনি দেশে গেলে, নাগমহাশয় পিতার কার্য চালাইতেন। এইরূপে কিছুদিন কাটিল, কিন্তু দীনদয়ালের দেহ আর বয় না। নাগমহাশয়ের একান্ত ইচ্ছা—পিতা এখন কর্ম হইতে অবসর লইয়া দেশে বসিয়া ইষ্টচিন্তা করেন। অবশ্য, কার্য হইতে অবসর গ্রহণ করাইয়া কলিকাতায় নিজের কাছে রাখিতে পারেন। সেবাশুঙ্খষার জন্য বধ্য রত্নাছেন। কিন্তু কলিকাতায় থাকিলে পিতার ইষ্টচিন্তার বড় ব্যাঘাত। দীনদয়ালের নিকট নানা প্রকৃতির লোক আসিত, নানা বিষয় লইয়া নানা কথা কহিত। দীনদয়ালও তাহাদের সহিত বিবিধ আলোচনা করিতেন। সকালে দীনদয়াল সকল কার্যের অগ্রে দুর্গানাম লিখিতেন, কিন্তু দুর্গানাম লিখিতে লিখিতে উপস্থিত্যক্তিগণের সহিত কথাবার্তাও কহিতেন। পুত্রের তাহা বড়ই বিসদৃশ বোধ হইত। পিতাকে বলিতেন, “এখনও বিষয়চিন্তা ত্যাগ করিতে পারেন নাই,—দুর্গানাম লিখিতে লিখিতে আবার বিষয়ের আলাপ !” মধ্যে মধ্যে প্রায়ই পিতা-পুত্রে এইরূপ কথাস্তর হইত। অবশ্যে নাগমহাশয় স্থির করিলেন, পিতাকে দেশে পাঠাইবেন। দীনদয়ালের প্রতিনিধিস্বরূপ কুতেব কার্যের ভার লইয়া নাগমহাশয় তাহাকে দেশে রাখিয়া আসিলেন। শুরুর সেবাশুঙ্খষা করিবার জন্য বধ্য ও সঙ্গে গেলেন।

দীনদয়াল ও বধ্য দেশে গেলে নাগমহাশয় কুমারটুলীর বাসায় আসিয়া বাস করিতে লাগিলেন। শুরেশ তেমনি নিত্য আসেন আর ছইজনে নির্বাকটে বসিয়া ধর্মকথার আলোচনা হয়। কিন্তু কেবল

আলোচনায় আর নাগমহাশয়ের তৃপ্তি হইতেছে না। বলিতে লাগিলেন, “কেবল কথায় কথায় জীবন ত চলিয়া যাইতেছে, কিছু প্রত্যক্ষ না দেখিলে জীবনধারণ করা নিষ্ফল হইল !” ঠিক এই সময় সুরেশ একদিন কেশববাবুর সমাজে গিয়া শুনিলেন যে, দক্ষিণেশ্বরে একজন সাধু আছেন—তিনি কামকাঞ্চনতাঙ্গী, ভগবৎপ্রেসঙ্গে সর্বদা তন্ময় হইয়া থাকেন, এবং তাহার মুহূর্তঃ ভাবসমাধি হয়। সুরেশের ইচ্ছা হইল, নাগমহাশয়কে সঙ্গে লইয়া একদিন সাধুকে দেখিতে যাইবেন। কিন্তু নানা কারণে সে কথা নাগমহাশয়কে বলা হইল না। এইরপে দ্রুই মাস কাটিয়া গেল। তারপর সুরেশ একদিন নাগমহাশয়কে বলিলেন, “ওহে দক্ষিণেশ্বরে একজন খুব ভাল সাধু আছেন, দেখ্তে যাবে ?” নাগমহাশয়ের আর বিলম্ব সহিল না,—বলিলেন, “আজই চল !” সেইদিনই দ্রুইজনে আহারাদি করিয়া বাহির হইলেন। শুনিয়াছিলেন—দক্ষিণেশ্বর কলিকাতার উত্তরে ; সেই মুখেই চলিতে লাগিলেন। তখন চৈত্রমাস। মাথার উপর অগ্নিবর্ষণ হইতেছে। আকাশ, অন্তরীক্ষ, পৃথিবী—সব অগ্নিগ্রাম। গ্রাহ নাই, দ্রুইজনে যেন মাতোয়ারা হইয়া চলিতেছেন, কি এক অদৃশ্য শক্তি তাহাদিগকে টানিয়া লইয়া যাইতেছে ! দক্ষিণেশ্বর কতদুর জানা নাই, উভয়ে একাগ্রমনে উত্তরমুখে চলিতে লাগিলেন। বহুদূর গিয়া একজন পথিককে জিজ্ঞাসা করিলেন। পথিক বলিল, “আপনারা দক্ষিণেশ্বর ছাড়াইয়া আসিয়াছেন !” সে পথ বলিয়া দিল। দ্রুইজনে প্রায় দ্রুইটার সময় দক্ষিণেশ্বরে রাণী রাসমণির কালীবাড়ীতে প্রবেশ করিলেন।

কি মনোহর স্থান ! যেন দেবগণের নিভৃত লীলাভূমি ! সংসারের কোলাহল নাই। মধুর পুষ্প-সোরতে সমস্ত উদ্ধানখানি যেন বিভোর হইয়া রহিয়াছে। কি স্মিন্দ বাতাস ! কি সুন্দর পুষ্পরিণী ! কোথাও

উচ্চশির দেবমন্দির ; কোথাও নবপল্লবিত বৃক্ষরাজি যেন শাখা  
আন্দোলন করিয়া ধীরস্থরে ডাকিতেছে—এস এস, সংসার-সন্তপ্ত  
পথিক, এই তোমার জুড়াইবার স্থান !

দেখিতে দেখিতে হইজনে ভগবান् শ্রীরামকৃষ্ণ যে প্রকোষ্ঠে  
থাকিতেন, তাহার পূর্বদিকের দ্বারে আসিয়া উপস্থিত হইলেন।  
ভারপার্শ্বে একজন শঙ্কুধারী পুরুষ বসিয়াছিলেন, নাগমহাশয়  
তাহাকে জিজ্ঞাসা করিলেন “মহাশয়, এখানে যে একজন ব্রহ্মচারী  
থাকেন তিনি কোথায় ?” ভদ্রলোকটী বলিলেন “ঁা, একজন  
আছেন। তিনি আজ চন্দননগরে গিয়াছেন। তোমরা আর  
একদিন এস।”

এত কষ্ট করিয়া আসিয়াছেন, উভয় শুনিয়া দুজনের মর্মান্তিক  
কষ্ট হইল। হতাশায় যেন অবসন্ন হইয়া পড়িলেন। কি আর  
উপায় ! ভদ্রতার খাতিরে ভদ্রলোকটীকে একটী কথা বলিয়া বিদায়  
লইবার উদ্ঘোগ করিতেছেন, নাগমহাশয় দেখিলেন, দ্বারের অন্তর্বাল  
হইতে অঙ্গুলীসঙ্কেত করিয়া কে যেন তাহাদিগকে আহ্বান  
করিতেছেন। নাগমহাশয়কে কে যেন বলিয়া দিল, ইন্দি সেই  
সাধু ! শঙ্কুধারীর বাক্য উপেক্ষা করিয়া দুজনে কক্ষমধ্যে প্রবেশ  
করিলেন।

শঙ্কুধারী ভদ্রলোকটীর নাম প্রতাপচন্দ্ৰ হাজৱা। নাগমহাশয়  
বলিতেন—হায়, হায়, ভগবানের কি আশৰ্য্য মায়া ! বার বৎসর,  
কাল নিকটে অবস্থান করিয়াও হাজৱা মহাশয় ঠাকুরকে চিনিতে  
পারেন নাই। ফুট তার হাতে, তিনি কৃপা করিয়া জানাইয়া দিলে  
তবে জীব তাহাকে জানিতে পারে। শত বৎসর জপ-ধ্যান করিলেও  
তার কৃপা না হইলে কেহই তাহাকে জানিতে সক্ষম হয় না।

শ্রীরামকৃষ্ণের নিজ জীবনের ঘটনা হইতে শ্বামী স্বোধানন্দ শেষোক্ত কথার একটী উদাহরণ দেন :—ভাগিনীয় হৃদয় মুখো-পাধ্যায়ের সহিত শ্রীরামকৃষ্ণ একদিন কালীঘাটে গমন করেন। শ্রীমন্দিরের পূর্বদিকে যে পুক্ষরিণী আছে, তাহার উত্তরপারে তখন বিস্তর কচুগাছের বন ছিল ॥ শ্রীরামকৃষ্ণ দেখিলেন—সেইখানে শ্রীশ্রিজগন্মাতা একখানি লালপেড়ে কাপড় পরিয়া কুমারীবেশে কতকগুলি কুমারীর সহিত ফড়িং ধরিয়া খেলা করিতেছেন। দেখিয়াই ঠাকুর ‘মা মা’ বলিয়া সমাধিষ্ঠ হইলেন এবং সমাধিভঙ্গের পর শ্রীমন্দিরে গিয়া দেখিলেন—যে কাপড় পরিয়া মা কুমারীবেশে খেলা করিতেছিলেন, শ্রীবিগ্রহের অঙ্গে সেই শাড়ী শোভা পাইতেছে। ঠাকুরের মুখে সমস্ত বৃত্তান্ত শুনিয়া হৃদয় বলিলেন, “মামা, তখনই বল্তে হয়, মাকে গিয়ে দৌড়ে ধ’রে ফেলতুম ।” ঠাকুর হাসিয়া বল্লেন, “তা কি হয় রে। মা না ধরা দিলে কার সাধ্য যে তাঁরে ধ্বতে পারে ! তাঁর কুপা না হ’লে কেউ তাঁর দর্শন পায় না ।”

প্রথমদিন হইতেই হাজরা মহাশয়ের উপর নাগ মহাশয়ের কেমন বিরূপতাৰ হইয়াছিল। বলিতেন—“ঠাকুরের কাছে থাকিয়াও তাঁহার সত্ত্বের আঁট ছিল না, মিথ্যাকথা বলিয়া প্রথম দিনেই তিনি আমাদিগকে তাড়াইয়া দিতে চাহিয়াছিলেন ; কিন্তু দয়াময় রামকৃষ্ণ নিজগুণে পাদপদ্মে আশ্রয় দিলেন ।”

---

## চতুর্থ অধ্যায়

শ্রীরামকৃষ্ণ-দশন

নাগমহাশয় ও স্বরেশ কক্ষে প্রবেশ করিয়া দেখিলেন—ভগবান् শ্রীরামকৃষ্ণ উত্তরাঞ্চল হইয়া একখানি ছোট তক্ষপোধের উপর পাছড়াইয়া বসিয়া আছেন ; মুখে মৃছ হাসি ! স্বরেশ করযোড়ে প্রণাম করিয়া মেজেতে পাতা মাছরের উপর বসিলেন। নাগমহাশয় ভূমিষ্ঠ হইয়া প্রণাম করিলেন, কিন্তু পদধ্বনি লইবার চেষ্টা করিলে শ্রীরামকৃষ্ণ চরণ স্পর্শ করিতে দিলেন না—পা গুটাইয়া লইলেন। নাগমহাশয় বুবিলেন, তিনি এখনও এ পবিত্র সাধুর চরণ স্পর্শ করিবার বোগ্য হন নাই ! উঠিয়া ঘরের এক পাশে বসিলেন।

ঠাকুর উভয়ের পরিচয় জিজ্ঞাসা করিলেন,—কি নাম, কোথায় বাড়ী, কি করা হয়, সংসারে আর কে কে আছে, বিবাহ হয়েছে কি না, ইত্যাদি। তার পর কথা কহিতে কহিতে শ্রীরামকৃষ্ণ বলিতে লাগিলেন, “সংসারে থাকবে ঠিক পাঁকাল মাছের মত। গৃহে থাকা, তার আর দোষ কি ? পাঁকাল মাছ পাঁকে থাকে, কিন্তু গায়ে পাঁক লাগে না। তেমনি গৃহে থাকবে, কিন্তু সংসারের ঘয়লা মনে লাগবে না।” নাগমহাশয় একদৃষ্টে ঠাকুরের মুখপানে চাহিয়া ছিলেন ; ঠাকুর জিজ্ঞাসা করিলেন, “অমন করে কি দেখছ ?”

নাগমহাশয়—আপনাকে দেখ্তে এসেছি, তাই দেখছি।

কিছুক্ষণ কথাবার্তা কহিবার পর শ্রীরামকৃষ্ণ বলিলেন, “ঐদিকে পঞ্চবটীতে গিয়ে একটু ধ্যান ক'রে এস।”

প্রায় আধুনিক ধ্যান করিয়া স্বরেশ ও নাগমহাশয় আবার ঠাকুরের ঘরে ফিরিয়া আসিলেন। তারপর ঠাকুর তাহাদের সঙ্গে লইয়া দেবমন্দির সকল দেখাইতে গেলেন।

ঠাকুর অগ্রে অগ্রে চলিতে লাগিলেন, স্বরেশ ও নাগমহাশয় পশ্চাতে। প্রথমেই ঠাকুরের ঘরের সংলগ্ন দ্বাদশ শিবমন্দির। শ্রীরামকৃষ্ণ প্রত্যেক মন্দিরে প্রবেশ করিয়া যেমন তাবে শিবলিঙ্গ প্রদক্ষিণ ও প্রণাম করিতে লাগিলেন, সঙ্গে সঙ্গে নাগমহাশয় ও তেমন করিয়া প্রণাম-প্রদক্ষিণ করিলেন। স্বরেশ ব্রহ্মজ্ঞানী, ঠাকুর দেবতা মানেন না,—নিষ্ঠুর হইয়া দেখিতে লাগিলেন। তারপর বিষ্ণুমন্দির। এখানেও পূর্ববৎ প্রণাম-প্রদক্ষিণাদি করিয়া শ্রীরাম-কৃষ্ণ শ্রীশ্রীভবতারিণীর মন্দিরাভিমুখে অগ্রসর হইতে লাগিলেন।

নাগমহাশয় ও স্বরেশ বিস্থিত হইয়া দেখিলেন—শ্রীশ্রীভবতারিণীর মন্দিরে প্রবেশ করিবামাত্র শ্রীরামকৃষ্ণের ভাবান্তর হইল। অশান্ত বালক যেমন জননীর অঞ্চল ধরিয়া তাহার চারিদিকে ঘুরিতে থাকে, শ্রীশ্রীভবতারিণীকে শ্রীরামকৃষ্ণ তেমনি করিয়া প্রদক্ষিণ করিতে লাগিলেন। তারপর শ্রীশ্রীমহাদেব ও শ্রীশ্রীমারের পাদপদ্মে মন্তক স্পর্শ করিয়া প্রণাম করিয়া ঠাকুর নিজ কক্ষে আসিয়া বসিলেন।

বেলা প্রায় ৫টার সময় স্বরেশ ও নাগমহাশয় শ্রীরামকৃষ্ণসকাশে বিদায় চাহিলেন। ঠাকুর বলিলেন, “আবার এস, এলে-গেলে ত তবে পরিচয় হবে।”

পথে আসিতে আসিতে নাগমহাশয়ের কেবলই মনে হইতে লাগিল—কে ইনি? সাধু, সিদ্ধ মহাপুরুষ, না আরও কিছু?

স্বরেশ বলেন, “সেদিনকার সে ভাব-ভক্তির ছবি তাহারা হৃদয়ে চিরাক্ষিত হইয়া রহিয়াছে।” আগুতি পাইলে অনল যেমন

জলিয়া উঠে, নাগমহাশয়ের হৃদয়ে তেমনি তীব্র পিপাসা জাগিয় উঠিল,—ঈশ্বরলাভ-লালসায় তিনি পাগল হইয়া উঠিলেন। আহার-নিদ্রা একপ্রকার ত্যাগ, লোকের সঙ্গে কথাবার্তাও বন্ধ হইল; কেবল সুরেশের সঙ্গে “শ্রীরামকৃষ্ণ-প্রসঙ্গ” করিতেন।

প্রায় সপ্তাহ পরে আবার ছ'জনে ঠাকুরকে দেখিতে গেলেন। উন্মাদপ্রায় নাগমহাশয়কে দেখিবামাত্র শ্রীরামকৃষ্ণের ভাবাবেশ হইল, তিনি বলিয়া উঠিলেন, “এসেছিস্, তা বেশ করেছিস্; আমি যে তোদের জন্ত এতদিন হেঠায় ব'সে রয়েছি!” তারপর নাগমহাশয়কে কাছে বসাইয়া বলিলেন, “ভয় কি? তোমার ত খুব উচ্চ অবস্থা।” সেদিনও শ্রীরামকৃষ্ণ নাগমহাশয় ও সুরেশকে পঞ্চবটীতে গিয়া ধ্যান করিতে বলিলেন। তাহারা ধ্যান করিতে গেলে, কিছুক্ষণ পরে ঠাকুর সেখানে আসিয়া নাগমহাশয়কে তামাক সাজিয়া আনিতে আদেশ করিলেন। নাগমহাশয় তামাক সাজিতে যাইলে, শ্রীরামকৃষ্ণ সুরেশকে বলিলেন, “দেখেছিস্,—এ লোকটা যেন আগুন—জ্বলন্ত আগুন।” বলিতে বলিতে নাগমহাশয় তামাক সাজিয়া আনিলেন। তামাক সাজিবার পর, ঠাকুর তাহাকে ক্রমান্বয়ে আদেশ করিতে লাগিলেন—“গামছা ও বেটুয়াটী আন,” “এবার গিয়া, জলের গাড়ুটী নিয়ে এস,” “জল ভর্তি ক'রে নিয়ে এস” ইত্যাদি। শ্রীরামকৃষ্ণকে সেবা করিতে পাইয়া নাগমহাশয়ের আনন্দের অবধি রহিল না। কেবল ঘনে এক ক্ষেত্র—ঠাকুর পদধূলি দেন নাই।

ইহার পর নাগমহাশয় যেদিন দক্ষিণেশ্বর গেলেন, সেদিন এক। সুরেশ কার্য্যালয়ে ব্যস্ত ছিলেন, যাইতে পারেন নাই। সেদিনও নাগমহাশয়কে দেখিয়া শ্রীরামকৃষ্ণের ভাবাবেশ হইল। বসিয়া-

ছিলেন, বিড়াল করিয়া কি বলিতে বলিতে উঠিয়া দাঢ়াইলেন। ঠাকুরকে তদবস্থাপন দেখিয়া নাগমহাশয়ের বিষম ভয় হইল। শ্রীরামকৃষ্ণ তাহাকে বলিলেন, “ওগো, তুমি না ডাক্তারি কর, দেখ দিকি আমার পায়ে কি হয়েছে ?” ঠাকুরের স্বাভাবিক কথা শুনিয়া নাগমহাশয় কর্থাঙ্গে আশ্঵স্ত হইলেন ; পায়ে হাত বুলাইতে বুলাইতে উত্তমকাপে পরীক্ষা করিয়া বলিলেন, “কই, কোথায়ও ত কিছু দেখছি না।” শ্রীরামকৃষ্ণ বলিলেন, “ভাল করে দেখ না, কি হয়েছে ?” নাগমহাশয়ের হৃদয়ের ক্ষেত্রে আজ দূর হইল, চরণস্পর্শের অধিকার পাইয়া আপনাকে ধৃত মনে করিয়া অশ্রুজলে ভাসিতে ভাসিতে বারবার সে বাহ্যিক চরণ হৃদয়ে ঘন্টকে ধারণ করিতে লাগিলেন। তিনি বলিতেন, “তাহার (ঠাকুরের) নিকট কিছুই চাহিবার প্রয়োজন ছিল না ; তিনি মনের ভাব বুঝিয়া তৎক্ষণাত্মে মনোভীষ্ট পূর্ণ করিয়া দিতেন। ভগবান् শ্রীরামকৃষ্ণ কল্পতরু, যে যাহা প্রার্থনা করিয়াছে, সে তৎক্ষণাত্মে তাহা লাভ করিয়াছে।”

এখন হইতে নাগমহাশয়ের ধূর ধারণা হইল, শ্রীরামকৃষ্ণ সাক্ষাৎ নামায়ণ। তিনি বলিতেন, “ঠাকুরের নিকট কয়েকদিন যাতায়াতের পর জানিতে পারিলাম, ইনিই সাক্ষাৎ নামায়ণ, গোপনে দক্ষিণেশ্বরে বসিয়া লীলা করিতেছেন।” “কেমন করিয়া জানিলেন ?” জিজ্ঞাসা করিলে, তিনি বলিতেন, “তিনিই (ঠাকুরই) যে নিজগুণে ক্ষপা করে জানিয়ে দিলেন ‘তিনি কে’ ? তার ক্ষপা না হলে কি কেউ তাকে জানতে পারে, না বুঝতে পারে !. সহস্র বর্ষ কঠোর তপশ্চর্যা কর্মেও, যদি ভগবানের ক্ষপা না হয়, তবে কেউই তাকে বুঝতে সক্ষম হয় না।”

ইহার পর শ্রীরামকৃষ্ণ-একদিন তাহাকে নিজ দেহ দেখাইয়া

জিজ্ঞাসা করেন, “তোমার এটা কি বোধ হয় ?” নাগমহাশয় করজোড়ে বলিলেন, “ঠাকুর, আর আমায় বলতে হবে না ! আমি আপনারই কৃপায় জানতে পেরেছি—আপনি সেই !” ঠাকুর অমনি সমাধিষ্ঠ হইয়া নাগমহাশয়ের বক্ষে দক্ষিণ চরণ অর্পণ করিলেন। সহসা নাগমহাশয়ের মেন কি এককপ ভাবান্তর হইল, তিনি দেখিলেন—সমস্ত স্থাবর জঙ্গম চরাচরে কি এক দিব্য জ্যোতি উচ্ছলিয়া উঠিতেছে।

তিনি বলিতেন, “ঠাকুরের আগমন অবধি জগতে বগ্না এসেছে, সব ভেসে যাবে, সব ভেসে যাবে ! শ্রীরামকৃষ্ণ পূর্ণব্ৰহ্ম নারায়ণ, এমন সর্বভাবের সমন্বয় আজ পর্য্যন্ত কোন অবতারে হয় নাই !”

কিছুকাল এইরূপ যাতায়াত করিবার পর একদিন নাগমহাশয় দক্ষিণেশ্বরে গিয়া দেখেন, শ্রীরামকৃষ্ণ আহারান্তে বিশ্রাম করিতেছেন। তখন জ্যেষ্ঠমাস, আর সেদিন ভারি গ্রীষ্ম। নাগমহাশয়ের হাতে পাখাখানি দিয়া ঠাকুর ঘুমাইলেন। কিছুক্ষণ বাতাস করিতে করিতে নাগমহাশয়ের হাত অত্যন্ত ভারিয়া উঠিল, কিন্তু ঠাকুরের আদেশ ব্যতীত তিনি বাতাস বন্ধ করিতে পারিলেন না। ক্রমে হাত এতই ভারিয়া উঠিল যে আর চলে না ! শ্রীরামকৃষ্ণ অমনি তাঁহার হাত ধরিয়া বাতাস বন্ধ করিলেন। নাগমহাশয় বলিতেন, “ভগবান् শ্রীরামকৃষ্ণদেবের সাধারণের হ্যায় নিজাবস্থা নহে ! তিনি সদাসর্বদা জাগরিতই থাকিতেন। এক ভগবান্তির, সাধক বা সিদ্ধপুরুষে, এ অবস্থা কদাপি সন্তুষ্পর হইতে পারে না !”

একদিন নাগমহাশয় শ্রীরামকৃষ্ণের কক্ষে বসিয়াছিলেন ; “চিদানন্দরাপঃ শিবোঃহঃ শিবোঃহঃ” বলিতে বলিতে স্বামী বিবেকানন্দ ( তখন নরেন্দ্র ) প্রবেশ করিলেন। ঠাকুর নাগমহাশয়কে

দেখাইয়া নরেন্দ্রকে বলিলেন, “এই এরই ঠিক ঠিক দীনতা, একটুও ভাগ নাই।” নরেন্দ্র বলিলেন, “তা আপনি যখন বলছেন, তা হবে।” হইজনে আলাপ হইতে লাগিল।

কথায় কথায় নাগমহাশয় বলিলেন,—

“সকলি তোমার ইচ্ছা, ইচ্ছাময়ী তারা তুমি,  
তোমার কর্ম তুমি কর মা, লোকে বলে করি আমি।”

নরেন্দ্র—আমি “তিনি-মিনি” বুঝি না। আমিই প্রত্যক্ষ  
পরমাত্মা। আমার ভিতর নিখিল ব্রহ্মাণ্ড—উঠছে, ভাসছে, ডুবছে!

নাগমহাশয়—আপনার কি সাধ্য যে একটি চুল সোজা করেন,  
তা বিশ্বব্রহ্মাণ্ড ত দূরের কথা। তার ইচ্ছা না হলে গাছের পাতাও  
নড়ে না !

নরেন্দ্র—আমি ইচ্ছা না কর্তে চন্দ-সূর্যের গতি রোধ হয়।  
আমার ইচ্ছায় এই বিরাট ব্রহ্মাণ্ড ঘন্টবৎ পরিচালিত হচ্ছে।

শ্রীরামকৃষ্ণ ছোট তঙ্গপোষে বসিয়া উভয়ের কথা শুনিতে-  
ছিলেন, তিনি হাসিতে হাসিতে নাগমহাশয়কে বলিলেন, “কি  
জানিস্, ও খাপ-খোলা তরোয়াল, ওর ও কথা শোভা পায়, তা  
নরেন্দ্র ও কথা বলতে পারে।” নাগমহাশয়ের অমনি ধারণা হইল—  
নরেন্দ্রনাথ মানুষ নহেন, রামকৃষ্ণ-লীলায় মহাদেব নরশরীরে অবতীর্ণ  
হইয়াছেন। নরেন্দ্রনাথকে প্রণাম করিয়া নিরুত্তর হইলেন।  
জীবনে আর তাহার বিশ্বাস পরিবর্তন হয় নাই। কোন বিশিষ্ট  
ভদ্রলোক একদিন তাহাকে জিজ্ঞাসা করেন, “কোন মুক্তপুরুষ  
দর্শন করিয়াছেন কি ?” নাগমহাশয় বলিয়াছিলেন, “সাক্ষণ্য  
মুক্তিদাতা শ্রীরামকৃষ্ণদেবকেই দর্শন করিয়াছি। আর তাহার  
সর্বপ্রধান পার্শ্ব শিবাবতার স্বামীজীকেও দর্শন করিয়াছি।”

শ্রীরামকৃষ্ণ যাহা কিছু বলিতেন, নাগমহাশয় তাহা বেদবাক্য-স্বরূপ গ্রহণ করিতেন। তিনি বলিতেন, “ঠাকুর পরিহাসচ্ছলেও যদি কোন কথা কহিতেন, তাহারও এক গুট রহস্য থাকিত। আমি হাঁদা লোক, তাহাকে বুঝিলাম কই ?”

কয়েক মাস দক্ষিণেশ্বর ধাতারাত করিবার পর নাগমহাশয় একদিন শুনিলেন, ঠাকুর কোন ভঙ্গকে বলিতেছেন, “দেখ, ডাঙ্গার, উকীল, মোক্ষার, দালাল, এদের ঠিক ঠিক ধর্মলাভ হওয়া বড় কঠিন।” তারপর ডাঙ্গারদিগের সম্বন্ধে বিশেষ করিয়া বলিলেন, “এতটুকু ওষুধে মন পড়ে থাকবে, তা হ'লে কি করে বিরাট ব্রহ্মাণ্ডের ধারণা হতে পাব্বে ?” ইহার কিছুদিন পূর্বে হইতে নাগমহাশয় দেখিতেন, তাহার চিকিৎসাধীন রোগীদিগের মুক্তি সর্বদাই তাহার চক্ষের সমক্ষে ফুটিয়া উঠিতেছে। ইহাতে তাহার ধ্যানের বড় ব্যাঘাত হইত। শ্রীরামকৃষ্ণের কথা শুনিয়া তিনি মনে মনে সকল্প করিলেন, “যে বৃক্ষ ঈশ্বরলাভের প্রেৰণ অন্তরায় বলিয়া ঠাকুর নির্দেশ করিলেন, সে বৃক্ষ দ্বারা অন্ন-বস্তুলাভের আমার প্রয়োজন নাই।” সেই দিনই বাসায় আসিয়া ঔষধের বাক্স ও চিকিৎসার পুস্তকাদি শহিয়া গিয়া গঙ্গাগর্জে নিষ্কেপ করিলেন। তারপর গঙ্গাস্নান করিয়া বাসায় ফিরিয়া আসিলেন। কুতের কার্যালয় এখন তাহার একমাত্র জীবিকা হইল।

দীনদয়াল পরম্পরায় শুনিলেন—নাগমহাশয় ডাঙ্গারী ছাড়িয়া দিয়াছেন। তিনি মহা উদ্বিগ্ন হইয়া কলিকাতায় আসিলেন। পিতার প্রতিনিধিস্বরূপ নাগমহাশয় এতদিন কুতের কার্য চালাইতেছিলেন। পালবাবুদের অহুরোধ করিয়া আপনার স্থলে পুত্রকে বাহাল করাইয়া দীনদয়াল দেশে গেলেন। কলিকাতায় এই তার শেষ আসা।

কুতের কার্যে নাগমহাশয়কে বেশী পরিশ্রম করিতে হইত না। কেবল কখন কখন বাগবাজার বা খিদিরপুরের থালে যাইতে হইত। ডাক্তারী ছাড়িয়া এখন জপতপেরও যেমন সুবিধা হইল, দক্ষিণেশ্বর যাইবারও তেমনি অবসর পাইলেন। বাসায় গঙ্গাজল রাখিবার একটি বেশ পরিষ্কার পরিচ্ছন্ন স্থান ছিল, সেইখানে জালার পাশে বসিয়া, তিনি সর্বদা ধ্যান করিতেন। যেদিন কুতের কার্যের অন্ত বাগবাজার যাইতেন, সেদিন খাল পার হইয়া বন বাগান অঞ্চলে, একটি নির্জন স্থান খুঁজিয়া লইতেন এবং সেইখানে বসিয়া ধ্যান করিতেন। একদিন এইরূপ ধ্যান করিতে করিতে তাহার কি অঙ্গুত দর্শনাদি হইয়াছিল; বাসায় আসিয়া সুরেশকে বলিয়াছিলেন ধ্যানে আর কখন তাহার তেমন আনন্দ হয় নাই।

ক্রমে শ্রীরামকৃষ্ণের নিকট ঘন ঘন যাইতে যাইতে নাগমহাশয়ের অন্তরে অতি তৌত্র বৈরাগ্যের সংগ্রাম হইল। সংসার ত্যাগ করিবেন স্থির করিয়া অনুমতি লইতে দক্ষিণেশ্বরে গেলেন। কিন্তু ঘরে প্রবেশ করিয়াই তিনি শুনিতে পাইলেন, ঠাকুর ভাবাবেশে বলিতেছেন, “তা সংসার আশ্রমে দোষ কি? তাতে মন থাকলেই হয়। গৃহস্থাশ্রম কিরণ জান? যেমন কেমার ভিতর থেকে লড়াই করা!” কি বিড়ম্বনা! যিনি শুনিঙ্গে ফুৎকার দিয়া এই দাবানল জালাইয়া তুলিয়াছেন, তিনিই বলিতেছেন, “তুমি জনকের মত গৃহস্থাশ্রমে থাকবে। তোমায় দেখে গৃহীরা যথার্থ গৃহস্থের ধর্ম শিখবে।” আর উপায় কি? নাগমহাশয় বলিতেন, “ঠাকুরের শ্রীমুখ হইতে যাহা একবার বাহির হইত, তাহার অন্তর্থা করিতে কাহারও শক্তি সামর্থ্য ছিল না। যাহার বে পছা, ছ কথায় তিনি তাহা বলিয়া দিতেন।”

শ্রীরামকৃষ্ণের আদেশ শিরোধৰ্য্য করিয়া নাগমহাশয় বাসায় ফিরিলেন, কিন্তু মন বড় ব্যাকুল হইল। মুখে দিন রাত কেবল “হা ভগবান्, হা ভগবান্!” কখন ধূলায় আছড়াইয়া পড়েন, কখন কণ্টকে পড়িয়া শরীর ক্ষতবিক্ষত হইয়া যায়। আহারে লক্ষ্য নাই; যেদিন স্বরেশ যত্ন করিয়া কিছু থাওয়ান, সেইদিনই থাওয়া হয়, নহিলে নয়। দিন কোথা দিয়া চলিয়া যায়, কখন কোথায় থাকেন, কিছুই স্থিরতা নাই। বাসায় ফিরিতে কোন দিন রাত্রি দ্বিপ্রহর, কোন দিন দুইটা বাজে! সামান্য কুতের কার্য করাও নাগমহাশয়ের পক্ষে এখন দুষ্কর হইয়া উঠিল। কিছু পূর্বে মণজ্জিত হাজরা বলিয়া একব্যক্তির সহিত তাহার পরিচয় হইয়াছিল। মণজ্জিত দরিদ্রসন্তান, কিন্তু অতি ধৰ্ম্মভীকৃৎ; নাগমহাশয় যেদিন অক্ষম হইতেন, সেই তাহার হইয়া কুতের কার্য চালাইয়া দিত।

ইতিমধ্যে নাগমহাশয়কে একবার দেশে যাইতে হইল। মাঠাকুরাণী তাহার অবস্থা দেখিয়া দারুণ শক্তিতা হইলেন। বুঝিলেন গৃহস্থাশ্রমে স্বামীর আর তিলমাত্র আস্থা নাই। নাগমহাশয়ও তাহাকে বুঝাইলেন, “শ্রীরামকৃষ্ণ-চরণে অর্পিত দেহ স্বারা তাহার আর সংসারের কোন কার্য হইবে না।”

নাগমহাশয়ের বাটীর পার্শ্বের একখানি জমিতে তাহার ভগী সারদামণি একটি লাউগাছ লাগাইয়াছিলেন। গাছটি বেশ সতেজ হইয়া উঠিতেছিল। একদিন গাছের কাছে পাড়ার কোন লোক গুরু বাঁধিয়া দিয়া যায়। কিন্তু দড়িটি এত ছোট করিয়া বাঁধিয়াছিল যে, গাভী লাউগাছটির লোভে বারবার তাহার সন্ধিখনে যাইবার চেষ্টা করিলেও, কিছুতেই ক্রতকার্য হইতে পারিল না। নাগমহাশয় গাভীকে এইরূপ উপর্যুক্তি বিফলমন্তব্য হইতে দেখিয়া—“থাঙ্গ

মা, থাও,”বলিয়া তাহার দড়িটি খুলিয়া দিলেন। গাড়ী মনের  
সাধে লাউগাছ থাইতে লাগিল। দীনদয়াল অবাক হইয়া পুত্রের  
কার্য দেখিলেন, তারপর ভৎসনা করিয়া বলিলেন, “নিজে ত  
উপার্জন কর না। সংসারের ঘাহাতে হিত হয় সেৱণ করা দূরে  
থাক, এৱপ অনিষ্ট করা কেন?” পরে কথায় কথায় বলিলেন,  
“ডাঙুরী ছেড়ে দিয়ে ত বস্তি, এখন কি খেয়ে কি করে দিন  
কাটাবি?”

নাগমহাশয়—যা হয় ভগবান্ কর্বেন, আপনি সেজগ্রে ভাবনা  
কর্বেন না।

দীনদয়াল—হঁ, তা জানি, ! এখন গাঁঠা হয়ে চল্বি, আর  
ব্যাঙ্গ খেয়ে থাকবি।

নাগমহাশয় আর কোন উত্তর করিলেন না। পরিধেয় বন্ধু  
পরিত্যাগ করিয়া, উঠানে একটি মৃত ব্যাঙ্গ পড়িয়া ছিল, তাহা  
কুড়াইয়া আনিয়া থাইতে থাইতে পিতাকে বলিলেন, “এক্ষণে  
আপনার হই আজ্ঞাই প্রতিপালন করিলাম। থাওয়া পরার অন্ত  
আর চিন্তা করিবেন না। আপনি বসিয়া বসিয়া কেবল ইষ্টনাম জপ  
করুন। আপনার পায়ে ধরিয়া বলিতেছি, এ বয়সে আর সংসার  
চিন্তা করিবেন না।” পুত্রকে উন্মাদ ভাবিয়া দীনদয়াল বধূকে  
বলিলেন, “আজ থেকে ওর মতের বিরুদ্ধে যেন কিছু না করা  
হয়।”

নাগমহাশয় যতদিন দেশে থাকিতেন, দীনদয়ালকে সংসার-চিন্তা  
করিবার অবসর দিতেন না। সর্বদা তাহাকে শান্তপাঠ করিয়া  
শুনাইতেন। দীনদয়ালের কাছে যে সকল লোক গঁঠ-গুজব করিতে  
আসিত, নাগমহাশয় তাহাদিগকে ভৎসনা করিয়া বলিতেন,

“আপনারা আসিয়া বাবার সঙ্গে আর সংসারের কথা তুলিবেন না।  
একপ করিলে আপনারা আর এখানে আসিবেন না।”

নাগমহাশয় কলিকাতায় আসিলে সুরেশ তাহাকে দীনদয়ালের  
কথা জিজ্ঞাসা করায়, নাগমহাশয় বলিয়াছিলেন, “সংসারজন্ম কাল-  
সর্পে একবার যাহাকে দংশন করিয়াছে, তাহার আর রক্ষা নাই।  
মহামায়ার কৃপা না হইলে কিছুই হইবার উপায় নাই।” তারপর  
তিনি “জয় রামকৃষ্ণ, জয় রামকৃষ্ণ, আমার পিতাকে দয়া কর”  
বলিয়া আকুল হইয়া কাদিতে লাগিলেন। পরে সুস্থ হইয়া বলিলেন,  
“এক্ষণেও পিতার বিষয়চিন্তা, ছাই-ভৱ্য সংসারের আলোচনা দূর হয়  
নাই। বৃক্ষ হইয়াছেন, অক্ষম হইয়াছেন, নিজে কোথাও যাইতে পারেন  
না, কিন্তু গ্রামস্থ কোন ভদ্রলোক তাহার সহিত সাঙ্গাং করিতে  
আসিলে, তিনি তাহাদের সঙ্গে সংসারের নানা কথায় নিযুক্ত হন।”

দেশ হইতে আসিয়া নাগমহাশয় একদিন শ্রীরামকৃষ্ণকে  
বলিলেন, “তার উপর নির্ভর হল কই? এখনও ত নিজের চেষ্টা  
য়াহিয়াছে!” ঠাকুর নিজের শরীর দেখাইয়া বলিলেন, “এখানকার  
টান থাকলে সব ঠিক ঠিক হয়ে যাবে।” নাগমহাশয় বলিতেন,  
“তিনি ( শ্রীরামকৃষ্ণ ) যাকে দিয়ে যা ইচ্ছা করিয়ে নেন, জীবের  
কোন কিছু সাধ্য নাই। মানুষের মনকে ঠাকুর যেমন ইচ্ছা গড়তে  
তাঙ্গতে পারতেন; এ কি মানুষের কর্ম !”

নাগমহাশয়ের তীব্র বৈরাগ্য দেখিয়া শ্রীরামকৃষ্ণ আবার একদিন  
তাহাকে বলিলেন, “গৃহেই থেকো, যেন তেন করে মোটা ভাত  
মোটা কাপড় চলে যাবে।”

নাগমহাশয়—গৃহে কিরূপে থাকা যায়? পরের দুঃখ কষ্ট  
দেখে কিরূপে স্থির থাকা যায়?

শ্রীরামকৃষ্ণ—ওগো, আমি বলছি, মাইরি বলছি, ঘরে থাকলে তোমার কোন দোষ হবে না। তোমায় দেখে লোক অবাক হবে।

নাগমহাশয়—কি করে গৃহস্থাশ্রমে দিন কাটিবে?

শ্রীরামকৃষ্ণ—তোমায় আর কিছু কব্রতে হবে না, কেবল সাধুসঙ্গ কব্রবে।

নাগমহাশয়—সাধু চিন্ব কি করে? আমি যে হাঁদা লোক!

শ্রীরামকৃষ্ণ—ওগো, তোমায় সাধু খুঁজে নিতে হবে না; তুমি ঘরে বসে থাকবে, যে সকল যথার্থ সাধু আছেন, তাঁরা এসে নিজেরাই তোমার সঙ্গে দেখা কব্ববেন।

দিন যাইতে লাগিল, নাগমহাশয় ভাবিতে লাগিলেন—যতদিন সংসারধান্তায় ঘুরিতে হইবে ততদিন শান্তির আশা ছুরাশা। স্থির করিলেন, রণজিৎকে কুতের কার্য ছাড়িয়া দিয়া নিশ্চিন্ত হইয়া ভগবচ্ছিন্না করিবেন। স্বয়েগমত একদিন পালবাবুদের কাছে কথাটা পাঢ়িলেন। বাবুরা জিজ্ঞাসা করিলেন, “আপনার তাহলে কি করে চলবে?” নাগমহাশয় বলিলেন, “তিনি ( রণজিৎ ) দয়া করিয়া যাহা দিবেন, তাহাতে একপ্রকার চলিয়া যাইবে।”

পালবাবুরা দেখিলেন—নাগমহাশয়ের হাঁড়া সংসারের কাজকর্ম চলা অসম্ভব, তবে যাহাতে এই প্রতিপালিত পরিবারের অন্নকষ্ট না হয় তাহার একটা উপায় করিতে হইবে। তাহারা রণজিৎকে ডাকাইলেন এবং লাভের অর্কাংশ নাগমহাশয়কে দিতে স্বীকার করাইয়া কুতের কার্য বন্দোবস্ত করিয়া দিলেন। রণজিৎ নাগমহাশয়ের স্বভাব জানিত; পাছে খরচ করিয়া ফেলেন এজন্ত সমস্ত টাকা তাহাকে একেবারে দিতনা, নাগমহাশয়ের

বাসাথরচ চালাইয়া টাকা ডাক্যোগে দীনদয়ালকে পাঠাইয়া দিত।

বন্দোবস্তের কথা শুনিয়া শ্রীরামকৃষ্ণ বলিলেন, “তা বেশ হয়েছে, তা বেশ হয়েছে।”

নিশ্চেষ্ট হইয়া নাগমহাশয় উগ্রতর তপস্তায় নিমগ্ন হইলেন এবং সর্বদাই শ্রীরামকৃষ্ণসকাশে যাতায়াত করিতে আরম্ভ করিলেন। ইতিপূর্বে রবিবারে, ছুটীর দিনে তিনি কখন দক্ষিণেশ্বরে যাইতেন না ; বলিতেন, “কত বিষ্ণুন्, বৃক্ষিমান্, গণ্যমান্ত লোক রবিবারে ঠাকুরের কাছে যান, আমি মুখ্য লোক, তাহাদের কথা কি বুঝিব !” এজন্ত অগ্রান্ত রামকৃষ্ণ-ভক্তগণের সঙ্গে তাহার দেখা সাক্ষাৎ হয় নাই। এখন সর্বদা যাতায়াতের কারণ, কাহারও কাহারও সঙ্গে পরিচয় হইতে লাগিল।

একরাত্রে গিরিশ ছুইটি বছুর সহিত দক্ষিণেশ্বরে গমন করেন। তিনি রামকৃষ্ণের কক্ষে প্রবেশ করিয়া দেখিলেন—ঘরের কোণে, কৃতাঞ্জলি হইয়া, অতি দীনহীনভাবে একটি লোক বসিয়া আছেন। লোকটির আকার অতি শুক্ষ, কিন্তু ছুইটি তারার মত জলিতেছে ! ঠাকুর তাহার সহিত গিরিশের আলাপ করাইয়া দিলেন। কি শুভক্ষণে দেখা, সেই প্রথম পরিচয়েই, গিরিশের সহিত নাগমহাশয়ের সৌহ্য জমিল।

নাগমহাশয় প্রায়ই অপরাঙ্গে গঙ্গাতৌরে বেড়াইতেন। একদিন বেড়াইতে বেড়াইতে দেখিলেন—একটি তরুণবয়স্ক সৌম্যমুর্তি যুবক — পদচারণ করিতেছেন। নাগমহাশয়ের মনে হইল, বোধ হয় ইনি একজন রামকৃষ্ণ-ভক্ত। যুবার সহিত পরিচয় করিয়া জানিলেন তাহার অহমান সত্য। ইনিই স্বামী তুরীয়ানন্দ (তখন শ্রীহরিনাথ)।

তুরীয়ানন্দের কঠোর ব্রহ্মচর্যের কথা বলিতে বলিতে, নাগ-মহাশয় বলিতেন, “এমন না হলে কি আর ঠাকুরের ক্ষপাপাত্র হয়েছেন ।”

নাগমহাশয় এখন হইতে জামা জুতার ব্যবহার একেবারে  
ছাড়িয়া দিলেন। বারমাস একখানি ভাগলপুরী খেস্ গায়ে দিয়া  
থাকিতেন। আহার সম্বন্ধে শ্রীরামকৃষ্ণ তাহাকে বলিয়াছিলেন,  
“ঈশ্বর-ইচ্ছায় যখন যেমন আহার পাবে, তাই থাবে; তোমার এতে  
কিছু বিধিনিষেধ নেই; তাতে কোন দোষ হবেক নি।” এজন্ত  
আহারসম্বন্ধে নাগমহাশয় কোন বাধাবাধি নিয়ম রাখিতেন না।  
যখন যেমন পাইতেন, তেমনি থাইতেন। সাধারণতঃ তাহার  
আহার অতি অল্প ছিল, দিনান্তে গ্রাস হই অন্ন থাইতেন; বলিতেন,  
“যত দিন দেহ আছে, কিছু কিছু টেক্কা দিতেই হবে।” রসনাৱ  
ভালমন্দ আস্থাদেৱ লালসাকে জয় কৱিবাৰ জন্ত, তিনি থাত্তদ্বেৰ  
সহিত লবণ বা মিষ্টি ব্যবহার কৱিতেন না। বলিতেন, “জিহ্বাৱ  
স্ফুরণে হবে।”

নাগমহাশয়ের অর্দ্ধেক বাসা ভাড়া দেওয়া ছিল। কীর্তিবাস  
নামে একটি মেদিনীপুরের লোক সপরিবারে তাহাতে থাকিত এবং  
চালের ব্যবসায় করিত। বাসায় সে জন্ত সময়ে সময়ে অনেক কুঁড়ো  
জমা হইত। নাগমহাশয়ের একদিন মনে হইল, সেই কুঁড়ো থাইয়া  
জীবন ধারণ করিবেন। ভাবিলেন, “যা হোক কিছু খেয়ে জীবন  
ধারণ কর্তৃপক্ষ হল, ভালমন্দ আস্তাদের অত প্রয়োজন কি?” লবণ  
বা মিষ্টি না দিয়া কেবল গঙ্গাজল খাখিয়াই সেই কুঁড়ো থাইলেন।  
তিনি দুইদিন এইরূপ আহার করিবার পর কীর্তিবাস জানিতে  
পারিয়া, সমস্ত কুঁড়ো বেচিয়া ফেলে। সেই অবধি সে আর বাসায়

কুঁড়ো জমিতে দিত না । নাগমহাশয় বলিতেন, “কুঁড়ো খেয়ে আমার কেোন কষ্ট হয়নি ; বৱং শৱীৰ বেশ হাল্কা বোধ হত, দিনৱাত আহাৰেৰ বিচাৰ কৰ্তে গেলে, কখনই বা ভগবানকে ডাক্ৰ, আৱ কখনই বা তাঁৰ মনন কৰ্ব ! নিষত ভালমন্দ খাদ্যেৰ বাছ বিচাৰ কৰ্তে গেলে, শুচিবায়ু হয় ।” সাধু-সজ্জন জ্ঞানে কৌর্ত্তিবাস নাগমহাশয়কে বিশেষ শ্ৰদ্ধা-ভক্তি কৱিত । বাসায় ভিখাৰী আসিলে নাগমহাশয় যদি ভিক্ষাদানে অসমর্থ হইতেন, কৌর্ত্তিবাস তাঁহার সহায়তা কৱিত । সুৱেশ বলেন, “মামার বাসা বড় রাস্তাৰ উপৰ ছিল বলিয়া নিত্য অনেক ভিখাৰী আসিত, কিন্তু কেহ শৃঙ্খলতে ফিরিত না । একদিন এক বৃক্ষ বৈষ্ণব নাগমহাশয়েৰ বাসায় ভিক্ষা কৱিতে আসে । আহাৰোপযোগী চারিটি আলোচাল ব্যতীত নাগ-মহাশয়েৰ সে দিন আৱ কিছুই ছিল না ! কৌর্ত্তিবাসও তখন বাসায় উপস্থিত নাই । নাগমহাশয় ভিখাৰীৰ নিকটে আসিয়া অতি বিনীত ভাবে বলিলেন, ‘আজ আৱ আমার অন্ত কিছুই নাই কেবল চারিটি আলোচাল আছে, নেবেন কি ?’ বৃক্ষ বৈষ্ণব তাঁহার শ্ৰদ্ধাদৰ্শনে পৱন প্ৰীত হইয়া আলোচাল লইয়া চলিয়া গেল ।”

সুৱেশ বলেন, “আমার সহিত নাগমহাশয়েৰ ত্ৰিশ পঁয়ত্ৰিশ বৎসৱেৰ আলাপ ছিল, কিন্তু আমি কখন তাঁহাকে জলখাবাৰ থাহিতে দেখি নাই । দেবতাৰ প্ৰসাদী এবং ঠাকুৱেৰ মহোৎসবেৰ প্ৰসাদী সন্দেশ ব্যতীত তিনি অন্ত সন্দেশ থাহিতেন না, বলিতেন ‘জিহ্বাৰ সুখেচ্ছা হবে ।’ তিনি নিজে ভাল জিনিস কখন থাহিতেন না, কিন্তু অপৱকে খাওয়াহিতে তিনি মুক্তহস্ত ছিলেন ।”

বিষয়প্ৰসঙ্গ নাগমহাশয় একেবাৱেই কৱিতেন না, অপৱে কৱিলে কোশলে বন্ধ কৱাইয়া দিতেন । বলিতেন, “জয় রামকৃষ্ণ, আজ কি

কথা তুলিয়াছেন ? ঠাকুরের নাম করুন, মায়ের নাম করুন।”  
কোনও কারণে কাহারও উপর ক্রোধ বা অশ্রদ্ধার উদয় হইলে,  
তিনি নিকটে থাহা পাইতেন, তাহারই দ্বারা আপনার শরীর অতি  
নিষ্ঠুরভাবে আঘাত করিতেন। তিনি কখনও কাহারও নিন্দাবাদ  
করিতেন না, বা কাহারও বিপক্ষে কোন কথা বলিতেন না।  
একবার ব্যক্তিবিশেষের সঙ্গে তাহার মুখ দিয়া একটি বিরুদ্ধ কথা  
বাহির হইয়া পড়ে। নিকটে একখণ্ড প্রস্তর পড়িয়াছিল, তিনি  
তদ্বারা আপনার মস্তকে বায়বার আঘাত করিতে লাগিলেন।  
মাথা ফাটিয়া অনর্গল রক্ত পড়িতে লাগিল। প্রায় মাসাবধি সে ঘা  
শুকায নাই। বলিতেন, “বেশ হইয়াছে, যে যেমন পাঞ্জি তাহার  
সেইরূপ শাস্তি হওয়া দরকার।”

রিপু জয় করিবার জন্য তিনি দীর্ঘ লজ্জন দিতেন, এমন কি পাঁচ  
হয় দিন পর্যন্ত নিরস্ত্র উপবাসে থাকিতেন। একবার এইরূপ দীর্ঘ  
লজ্জনের পর নাগমহাশয় রক্ষন করিতে বসিয়াছেন, সেই সময়  
স্বরেশচন্দ্র তাহার কাছে উপস্থিত হন। বোধ হয় স্বরেশকে দেখিয়া  
নাগমহাশয়ের যেন কোনরূপ বিস্মৃত ভাবের উদয় হইয়া থাকিবে—  
“আমার অপরাধ দূর হইল না”, বলিয়া তিনি রক্ষনের হাঁড়ি ভাঙ্গিয়া  
ফেলিলেন। আক্ষেপ করিতে করিতে স্বরেশকে প্রণাম করিতে  
লাগিলেন। সে দিন আর তাহার অন্নাহার হইল না। আধ  
পয়সার মুড়ি ও আধ পয়সার বাতাসা থাইয়া পড়িয়া রহিলেন।

শিরঃপীড়াবশতঃ নাগমহাশয়কে স্নান ছাড়িয়া দিতে হইয়াছিল।  
এখন হইতে জীবনের শেষ বিংশতি বর্ষ তিনি আর স্নান করেন  
নাই। সেজন্ত তাহার শরীর অতিশয় কুক্ষ দেখাইত। তার উপর  
কঠোর সাধনায় তাহার অস্তরের দীনতা অঙ্গে অঙ্গে ফুটিয়া উঠিতে

লাগিল। গিরিশ বলেন, “অহং শালাকে ঠেঙ্গিয়ে ঠেঙ্গিয়ে নাগমহাশয় তাঁর মাথা ডেঙ্গে ফেলে দিয়েছিলেন, তাঁর আব মাথা তোলবার যো ছিল না।” পথ চলিবার সময় তিনি কখনও কাহারও অগ্রে যাইতে পারিতেন না। অতি সামান্য মুটে মজুবদিগকেও পথ ছাড়িয়া দিয়া পশ্চাতে চলিতেন। তিনি কাহাবও ছায়া মাড়াইতে পারিতেন না এবং বিছানায়ও বসিতে পারিতেন না। কেহ তামাক সাজিয়া দিলে তাহার খাওয়া হইত না, কিন্তু তিনি সকলকে তামাক সাজিয়া খাওয়াইতেন। মনের মত লোক পাইলে ছিলমেব পর ছিলিম সাজিয়া খাওয়াইতেন এবং আপনিও থাইতেন। এমন কি যখন সে লোক বিদ্যায় চাহিত, নাগমহাশয় ছাড়িতেন না, “আর এক ছিলিম ;খাইয়া যান” বলিয়া তাহাকে বসাইতেন, তাবপর কত এক ছিলিম চলিত! তিনি বলিতেন, “আমি অধম কীটাধম, আমার দ্বারা কোন কার্য হইবার নহে; তবে যদি আপনাদের তামাক সাজিয়া কৃপালাভ করিতে পারি, তবে এ জন্ম সফল হইবে।”

নাগমহাশয় রাগমার্গের সাধক হইলেও, বৈষ্ণবত্ত্বিব বিশেষ পক্ষপাতী ছিলেন। তিনি আপনি যেকপ উগ্র সাধন করিতেন, অপবকেও তদ্ধপ করিতে উপদেশ দিতেন এই লইয়া স্বরেশের সঙ্গে একদিন তর্ক-বিতর্ক হইয়াছিল। নাগমহাশয়ের সঙ্গে আট নম্ব দিন দক্ষিণেশ্বরে যাতাযাতের পর স্বরেশকে কার্য উপলক্ষে কোয়েটা যাইতে হয়। যাইবাব পূর্বে শ্রীরামকুমারের নিকট হইতে দীক্ষা ও সাধন উপদেশ লইবার জন্য নাগমহাশয় স্বরেশকে নিতান্ত পীড়াপীড়ি করিয়া বলেন। মন্ত্রে তখন স্বরেশের বিশ্বাস ছিল না বলিয়া তিনি নাগমহাশয়ের সহিত বিস্তর বাদ-প্রতিবাদ করিতে লাগিলেন।

অবশেষে স্থির হইল, শ্রীরামকৃষ্ণ যেৱপ উপদেশ দিবেন, সেইঁৱপ কাৰ্য্য হইবে। পৰদিন দুইজনে দক্ষিণেশ্বৰ গেলেন এবং উপস্থিত হইয়াই নাগমহাশয় স্বরেশেৱ দীক্ষার কথা উৎপন্ন কৱিলেন। শ্রীরামকৃষ্ণ বলিলেন, “ওগো, এ ত ঠিক কথা বলছে! দীক্ষা নিয়ে সাধন ভজন কৰতে হয়, তুমি এৱ কথা মান্ছ না কেন?” স্বরেশ বলিলেন, “মন্ত্ৰে আমাৱ বিশ্বাস নাই।” শ্রীরামকৃষ্ণ নাগমহাশয়কে বলিলেন, “তা এখন ওৱ দৱকাৱ নাই, হবে, হবে, পৱে হবে।”

কিছুদিন কোয়েটা-বাস কৱিবাৰ পৱ, স্বরেশেৱ মন দীক্ষার জন্ম লালায়িত হইয়া উঠিল। স্থিৱ কৱিলেন, কলিকাতায় আসিয়া ঠাকুৱেৱ নিকট দীক্ষা লইবেন। কিন্তু যখন তিনি কলিকাতায় আসিলেন তখন শ্রীরামকৃষ্ণেৱ লীলা অবসানপ্ৰায়। দিন থাকিতে নাগমহাশয়েৱ কথা শুনেন নাই ভাবিয়া স্বরেশেৱ মনে বড় ধিকাৱ হইল। শ্রীরামকৃষ্ণ যখন স্বস্বৱপ সংবৰণ কৱিলেন, স্বরেশেৱ তখন বিষম আত্মানি উপস্থিত হইল। রাত্ৰে নিত্য গিয়া গঙ্গাতীৱে বসিয়া থাকিতেন আৱ মনেৱ দুঃখ পতিতপাবনী জাহৰীকে বলিতেন। একদিন ধূৰ্ণ দিয়া গঙ্গাকূলে পড়িয়া রহিলেন। রাত্ৰিশেষে দেখিলেন—ভগবান् শ্রীরামকৃষ্ণ গঙ্গাগৰ্ভ হইতে উঠিয়া আসিতেছেন। স্বরেশেৱ আৱ বিশ্বয়েৱ সীমা রহিল না। ঠাকুৱ কাছে আসিয়া তাহাৱ কাণে বীজমন্ত্ৰ দিলেন। স্বরেশ যেমন তাহাৱ পদধূলি লইতে যাইবেন, অমনি শ্রীমূর্তি অন্তর্হিত হইল।

এইঁৱপে প্ৰায় চাৰি বৎসৱ কাটিয়া গেল। ক্ৰমে ভগবান্ শ্রীরামকৃষ্ণেৱ লীলাবসানেৱ সময় সন্নিকট হইয়া আসিয়াছে। দক্ষিণেশ্বৰে সে আনন্দেৱ হাট ভাঙিয়া গিয়াছে। কলিকাতাৱ উত্তৱে কাশীপুৱে রাণী কাত্যায়নীৱ জামাতা গোপালবাবুৱ বাগানবাটীতে

শ্রীরামকৃষ্ণ কল্পশয্যায় পড়িয়া আছেন। নাগমহাশয় বুবিলেন—  
শ্রীরামকৃষ্ণের স্বস্বরূপ সংবরণের আর বেশী বিলম্ব নাই। এখন  
আর সর্বদা ঠাকুরের কাছে যাইতে পারিতেন না, বলিলেন,  
“ঠাকুরের রোগস্ত্রণা দেখা দূরের কথা, স্মরণ করিতেও হৎপিণ্ড  
বিদীর্ণ হইয়া যাইত। যখন ঠাকুর স্বেচ্ছায় নিজ শরীরে রোগ  
রাখিয়া দিলেন, যখন কোনৱপেই তাঁর যস্ত্রণার লাঘব করিতে  
পারিলাম না, তখন তাঁহার সমীপে না যাওয়াই স্থির করিয়া ঘরে  
বসিয়া রহিলাম। কেবল কদাচ কখন যাইয়া তাহাকে দর্শন করিয়া  
আসিতাম।” শ্রীরামকৃষ্ণের দেহে যখন অহরহঃ অন্তর্দ্বাহ হইতেছে,  
সেই সময় একদিন নাগমহাশয়কে দেখিয়া তিনি বলিয়াছিলেন,  
“ওগো, এগিয়ে এস, এগিয়ে এস, আমার গা ধেসে বস ! তোমার  
ঠাণ্ডা শরীর স্পর্শ করে আমার শরীর শীতল হবে !” বলিয়া  
শ্রীরামকৃষ্ণ অনেকক্ষণ নাগমহাশয়কে আলিঙ্গন করিয়া বসিয়া  
রহিলেন।

সুরেশ কোয়েটা হইতে আসিয়া ঠাকুরকে দেখিতে গেলে,  
শ্রীরামকৃষ্ণ তাঁহাকে বলিয়াছিলেন, “সেই ডাক্তার কোথা ? সে  
নাকি খুব ডাক্তারী জানে ? তাকে একবার আস্তে বলো ত !”  
সুরেশ আসিয়া নাগমহাশয়কে জানাইলেন। নাগমহাশয় কাশীপুরে  
উপস্থিত হইলে, শ্রীরামকৃষ্ণ বলিলেন, “ওগো এসেছ ? তা বেশ  
হয়েছে ! এই দেখ না ডাক্তার-কবিরাজেরা ত সব হার মেনে  
গেছে ! তুমি কিছু ঝাড়ফুক জান ? জান ত দেখ দিকি যদি কিছু  
উপকার কর্তে পাব !” নাগমহাশয় নতমুখে একটু চিন্তা করিয়া  
স্থির করিলেন, শ্রীরামকৃষ্ণের সাংঘাতিক ব্যাধি মানসিক শক্তিবলে  
নিষ্পত্তি আকর্ষণ করিয়া লইবেন। সহসা তাঁহার শরীরে এক

অপূর্ব উভেজনা দেখা দিল, বলিলেন, “ঁা, ঁা, জানি, আপনার  
কৃপায় সব জানি, এখনি রোগ সারিয়ে দেব।” বলিয়া ঠাকুরের  
অভিমুখে অগ্রসর হইতে লাগিলেন। ভগবান् শ্রীরামকৃষ্ণ তাহার  
অভিপ্রায় বুঝিয়া তাহাকে আপনার নিকট হইতে দূরে ঢেলিয়া দিয়া  
বলিলেন, “তা তুমি পার, রোগ সারাতে পার।”

ঠাকুর অপ্রকট হইবার পাঁচ সাতদিন পূর্বে নাগমহাশয় আর  
একদিন তাহাকে দেখিতে যান। ঘরে প্রবেশ করিয়াই শুনিলেন,  
ঠাকুর বলিতেছেন, “এ সময় কি কোথাও আমলকী পাওয়া যায় ?  
মুখটা কেমন বিস্মাদ হয়েছে, আমলকী চিবুলে বোধ হয় পরিষ্কার  
হত।” উপস্থিতি ভঙ্গণের মধ্যে একজন বলিলেন, “মহাশয় !  
এখন ত আমলকীর সময় নয়, কোথায় পাওয়া যাবে ?” নাগমহাশয়  
ভাবিতে লাগিলেন—ঠাকুরের শ্রীমুখ থেকে যখন আমলকীর কথা  
বাহির হইয়াছে, তখন নিশ্চয় কোথাও না কোথাও পাওয়া যাবে।  
তিনি জানিতেন, ঠাকুরের যখন যাহা অভিলাষ হইত, যে কোন  
প্রকারে হটক তাহা আসিত। একদিন শ্রীরামকৃষ্ণের কমলানেবু  
থাইবার প্রয়াস হয়। ঠাকুর লেবুর কথা স্বামী অঙ্গুতানন্দকে  
( তখন লাট্টু ) বলিতেছিলেন। কিছুক্ষণ পার নাগমহাশয় কমলা-  
নেবু লইয়া দক্ষিণেশ্বরে উপস্থিত হন। ঠাকুর অতি আগ্রহে সেই  
লেবু খাইয়াছিলেন। এই ঘটনাটী ভাবিতে ভাবিতে, নাগমহাশয়  
কাহাকেও কিছু না বলিয়া আমলকী অন্ধেষণ করিতে বাহির হইয়া  
গেলেন। ক্রমে ছই দিন, আড়াই দিন অতিবাহিত হইয়া গেল,  
নাগমহাশয়ের দেখা নাই। এই সময় তিনি কেবল বাগানে বাগানে  
আমলকী অন্ধেষণ করিয়া বেড়াইয়াছেন। তিনি দিনের দিন আমলকী  
লইয়া শ্রীরামকৃষ্ণ-সমীপে উপস্থিত হইলেন। আমলকী পাইয়া

ঠাকুর বালকের আয় আনন্দ করিতে করিতে বলিলেন, “আহা, এমন সুন্দর আমলকী তুমি এই অসময়ে কোথা থেকে জোগাড় কৰলে ?” তারপর ঠাকুর স্বামী রামকৃষ্ণানন্দকে ( তখন শশীবাবু ) নাগমহাশয়ের জন্য আহার প্রস্তুত করিতে বলিলেন। নাগমহাশয় ঠাকুরের নিকটে বসিয়া তাহাকে বাতাস করিতে লাগিলেন। আহার প্রস্তুত হইলে রামকৃষ্ণানন্দ সংবাদ দিলেন, কিন্তু নাগমহাশয় উঠিলেন না। অবশ্যে শ্রীরামকৃষ্ণ তাহাকে আহার করিবার জন্য নীচে যাইতে আদেশ করিলেন। নাগমহাশয় নীচে আসিয়া আসনে বসিলেন। কিন্তু ভক্ষ্যদ্রব্য স্পর্শ করিলেন না। আহার করিবার জন্য সকলে তাহাকে অহুরোধ করিতে লাগিলেন, কিন্তু নাগমহাশয় স্থির হইয়া বসিয়া রহিলেন। সে দিন একাদশীর উপবাস ; নাগমহাশয়ের মনোভাব—ঠাকুর যদি দয়া করিয়া প্রসাদ দেন, তবেই ব্রতভঙ্গ করিবেন, নচেৎ নয়। কিন্তু সে কথা কাহাকেও বলেন নাই। নাগমহাশয় যখন কিছুতেই আহার করিলেন না, তখন রামকৃষ্ণানন্দ ঠাকুরকে গিয়া সে কথা জানাইলেন। শ্রীরামকৃষ্ণ বলিলেন, “ওর খাবার পাতাটা এখানে নিয়ে আয়।” তাহাই হইল। রামকৃষ্ণানন্দ পাতাশুক্র খাদ্যদ্রব্য আনিয়া শ্রীরামকৃষ্ণের সম্মুখে ধরিলে, তিনি সকল সামগ্ৰীৰ অগ্রভাগ জিহ্বায় স্পর্শ করিয়া দিয়া বলিলেন, “এইবার দিগে, খাবে এখন। রামকৃষ্ণানন্দ সেই পাতা পুনৰায় নাগমহাশয়কে আনিয়া দিলে, নাগমহাশয় ‘প্রসাদ—প্রসাদ—মহাপ্রসাদ,’ বলিয়া ভূমিষ্ঠ হইয়া প্রণাম করিতে লাগিলেন ও পরে খাইতে আরম্ভ করিলেন। খাইতে খাইতে পাতাখানি পর্যন্ত তাঁর উদরস্থ হইয়া গেল। প্রসাদ বলিয়া দিলে, নাগমহাশয় কিছুই পরিত্যাগ করিতেন না। রামকৃষ্ণানন্দ

বলেন, “আহা সেদিন নাগমহাশয়ের কি তাবই দেখা গিয়াছিল !” এই ঘটনার পর শ্রীরামকৃষ্ণ-ভক্তগণ নাগমহাশয়কে আর প্রাপ্ত পাতায় করিয়া প্রসাদ দিতেন না। যদি কখন পাতায় প্রসাদ দেওয়া হইত, সকলে সতর্ক থাকিতেন, নাগমহাশয়ের থাওয়া শেষ হইলেই, পাতাখানি কাড়িয়া লইতেন। যে ফলে বীচি আছে, তাহার বীচি অন্তরিত করিয়া তাঁহাকে থাইতে দেওয়া হইত। ১২৯৩ সালে, ৩১শে শ্রাবণ, রবিবার, সংক্রান্তি দিনে ভগবান् শ্রীরামকৃষ্ণ লীলা সংবরণ করিলেন। সংবাদ পাইয়া নাগমহাশয় শুশানে গমন করেন। পরে গৃহে আসিয়া নিরমু উপবাস করিয়া রহিলেন।

ঠাকুরের অপ্রকট হইবার পর স্বামী বিবেকানন্দ সকল ভক্তেরই আশ্রম-স্বরূপ হইয়াছিলেন। তিনি তাঁহাদের তত্ত্বাবধান করিতেন। স্বামীজী শুনিলেন—নাগমহাশয় একখানি লেপ মুড়ি দিয়া অনাহারে পড়িয়া আছেন। এমন কি স্নান শৌচাদির জন্ত উঠেন না। স্বামী অথগুনন্দ ( তখন গঙ্গাধর ) ও স্বামী তুরীয়ানন্দকে সঙ্গে লইয়া নরেন্দ্রনাথ নাগমহাশয়ের বাসায় গেলেন। অনেক ডাকা-ডাকির পর নাগমহাশয় উঠিয়া বসিলেন। নরেন্দ্রনাথ বলিলেন, “আজ আমরা আপনার এখানে ভিক্ষার জন্ত এসেছি।” নাগমহাশয় তৎক্ষণাত্মে বাজারে গিয়া নানাবিধি দ্রবাদি কিনিয়া আনিলেন। ইতিমধ্যে অতিথিত্রয় স্নান করিয়া আসিয়াছেন এবং নাগমহাশয়ের ভাঙ্গা তত্ত্বাপোষের উপর বসিয়া শ্রীরামকৃষ্ণ-প্রসঙ্গ করিতেছেন। তিনখানি পাতা করিয়া আহার্য দেওয়া হইল। স্বামীজী আর একখানি পাতা করাইয়া তাহাতেও খাবার দেওয়াইলেন। পরে সেই পাতায় বসিবার জন্ত নাগমহাশয়কে বিস্তর অনুরোধ করিলেন, তিনি কিছুতেই বসিলেন না। স্বামীজী বলিলেন, “আচ্ছা থাক,

উনি পরেই থাবেন।” আহারাত্তে বিশ্রাম করিতে বসিয়া নরেন্দ্রনাথ নাগমহাশয়কে আবার অনুরোধ করিলেন। নাগমহাশয় বলিলেন, “হায়, হায় আজও এ দেহে ভগবানের ক্ষপা হল না, একে আবার আহার দোব, আমা হতে তা আর হবে না।” স্বামিজী বলিলেন, “আপনাকে খেতেই হবে, নইলে আমরা যাচ্ছি না।” অনেক বুরাইবার পর নাগমহাশয় সে দিন আহার করেন। শ্রীরামকৃষ্ণের লীলাবসানের পর বাগবাজারনিবাসী প্রসিদ্ধ ভক্ত শ্রীযুক্ত বলরাম বস্তু পুরীধামে বাস করিবার জন্য নাগমহাশয়কে বিশেষ জ্ঞেন করেন। নবদ্বীপে বাস করিবার জন্য পালবাবুরা তাহাকে অনেক অনুরোধ করিয়াছিলেন। তাহার সম্পূর্ণ ব্যয়ভাব বহন করিতে উভয়েই স্বীকৃত হন। নাগমহাশয় বলিলেন, “ঠাকুর গৃহে থাকিতে বলিয়া গিয়াছেন, তাহার বাক্য এক চুল লজ্জন করিতে আমার তিলমাত্র সাধ্য নাই।” সকলের অনুরোধ লজ্জন করিয়া শ্রীরামকৃষ্ণের আদেশ মাথায় ধরিয়া নাগমহাশয় দেশে গিয়া গৃহে বাস করিলেন।

এই সময় ভাগ্যকুলের কুঙ্গবাবুরা নাগমহাশয়কে ৫০ টাকা মাসিক বেতনে পারিবারিক চিকিৎসকক্ষে থাকিবার অনুরোধ করেন। কিন্তু তিনি স্বীকৃত হন নাই।

---

## পঞ্চম অধ্যায়

### দেশে অবস্থান

গৃহে বাস করিয়া নাগমহাশয় প্রাণপণ যত্নে পিতৃসেবা করিতে লাগিলেন। দীনদয়াল এখন অক্ষয় হইয়াছেন। নাগমহাশয় অনেক সময়ে তাঁহাকে ধরিয়া লইয়া গিয়া আন শোচাদি করাইয়া আনিতেন। পরিপাটিজনপে তাঁহার শয্যা রচনা করিয়া দিতেন। তাঁহার যেদিন যাহা খাইতে ইচ্ছা হইত, যত্নে সংগ্রহ করিয়া আনিতেন। দীনদয়াল কোন সময় আক্ষেপ করিয়া বলিয়াছিলেন, “ছর্গাচরণ ত উপার্জন করিল না ; কত লোকে মাঘের অচন্না করিতেছে, আমাদের শক্তি থাকিলে আমরাও করিতাম, সে সৌভাগ্য হইল না।” নাগমহাশয় সেকথা জানিতে পারিয়া, সেই বৎসর হইতে পিতার সন্তোষার্থে প্রতি বৎসর ছর্গাপূজা, কালীপূজা, জগদ্ধাত্রীপূজা, সরস্বতীপূজা প্রভৃতির আয়োজন করিতেন। দীন-দয়ালকে তিনি ক্ষণিকের জন্য সংসারচিন্তা করিবার অবসর দিতেন না, সর্বদা তাঁহার কাছে বসিয়া ভাগবত পুরাণাদি শাস্ত্র পাঠ করিতেন। পুঁজ্বের নিরবচ্ছিন্ন চেষ্টায় পিতার মন ক্রমে পরিবর্তিত হইয়া গেল। নাগমহাশয় প্রতি বৎসর শারদীয় উৎসবের প্রয়োজনীয় জিনিসপত্র কিনিতে পূজার পূর্বে একবার কলিকাতায় আসিতেন। এবার আসিয়া স্বরেশকে বলিলেন, “ক্রমে তাঁহার ( দীনদয়ালের ) মন পরিবর্তিত হইতেছে। বিষয়চিন্তা এখন আর তাঁহাকে আক্রমণ

করে না। তিনি দিনরাত কেবল ভগবচ্ছিন্নায় ও ঈশ্বরীয় প্রসঙ্গে অতিবাহিত করেন।”

পূর্ববঙ্গ তত্ত্ব-প্রধান দেশ, শুক্রাভক্তি অপেক্ষা সেখায় সিঙ্কাইএর আদর বেশী। স্বামী বিবেকানন্দ একদিন আমায় বলিয়াছিলেন, “ওরে, তোদের বাঙাল দেশে কেবল বৈষ্ণব ও তাঙ্গিকেরই প্রভৃতি দেখে এলুম! এমন বামাচারী ও সিঙ্কাইএর দেশ ত বড় একটা চোখে পড়েনি।” শ্রীরামকৃষ্ণ একবার নাগমহাশয়কে জিজ্ঞাসা করিয়াছিলেন, “ওগো, তোমাদের ওদেশে কেমন সব সাধু আছেন?” নাগমহাশয় বলিলেন, “ওদেশে কোন বিশিষ্ট সাধু ভক্তের দর্শন পাই নাই।” তিনি বলিতেন, “গঙ্গাহীন দেশে ভক্তেরা শরীর ধারণ করিতে চাহে না। তার্কিক হইতে পারেন, পণ্ডিত হইতে পারেন, কিন্তু মা ভাগীরথী-তীরে জন্মগ্রহণ না করিলে, শুক্রাভক্তি লাভ হয় না।” নাগমহাশয় দেশে আসিয়া বাস করিবার কিছু পূর্ব হইতে শ্রীযুত নটবর গোস্বামী ও শ্রীযুক্ত বিজয়কৃষ্ণ গোস্বামী পূর্বাঞ্চলে শুক্রভক্তিতত্ত্ব ব্যাখ্যা করিতেছিলেন।

নাগমহাশয় জানিতেন, বিজয় শ্রীরামকৃষ্ণ-ভক্ত। দেশে আসিয়া নাগমহাশয়কে একবার ঢাকায় ঘাইতে হয়, সেই স্থিতে তিনি বিজয়ের সহিত সাক্ষাৎ করিয়াছিলেন। বিজয় নাগমহাশয়কে চিনিতেন না; কিন্তু সাধন-প্রসূত সূক্ষ্ম অস্তদৃষ্টি বলে বুঝিয়াছিলেন যে দীনহীন বাতুলের বেশে কোন মহাপুরুষ তাঁহাকে দর্শন দিতে আসিয়াছেন। যখন কথায় কথায় প্রকাশ হইল, নাগমহাশয় শ্রীরামকৃষ্ণ-ভক্ত, বিজয়ের তখন আর আনন্দের সীমা রহিল না। পরমাত্মায় জানে তাঁহাকে আলিঙ্গন করিলেন এবং অশেষবিধি শুক্রাভক্তি প্রদর্শন করিতে লাগিলেন। বিজয়কে দেখিয়া

নাগমহাশয়ও আহলাদিত হইয়াছিলেন, কিন্তু তিনি বলিতেন, “ঠাকুরকে দর্শন করিয়াও কেন যে তিনি (বিজয়) অগ্রাহ্য সাধুর কাছে গিয়া ঢলিয়া পড়িতেন, ইহাই এক আশ্চর্য বিষয় !” বিজয় বিখ্যাত বারদীর ব্রহ্মচারীর নিকট যাতায়াত করিতেন। তারপর নাগমহাশয় আরও বলিতেন, “গোস্বামী মহাশয়ের গ্রাম মহাজনেরও যখন মতিভ্রম হয়, তখন অগ্নে পরে কা কথা !” বিজয় শ্রীরামকৃষ্ণের নিকটে বসিয়া চক্ষু মুদিয়া ধ্যান করিতেন শুনিয়া গিরিশ বাবু বলিয়াছিলেন, “যাকে পলকহীন নেত্রে দর্শন করা উচিত, তাঁর সামনে চোখ বুজে বসে থাকে, এ আবার কেমন লোক !” এই কথার উল্লেখ করিয়া নাগমহাশয় গিরিশবাবুর বিদ্যাবৃক্ষের বিশেষ প্রশংসা করিতেন ও “জয় রামকৃষ্ণ, জয় রামকৃষ্ণ” বলিয়া গিরিশের উদ্দেশে প্রণাম করিতেন।

পূর্ববঙ্গে বারদীর ব্রহ্মচারীর বিশেষ প্রতিষ্ঠা ও প্রতিপত্তি ছিল। ব্রহ্মচারীর শিষ্য ব্রহ্মানন্দ ভারতীর জেদে নাগমহাশয় একবার বারদী গিয়াছিলেন। ব্রহ্মানন্দের পূর্বনাম—তারাকান্ত গঙ্গোপাধায়। তারাকান্ত ওকালতী করিয়া মাসে প্রায় হই শত, আড়াই শত টাকা উপার্জন করিতেন। সঙ্কীর্তন, সাধুসেবা ও সাধনভজনে তারাকান্তের বিশেষ উৎসাহ ছিল। ব্যবসায় ছাড়িয়া ক্রমে তিনি সাধনভজনে মন দিলেন। তারাকান্ত সর্বদাই নাগমহাশয়ের কাছে আসিতেন এবং কখন কখন একাদিক্রমে দশ পনের দিন পর্যন্ত দেওভোগে থাকিতেন। কিছুদিন পরে তিনি উক্ত ব্রহ্মচারীর নিকট যাতায়াত করিতে আরম্ভ করিলেন। তারাকান্ত কখন কখন ব্রহ্মচারীর শিষ্য এবং কখন বা আপনাকে ব্রহ্মচারীর পূর্বজন্মের শুক বলিয়া পরিচয় দিতেন। তারাকান্ত একদিন দেওভোগে

আসিযা নাগমহাশযকে বলেন যে, তাহার পূর্বজন্ম স্মরণ হইয়াছে এবং তিনি এখন চন্দ, শৃঙ্গ, ব্রহ্মলোক প্রভৃতিতে গমনাগমন করিতে পারেন ; আরও বলেন, ধর্মাধর্ম সব মিথ্যা, এক জ্ঞানই সত্য। তারাকান্তের ভাবান্তর দেখিয়া নাগমহাশয় বলিতেন, “যথার্থ শুরু ও উপদেষ্টার আশ্রয় না পাইলে, উচ্চ উচ্চ সাধকগণও বিপথগামী হইয়া পড়েন।” ব্রহ্মচারীকে দেখিবার জন্য তারাকান্ত মধ্যে মধ্যে নাগমহাশযকে অনুরোধ করিতেন। একবার তাহার নিতান্ত পীড়াপীড়িতে নাগমহাশয় স্বীকৃত হইলেন। সাধু-দর্শনে যাইতেছেন, নারায়ণগঞ্জ হইতে কিছু ফল মিষ্ঠান কিনিয়া লইয়া গেলেন। ব্রহ্মচারী সমীপে উপস্থিত হইয়া সেগুলি উপহার দিলেন, কিন্তু ব্রহ্মচারী তাহার কণামাত্র স্পর্শ করিলেন না। নিকটে একটা ষাড় দাঢ়াইয়াছিল, সমস্ত দ্রব্য তাহাকে খাইতে দিলেন। তারপর নাগমহাশযের শুষ্ক কাষ, রুক্ষ কেশ, দীনহীন বেশ দেখিয়া ব্রহ্মচারী তাহাকে উপহাস করিতে লাগিলেন। নাগমহাশয় নর্তশরে বসিয়া রহিলেন। তাহাকে নিরুত্তর দেখিয়া ব্রহ্মচারী অধিকতর উত্তেজিত হইয়া শ্রীরামকুষের বিরুদ্ধে বহুবিধ অযথা বাক্য প্রয়োগ করিতে লাগিলেন। নাগমহাশয় আর সহ করিতে পারিলেন না। ক্রোধে তাহার শরীর দিয়া অগ্নি বাহির হইতে লাগিল। সহসা দেখিলেন, তাহার সন্নিকটে এক ভীষণাকৃতি কুরুপিঙ্গল বৈরব-মূর্তি প্রকাশিত হইয়া ব্রহ্মচারীকে ছড়িয়া ফেলিয়া দিবার জন্য অনুমতি চাহিতেছে ! নাগমহাশয় ক্রোধ সংবরণ করিয়া লইলেন। “হায় ঠাকুর ! তোমার আজ্ঞা লজ্জন কবিয়া কেন আমি সাধু দর্শন করিতে আসিলাম ! কেন আমার এত ঘতিভ্রম হইল !” বলিয়া মাথা খুঁড়িতে লাগিলেন ; তাঁরপর,

“হা রামকৃষ্ণ, হা রামকৃষ্ণ,” বলিতে বলিতে ছুটিতে আরম্ভ করিলেন। যখন ব্রহ্মচারীর দৃষ্টিবহিভূত হইলেন, তখন শান্ত হইয়া চলিতে লাগিলেন। গৃহে ফিরিয়া প্রতিজ্ঞা করিলেন আর কখন সাধুদর্শনে যাইবেন না। কেহ সাধুদর্শনের কথা বলিলে তিনি বলিতেন, “আপনাতে আপনি থেকে যেও না যন কাঙ্গ ঘরে।”

নাগমহাশয় সাংসারিক কোন ঘটনায় কখন বিচলিত হইতেন না, কিন্তু গুরুনিন্দা শুনিলে এই “অক্ষেধ পরমানন্দ” সাধকের ধৈর্যচূড়ি হইত। নারায়ণজ্ঞের কোন বিশিষ্ট ভদ্রলোক একদিন নাগমহাশয়ের শঙ্কুরবাটীতে বসিয়া শ্রীরামকৃষ্ণের কথায় কতকগুলি অথথা দোষারোপ করেন। নাগমহাশয় অতি বিনীতভাবে তাহাকে নিরস্ত হইতে বলিলেন ; কিন্তু তিনি যতই বিনয় করিতে লাগিলেন, লোকটীর বাক্য ততই উচ্ছৃঙ্খল হইয়া উঠিতে লাগিল। নাগমহাশয় তবু বলিলেন, “এ বাড়ীতে বসিয়া অথথা ঠাকুরের নিন্দাবাদ করিবেন না।” তখনও সে ব্যক্তি নিরস্ত হইলেন না ! অবশেষে নাগমহাশয় বলিলেন, “তুমি এখান থেকে এক্ষণ বেরোও, নতুবা আজ মহা অকল্যাণ হবে।” লোকটীর তাহাতেও চৈতন্য নাই ; রসনার স্তুর পরদায় পরদায় উঠিতেছে, আরও এক গ্রাম উঠিল ! নাগমহাশয়ের চক্ষু দিয়া অগ্নিকুলিঙ্গ বাহির হইতে লাগিল, ক্রোধে জ্ঞানশূন্য হইয়া লোকটীর পৃষ্ঠে পাহুকাঘাত করিতে করিতে বলিলেন, “বেরোও শালা এখান থেকে, এখানে বসে ঠাকুরের নিন্দা !” লোকটী দেওভোগ গ্রামের একজন প্রতিপত্তিশালী, প্রতিষ্ঠাবান् ব্যক্তি। প্রহার থাইয়া যাইবার সময় বলিয়া গেলেন, “আচ্ছা দেখা যাবে তুমি কেমন সাধু, এর পরিশোধ শীত্রই পাবে !” নাগমহাশয় তাহার কথায় অক্ষেপ না করিয়া বলিতে লাগিলেন,

“হা ঠাকুর। তুমি এমন লোককে কেন এখানে নিয়ে এস, যে তোমার নিন্দা করে! ধিক্ এ সংসার-আশ্রমকে।” নাগমহাশয় কিছুক্ষণ পরে শান্ত হইয়া বসিলেন। সে লোকটী কয়েকদিন পরে ফিরিয়া আসিলেন এবং নাগমহাশয়র কাছে ক্ষমা প্রার্থনা করিলেন। নাগমহাশয় অমনি জল! ঠাহাকে অভয় দিয়া কাছে বসাইয়া, তামাক সাজিয়া খাওয়াইলেন। তিনি বাটী ঘাইবার সমন্বয় সঙ্গে সঙ্গে আগোল হইয়া কতদুর ঠাহাকে রাখিয়া আসিলেন। সাধুর পাহাড়কাঘাতে লোকটীর চৈতন্য হইয়াছিল। গিরিশবাবু এই ঘটনা শনিয়া নাগমহাশয় কলিকাতায় আসিলে জিজ্ঞাসা করেন, “আপনি ত জুতো পরেন না, তবে তাকে মারতে জুতো পেলেন কোথা?” নাগমহাশয় বলিলেন, “ক্যান্ তার জোতা দিয়েই তাকে মারিলাম।” তারপর ‘জয় রামকৃষ্ণ, জয় রামকৃষ্ণ’ বলিয়া প্রণাম করিতে লাগিলেন। গিরিশ বলেন, “নাগমহাশয় যথার্থই ফণাধাৰী নাগ।”

একদিন আমি ঠাহার সঙ্গে বেলুড় মঠে ঘাইতেছিলাম। চল্তি নৌকা, নানা প্রকৃতির লোক ঘাঁটী, নাগমহাশয় উঠিয়া জড়সড় হইয়া বসিলেন। নৌকা লাগাবাবুর ঘাটের কাছে আসিতেই মঠ দেখা গেল। নাগমহাশয় আমাকে তাহা দেখাইয়া, প্রণাম করিতে লাগিলেন। ঠাহাকে তজ্জপ করিতে দেখিয়া নৌকার একজন আরোহী মঠের নানারূপ নিন্দা করিতে লাগিল। পরম আমোদ বোধ করিয়া আরও দুই তিনজন উৎসাহে তাহার সঙ্গে যোগ দিলেন। নাগমহাশয় আর হির থাকিতে পারিলেন না; দুই হাতে বৃক্ষাঙ্গুষ্ঠৰ প্রথম নিন্দুকের মুখের সম্মুখে আনিয়া বলিতে লাগিলেন—“তোমরা”ত জান কেবল ‘যোগাযোগ’ আর কৃপার

চাকতি ! তোমরা মঠের কি জান ? চোখে ঝুলি দিয়ে বসে আছ ; ধিক, ঐ জিহ্বাকে যাতে অনর্থক সাধুনিকা কব্লে ।” নিম্নুকে নাগমহাশয়ের উন্নত মূর্তি দেখিয়া মাঝিকে ডাকিয়া বলিল, “ওরে ভিড়ো, ভিড়ো, নৌকা ভিড়ো, আমি এইখানেই নেবে যাবো !” পূজ্যপাদ স্বামী বিবেকানন্দ আমার নিকট সমস্ত শুনিয়া বলিলেন, “হানবিশেষে নাগমহাশয়ের মত সিংহ হওয়াই দরকার ।” পরে বলিলেন, “একি নকল রে, এ যে আসল সোনা ।”

বারদীর ব্রহ্মচারীর এক শিষ্য ছিলেন, তিনি কখন কখন নাগমহাশয়ের নিকট আসিতেন। এই ঘটনার পর শিষ্য আসিয়া একদিন তাঁহাকে বলিলেন, “ব্রহ্মচারী শাপ দিয়াছেন, মুখে রক্ত উঠিয়া এক বৎসরের মধ্যে আপনার মৃত্যু হইবে ।” নাগমহাশয় হাসিয়া বলিলেন, “তা আমার একটী রোমও নষ্ট হইবে না ।” বৎসর পার হইয়া গেল, শাপ বিফল হইল দেখিয়া, শিষ্য বারদীর সংশ্রব পরিত্যাগ করিয়া নাগমহাশয়ের অনুগত হইলেন এবং জ্ঞানপথ ছাড়িয়া ভক্তিপথে দ্বরায় উন্নত হইলেন। নাগমহাশয় বলিতেন, “বারদীর ব্রহ্মচারী গৃহস্থ লোকদের বেদান্তজ্ঞানের কথা বলিয়া অনেকের মস্তিষ্ক বিক্রিত করিয়া দিয়াছেন। গৃহীদের পক্ষে জ্ঞান-বিচার পদ্ধা, যেমন বিকারগ্রস্ত রোগীর প্রলাপবাক্য !”

নাগমহাশয়ের বাটীতে একদিন এক সন্ন্যাসী আসিয়াছিলেন, তাঁহার ত্যাগনিষ্ঠার পরিচয় ছিল কেবল বজ্জে ; বিরক্ত ভাব নিরীহ গৃহস্থদের উপর ; এবং ঈশ্বরাত্মকাগ যত থাক বা না থাক, গঞ্জিকার উপর অতি অসাধারণ আসন্তি ছিল। গঞ্জিকাসেবায় তেমন দক্ষ মহেশ্বর আর ছিল না। সন্ন্যাসী উলঙ্ঘ হইয়া আসিতেছিলেন কিন্তু দূর হইতে নাগমহাশয়কে দেখিয়া একটু কিন্তু হইয়া

কাপড়খানি পরিলেন ; তারপর নাগমহাশয়ের কাছে গিয়া সিঙ্কাই-এর প্রসঙ্গ আরম্ভ করিলেন। নাগমহাশয় বলিলেন, “এ সকল ভাব অতি হেয় এবং শুঙ্কাভক্তি লাভের বিরোধী।” সন্ন্যাসী সে কথা কাণে না তুলিয়া বলিলেন, “আমি বিষ্ঠা খেয়ে সাত দিন থাকতে পারি !”

নাগমহাশয়—তাতে আর বাহাদুরী কি ! কুকুর সারাজীবন বিষ্ঠা খেয়ে জীবন ধারণ কর্তে পারে !

সন্ন্যাসী—আমি উলঙ্গ হইয়া সারাজীবন অবস্থান করিতেছি।

নাগমহাশয়—উন্মাদ পাগল, পশুপক্ষী প্রভৃতি ইতর জন্মরাও উলঙ্গ থাকে। তাতে আর তাদের বাহাদুরী কি ?

সন্ন্যাসী—আমি বৃক্ষমূলে জীবন যাপন করিতেছি।

নাগমহাশয়—কত ইতর জন্ম গাছ আশ্রয় করিয়া থাকে, তাহাতে আর বিশেষ প্রশংসার বিষয় কি ?

সন্ন্যাসী এইরূপ আরও আরও কত সিঙ্কাই-এর কথা বলিতেন, নাগমহাশয়ের প্রিয়ভক্ত নটবর আর অবসর দিলেন না, সন্ন্যাসীকে সংহার মুদ্রা দেখাইলেন। সিঙ্কাই সম্বন্ধে নাগমহাশয় বলিতেন, “ও ত পাঁচ মিনিটের কার্য্য, পাঁচ মিনিট বস্তেই যে কোন সিঙ্কি লাভ করা যায়।”

সাধারণতঃ এইরূপ সাধু সন্ন্যাসীই তখন পূর্ববঙ্গে দখন ঘাইত এবং তথায় তাহাদের প্রতিষ্ঠাও ছিল। নাগমহাশয়ের দীনহীন ভাব মলিন বেশ, বিশেষতঃ তাহাকে সচরাচর লোকের হায় সংসারের কাজকর্মও করিতে দেখিয়া প্রথম প্রথম কেহ তাহাকে সাধু মহাপুরুষ বলিয়া বুঝিতে পারে নাই। কিন্তু একবার তাহার সহিত যিনি আলাপ করিতেন, তিনিই বুঝিতেন—এই দীন হীন

( । . ৩৭৮৮ )

## দেশে অবস্থান

৭৭

গৃহস্থ মনুষ্যদেহে দেবতা ! আমার আত্মীয় দীনবঙ্গু মুখোপাধ্যায় আমার সঙ্গে একদিন দেওভাগে গিয়াছিলেন । দীনবঙ্গু স্বগায়ক ; নাগমহাশয় তাহার ‘প্রসাদ পদাবলী’ শুনিয়া যাই পর নাই তৃপ্তি লাভ করেন । দীনবঙ্গু বলেন, “এমন মহাপুরুষ জীবনে আর দর্শন করি নাই । শাঙ্কে বিছুরাদি মহাত্মার কথা শোনা যায় ; নাগ-মহাশয়কে দেখিয়া মনে হয়, তিনি তাহাদের অপেক্ষা কিছুতেই কম নহেন । আমার মনে হয় বিছুর নাগমহাশয়ের দেহে পুনর্বার জন্মগ্রহণ করিয়াছেন ।”

আমার শ্বশুর শ্রীযুক্ত মদনমোহন বারুড়ী মহাশয় লোক-পরম্পরায় শুনিতে পান যে, নাগমহাশয়ের সংশ্রবে আসিয়া তাহার জামাতা ( লেখক ) লেখাপড়ায় এবং সাধারণতঃ সংসারধর্মে আস্থাহীন হইতেছেন । প্রকৃত অবস্থা কি জানিবার জন্ত মদনবাবু একদিন দেওভাগে আসিয়া উপস্থিত হইলেন । নাগমহাশয়কে দেখিয়া তাহার সকল উদ্বেগ দূর হইল । নাগমহাশয়ের আদর ঘন্টে, সরল অমায়িক ব্যবহারে ও অতিথিসৎকারে পরম প্রাত হইয়া মদনবাবু বলিয়াছিলেন “জামাতা যখন এমন মহাপুরুষের কাছে যাতায়াত করেন, তখন তাহার ভয় বা চিন্তার কারণ কিছুই নাই ।”

শ্রীরামকৃষ্ণ বলিতেন, “ফুল ফুটিলে আর ভয়রকে ডাকিতে হয় না ।” যাহারা যথার্থ সাধুসঙ্গপ্রিয়, প্রকৃত ধর্মানুরাগী, তাহারা ক্রমে একে একে নাগমহাশয়কে দেখিতে আসিতে লাগিলেন । ক্রমে দূর দূরান্তে হইতে লোক আসিতে লাগিল । সময় সময় মুন্সেফ, ডেপুটী প্রতৃতি উচ্চ রাজকর্মচারিগণও আসিতেন ! নাগমহাশয় খাতাঠাকুরাণীকে বলিলেন, “ঠাকুরের শেষ দয়া ও আশীর্বাদ ইদানীং পূর্ণ হইল ! যাহারা এখানে আসিতেছেন, তাহারা

সকলেই যথার্থ ধর্মাত্মারাগী, ঠাকুর আমায় সেইরূপ বলিয়া দিয়াছেন। তাহাদের যত্ত্ব আদর করিও, তোমার মঙ্গল হইবে।”

রাজকর্মচারিগণ আসিলে নাগমহাশয় তাহাদিগকে সম্মত অভিবাদন করিতেন ; বলিতেন, “মহাশঙ্কর ইচ্ছায় ইংরাজ দেশের রাজা হইয়াছেন ; ইহাদিগকে অমাত্য করিলে ভগবতী অসন্তোষ হন।” তিনি ইংরাজ রাজত্বের বিশেষ পক্ষপাতী ছিলেন। বলিতেন, “মা মহারাণী শক্তির অংশে জন্মগ্রহণ করিয়াছেন, তাহার পুণ্যেই ইংরাজের অভ্যন্তর অভ্যন্তর হইয়াছে। ইহাদের শাসনে প্রজা স্বর্খে থাকিবে।” যুক্তবিগ্রহের কথায় বলিতেন, “জগতে রঞ্জনগুণের প্রভাবে চিরদিন মারামারি কাটাকাটি চলিয়াছে। সত্ত্ববৃত্তিতে স্থিত না হইলে হিংসাবৃত্তির নিরোধ হয় না।”

নাগমহাশয়কে যে কেহ দেখিতে আসিত, তিনি তাহাদিগকে কিছু না থাওয়াইয়া ছাড়িতেন না। যাহারা ছই তিনি দিনের পথ হইতে আসিত, তাহাদিগকে আবার শয়নের স্থান দিতে হইত। যাহার যতদিন ইচ্ছা থাকিতেন। পূজামণ্ডপের সম্মুখে দক্ষিণদিকের ঘরখানি অতিথিদিগের জন্য নির্দিষ্ট ছিল। অতিথিসৎকারে এই সামান্য গৃহস্থ-পরিবারের সকলেই অসামান্য উৎসাহ ছিল। দীনদয়াল বলিতেন, “বলে ছলে বামনে থায়, তার ফলে স্বর্গে যায়। যা হক, অতিথি ব্রাঙ্কণ সন্তানেরা যে এই দীনদরিদ্রের কুটীরে আসিয়া ছমুটো অন্ন পান, ইহাই আমার পরম সৌভাগ্য !” নাগমহাশয় বলিতেন, “এ সকলই ঠাকুরের লীলা ! ঠাকুর লীলা-শরীরে এক ছিলেন, ইন্দানীং তিনিই আবার নানামূর্তিতে আমাকে কল্পা করিতে আসিয়াছেন।” তিনি যথার্থ মারায়ণ-জ্ঞানে অতিথির সেবা করিতেন।

একদিন নাগমহাশয়ের শূলবেদনা ধরিয়াছে. যত্রণায় মধ্যে মধ্যে অজ্ঞান হইয়া পড়িতেছেন। গৃহে চাল নাই, দৈবাং আট দশজন লোক আসিয়া পড়িল। সেই অস্ত্রখেই তিনি বাজারে চলিয়া গেলেন। তিনি কখন মুটের দ্বারায় মোট বহাইতেন না। হাট-বাজার করিয়া আপনিই মাথায় করিয়া আনিতেন। সেদিন চালের মোট মাথায় করিয়া আনিতে আনিতে তাহার বেদনা বৃদ্ধি হইল, চলিতে চলিতে পথে পড়িয়া গিয়া বলিতে লাগিলেন, “হায় হায়, রামকৃষ্ণদেব আজ কি করিলেন! গৃহে নারায়ণ উপস্থিত, তাহাদের সেবায় বিলম্ব হইল। ধিক্ এ হাড়মাসের থাচায়, যদ্বারা আজ ভগবানের সেবা হইল না।” বেদনার একটু উপশম হইলে মোট মাথায় লইয়া তিনি বাড়ী আসিলেন। উপস্থিত অতিথি-দিগকে প্রণাম করিয়া বলিতে লাগিলেন, “হায়, হায়, আপনাদের নিকট অপরাধী হইলাম। আপনাদের সেবার বিলম্ব হইল!”

কোনদিন রাত্রে পাঁচ ছয় জন হবিষ্যাশী অতিথি উপস্থিত, কিন্তু নাগমহাশয়ের ঘরে আতপ তঙ্গুল অভাব। দোকানপাট তখন বন্ধ হইয়াছে, মাতাঠাকুরাণী ডালা হাতে করিয়া আতপ চাউল ধার করিতে বাহির হইলেন। আমরা তাহাতে ক্রুদ্ধ হইয়া উঠিতাম। নাগমহাশয় আমাদিগকে বুঝাইতেন, “এ সকলই ঠাকুরের ইচ্ছা, ঠাকুরের দয়া, আমার পরীক্ষা মাত্র।”

একদিন বর্ষাকালে তাহার গৃহে দুই জন অতিথি আসিয়া উপস্থিত। সে দিন ঘোর ছর্য্যাগ, বর্ষার বিরাম নাই! নাগ-মহাশয়ের বাটীতে ঘোটে চারিখানি ঘর ছিল; তাহার তিনখানির চাল দিয়া জল পড়িতেছে। একখানি ঘর ভাল ছিল, নাগমহাশৰ তাহাতে শয়ন করিতেন। অতিথিস্থানের আহারাদি হইল, কিন্তু

শয়নের স্থান কোথায় হয় ? নাগমহাশয় মাতাঠাকুরাণীকে বলিলেন, “আজি আমাদের পরম সৌভাগ্য ! এই সব সাক্ষাৎ নারায়ণের জগ্নি একটু কষ্ট সহিতে পারিবে না ? এস, আমরা ঘরের কানাচে বসিয়া ঠাকুরের নাম করিতে করিতে রাত্রি যাপন করি !” অতিথিদের ঘর ছাড়িয়া দিয়া, ছ’জনে ঘরের কানাচে বসিয়া শ্রীরামকৃষ্ণনামে রাত্রি অতিবাহিত করিলেন।

সামান্য গৃহস্থের মাসিক আয় ব্যয় যেমন নির্দ্ধারিত থাকে, নাগমহাশয়ের সেরূপ ছিল না। কুতের কার্য্যে সকল বৎসর সমান লাভ পাইতেন না এবং অতিথির সংখ্যাও নির্দিষ্ট ছিল না। সেজগ্নি সংসারে সময়ে সময়ে জিনিসপত্রের অভাব হইয়া পড়িত। যখন যে দ্রব্যের অন্টন হইত, নাগমহাশয় নারায়ণগঞ্জ প্রভৃতি স্থানের পরিচিত দোকানদারদিগের নিকট হইতে তাহা ধারে আনাইয়া লইতেন এবং বৎসরান্তে রণজিতের প্রেরিত টাকা পাইলে, তাহাদিগকে প্রাপ্য যতদূর সাধ্য চুকাইয়া দিতেন। বাজারে নাগমহাশয়ের ঘেরাপ সন্তুষ্ম ছিল, অনেক ধনী মহাজনের ভাগ্যে সেরূপ ঘটিত না। নাগমহাশয়ের নিয়ম ছিল, এক দোকান হইতে জিনিস লইতেন ; বলিতেন, “সত্যের আঁট থাকিলে সত্যই তাহাকে সর্বদা রক্ষা করেন, তগবান্ত তাহাকে অবশ্যই ক্লপা করেন।” যাহার কাছে তিনি দ্রব্যাদি কিনিতেন সে তাহাকে বিশেষ শ্রদ্ধা করিত। যে মূল্যে অন্ত ক্রেতাকে যে জিনিস দিত, নাগমহাশয়কে তাহা অপেক্ষা বেশী দিত। নাগমহাশয় তাহা জানিতে পারিলে বলিতেন, “অন্তকেও যা দেন আমাকেও তাই দিবেন, বেশী দিবেন না।” বাজারে ধারণা ছিল, নাগমহাশয় ভারি পয়মন্ত, যেদিন তাহার হাতে প্রথম বউনি হইবে, সেদিন নিশ্চয় বেশী বিক্রয় হইবে। যেছুনি মাছ গচ্ছাইবার

জন্ত, গোয়ালা হুধ বেচিবার জন্ত তাহাকে সাধ্যসাধন করিত। একদিন অতিরিক্ত হুঁকের প্রয়োজন হওয়াতে এক গোয়ালার কাছে তিনি তাহা বিনিলেন এবং হাতে তখন খুচরা পঃসা না থাকায় গোয়ালাকে একটী টাকা দিলেন। নাগমহাশয় কথন বাকি প্রাপ্য ফেরত চাহিতেন না। তিনিও চাহিলেন না গোয়ালাঙ্গ বাকি পঃসা ফেরত দিল না। আর একদিন সেই গোয়ালার কাছে হুঁক কিনিয়া নাগমহাশয় সে দিনের দাম নগদ চুকাইয়া দিলেন, বাকি পঃসাৰ কথা কিছুই বলিলেন না। গোয়ালা ভাবিল, এ পাগল মানুষ, হয়ত ভুলিয়া গিয়াছে। সে বাকিৰ কথা তুলিল না, সে দিনের নগদ দাম লইয়া গেল !

আমি কথন কথন তাহার সঙ্গে বাজারে গিয়াছি। নাগমহাশয় কথন দর-দস্তুর করিতেন না ; দোকানী যে দর বলিত, সেই দর দিতেন। নাগমহাশয়কে দর্শন করিতে আসিয়া একবার একব্যক্তি অত্যন্ত পীড়িত হইয়া পড়েন। নাগমহাশয় অতি যত্ন করিয়া রোগীৰ শুক্রবা করিলেন। সে আরোগ্য হইলে তাহাকে বাড়ী পাঠাইবার জন্ত তাহাতে ও আমাতে একখানি নৌকা ভাড়া করিতে গেলাম। মাঝি যাহা চাহিল, নিতান্ত অসঙ্গত বোধ হওয়ায়, আমি বকাবকি আরম্ভ কলিলাম। নাগমহাশয় আমায় ভৎসনা করিয়া বলিলেন, “অনর্থক বিবাদের প্রয়োজন কি ? ইহারা কথন মিথ্যা কথা বলে না।” মাঝি যে ভাড়া চাহিয়াছিল, তাহাই স্থির হইল। রোগীকে আনিয়া উঠাইয়া দিলাম। তাহার নিকট সম্বল কিছু ছিল না। নাগমহাশয় তাহার ভাড়া দিলেন, এমন অনেককেই তাহাকে পথ-থরচ দিতে হইতে।

এইরূপ অপরিমিত ব্যয়ে নাগমহাশয়কে কিছু ধূণগ্রস্ত হইতে

হইল। তাহার সে খণ্ড পরিশোধ করিয়া দিতে চাহিলে, নাগমহাশয় সম্মত হইলেন না। পূজ্যপাদ স্বামী বিবেকানন্দ আমেরিকা হইতে আসিয়া নাগমহাশয়ের খণ্ডের কথা শুনিয়া, সাহায্য করিবার প্রস্তাৱ কৰেন। নাগমহাশয় বলিলেন, “সন্ন্যাসিগণ যে আমাকে কৃপা কৰেন, এই যথেষ্ট। যা হ'ক কৰে পালবাবুদের প্রদত্ত অর্থস্বারাই আমার সংসার এক প্রকাব স্ফুরে দুঃখে চ'লে যাবে।” খণ্ডের জন্ম আমাদের চিন্তিত দেখিলে তিনি বলিতেন, “না মিলে নাই বা থাব, তবু গৃহস্থের ধর্ম্মত্যাগ কৰ্ত্তে পাব্ব না। আপনাদের গুসব ছাই ভঙ্গ ভাব্বার প্রযোজন নাই! ভগবান् শ্রীরামকৃষ্ণ যা হয় কৰ্বেন।”

নাগমহাশয় কখন চাকু রাখিতেন না। তিনি দেশে থাকিতে লোক নিযুক্ত করিয়া গৃহসংস্কার করিবার যে ছিল না। নাগমহাশয় যখন স্থানান্তরে থাবিতেন, মাতাঠাকুরাণী সেই সময় জঙ্গল কাটাইয়া, চাল ছাওয়াইয়া গৃহসংস্কার করাইয়া রাখিতেন। একবার নাগমহাশয় দীর্ঘকাল দেশে থাকায়, তাহার সমস্ত ঘৰঙ্গলি অব্যবহার্য হইয়া পড়িয়াছিল, চাল দিয়া জল পড়িত। ঘৰ নৃতন করিয়া ছাওয়াইবার জন্ম, মাতাঠাকুরাণী একজন ঘৰামী নিযুক্ত করিলেন। ঘৰামী বাটীতে প্রবেশ করিবামাত্র, নাগমহাশয় “হায় হায়” করিতে লাগিলেন; তাহাকে বসাইয়া তামাক সাজিয়া দিলেন। কিছুক্ষণ পরে ঘৰামী চালে উঠিয়া কাজ করিতে আরম্ভ করিল। হায় হায় করিতে করিতে নাগমহাশয় তাহাকে নামিয়া আসিতে বলিলেন; বিনয় করিতে লাগিলেন, কিন্তু ঘৰামী কিছুতেই নামিল না। তখন আর নাগমহাশয় স্থির থাকিতে পারিলেন না, কপালে ‘করাবাত’ করিতে করিতে বলিলেন,

“হায় ঠাকুর, তুমি কেন আমায় এই গৃহস্থাশ্রমে থাকিতে আদেশ করিয়া গেলে; আমার শুধুর জন্য অন্য লোকে থাটিবে, ঈহা আমাকে দেখিতে হইল! ধিক্ এ সংসার আশ্রমে! তাহার ব্যাকুলতা দেখিয়া ঘরামী নামিয়া আসিল। সে নামিবামাত্র নাগমহাশয় আবার তামাক সাজিয়া দিয়া, তাহাকে বাতাস করিতে লাগিলেন। তাহার শ্রান্তিদূর হইলে, সমস্ত দিনের প্রাপ্য চুকাইয়া দিয়া বিদ্যায় দিলেন।

নৌকায় উঠিয়া নাগমহাশয় মাঝিকে নৌকা চালাইতে দিতেন না, আপনি লগী ধরিয়া বাহিয়া যাইতেন। অপর আরোহিগণ তাহাকে ক্ষান্ত করিবার বিস্তর চেষ্টা করিত, নাগমহাশয় কাহারও কোন কথা শুনিতেন না। সেজন্য কেহ পারতপক্ষে তাহাকে নৌকায় উঠিতে দিত না। বর্ষাকালে দেওভোগ গ্রাম অলপ্নাবিত হইয়া থাকে, নৌকা ব্যতীত এ-বাড়ী ও-বাড়ী যাওয়া যায় না। নাগমহাশয়ের নিজের নৌকা ছিল না। মার্তাঠাকুরাণী প্রতিবাসীগণের সাহায্যে পূর্ব হইতেই জালানী কাঠ প্রভৃতি সংগ্রহ করিয়া রাখিতেন।

প্রতিদিন সন্ধ্যার সময় নাগমহাশয় ধূপ ধূনা দিয়া শ্রীরামকুঞ্জের ছবি আরতি করিতেন। ভজ্ঞের সম্বলন হইলে প্রায় সক্রীর্তন হইত। সক্রীর্তনের সঙ্গে নাগমহাশয় প্রায় যোগ দিতেন না প্রাঙ্গণের একপাশে বসিয়া সকলকে তামাক সাজিয়া থাওয়াইতেন। তিনি উপস্থিত থাকিলে কীর্তনে মহাশক্তির আবির্ভাব হইত। কীর্তনাত্মে নাগমহাশয় কেবল রামকুঞ্জ নামের জয়ধ্বনি করিতেন।

কেবল কীর্তনে কেন, নাগমহাশয়ের বাটীর সকল ক্রিয়া-কাজেই ভক্তির পূর্ণ উচ্ছ্বাস লক্ষিত হইত। এক বৎসর সরস্বতী

পূজার দিন আমি তাহার বাটীতে উপস্থিত হই । তিনি যথে মধ্যে আমার মুখে শাস্ত্রব্যাখ্যা শুনিতেন । একই শ্লোকের পৃথক ব্যাখ্যা শুনিয়া বলিতেন, “তাও বটে, আবার তাও বটে ! যে যেমন অধিকারী তাহার জগৎ শাস্ত্রের সেইকপ ব্যাখ্যা হইয়াছে । ইহাতে ব্যাখ্যাকর্তাদের কোন দোষ নাই ।” ঠাকুরের বহুরূপীর গল্প উল্লেখ করিয়া বলিলেন, “ঈশ্বরের অনন্ত কপ, যিনি যেমন বুঝিয়াছেন, তিনি সেইরূপ বর্ণনা করিয়াছেন । তাহার কি যে স্বরূপ কেহই কিছু বলিতে পারে না ।” তারপর মণ্ডপোপরি অবস্থিতা দেবীমূর্তি দেখাইয়া বলিলেন, “এও সব সত্য । এই দেবদেবীর সাধনা করিয়া কত লোক মুক্ত হইয়া গিয়াছেন,— বলিয়া বার বার দেবীকে প্রণাম করিতে লাগিলেন । দ্রব্যসন্তারে মণ্ডপ পরিপূর্ণ, পুরোহিত পূজা করিতেছেন । নাগমহাশয় পুনরায় দেবীমূর্তি লক্ষ্য করিয়া বলিলেন,—“মা যে সাক্ষাৎ বিদ্যারূপিণী ! এঁর কৃপা না হলে কি কেহ অবিদ্যার পারে যাইতে পারে ? মা আমাকে মুখ্য করিয়া খুন্দুর খুন্দুরের ঘরে আনিয়াছেন, আমাদের শাস্ত্রাধিকার নাই, আপনি শাস্ত্রের কথা ব্যাখ্যা করিয়া আমাকে কৃপা করুন !” দেবতায় তাহার তাদৃশ দৃঢ় ভঙ্গি দেখিয়া আমার তখন মনে হইয়াছিল—নাগমহাশয় বোধ হয় দেবতাসিদ্ধ, ব্রহ্মজ্ঞ নহেন । আমি এইরূপ ভাবিতেছি, ইতিমধ্যে তিনি কখন সেখান হইতে চলিয়া গিয়াছেন । খুঁজিতে খুঁজিতে দেখি তিনি রামাঘরের পশ্চাতে আমগাছের তলায় দাঢ়াইয়া আছেন । তখন তাহার পূর্ণ ভাবাবেশ—বলিলেন, “মা কি আমার এই খড়ে-মাটিতে আবক্ষ ? তিনি যে অনন্ত সচিদানন্দময়ী ; মা যে আমার মহাবিদ্যাস্বরূপিণী !” বলিতে বলিতে তিনি গভীর সমাধিতে মগ্ন হইলেন । প্রায়

অঙ্গিষ্ঠা পরে সে সমাধি ভঙ্গ হয়। পরে মাতাঠাকুরাণীকে আমি  
এ কথা জানাইলে তিনি বলিয়াছিলেন, “বাবা, তুমি ত ঠাহার  
এ অবস্থা আজ নৃতন দেখিলে। এক একদিন হই তিনি প্রহরেও  
ঠাহার চেতনা হয় না। এক একদিন আমার মনে হয় তিনি  
দেহ ছাড়িয়া বুঝি বা চলিয়া গেলেন !

কখন কখন বহুলোকসমাগম দেখিয়া তিনি বলিতেন,  
“মা ! একি হল !” বলিয়া প্রচলনভাবে কলিকাতায় পলাইয়া  
যাইতেন। ইহা ভিন্ন, শ্রীরামকৃষ্ণকে দেখিবার জন্য যখনই  
মন ব্যাকুল হইত, তখনই তিনি কলিকাতায় চলিয়া আসিতেন।  
এতন্তৰ্যাতীত প্রতি বৎসরেই উচৰ্ণপূজার পূর্বে কলিকাতায় পূজার  
বাজার করিতে আসিতেন।

একবার নববৰ্ষীপ হইতে হইজন সাধু প্রত্যাদিষ্ট হইয়া নাগ-  
মহাশয়কে দর্শন করিতে দেওভোগে আগমন করেন। কিন্তু তিনি  
তখন দেশে না থাকায়, ঠাহারা তিনি দিন দেওভোগে অবস্থান  
করিয়া পুনরায় নববৰ্ষীপে চলিয়া যান। এই ঘটনাটী মাতাঠাকুরাণীর  
প্রমুখাং অবগত হওয়া গিয়াছে।

স্বামী তুরীয়ানন্দ, জ্ঞানানন্দকে সঙ্গে লইয়া নাগমহাশয়কে দর্শন  
করিতে একবার দেওভোগে আসেন। তখন বর্ষাকাল, মাঠ পথ  
ডুবিয়া গিয়া দেওভোগ গ্রাম এক অখণ্ড জলরাশিতে পরিণত  
হইয়াছে। স্বামিষ্য নৌকায়েগে একেবারে নাগমহাশয়ের বাটীর  
ভিতরে আসিয়া উপস্থিত। নাগমহাশয় ঠাহাদিগকে দেখিয়াই ‘জয়  
রামকৃষ্ণ, জয় রামকৃষ্ণ’, বলিতে বলিতে জলে লাফাইয়া পড়িলেন—  
একেবারে সংজ্ঞাহীন ! স্বামিষ্য যত্ন করিয়া ঠাহাকে জল হইতে  
তুলিলেন।

আমেরিকা হইতে ফিরিয়া আসিয়া স্বামী বিবেকানন্দের একবার ইচ্ছা হইয়াছিল, দেওভোগে আসিয়া পল্লী-জীবনের স্থিষ্ঠিততা উপভোগ করিবেন। তথাকার লোকব্যবহার অনুযায়ী স্বান শোচাচার করিবেন। নাগমহাশয় স্বামিজীর জন্ম শোচস্থান প্রভৃতি ঘন্টে প্রস্তুত করিয়া রাখিলেন ; কিন্তু তিনি জীবিত থাবিতে স্বামিজীর দেওভোগে শুভাগমন হয় নাই।

---

## ষষ্ঠ অধ্যায়

### গৃহস্থান্ত্রিম ও গুরুস্থান

কলিকাতায় আসিয়া নাগমহাশয় সর্বাণ্ডে কালীঘাটে গিয়া কালী দর্শন করিতেন ; তারপর কুমারটুলীর বাসায় কাপড়ের পুঁটুলিটী রাখিয়া ধূলা পায়ে গিরিশবাবুর বাড়ীতে যাইতেন ! বলিতেন “পাঁচ মিনিট কাল গিরিশবাবুর নিকট বসিলে জীবের ভবরোগ দূর হয় ।” আবার বলিতেন, “গিরিশবাবুর এমনি বুদ্ধি যে দৃষ্টিমাত্র লোকের অন্তস্তল দেখিতে পান । এই বুদ্ধিবলেই গিরিশবাবু সর্বাণ্ডে ঠাকুরকে অবতার বলিয়া চিনিয়াছিলেন ।” গিরিশের নাম হইলেই নাগমহাশয় সসন্নমে প্রণাম করিতেন । শ্রীরামকৃষ্ণভজ্ঞণের মধ্যে গিরিশকে তিনি অতি উচ্চাসন দিতেন ।

নাগমহাশয় একবার পূজার পূর্বে কলিকাতায় আসিলে আমি তাহার সঙ্গে গিরিশবাবুর বাটী যাই । নাগমহাশয়কে দেখিয়া গিরিশবাবু উপর তল হইতে নীচে নামিয়া আসিলেন এবং সমাদরে আমাদের উপরে লইয়া গেলেন । নাগমহাশয় বিছানায় বসা ত্যাগ করিয়াছিলেন । তিনি মেজেতে বসিলে, উপস্থিত ভদ্রলোকগণ বারংবার তাহাকে বিছানায় বসিতে বলিলেন । গিরিশবাবু বলিলেন, “ওকে বিরক্ত করবার আবশ্যক নাই । উনি যাতে স্থূলী হন, সেই রকম ক'রে বস্তুন ।” নাগমহাশয় বসিলে গিরিশবাবু তাহাকে ঠাকুরের কথা বলিতে বলিলেন ।

নাগমহাশয়—আমি মুর্দ্ধ ছৱাচার, তাহাকে চিনিলাম কই ?

আপনি কৃপা করুন যাহাতে ঠাকুরের পাদপদ্মে আমার ভক্তি  
হয়।

নাগমহাশয়ের দীনতা দেখিয়া উপস্থিত ভদ্রলোকগণ নীরবে  
বসিয়া তাঁহাকে দেখিতে লাগিলেন। গিবিশ বলিলেন, “তা নইলে  
কি আর ঠাকুর বলে মানি ? যাঁর কৃপাগুণে মাঝুষের এমন অবস্থা  
হয়, তাঁকে কি ভগবান্ না বলে থাকা যায় !” শ্রীরামকৃষ্ণ সম্মক্ষে  
নানাবিধ প্রসঙ্গ হইবার পর, আমরা বিদায় হইলাম।

এক রবিবারে স্বরেশকে ও আমাকে সঙ্গে করিয়া তিনি আলম-  
বাজার ঘটে গমন করেন। সে দিন সেথায় স্বামী তুরীয়ানন্দ,  
নির্মলানন্দ, নিরঞ্জনানন্দ, প্রেমানন্দ, ত্রিগুণাত্মীতি প্রভৃতি অনেকে  
উপস্থিত ছিলেন। নাগমহাশয় সকলকে ভূমিষ্ঠ হইয়া প্রণাম করিতে  
লাগিলেন। তাঁহাকে পাইয়া ঘটে এক হর্ষ-কোলাহল পড়িয়া  
গেল। আমরা যখন উপস্থিত হই, তখন রামকৃষ্ণানন্দ আরতি  
করিতেছিলেন। সন্ধ্যারতির সময় নাগমহাশয় কাঁসর বাজাইলেন ;  
তাঁরপর আমরা প্রসাদ পাইতে বসিলাম। কাশীপুরের বাগানে  
প্রসাদের পাতা খাওয়া অবধি নাগমহাশয়কে আর পাতায় প্রসাদ  
দেওয়া হইত না ; থালায় প্রসাদ দেওয়া হইল। প্রসাদ  
গ্রহণাত্মে নাগমহাশয় উচ্চিষ্ট বাসন মাজিয়া আনিলেন, কহারও  
বারণ শুনিলেন না। বাসন মাজিয়া নাগমহাশয় স্বামিগণকে তামাক  
সাজিয়া দিলেন। সে রাত্রি আমরা ঘটেই যাপন করিলাম।  
ভয়ানক গরম, স্বরেশচন্দ ও আমি ছাদে গিয়া শয়ন করিলাম,  
নাগমহাশয় সারারাত্রি বসিয়া কাটাইলেন। পরদিন প্রাতে আমরা  
ঘট হইতে বিদায় লইলাম। ঘটে আমার এই প্রথম গমন।  
স্বামিগণ আমাকে মধ্যে মধ্যে সেথায় যাইতে বলিয়া দিলেন।

নাগমহাশয় অনেকদিন দক্ষিণেশ্বর দেখেন নাই, একদিন সুরেশকে ও আমাকে সঙ্গে করিয়া তিনি তথায় গমন করিলেন। পথে ঠাকুরের শেষ লীলাস্থল কাশীপুরের বাগান, সুরেশ আমাকে অঙ্গুলি নির্দেশ করিয়া দেখাইতেছিলেন। কাশীপুরের নাম শুনিলে নাগমহাশয়ের মর্ম্মবন্ধন হট ; তিনি শিহরিয়া উঠিলেন। সে বাগানের পানে ফিরিয়া চাহিলেন না ; কিন্তু তাহার মুখ বিবর্ণ হইয়া উঠিল। শ্রীরামকুম্ভের গলনালী-পীড়ায় দেহান্ত হইবার কথা উৎপন্ন হওয়ায়, নাগমহাশয় বলিয়া উঠিলেন, “লীলা, লীলা ! জীবের উদ্ধারকল্লে লীলার্থই রোগধারণ করিয়াছিলেন।” ইহার পরে নাগমহাশয় জীবনে আর এ বাগানের পথে আসেন নাই।

যথাসময়ে আমরা দক্ষিণেশ্বরে পৌছিলাম। ফটকের সম্মুখে নাগমহাশয় সাঁচাঙ্গ হইয়া প্রণাম করিলেন। দক্ষিণেশ্বর আমি পূর্বে আর দেখি নাই, সুরেশ শ্রীরামকুম্ভের সাধনাস্থল বিষ্঵মূল, পঞ্চবটী প্রভৃতি একে একে আমাকে দেখাইতে লাগিলেন। নাগমহাশয় যন্ত্রচালিতবৎ আমাদের সঙ্গে সঙ্গে ফিরিতেছেন, তাহার মন কোথাও ছিল বলিতে পারি না। অবশেষে আমরা ঠাকুরের কক্ষাভিমুখে অগ্রসর হইলাম। ঘরের নিকটে আসিয়াই নাগমহাশয়,—“হা ঠাকুর কি দেখিতে আসিলাম”—বলিয়া আছড়াইয়া পড়িলেন। আমি তাহাকে ধরিয়া তুলিলাম, কিন্তু কোন মতেই ঠাকুরের ঘরের ভিতর যাইয়া যাইতে পারিলাম না। বলিলেন, “আর কি দেখতে যাব ? এ জন্মের মত দেখা শুনা সব হয়ে গেছে।” ইহজীবনে আর তিনি এ ঘরে প্রবেশ করেন নাই। যখন দক্ষিণেশ্বরে যাইতেন, দূর হইতে সেই কক্ষকে প্রণাম করিয়া চলিয়া আসিতেন। আজ ঠাকুরের ভাগিনীয়ে হৃদয় মুখোপাধ্যায়ও দক্ষিণেশ্বরে আসিয়াছেন। তাহার

সঙ্গে একটী কাপড়ের মোট ছিল, চেহারা অতি মলিন নাগমহাশয় বলিলেন, “হৃদয এখন ফিরি করিয়া কাপড় বেচিয়া জীবিকা নির্বাহ করেন।” তাহার সহিত নাগমহাশয়ের পরিচয় ছিল, দুজনে শ্রীরামকৃষ্ণ-কথা বহিতে লাগিলেন। ঠাকুরের বন্ধের সম্মুখে বসিয়া হৃদয তিন চারিটী শ্রামবিষয়ক গান করিলেন। নাগমহাশয় বলিলেন, “ঠাকুর ঐ গানগুলি গাহিতেন।” অনেক কথার পর হৃদয বলিতে লাগিলেন, “তোমরা তাহার কৃপায সব কেমন হইয়া গেলে, আমাবে এখনও ফিরি কবিয়া উদ্বান্নের জন্ত দ্বারে দ্বারে ঘূর্বিয়া বেড়াইতে হা ! মামা আমাকে কৃপা বলিলেন না,” বলিয়া তিনি বালকের গ্রাম অশাস্ত্র হইয়া কাঁদিতে লাগিলেন। দক্ষিণেশ্বর হইতে ফিরিবার পথে আমরা আলমবাজার মঠে গোলাম এবং তথায় ঠাকুরের বৈকালিক প্রসাদ গ্রহণ করিলাম। স্বামী রামকৃষ্ণানন্দ আমাদের সঙ্গে শ্রীরামকৃষ্ণ-প্রসঙ্গ করিতে বরিতে অনেক পথ আসিলেন। তাহার কাছে বিদায লইয়া আমরা গিরিশ বাবুর বাড়ী যাই। তারপর নাগমহাশয় বাসায় ফিরিলেন।

শ্রীরামকৃষ্ণ-ভক্ত-জননী শ্রীশ্রীমাতাঠাকুরাণী এই সময় বেলুড়ে, মীলান্ধুরবাবুর গঙ্গাতীরস্থ বাগানবাটীতে বাস করিতেছিলেন। এক রবিবার আমাকে লইয়া নাগমহাশয় মা'কে দর্শন করিতে গমন করেন। কুমারটুলির বাসায় গিয়া দেখিলাম, নাগমহাশয় মাঘের জন্ত কিছু উৎকৃষ্ট সন্দেশ ও একখানি লাল নরুণ পেড়ে কাপড় কিনিয়া, যাইবার জন্ত প্রস্তুত হইয়া বসিয়া আছেন এবং মধ্যে মধ্যে বালকের গ্রাম “মা” “মা” করিতেছেন। কুমারটুলি হইতে আহিনীটোলায় গিয়া আমরা একখানি চল্কি নৌকায় উঠিয়া, কিছুক্ষণের মধ্যে বেলুড়ে পৌঁছিলাম। ঘাটে পৌঁছিয়াই নাগমহাশয়

বাতাহত কদলীপত্রের গ্রাম কাপিতে লাগিলেন। “জয় মা—জয় মা”—বলিতে বলিতে তাহার দেহ অবসন্ন হইয়া পড়িতে লাগিল। স্বামী প্রেমানন্দ দূর হইতে নাগমহাশয়কে দেখিতে পাইয়া মাকে সংবাদ দিয়া রাখিয়াছিলেন। আমরা উপরে উঠিবামাত্র তিনি নাগমহাশয়কে ধরিয়া ধরিয়া মায়ের নিকট লইয়া গেলেন। প্রায় আধঘণ্টা পরে তাহার মায়ের নিকট হইতে বাহিরে আসেন। তখনও নাগমহাশয় ভাবের ঘোরে বলিতেছেন, “বাপের চেয়ে মাদ্যাল ! বাপের চেয়ে মাদ্যাল !” স্বামী প্রেমানন্দ বলিলেন, “আহা ! আজ নাগমহাশয়ের উপর মা কি ক্লপাই করিয়াছেন ! নাগমহাশয়ের সন্দেশ মা নিজ হাতে তুলিয়া খাইয়া স্বহস্তে তাহাকে প্রসাদ খাওয়াইয়া দিলেন, তারপর পান দিলেন।” কিছু পরে আমরা বিদায় গৃহলাম। সেইদিন আমার ভাগ্য শ্রীশ্রীমার শ্রীচুরুণদর্শন ঘটে নাই।

দেশে ফিরিয়া যাইবার পাঁচ সাতদিন পূর্বে নাগমহাশয় আমাকে লইয়া আর একবার আলমবাজার গমন করেন। বেলা প্রায় এগারটার সময় কুমারটুলি গিয়া দেখি নাগমহাশয়ের তখনও আহার হয় নাই। সেদিন আর আহার হইল না, আমি যাইতেই আমার সঙ্গে বাহির হইয়া পড়িলেন। ঠাকুরের জন্য পথে ফলমূল মিষ্টান্ন কিনিয়া লওয়া হইল। বেলা প্রায় দেড়টার সময় আমরা মঠে পৌঁছিলাম। তখন স্বামিগণ আহারাদি করিয়া বিশ্রাম করিতে ছিলেন, ঠাকুর শয়নে। নাগমহাশয়ের আহার হয় নাই শুনিয়া স্বামী রামকৃষ্ণানন্দ ও প্রেমানন্দ তাড়াতাড়ি উঠিয়া তাহার জন্য লুচি প্রস্তুত করিলেন। ঠাকুরকে শয়ন হইতে উঠাইয়া তোগ দেওয়া হইল। নাগমহাশয়ের নিষেধ কেহ মানিল না। তাহাকে

প্রসাদ দিলে তিনি “জয় রামকৃষ্ণ” বলিয়া নৃত্য করিতে লাগিলেন। আমরা প্রসাদ পাইলাম। ঠাকুরের পরিচর্যার বিধিব্যবস্থা তিলমাত্র ব্যতিক্রম হইলে যিনি যথা কষ্ট হইতেন সেই স্বামী রামকৃষ্ণানন্দ কর্তৃকই আজি নাগমহাশয়ের জন্য মঠের সেই অঙ্গুষ্ঠনীয় নিয়ম— যাহার ব্যতিক্রম কখন কোন রাজাধিরাজের থাতিতে লক্ষ্মিত হয় নাই, সে নিয়ম ভঙ্গ হইল। আমরা সন্ধ্যার পর মঠ হইতে বিদায় গ্রহণ করিলাম। ইহার কিছুদিন পরেই পূজার বাজার করিয়া নাগমহাশয় দেশে গমন করেন।

শ্রীরামকৃষ্ণ-ভক্ত-জননী শ্রীশ্রীমা নাগমহাশয়কে একখানি বন্ধু দিয়াছিলেন, নাগমহাশয় সেই বন্ধুখানি মাথায় বাঁধিয়া পূজার বাজার করিতে যাইতেন। কোন একটি ভক্তের অনুরোধে মায়ের আরতির জন্য রৌপ্যাদণ্ড একটি খেতচামর কেনা হইল। পালবাবুদের নিকট হইতে কুতের কার্য্যের লাভাংশস্বরূপ নাগ-মহাশয় প্রতিবৎসর যে অর্থ পাইতেন তাহাতে পূজার বাজার করা হইত। বাজার শেষ করিয়া নাগমহাশয় গাড়ীতে উঠিলেন। একটি ভক্ত তাহাকে রেলগাড়ীতে তুলিয়া দিতে যায়। নাগ-মহাশয়ের জিনিষপত্র গাড়ীতে তুলিয়া দিবার সময় ভক্ত তাহার ছাতাটী গাড়ীতে রাখিয়াছিল, আসিবার সময় তাড়াতাড়িতে সে ছাতাটী গাড়ীতে ফেলিয়া আসে। নাগমহাশয় ভক্তের ছাতা জানিতে পারিয়া, তাহা সাবধান করিয়া রাখিতে গেলেন, কিন্তু একটি ভদ্রলোক ছাতাটী তাহার বলিয়া দখল করিয়া লইল। নাগমহাশয় বিস্তর প্রতিবাদ করিলেন, কোন ফল হইল না। গাড়ী চলিতে চলিতে লোকটি ক্রমে ঘুমাইয়া পড়িল। তাহার যে ষ্টেশনে নামিবার কথা ছিল তাহা পার হইয়া গেল, কিন্তু লোকটার ঘুম ভাঙ্গিল না।

তিনি চার ষ্টেশন পরে লোকটী জাগিয়া উঠে, এবং সঙ্গে বেশী সম্মল না থাকায় অতিরিক্ত ভাড়া দিতে অঙ্গম হইলে, ষ্টেশনমাস্টার তাহাকে আটক করিয়া রাখেন। এই ঘটনা উল্লেখ করিয়া নাগমহাশয় বলিয়াছিলেন, “অঙ্গায় কার্য্যের ফল হাতে হাতে পাওয়া যায়, তবু কিন্তু মাঝুমের হ্রস্ব হয় না।”

ঐ গাড়ীতে অপর একটি লোক এক বারবিলাসিনীকে লইয়া যাইতেছিল ; নাগমহাশয় বলেন, ইহাদের উপর দৃষ্টিপাত হইতেই তিনি দেখিলেন—এক পিশাচিনীমূর্তি ঐ লোকটীর ঘাড়ে কামড়াইয়া রক্তপান করিতেছে। দেখিতে দেখিতে লোকটীর সমস্ত মাংস নিঃশেষ হইয়া, কেবলমাত্র অঙ্গিণী পদ্মিনী রহিল। নাগমহাশয় চমকিত হইয়া “মা মা” বলিয়া চীৎকার করিয়া উঠিলেন। তিনি বলিতেন, “সত্যি সত্যি এ সব শাদা চোখে দেখেছিলাম !”

এবার পূজার পর আবার শান্তিন নাগমহাশয় কলিকাতায় আসেন।

এবারও তিনি সুরেশবাবুকে এবং আমাকে সঙ্গে লইয়া মধ্যে মধ্যে আলমবাজার মঠে, দক্ষিণেশ্বরে এবং গিরিশবাবুর বাড়ি যাইতেন। কুমারটুলীর বাসায় অনেক লোক তাহাকে দর্শন করিতে আসিত। কেহ কোনৱপ সম্মান প্রদর্শন করিলে, নাগমহাশয় অঙ্গির হইয়া বলিতেন, “কি ছাই এ হাড়মাসের থাঁচা দেখিতে আসিয়াছেন ? ঠাকুরের কথা বলিয়া আমার প্রাণ শীতল করুন।” গিরিশবাবু মধ্যে মধ্যে তাহাকে নিমজ্জন করিয়া থাওয়াইতেন। গিরিশবাবুর অন্ন তিনি অতি সমাদরে গ্রহণ করিতেন ; বলিতেন, “গিরিশবাবুর প্রদত্ত অন্ন তিনি গ্রহণ করিলে তাহার শরীর মন

শুন্দ হইয়া যাইবে।” পরমহংসদেবের কোন ভক্তের বাড়ী  
নাগমহাশয় অন্নগ্রহণ করিতে কৃত্তিত হইতেন না ; শ্রীরামকৃষ্ণ-ভক্ত  
সম্মতে তিনি কোনক্ষেপ বর্ণাশ্রমধর্ম বিচার করিতেন না, বলিতেন,  
“এই ভক্তসমাগম পুকুরোক্তম ক্ষেত্রে অনুসন্ধের তুল্য।”

একদিন গিরিশবাবুর বাটীতে তাহার নিমন্ত্রণ হইয়াছিল।  
ঠাকুরকে খেচরান্নভোগ দেওয়া হইয়াছে। নাগমহাশয় প্রসাদ  
পাইতে গিয়া দেখিলেন, তাহাকে একখানি পাতায় খিচুড়ি ও আর  
একখানি পাতায় ব্যঞ্জনাদি দেওয়া হইয়াছে। পৃথক পাতে ব্যঞ্জন  
দেওয়া হইয়াছে দেখিয়া নাগমহাশয় করজোড়ে বলিতে লাগিলেন,  
“এতে স্বৰ্থ-ইচ্ছা হবে ; স্বৰ্থ-ইচ্ছা হবে” এবং অন্নের পাতায় কিছু  
কিছু ব্যঞ্জন লইয়া, ব্যঞ্জনের পাতটী তুলাইয়া দিলেন। তারপর  
গিরিশবাবুর সহিত প্রসাদ পাইতে বসিলেন। পাতে লবণ দিতে  
আসিলে তিনি তাহা গ্রহণ করিলেন না, বলিলেন, “জিহ্বার  
স্বাদ-অনুভূতি হইবে।”

নাগমহাশয় কলিকাতায় থাকিলে গিরিশবাবু মধ্যে মধ্যে তাহাকে  
নিমন্ত্রণ করিয়া থাওয়াইতেন। আর একদিন শ্রীযুত গিরিশের  
বাটীতে তাহার নিমন্ত্রণ হইল। সেদিন কইমাছের বেশ বড় ডিম  
পাওয়া গিয়াছিল। গিরিশবাবুর ইচ্ছা নাগমহাশয়কে কোনক্ষেপে  
তাহা থাওয়াইবেন। সেই কথাই ভাবিতেছেন, এমন সময় নাগ-  
মহাশয় বলিলেন, “প্রসাদ দেন, প্রসাদ দেন !” ভগবান् শ্রীরামকৃষ্ণের  
ভক্তগণের প্রসাদ নাগমহাশয় অতি আগ্রহ-ভক্তি-সহকারে যাচ্ছেন  
করিতেন, কিন্তু সে মহাপুরুষকে প্রসাদ দিতে কেহ সাহস করিতেন  
না। গিরিশচন্দ্র কিন্তু এস্ত্রযোগ ছাড়িলেন না। “জয় রামকৃষ্ণ—  
এই প্রসাদ নিন” বলিয়া আপনার পাত হইতে ডিম লইয়া

নাগমহাশয়ের পাতে দিলেন। নাগমহাশয় সেই ডিম খাইতে খাইতে গিরিশবাবুকে বলিলেন, “বড় কৌশল করিয়াছেন, বড় কৌশল করিয়াছেন।”

শীতকালে শীতবন্দের অভাবে নাগমহাশয়ের কষ্ট হইতেছে ভাবিয়া একবার গিরিশবাবু তাহাকে একখানি কম্বল পাঠাইয়া দেন। শ্রীযুক্ত দেবেন্দ্রনাথ মজুমদার ঐ কম্বল লইয়া গেলেন। গিরিশবাবু কম্বল দিয়াছিলেন শুনিয়া নাগমহাশয় কম্বলখানিকে বার বার প্রণাম করিতে লাগিলেন; তারপর সেখানিকে মাথার উপর তুলিয়া রাখিলেন। গিরিশবাবু জানিতেন নাগমহাশয় কাহারও কিছু গ্রহণ করেন না, শ্রীযুক্ত দেবেন্দ্রের মুখে কম্বল গ্রহণের সংবাদ পাইয়া নিশ্চিন্ত হইলেন। কিন্তু কিছু দিন পরে গিরিশবাবুর কাণে উঠিল, তাহার প্রদত্ত কম্বল নাগমহাশয় গায়ে দেন না, সর্বদা মাথায় করিয়া থাকেন। উৎকৃষ্টিত হইয়া গিরিশবাবু দেবেন্দ্রবাবুকে দেখিতে পাঠাইলেন দেবেন্দ্রবাবু দেখিয়া আসিয়া সংবাদ দিলেন, নাগমহাশয় কম্বল মাথায় করিয়া বসিয়া আছেন।

কলিকাতায় তিনি মাস বাস করিয়া নাগমহাশয় আবার দেশে চলিয়া গেলেন। দীনদয়ালের শরীর দিন দিন ভাঙ্গিয়া পড়িতে লাগিল। এখন হইতে নাগমহাশয় আর তত ঘন ঘন কলিকাতায় আসিতে পারিতেন না।

স্বামী বিবেকানন্দ আমেরিকা হইতে প্রথম আসিবার পর, আমি তাহাকে দর্শন করিতে যাই। নাগমহাশয়ের কাছে আমার যাতায়াত আছে শুনিয়া, তিনি আমায় বলিয়াছিলেন, “বয়ং তত্ত্বাদ্ধেষাঃ হতা মধুকর ( নাগ ) স্বং খলু কৃতী ।”—তত্ত্বাদ্ধেষণ করিতে করিতে আমাদের জীবন ব্যর্থ হইল, আমাদিগের মধ্যে একমাত্র নাগমহাশয়ই

ঠাকুরের কৃতী সন্তান। তারপর স্বামিজী নাগমহাশয়ের দেশে গিয়া তাহাকে দর্শন করিবার ইচ্ছা প্রকাশ করেন এবং আমাকে সেই ভাবে নাগমহাশয়কে পত্র লিখিতে বলেন।

স্বামিজীর স্বদেশাগমন বার্তা পাইয়াই, নাগমহাশয় তাহার সহিত সাক্ষাৎ করিতে কলিকাতায় আসেন। তখন বেলুড়মঠ প্রস্তুত হইয়াছে এবং স্বামী বিবেকানন্দ তথায় বাস করিতেছেন। অপরাহ্নে নাগমহাশয় আমার সহিত বেলুড়ে উপস্থিত হইলেন এবং স্বামিজীকে ভূমিষ্ঠ হইয়া প্রণাম করিলেন। স্বামিজীর শরীর অসুস্থ শুনিয়া নাগমহাশয় অতিশয় বিচলিত হইয়া বলিলেন, “ঠাকুর বলিতেন—আপনি মোহরের বাক্স, এই দেহের রক্ষায় জগতের রক্ষা হইবে, জগতের মঙ্গল হইবে।” অনেক কথাবার্তার পর স্বামিজী তাহাকে মঠে বাস করিবার জন্য অনুরোধ করিলেন। নাগমহাশয় বলিলেন, “কি করি ! কেমন করিয়া ঠাকুরের আজ্ঞা লভ্যন করি, তিনি ত আমাকে গৃহেই থাকিতে বলিয়া গিয়াছেন।” নাগমহাশয়ের সম্মানার্থে স্বামিজীর আদেশে সে দিন মঠে ব্রহ্মচারী সন্ন্যাসিগণের পাঠ বন্ধ রহিল। সকলে আসিয়া নাগমহাশয় ও স্বামিজীকে ঘেরিয়া বসিলেন। স্বামিজী রামকৃষ্ণ নাম উচ্চারণ করিবামাত্র, নাগমহাশয় দাঢ়াইয়া উঠিয়া উচ্চরণে “অয় রামকৃষ্ণ, অয় রামকৃষ্ণ” বলিয়া অয়ধ্বনি করিতে করিতে বলিলেন, “সে দিন দক্ষিণেশ্বরে গিয়া দেখিলাম, ঠাকুর ত তথায় নাই, ঠাকুর মঠে আসিয়া বসিয়াছেন।” মঠ-মন্দিরাদি প্রস্তুত করা ঠিক হইয়াছে কিনা, স্বামিজী প্রশ্ন করিলে নাগমহাশয় বলিলেন, “ঠাকুরের ইচ্ছার এই সব তত্ত্বে ইহাতে জগতের ও জীবের মঙ্গল হইবে, মঙ্গল হইবে ! শরীরের প্রতি নজর রাখিবেন, এই দেহের রক্ষায় জগতের মঙ্গল হইবে।” স্বামিজী

উপস্থিতি ভক্ত ও সন্ধ্যাসিগণকে বলিলেন, “ঈশ্বরের কৃপায় মাঝুষের  
যে এমন অবস্থা হতে পারে, তা একমাত্র নাগমহাশয়কে দেখেই  
বুঝতে পারা যায় ! ত্যাগে, ঈশ্বর-সংযমে ইনি আমাদের চেয়ে  
শ্রেষ্ঠ ।” কিছু পরে নাগমহাশয়কে ঠাকুরঘরে লইয়া যাওয়া হইল ।  
নাগমহাশয় ‘শ্রীমন্দির, শ্রীমন্দির’ বলিয়া দ্বারা সম্মুখে প্রণাম করিতে  
লাগিলেন ।

প্রতিদিন সন্ধ্যার প্রাক্কালে স্বামীজি মঠের জমিতে  
বেড়াইতেন । আজ নাগমহাশয়ও তাহার পিছনে পিছনে বেড়াইতে  
লাগিলেন । রাত্রে তাহার মঠে থাকা হইবে না শুনিয়া স্বামীজী  
বলিলেন, “বেলা শেষ হয়ে এল, তবে একথানা নোকা দেখ ।”  
বিদায়কালে নাগমহাশয় তাহাকে ‘জয় শিব শঙ্কর, জয় শিব শঙ্কর’  
বলিয়া পুনরায় প্রণাম করিলেন । স্বামীজী তাহাকে হস্ত ধরিয়া  
উঠাইয়া বলিলেন, “মধ্যে মধ্যে এসে আমাদের দর্শন দিয়ে যাবেন,  
আমাদের কৃপা করবেন ।” স্বামীজীর নাম হইলেই তিনি “জয় শিব  
শঙ্কর” বলিয়া অভিবাদন করিতেন । পশ্চিম ভূখণ্ডে স্বামীজীর  
ধর্মপ্রচার ও দিঘিজয়ের কথা যখনই উঠিত, নাগমহাশয় অমনি—  
“মহাবীর” “মহাবীর,” বলিয়া সিংহনাদ করিয়া উঠিতেন ।

বাগবাজারের ৩বলরাম বশুর বাটী শ্রীরামকৃষ্ণদেবের অতি প্রিয়  
স্থান ছিল । নাগমহাশয় ইহাকে “শ্রীবাসের অঙ্গন” বলিতেন ।  
শ্রীরামকৃষ্ণের সন্ধ্যাসী ভক্তগণ কলিকাতায় আসিলে এইখানেই  
থাকিতেন । নাগমহাশয় মধ্যে মধ্যে তথায় গিয়া তাহাদিগকে  
দর্শন করিতেন । একদিন আমি তাহার সঙ্গে সেখায় যাই । সে  
দিন স্বামী বঙ্গানন্দ ও স্বামী প্রেমানন্দ সেখানে ছিলেন । তাহারা  
বসিয়া বসিয়া কানাবিধি গল্প করিতেছিলেন । নাগমহাশয় উপস্থিতি

হইবামাত্র গল্প বন্ধ হইয়া কেবল শ্রীরামকৃষ্ণ-প্রসঙ্গ চলিতে লাগিল। আমরা বাসায় ফিরিবার সময় স্বামী ব্রহ্মানন্দ বলিলেন, “নাগমহাশয় আস্বামাত্র, আমাদের কেমন ঠাকুরের কথা স্মরণ হল, অন্ত সব কথা কোথায় চলে গেল। এমন মহাপুরুষের পদম্ঘেপেই এখনও ভারতবর্ষে ধর্ম কর্ম জাগ্রত রয়েছে। ধর্ম নাগমহাশয়।” শ্রীরামকৃষ্ণ-ভক্তগণ সহস্রে নাগমহাশয় বলিতেন, “এরা সব মানুষের ছাল পরে ঠাকুরের সঙ্গে লীলা কর্তৃতে জন্মগ্রহণ করেছেন! এদের কে চিন্বে? কে চিন্বে?”

দিনে দিনে দীনদয়ালের শেষ দিন উপস্থিত হইল। শেষ জীবনে তিনি সন্ধ্যা পূজা লইয়াই থাকিতেন, সর্বদা তুলসীর মালা জপ করিতেন। সংসারে আর তাঁহার কোন আস্তি ছিল না। তাঁহার দেহেও কোনৰূপ ব্যাধির আক্রমণ হয় নাই। একদিন প্রাতে নাগমহাশয় তাঁহাকে ধরিয়া আনিতেছিলেন, পথে হঠাৎ অবসন্ন হইয়া পড়িলেন। নাগমহাশয় পিতাকে ক্রোড়ে করিয়া বাটী লইয়া আসিলেন। আসিতে আসিতেই বৃক্ষের জ্ঞানলোপ হইল। গৃহে আসিবার পর আবার চৈতন্য হইল বটে, কিন্তু নাগমহাশয় বুঝিলেন, পিতার অন্তকাল উপস্থিত হইয়াছে। ডাঙ্গার আনিতে পাঠাইয়া পুত্র পিতাকে অবিরাম ‘নাম’ শুনাইতে লাগিলেন, তাঁহার সঙ্গে মুমুর্দ্র রসনাও যোগদান করিল। চিকিৎসক আসিলেন; রোগ—সন্ধ্যাস, সংঘাতিক। ডাঙ্গার নাড়ী পরীক্ষা করিয়া বলিলেন, বৃক্ষের সময় সন্ধিকট। ইহার কয়েক ঘণ্টা পরে ইষ্টনাম করিতে করিতে, অশীতিবর্ষ বয়সে দীনদয়াল দেবলোকে গমন করিলেন। পিতৃবিয়োগে নাগমহাশয় কাতর হন নাই; বরং সজ্ঞানে তাঁহার দেহত্যাগ হইয়াছিল বলিয়া আনন্দিত হইয়াছিলেন।

নাগমহাশয় যথারীতি উত্তরীয় লইলেন ; উপবাস করিয়া হবিষ্যাশী হইয়া শাঙ্কনিরমে দশপিণ্ড দান করিলেন । তারপর শ্রান্ত । জীবনের এই শেষ কার্য, নাগমহাশয়ের ইচ্ছা, শ্রান্ত একটু ঘটা করিয়া করেন, কিন্তু অর্থ কোথায় ?

নাগমহাশয়ের সাহায্যার্থ নারায়ণগঙ্গের রেলি ব্রাদাস' অফিসের বাবুরা গোপনে চাদা তুলিতে লাগিলেন । লোকপরম্পরায় তাহা জানিতে পারিয়া নগেমহাশর বিনীতভাবে তাহাদিগকে বারণ করিয়া পাঠাইলেন এবং গ্রামস্থ এক মহাজনের কাছে বসন্তাটী বন্ধক দিয়া পাঁচশত টাকা কর্জ করিলেন । তাহার প্রতিবাসী চৌধুরীদিগের বৃক্ষ গৃহিণীও এই শ্রান্তের ক্ষেত্রে মাত্রাকুরানীকে কিছু টাকা কর্জ দিয়াছিলেন । শ্রান্তে প্রায় বারশত টাকা ব্যয় হইয়াছিল ।

পিতার সপিণ্ডীকরণ শেষ করিয়া নাগমহাশয় গবাধামে গমন করিলেন । তারপর মন্ত্রক মুণ্ডন করিয়া যথাবিধি তিনি দিন পিণ্ডদান করিয়া কলিকাতায় আসিলেন । স্বরেশবাবুকে তিনি বলিয়াছিলেন যে, শেষ অবস্থায় তাহার পিতা সংসারের সকল বাসনা পরত্যাগ করিয়া, বিষয়-চিন্তা হইতে বিরত হইয়াছিলেন এবং সজ্ঞানে ঈশ্বরের নাম করিতে করিতে দেহত্যাগ করিয়াছেন ।

পালবাবুরা শুনিলেন, নাগমহাশয় পিতৃকার্যে ঋগগ্রন্থ হইয়াছেন । তাহারা প্রস্তাব করিলেন যে, ছইশত টাকা সেলামী লইয়া এবং ভাড়া বৃক্ষ করিয়া কুমারটুলীর বাসায় নৃতন প্রজা বন্দোবস্ত করা হউক । রঞ্জিত সে প্রস্তাব অনুমোদন করেন, কিন্তু নাগমহাশয় কিছুতেই সম্মত হইলেন না । পুরাতন প্রজা কীর্তিবাস নাগ-মহাশয়ের উদায়তার কথা শুনিয়া স্বচ্ছায় বেশী ভাড়া দিতে চাহিল

নাগমহাশয় বলিলেন, আপনারা নিন রাত্রি পরিশ্রম করিয়া অতি সামান্য উপায় করেন, এই ভাড়া দিতেই আপনার কষ্ট হইতেছে, আমি কোন ক্রমেই আর বেশী ভাড়া লইতে পারি না।” নাগমহাশয় কীর্তিবাসকে সন্তানবৎ স্নেহ করিতেন। তিনি কলিকাতায় থাকিলে কীর্তিবাসও অতি শ্রদ্ধাভক্তি সহকারে তাহার সেবা করিত। কীর্তিবাস এখনও সেই বাসায় বাস করিতেছে! নাগমহাশয়ের ব্যবহারের ঘর ও তাহার ভাঙ্গা তত্ত্বাপোষখানি সে অতি যত্নে রক্ষা করে। মাতাঠাকুরাণী কথনও কলিকাতায় আসিলে সেই ঘরে বাস করেন।

“শ্রীশ্রী মা” এই সময় বাগবাজারে আসিয়াছিলেন। নাগমহাশয় একদিন মিষ্টান্ন ও কাপড় লইয়া তাহাকে দর্শন করিতে যাইতেছিলেন, কিন্তু পথে তাহার বেদনা ধরিল, আর অগ্রসর হইতে পারিলেন না, একটি বাটীর রোয়াকে অনেকক্ষণ অচেতন-প্রায় হইয়া পড়িয়া রহিলেন। গাড়ীভাড়া করিয়া অনায়াসে বাড়ী ফিরিতে পারিতেন, সঙ্গে সঙ্গে সহলও ছিল, কিন্তু মাঘের জন্য যাহা কিনিয়াছেন তাহা তাহাকে অর্পণ না করিয়া কেমন করিয়া বাড়ী ফিরিবেন। পড়িয়া পড়িয়া “হায় হায়” করিতে লাগিলেন। প্রায় দুই ঘণ্টা পরে তাহার যন্ত্রণার উপশম হয়, তারপর শ্রীশ্রীমাকে দর্শন করিয়া রাত্রি ষটার সময় তিনি বাড়ী ফিরিয়া আসেন। ঐ দিনের পূর্ব দিনও নাগমহাশয় শূলবেদনায় নিরাকৃণ যন্ত্রণা ভোগ করিয়াছিলেন।

সে বৎসর কলিকাতায় প্লেগের প্রথম আবির্ভাব। ধনী নির্ধন সকলে রাজধানী ছাড়িয়া পলাইতেছে, মহানগরী প্রায় জনশূন্য। পালবাবুরা কলিকাতার বাটীর রুক্ষণাবেক্ষণের ভার নাগমহাশয়ের উপর দিয়া দেশে চলিয়া গিয়াছেন, কেবল একজন পাচক খ্রান্তি,

একজন ব্রাহ্মণ মুছরি ও একটি চাকর কলিকাতার বাটীতে আছে। আমি একদিন নাগমহাশয়ের সন্ধানে গিয়া দেখি, তিনি পালবাবুদের বাটীতে বসিয়া চশমা চোখে দিয়া গীতা পাঠ করিতেছেন। আমাকে তথায় দেখিয়া তিনি বলিলেন, “আমি গীতার কি বুঝি? আপনি ব্রাহ্মণ, পণ্ডিতলোক; এ সকলে আপনারই অধিকার; আমি ইদা লোক, গীতা পাঠ করিবা আমাকে শুনান।” গীতার—“কর্ম্মণ্যকর্ম্ম যঃ পঞ্চেৎ” শ্লোকটির পাঁচ রকম ব্যাখ্যা আমি তাহাকে শুনাইলাম। সকল প্রকার অর্থ শুনিয়া তিনি শ্রীধর স্বামীর টীকারই সর্বাপেক্ষা প্রশংসা করিতে লাগিলেন। ইহার তিনি দিন পরে ব্রাহ্মণ মুছরিটির প্লেগ হয়। চিকিৎসার জন্য একজন ডাক্তার আসিল। কিন্তু সেবা শুঙ্খষা করে কে? প্লেগের রোগী কেহ ছুঁইত না। নাগমহাশয় একা রোগীর সেবা শুঙ্খষা করিতেন এবং তাহাকে পথেৱ্যৰধি দিতেন। ইতিমধ্যে আমি একদিন তাহার কাছে গেলে তিনি বলিলেন, এখন পাঁচ সাত দিন যেন এখানে আর না আসা হয়।”

আমি—আপনি যখন রহিয়াছেন, তখন আমার ভয় কি?

নাগমহাশয়—লোক-ব্যবহার মানিয়া চলিতে হয়। সংক্রামক ব্যাধি, স্ফুতরাং কয়েকদিন এখানে আসা উচিত নহে।

ব্রাহ্মণটি ঐ দিনই মারা পড়ে এবং মৃত্যুর পূর্বে গঙ্গায় লইয়া যাইবার জন্য জেদ করে, লোকাভাবে নাগমহাশয় একাই তাহাকে ধরিয়া নিকটবর্তী গঙ্গার ঘাটে লইয়া যান। তথায় অল্পক্ষণ পরেই “গঙ্গা গঙ্গা” বলিতে বলিতে নাগমহাশয়ের ক্ষেত্রে উপর ব্রাহ্মণের মৃত্যু হয়। নাগমহাশয় পালবাবুদের বাড়ীর চাকরকে শবের কাছে রাখিয়া সৎকার করিবার জন্য ব্রাহ্মণের

অনুসন্ধানে বাহির হইলেন। প্রেগে মৃত্যু, সৎকার করিতে কেহ চায় না, অবশ্যে প্রতি জনকে চার টাকা করিয়া পারিশ্রমিক স্বীকার করিয়া বহুকষ্টে চার পাঁচ জন লোক সংগ্রহ করিলেন। এই সৎকার্যে নাগমহাশয়ের সর্বসাকলে প্রায় পঁচিশ টাকা ব্যয় হইয়াছিল। বাবু সুরেন্দ্রনাথ সেন, আশুতোষ চৌধুরী ও নরেন্দ্রনাথ বসু ঐ দিন নাগ মহাশয়কে দর্শন করিতে গিয়া ত্রিথানে গিয়াছিলেন। সুরেন্দ্রবাবু ও আশুতোষবাবু নাগমহাশয়ের কার্য দেখিয়া চমৎকৃত হইলেন; কেবল নরেন্দ্র বসুজ বলিলেন—“ইনি বদ্ধপাগল!” এই সময় নাগমহাশয় একদিন উকালীঘাটে গিয়াছিলেন। ফিরিয়া আসিবার সময় গড়ের মাঠে একটি ভক্তের সহিত তাঁহার সাক্ষাৎ হয়। ভক্তটি তাঁহাকে কলিকাতার বিখ্যাত উত্তান ইডেন গার্ডেন দেখাইতে লইয়া যান। বাগান দেখিয়া নাগমহাশয় বালকের ঘায় আনন্দ করিতে করিতে ‘এটা কি,’ ‘ওটা কি,’ জিজ্ঞাসা করিতে থাকেন। পরে বাটী ফিরিবার সময় বলিয়াছিলেন, “মাঝুষ কেবল ভোগের জগতেই ব্যস্ত হইয়া ছুটিতেছে। কোথায় এই দেহ ধারণ করিয়া জন্ম-মৃত্যুর ঋহস্য বুঝিতে চেষ্টা করিবে, না কেবল আপাতমধুর কতকগুলি বিষয়ে সকলে আভ্যন্তরীন তরঙ্গ রহিয়াছে। এ হ'স নাই যে, এখান হইতে শীঘ্ৰই চলিয়া যাইতে হইবে। এ সংসারে কেবল রাজসিক ও তামসিক ব্যাপার, কেবল ছুটাছুটি, কেবল ‘কামিনী কাঞ্চনের’ রাজস্ব! হা ঠাকুর, হা ঠাকুর, তোমার কি বিচিত্র লীলা!”

ইহার পর নাগমহাশয় একদিন গিরিশবাবুর বাটী গমন করেন। ঠাকুরের প্রসঙ্গ হইতে হইতে স্বামী নিরঞ্জনানন্দ তাঁহাকে জিজ্ঞাসা

করেন, “মশায় ঠাকুর বলতেন, ‘নিজেকে দীনহীন মনে করলে মাঝে দীনহীনই হয়ে যায়’ আপনি দিন রাত অমন করে আপনাকে দীনহীন মনে করেন কেন ?” নাগমহাশয় বলিলেন, নিজের চোখে দেখতে পাছি আমি অতি হীন, অতি অধম, কি করে আমি নিজেকে শিব মনে করব ? আপনি ও কথা বলতে পারেন, এই গিরিশবাবু ও কথা বলতে পারেন, আপনারা ঠাকুরের ভক্ত ; আবার ঐরূপ ভক্তি হল কই ? আপনাদের কৃপা হলে, ঠাকুরের কৃপা হলে, আমি ধন্ত হয়ে যাব।” কথাগুলি নাগমহাশয় এমন দীনহীনভাবে বলিলেন যে, স্বামী নিরঞ্জনানন্দ আর কোনরূপ তর্ক, শুক্রি, প্রতিবাদ করিতে পারিলেন না। গিরিশবাবু এই ঘটনা উল্লেখ করিয়া বলেন, “ঠিক ঠিক দীনতা হলে ঠিক ঠিক অহংবৃক্তির উচ্ছেদ সাধিত হলে, মাঝের নাগমহাশয়ের মত অবস্থা হয়। এই সকল মহাপুরুষের পাদস্পর্শে পৃথিবী পবিত্রা হন।”

সেই দিন বাসায় বসিয়া কয়েকটি ভজলোকের সমক্ষে নাগমহাশয় আপনাকে “পাপের ঢিপি—কীটের কীট” বলিতেছিলেন। বলিতে বলিতে স্বামী নিরঞ্জনানন্দের কথা মনে পড়িল, বলিলেন “আজই গিরিশবাবুর বাড়ী শুনিয়া আসিলাম যে, কীট কীট বলিলে কীট হইতে হয়, শিব শিব বলিলে শিব প্রাপ্তি হয়। তা আমি একেবারে কি করি !” একটু ভাবিয়া পরে বলিলেন, “তা সত্য কথার দোষ নাই। আমি বাস্তবিকই কীট, কীটকে কীট বলিলে দোষ হইবে না। সত্য কথায় দোষ নাই। তবে ঠাকুরের কৃপা হইলে আপনাদের কৃপা হইলে, গিরিশবাবুর কৃপা হইলে, সত্য কথায় কখন অসত্য পথে যাইব না।” বলিয়া সকলকে প্রণাম করিতে লাগিলেন। ঠাকুরের উদ্দেশে, গিরিশের উদ্দেশে বারবার নমস্কার করিতে

লাগিলেন। কিরক্ষণ চক্ষু মুদ্রিত করিয়া থাকিয়া, আবার বলিলেন, “এই হাড়মাসের থাঁচা লইয়া কেমন করিয়া অভিমান করি যে, আমি শিব ? গিরিশবাবু মহাবীর, সাক্ষাৎ তৈরব, তিনি বাস্তবিকই শিব”—বলিয়া আবার গিরিশবাবুর উদ্দেশ্যে প্রণাম করিলেন। তারপর উপস্থিত ভদ্রলোকদিগের জন্য তামাক সাজিতে বসিয়া বলিলেন, “আমি আর কি করিব, আমি আপনাদের তামাক সাজিয়া থাওয়াই ।”

নাগমহাশয় দেশে ফিরিয়া যাইবার পূর্বে রামকৃষ্ণপুর-নিবাসী শ্রীনবগোপাল ঘোষের বাড়ী একদিন শ্রীরামকৃষ্ণ-উৎসব হয়। “বসুমতী” পত্রিকার স্বত্ত্বাধিকারী শ্রীউপেন্দ্রনাথ মুখোপাধ্যায় যাইবার জন্য নাগমহাশয়কে অনুরোধ করিলেন, আমিও তাহাতে যোগদান করিলাম। উৎসবের দিন প্রাতে আমায় সঙ্গে করিয়া নাগমহাশয় আহিনীটোলায় উপেন বাবুর বাটী উপস্থিত হইলেন। বিড়ন ছাঁটের মোড়ে আসিয়া একথানি গাড়ী ভাড়া করা হইল। নাগমহাশয় বলিলেন, “আমি হেঁটে হেঁটে যাব, আপনারা গাড়ীতে যান ।” উপেনবাবু জানিতেন, ঘোড়াকে চাবুক মারিলে, নাগমহাশয় কাতর হইতেন। গাড়োয়ানকেও তিনি একথা বিশেষ করিয়া বলিয়া দিলেন। তারপর অনেক অনুরোধ করিয়া নাগমহাশয়কে গাড়ীতে উঠান হইল। গাড়ী নবগোপালবাবুর বাড়ী পৌঁছিলে, নবগোপালবাবু নাগমহাশয়কে দেখিয়া “জয় রাম, জয় রাম” ধ্বনি করিতে লাগিলেন; নাগমহাশয় তাহাকে ভূমিষ্ঠ হইয়া প্রণাম করিলেন। বাটির ভিতর প্রবেশ করিয়া নাগমহাশয় বৈঠকখানার এক কোণে দাঢ়াইয়া নিমজ্জিত ভক্তগণকে বাতাস করিতে লাগিলেন ! নবগোপালবাবু ও অন্তর্ভুক্ত ভদ্রলোকসকল নিষেধ করিয়া তাহাকে নিরস্ত করিতে

পারিলেন না। অবিরাম “শ্রীরামকৃষ্ণ” নামে রামকৃষ্ণপুর প্রতিধ্বনি হইতেছে; উৎসবের উল্লাসে, সংকীর্তনের উচ্ছ্বাসে ভঙ্গণ বিভোর হইয়া আছেন, কিন্তু নাগমহাশয়ের সেদিন আর অপর কার্য নাই; যেন সেবা করিতে তাহার জন্ম; স্থির অবিচলিতভাবে দাঢ়াইয়া কেবল বাতাসই করিতেছেন। তারপর ভজেরা প্রসাদ পাইতে বসিলে, তিনি তাহাদের পশ্চাং পশ্চাং গিয়া করজোড়ে দাঢ়াইয়া রহিলেন। সকলের বিষ্টর অনুরোধে তিনি প্রসাদের কণামাত্র গ্রহণ করিলেন, খাইতে বসিলেন না। সকলে অবাক হইয়া তাহাকে দেখিতে লাগিলেন।

কলিকাতায় ফিরিবার সময় অনেক অনুরোধ করিয়াও আর তাহাকে গাড়ীতে চড়ান গেল না। কাজেই আমরা পদ্মজে পুনর্যাত্না করিলাম। আসিতে আসিতে নাগমহাশয় বলিলেন, “নবগোপাল-বাবুর পরিবারকে শ্রীরামকৃষ্ণদেব বিদ্যাপ্রকৃতির অংশে জন্মগ্রহণ করিয়াছেন বলিয়া বলিতেন। তাহার হাতে ঠাকুর নিজে খাইয়া-ছেন! এইদের যে মানুষ জ্ঞান করে তার পঙ্গজন্ম।”

কিছুদিন পরে নাগমহাশয় দেশে চলিয়া গেলেন। কলিকাতায় এই তাহার শেষ আসা।

ভগবান् শ্রীরামকৃষ্ণের অদর্শনের পর নাগমহাশয় যখন প্রথম দেশে আসিয়া বাস করেন তখন ভাবিয়াছিলেন, একখানি কুটীর বাঁধিয়া নির্জনে বাস করিবেন। মাতাঠাকুরাণী তাহার মনোভাব অবগত হইয়া বলেন “আমি কোন দিন কোন বিষয়ের জন্য আপনাকে বিরক্ত করি নাই, কখন করিবও না, তবে পৃথক্ বাসের কি প্রয়োজন?” সাধুবী সহধর্ম্মণীর আশ্বাসে আশ্বস্ত হইয়া নাগমহাশয় সংসারে বাস করিতে লাগিলেন; কিন্তু গৃহে থাকিয়াও

তিনি আজীবন সন্ধ্যাসীর ধর্ম পালন করিয়া গিয়াছেন। মাতাঠাকুরাণী বলেন, “তাহার (নাগমহাশয়ের) শরীরে কি মনে কোনরূপ মানবীয় বিকার বা পরিবর্তন কখন লক্ষিত হয় নাই; জয় ‘রামকৃষ্ণ’ বলিয়া তিনি জৈবভাবের মন্তকে পদাঘাত করিতে করিতে চলিয়া গিয়াছেন। তিনি অগ্নিমধ্যে বাস করিয়াছেন বটে, কিন্তু দিনেকের তরেও তাঁর শরীর দন্ত হয় নাই!”

নাগমহাশয়, তাহার প্রধান ভক্ত হরপ্রসন্নকে কোন সময় বলিয়াছিলেন, “দেখ, পশ্চপঙ্কীর ঘোনি পর্যন্ত আমি আজন্ম মাতৃ-ঘোনির গ্রায় দেখিয়াছি।”

নাগমহাশয়ের শুরুকুলের দুইজন জ্ঞাতি একবার দেওভোগে তাহাকে দর্শন করিতে আসেন। এই দুই জনের মধ্যে একজন সাধক ছিলেন। নাম নবীনচন্দ্র ‘ওট্টাচার্য। দীনদয়ালের বিশেষ অনুরোধে সাধক গৃহস্থের ধর্ম অবলম্বন করিয়া সন্তান উৎপাদন করিবার জন্য নাগমহাশয়কে অনুরোধ করেন। অনুরোধ কর্ণগোচর হইবামাত্র নাগমহাশয় মুর্ছিতের গ্রায় পড়িয়া গেলেন; শরীর ক্ষত-বিক্ষত হইয়া গেল। “শুরুকুলের সাধক হইয়া আপনি এই অসঙ্গত আদেশ করিতেছেন?”—বলিয়া তিনি নিকটে পতিত একথণ্ড ইষ্টক দ্বারা আপনার মন্তকে আঘাত করিতে লাগিলেন। কপাল কাটিয়া ঝর ঝর করিয়া রক্ত পড়িতে লাগিল। সাধক তখন অনুতপ্ত হইয়া আদেশ প্রত্যাহার করেন। নাগমহাশয় সুস্থ হইয়া তাহার পদধূলি গ্রহণ করিলেন।

শ্রীযুক্ত হরেন্দ্রচন্দ্র নাগ বলেন, শ্রীযুক্ত দীনদয়াল একদিন নাগ-মহাশয়কে তৎসনা করিয়া বলিতেছেন, “তোর খাওয়া পরা চলিবে কিরূপে?” নাগমহাশয় উত্তর দিয়াছিলেন, “বাবা, আমার খাওয়া

পরার জন্ম চিন্তা কি ? বৃক্ষে প্রচুর। পত্র রহিয়াছে। আর আমি জীবনে কোনদিন স্ত্রীলোক স্পর্শ করি নাই; মাতৃগর্ভ হইতে যেমন পড়িয়াছিলাম, এখনও সেইক্ষণ আছি, বঙ্গ পরিবার আমার আবশ্যিক কি ?”

একমাত্র পুত্রের সংসারবৈরাগ্য দেখিয়া শ্রীযুত দীনদয়াল মধ্যে মধ্যে নাগমহাশয়কে ভৎসনা করিতেন। একদিন কথায় কথার পিতাপুত্রে কথাস্তর হইলে, নাগমহাশয় উত্তেজিত। হইয়া বলিলেন, “আমি জীবনে কখন স্ত্রীসঙ্গ করি নাই; আমার সংসারের কোন প্রয়োজন নাই।” তারপর, “নাহং নাহং” বলিতে বলিতে বঙ্গ পরিত্যাগ করিয়া বাটী হইতে বাহির হইয়া গেলেন। মাতাঠাকুরাণী কান্নাকাটি করিতে লাগিলেন। তাহাকে ব্যাকুল দেখিয়া শ্রীযুত অনন্দা, নাগমহাশয়ের একজন ভক্ত, তাহাকে কিছুদূর হইতে গৃহে ফিরাইয়া আনেন।

দেওভোগবাসিনী কোন এক প্রৌঢ়া বিধবা নাগমহাশয়কে সর্বদা দর্শন করিতে আসিতেন ও তাহাকে শ্রদ্ধা করিতেন। কিন্তু নাগমহাশয়ের তীক্ষ্ণ অন্তর্দৃষ্টিতে প্রৌঢ়ার গৃঢ় ছরভিসঙ্গি শুন্ত রহিল না। প্রৌঢ় বয়সে বিধবার তজ্জপ ছর্মতি দেখিয়া নাগমহাশয় মনে মনে তাহাকে অবজ্ঞা করিতেন। মাতাঠাকুরাণী বিধবার মনোভাব অবগত হইয়া তাহার আসা বন্ধ করিয়াছিলেন। নাগমহাশয় বলিতেন, “হায হায়, কাক কুকুরেরও বোধ হয় এই ছাই হাড়মাসের ধাঁচার মাংস খাইতে রুচি হয় না ; কিন্তু ইহাতে ওর কেন এমন ভাব হইল ! ঠাকুর কতক্ষণেই না আমাকে পরীক্ষা করিতেছেন। জয় রামকৃষ্ণ ! জয় রামকৃষ্ণ !” তারপর বলিলেন, “মানবজীবনে জিহ্বা ও উপক্ষ এ ছটি জয় করা বড় কঠিন ব্যাপার ;

ঠাকুরের কপা হইলে তাহাদিগকে বশে আনয়ন করিতে পারা যায়। তাহার মুখে সময় সময় অতি ছোট কথায় অতি মহৎ সত্যতত্ত্ব প্রচারিত হইত। তিনি প্রায় বলিতেন, “কাম ছাড়লেই রায়, রতি ছাড়লেই সতী।”

যেমন কামিনীতে, অর্থেও তেমনি তাহার হতাদর ছিল। একবার নারায়ণগঙ্গের পালমহাশয়ের কোন বিশেষ আত্মীয়ের বসন্ত হয়। কোন চিকিৎসায় কিছু ফল হইল না। নাগমহাশয়ের চিকিৎসার খ্যাতি পালবাবুদের জানা ছিল। তাহারা নাগমহাশয়ের শরণাপন হইলেন। নাগমহাশয়ও কিছুতেই এড়াইতে পারিলেন না। রোগী দেখিয়া হোমিওপ্যাথি মতে একটি ঔষধ নির্বাচন করিয়া দিলেন। পালবাবুরা সেই ঔষধ আনিয়া খাওয়াইলে রোগ আরোগ্য হইল। পালবাবুদের কর্তা দেওভোগে আসিয়া নাগমহাশয়কে তিনশত টাকা পারিতোষিক স্বরূপ প্রদান করিলেন। কিন্তু নাগমহাশয় তাহা স্পর্শ করিলেন না। অবশেষে পালকর্তা যখন বিশেষ পীড়াপীড়ি করিতে লাগিলেন, নাগমহাশয় তখন কাতর হইয়া কাঁদিতে কাঁদিতে বলিয়া উঠিলেন, “হাঁয় ঠাকুর, কেন আমায় চিকিৎসাকৃপ হীনবৃত্তি শিখাইয়াছিলে, তাতেই ত আমার এই দুঃখভোগ করিতে হইতেছে!” তাহার কাতর ক্রন্দন শুনিয়া পালকর্তা বলিয়াছিলেন, “বাবা, তুমি কখন মানুষ নও!”

এই অলৌকিক গৃহস্থের সকল আচরণই অলৌকিক ছিল। একবার পালবাবুদের অনুরোধে তিনি ভোজেশ্বরে আসিয়াছিলেন। কলিকাতায় ফিরিয়া যাইবার সময় বাবুরা তাহাকে ষ্টিমার ভাড়া নগদ আট টাকা ও একখানি কম্বল কিনিয়া দেন। ভোজেশ্বর হইতে প্রায় তিনি ক্রেশ দূরে হাঁসেরকান্দিতে তখন ষ্টিমার ষ্টেসন

ছিল। সেখানে পৌছিয়া নাগমহাশয় টাকিট কিনিতে থাইতেছেন, এমন সময় তিনি চারিটি শিঙ্গসন্তান লইয়া এক ভিখারিণী অতি কাতরকচ্ছে তাহাদের কষ্ট জানাইয়া তাহার কাছে ভিক্ষা প্রার্থনা করিল। তাহাদের কাতরোক্তি শুনিয়া নাগমহাশয় কাঁদিয়া ফেলিলেন; পালবাবুদের প্রদত্ত আটটি টাকা ও কঙ্কলথানি ভিখারিণীকে দিয়া বলিলেন, “মা, তুমি এই লইয়া শিঙ্গসন্তান কয়টিকে ও আপনাকে রক্ষা কর।” দুই হাত তুলিয়া আশীর্বাদ করিতে করিতে ভিখারিণী চলিয়া গেল। অনেক পথ হাঁটিয়া আসিয়াছেন, নাগমহাশয় ছেনে বসিয়া একটু বিশ্রাম করিলেন; তারপর ষিমার ছাড়িয়া দিলে তিনি কলিকাতা অভিমুখে চলিতে আরম্ভ করিলেন। পথে দেবালয় পাইলে প্রসাদ থাইতেন, নহিলে মুড়ি। নদীনালা বিস্তীর্ণ হইলে খেয়ার পয়সা দিয়া পার হইতেন, সঙ্কীর্ণ হইলে সাঁতার। তাহার সঙ্গে সাড়ে সাত আনা মাত্র পয়সা ছিল। তাহার উপর নির্ভর করিয়া উনত্রিশ দিন ক্রমান্বয়ে হাঁটিয়া তিনি কলিকাতায় আসেন।

একবার অনেকদিন কুতের কার্য বন্ধ থাকায় নাগমহাশয়ের ভয়ানক অর্থকষ্ট হইয়াছিল, এমন কি সময়ে সময়ে তাহাকে উপবাসী ধাকিতে হইত। অনেক দিনের পর একদিন পালবাবুদের দুই হাজার মণ মুণ চালান হইল। কুত করিবার জন্ম তিনি খিদিরপুরে গেলেন। দুই হাজার মণের চালানে তাঁর পাওয়া উচিত ছিল সাত আট টাকা, কিন্তু সমস্ত দিন রৌজ্বে পুড়িয়া সেদিন মোট তের আনা উপার্জন হইল। পথে আসিতে আসিতে গড়ের মাঠে একব্যক্তি তাহাকে দুঃখ জ্ঞাপন করিলে, নাগমহাশয় সমস্ত দিনের উপার্জন সেই তের আনা তাহাকে

দিয়া রিক্তহস্তে বাসার ফিরিয়া আসিলেন। বাসায় সে সময় তঙ্গুলাভাব।

নাগমহাশয় যখন শিশু ছিলেন, শুনিয়াছি, কুকুর কি বিড়াল ডাকিলে, তাহার মনে হইত, তাহারা ক্ষুধায় কাতর হইয়া কাঁদিতেছে। ব্যাকুল হইয়া পিসীমাকে বলিতেন, “আহা মা ! ওরা কাঁদছে কেন ? ওদের কিছু খেতে দাও না !” কখন কখন আপনি তাহাদিগকে আদরে আহার দিয়া বলিতেন, “আর কেদ না ভাই ! এই যে আমি খেতে দিচ্ছি !”

তাহার বাটীর সংলগ্ন একটি ছোট পুষ্করণী ছিল। যখন তাহার তের কি চৌদ্দ বৎসর বয়স, তিনি আহারান্তে নিত্য ঐ পুষ্করণীতে আঁচাইতে যাইতেন এবং যাইবার সময় হাতে করিয়া চারটি ডালভাত লইয়া যাইতেন। পুষ্করণীর কতকগুলি মাছ তাহার পোষা ছিল। নাগমহাশয় ডাকিবামাত্র তাহারা আসিত এবং তাহার হাত হইতে ঐ ডালভাত খাইত। তিনি মাছগুলিকে হাতে ধরিয়া আদর করিতেন ! কলিকাতায় পড়িতে আসিবার পূর্বাবধি তিনি মাছগুলিকে লইয়া এইরূপ খেলা করিতেন। নাগমহাশয় বলিতেন, “ইতর সাধারণ জীবেও জ্ঞানের অন্নাধিক বিকাশ দেখিতে পাওয়া যায়। জন্মান্তরে তাহারাও ক্রমে উচ্চগতি লাভ করিয়া অবশেষে মুক্ত হইয়া যাইবে।”

শ্রীযুক্ত হরেন্দ্রচন্দ্র নাগ বলেন, “আমি কোন সময় নাগমহাশয়ের কাছে সর্বদা যাতায়াত করিতাম। একদিন গ্রীষ্মকালে সকালে গিয়া দেখি তিনি মণ্ডপে বসিয়া তামাক খাইতেছেন। আমি উঠানে দাঁড়াইয়া কথা কহিতে লাগিলাম। কিছুক্ষণ পরে দুটি বগ্ন শালিখ উড়িয়া আসিয়া নাগমহাশয়ের কাছে বসিল। তিনি একমনে তামাক

থাইতেছিলেন, পাখী ছটিকে দেখিতে পান নাই। ক্রমে তাহারা তাহার চিন্তাকর্ষণ করিবার জন্য, পায়ে ঠোক্রাইতে লাগিল। তখন তিনি সম্মেহে তাহাদের গায়ে হাত বুলাইতে বুলাইতে বলিলেন, “এসেছ মা ! রোস, আমি তোমাদের খাবার দিচ্ছি।” তাবপর একমুষ্টি তঙ্গুল আনিয়া তাহাদের হাতে করিয়া খাওয়াইতে লাগিলেন। কিন্তু ঐ মুষ্টিমেয় তঙ্গুলে তাহাদের তৃপ্তি হইল না। তাহারা নাগমহাশয়ের চারিদিকে ঘূরিতে লাগিল। তখন নাগমহাশয় একটি বাটিতে আরও কিছু চাল ও আর একটি বাটিতে জল আনিয়া হাতে করিয়া ধরিলেন। পাখী ছটি তাহার হাতের উপর বসিয়া থাইতে লাগিল। তাহাদের তৃপ্তি হইলে, নাগমহাশয় পুনরায় তাহাদের গায়ে হাত বুলাইতে বুলাইতে বলিলেন, “এস মা এখন ! বনে গিয়ে খেলা কর, কাল আবার এস !” পাখী ছটি উড়িয়া গেল। নাগমহাশয় বলিলেন, “শ্রীরামকৃষ্ণ কত খেলাই না করিতেছেন।”

গিরিশবাবু বলেন, “অহিংসা পরমধর্ম—ইহার জলন্ত দৃষ্টান্ত নাগমহাশয়ই হইতে পারেন। নারায়ণগঞ্জের পাটের কলের সাহেবেরা দেওভোগে কখন কখন পাখী শিকার করিতে আসিতেন। একবার বন্দুকের শব্দ পাইয়া, নাগমহাশয় ছুটিয়া সাহেবদের নিকট উপস্থিত হইলেন এবং নির্তুর কার্য হইতে নিরস্ত হইবার জন্য করযোড়ে তাহাদিগকে বিস্তর মিনতি করিলেন। সাহেবেরা তাহার কথা শুনিতে না পারিয়া, পাখী মারিবার জন্য পুনরায় বন্দুক তৈয়ারী করিতে লাগিলেন। নাগমহাশয় তখন তর্জন গর্জন করিয়া বলিয়া উঠিলেন, “আর এমন অন্তায় কর্ম করিবেন না।” সাহেবেরা ভাবিলেন—নিশ্চয় একটা পাগল। পাগলের কথায় কে অক্ষেপ

করে ! শিকার লক্ষ্য করিয়া সাহেবেরা আবার যেমন বন্দুক তুলিলেন, অমনি পলকের মধ্যে নাগমহাশয় বন্দুক ধরিয়া ফেলিলেন। সেই ক্ষীণকলেবরে কোথা হইতে শত সিংহের বল জাগিয়া উঠিল, সাহেবেরা বিস্তর চেষ্টা করিয়াও বন্দুক ছাড়াইতে পারিলেন না। নাগমহাশয় বন্দুক কাঢ়িয়া লইয়া চলিয়া আসিলেন এবং প্রাণ-সংহারক অঙ্গ স্পর্শ করিয়াছেন বলিয়া গৃহে আসিয়া বন্দুক রাখিয়া হাত ধুইয়া ফেলিলেন। এদিকে সাহেবেরাও নারায়ণগঞ্জে ফিরিয়া আসিয়া পরামর্শ করিতে লাগিলেন—নালিশ করিবেন। ইতিমধ্যে পাটের কলের একটি কর্ষচারীর দ্বারা নাগমহাশয় সাহেবদের বন্দুক ছাটি ফিরাইয়া পাঠাইয়া দিলেন। কর্ষচারীর মুখে নাগমহাশয়ের সাধু চরিত্রের কথা শুনিয়া সাহেবদের মনে বিশেষ শ্রদ্ধার উদয়-হইল, সেই অবধি ঝাহারা আর দেওভোগে শিকার করিতে আসিতেন না।

নিরীহ প্রাণীর যন্ত্রণা দেখিলে নাগমহাশয় অধীর হইয়া উঠিতেন। ঝাহার বাড়ীতে দক্ষিণ ধারে একটি ছোট ডোবা ছিল, বৎসর বৎসর বন্ধায় ভাসিয়া আসিয়া তাহাতে বিস্তর মাছ জমা হইত। একদিন এক জেলে ঐ ডোবায় মাছ ধরিয়া প্রচলিত নিয়মানুসারে নাগ-মহাশয়কে ভাগ দিতে আসে। জীবন্ত মাছগুলি তখন ধড়কড় করিতেছে দেখিয়া নাগমহাশয়ের দারুণ যন্ত্রণা হইতে লাগিল। জেলকে জিজ্ঞাসা করিলেন, সমস্ত মাছগুলির কি দর ? সে যে-দর বলিল, মাছগুলি সেই দরে কিনিয়া আবার ডোবায় ছাড়িয়া দিলেন। \*

আর একদিন আর এক জেলে ঝাহার বাড়ীর সন্নিকটস্থ পুকুরের মাছ ধরিয়া নাগমহাশয়ের বাড়ীতে বেচিতে

আসে। কই, মাঞ্জর, সিঙ্গি প্রভৃতি মাছগুলি চুপড়িতে ছটফট করিয়া লাফাইতেছে। নাগমহাশয় সমস্ত মাছগুলি কিনিলেন এবং অবিলম্বে পুকুরে ছাড়িয়া দিলেন। জেলের চক্ষু স্থির ! মাছের দাম ও চুপড়ি ফিরিয়া পাইবামাত্র সে উর্ধ্বস্থানে ছুটিয়া পলাইল ! আর কখন সে নাগমহাশয়ের বাড়ীর ত্রিসীমানা মাড়ায় নাই।

নাগমহাশয়ের বাড়ী প্রতি বৎসর পূজা হইত, কখন পশুবলি হয় নাই। খল সর্পকেও তিনি কখন হিংসা করিতেন না। একবার একটি গোথ্রো সাপ তাহার গৃহপ্রাঙ্গণে দেখা দেয়। বাটীর সকলে অস্ত হইয়া উঠিলেন। মাতাঠাকুরাণী বলিলেন, “সাপটা মারিলে হয় না ?” নাগমহাশয় বলিলেন, “বনের সাপে থায় না, মনের সাপে থায়।” তারপর সাপটাকে করঞ্জোড়ে বলিলেন, “আপনি মা মনসা দেবী ! জঙ্গলে থাকেন, দরিদ্রের কুটীর ছাড়িয়া স্থানে গমন করুন।” বলিয়া তুড়ি দিতে দিতে তিনি পথ দেখাইয়া চলিতে লাগিলেন, সাপও নতশিরে তাহার অনুগমন করিয়া জঙ্গলে প্রবেশ করিল। এই ঘটনার উল্লেখ করিয়া তিনি বলিতেন, “অনিষ্ট না করিলে জগতে কেহ কাহারও অনিষ্ট সাধন করে না। যে যেমন করে, জগৎ তার প্রতি ঠিক তদনুরূপ ব্যবহার করে। যেমন আর্শিতে নিজের প্রতিবিষ্ট দেখা ; যেমন অঙ্গভঙ্গী করা যায়, প্রতিবিষ্঵ের তদনুরূপ অঙ্গভঙ্গী দৃষ্ট হয়।”

শ্রীরামকৃষ্ণ-মঠ যখন বরাহনগরে, তখন একদিন সেখানে একটি সাপের সলুই দৃষ্ট হয়। গিরিশ বলেন, “সর্পশিশু দেখিয়াই ত সকলে তাহাকে মারিবার জন্ম উদ্ভৃত ! ইতিমধ্যে নাগমহাশয় আসিয়া “নাগরাজ, নাগরাজ” বলিয়া তাহাকে আদর করিতে করিতে নিরাপদ স্থানে ছাড়িয়া দিয়া আসিলেন।” তিনি বলিলেন, “আমরা

বুদ্ধির দোষে দোষ করিয়া নিজেরাই কষ্ট পাই ; এই বুদ্ধি ঈশ্বরপাদপদ্মে যখন নিশ্চল হইয়া অবস্থান করে তখন আর কোন বিষয় মন্দ বলিয়া বোধ হয় না ।”

একবার তাহার সর্পদংশন হয় ; তিনি পুরুষাটে পা ডুবাইয়া মুখ ধুইতেছিলেন, সাপ তখন তাহার বামপদের বৃক্ষাঞ্চূটাটা কামড়াইয়া ধরে। নাগমহাশয় জানিতে পারিয়া স্থির হইয়া দাঢ়াইয়া রহিলেন। অল্লঙ্ঘণ পরেই সাপটা পা ছাড়িয়া দিয়া চলিয়া গেল। মাতাঠাকুরাণী শুনিয়া যারপরনাই উদ্বিগ্ন হইলেন। নাগমহাশয় বলিলেন, “ও কিছু নয়, আহার মনে করে জোলো সাপে কামড়ে ধরেছিল। তারপর ছেড়ে দিয়ে চলে গেছে !”

তিনি বলিতেন, “জীবে জীবে এক ভগবানই বিরাজ করিতেছেন।” ‘সর্বদা জোড়হাত করিয়া থাকেন কেন ?’—জিজ্ঞাসা করিলে তিনি বলিয়াছিলেন, “ভূতে ভূতে তাহাকে প্রত্যক্ষ দেখিতে পাই।” গাছের একটি পাতা ছিঁড়িতেও তিনি হৃদয়ে বজ্রবেদনা, অহুভব করিতেন। তাহার রক্ষনয়রের পিছনে একটি আমগাছ ছিল, একটি ভক্তকে তাহার একটি পত্র ছিন্ন করিতে দেখিয়া তিনি বলিয়াছিলেন, “আহা, এদেরও ত স্বুখ দুঃখ বোধ আছে !”

তাহার বাড়ীর পূর্বদিকের ঘরের পিছনে একবাড় ঝাঁশ ছিল। কখন কখন তাহার কঙ্গিশুলি ঘরের ভিতরে প্রবেশ করিত। তিনি কিছুতেই কাটিয়া দিতেন না। বলিতেন, “যাহা গড়িবার সাধ্য নাই, তাহা ভাঙ্গা উচিত কি ?”

তাহাকে কখন একটি মশা মারিতে দেখি নাই। কতবার দেখিয়াছি, ছারপোকাদিগকে অতি ঘন্টে তিনি আপনার বিছানায় স্থান দিতেছেন। পিপীলিকা গায়ে উঠিলে অতি সাবধানে ধরিয়া

তিনি নিরাপদ স্থানে ছাড়িয়া দিতেন। কখন কখন তাহার মনের গতি এমন হইত যে, পাছে পায়ের চাপে শুন্দি পোকা মাকড় মারা পড়ে, এই ভয়ে তিনি পথ চলিতে পারিতেন না। খাস-প্রখাসে পাছে অদৃশ্য বায়বীয় কীটসকল বিনষ্ট হয় এই আশঙ্কায় কখন কখন তাহার নিষ্কাস পর্যন্ত বন্ধ হইয়া যাইত।

একদিন কোন ভক্ত নাগমহাশয়ের বাটীর পূজামণ্ডপে বসিয়া দেখেন যে, পূর্বদিকের বাঁশের বেড়াতে উই ধরিয়াছে। দেখিবামাত্র ভক্তি উঠিয়া সেই বেড়াতে সঙ্গেরে আঘাত করিতে লাগিলেন। অনেকখানি বাসা ভাঙিয়া গেল এবং অনেকগুলি উই নিরাশয় হইয়া মাটিতে পড়িল। নাগমহাশয় ঐ মণ্ডপের বারাণ্ডায় বসিয়া ছিলেন। তিনি কাতরস্বরে বলিলেন, “হায় হায়, কি করিলেন! ইহারা এতকাল এই বেড়া উপলক্ষ করিয়া ঘর দোর তৈরার করিয়া বসবাস করিতেছিল, আজ আপনি ইহাদের আশয় নষ্ট করিয়া বড় অগ্রায় করিলেন।” বলিতে বলিতে নাগমহাশয়ের চক্ষে জলধারা বহিতে লাগিল। ভক্তি দেখিয়া স্তুতি হইয়া রহিলেন। নাগমহাশয় শেষে ঐ নিরাশয় কীটগুলির সম্মুখস্থ হইয়া বলিলেন, “আপনারা আবার বাসা তৈরার করুন, আর ভয় নাই।” তাহারা আবার যথাকালে সেই বেড়াতে বল্মীক প্রস্তুত করিল এবং কালে ঐ বেড়া খসিয়া পড়িল। নাগমহাশয় তথাপি কাহাকেও তাহা ছাঁইতে দিতেন না।

সুরেশ বলেন, “নাগমহাশয় চিরদিনই গাতীকে ভক্তি করিতেন। তিনি শাস্ত্রের বিধি-বিধান অহুসারে কখন গোদান বা গোপুজা করিয়াছিলেন কি না, তাহা আমার জানা নাই। কিন্তু অতি বাল্যকাল হইতেই তিনি গাতী দেখিলে নমস্কার করিতেন এবং

কখন কখন গাভীদিগের পদধূলি লইতে আমি তাহাকে স্বচক্ষে দেখিয়াছি। একবার তিনি একগাছি আক আনিয়াছিলেন। একটি গাভী আসিয়া তাহার পাতাগুলি খাইবার চেষ্টা করে। নাগমহাশয় তাহা জানিতে পারিয়া পরম যত্নের সহিত সেই গাভীকে তাহা ভক্ষণ করাইয়াছিলেন। অবশ্যে ভগবতীজ্ঞানে তাহাকে প্রণাম করেন। ইঙ্গুদণ্ডকে খণ্ড খণ্ড করিয়া, ঐ গাভীর গাত্রে হাত বুলাইতে বুলাইতে তাহাকে ভক্ষণ করিতে বার বার অনুরোধ ও উৎসাহিত করিতে লাগিলেন। পরে পাথার ঢারা তাহাকে বীজন করিতে করিতে নির্বাক হইয়া মুর্ছিতের হ্যায় মাটিতে পড়িয়া গেলেন।”

নাগমহাশয় শক্তি-উপাসক ছিলেন; কিন্তু তিনি বলিতেন, “পথে মতে কিছু আসে না। যে কোন মতে একনিষ্ঠ হইলে, ভগবান् তাহাকে পথ দেখাইয়া দেন।” তাহার ভেদবুদ্ধি ছিল না; শৈব, বৈষ্ণব, বাড়ুল, কর্ত্তাভজা প্রভৃতি সকল সম্প্রদায়ের সাধককেই তিনি সমাদৃ করিতেন। হিন্দু, মুসলমান, আঁষ্টান তাহার ভেদ ছিল না। মসজিদ বা পীরের স্থান দেখিলে তিনি নতশিরে সেলাম দিতেন। গির্জা দেখিলে ‘জয় যীশু’ বলিয়া অভিবাদন করিতেন।

সাধনা সম্বন্ধে তিনি বলিতেন, “গাছের তলায় জাগিয়া বসিয়া থাকার হ্যায়, সাধনা ঢারা আপনাকে জাগরিত করিয়া রাখিতে হয়। কিন্তু ফল তার হাতে; তিনি দয়া করিয়া ফল দিলে তবে জীব সে সকলের অধিকারী হয় নতুবা নহে। কেহ বা যুমাইয়া আছে, ভগবান্ দয়া করিয়া হয় ত তাহার মুখে ফল ফেলিয়া দিলেন, তাহাকে আর কোন কিছু সাধন ভজন করিতে হয় না। ইহারাই ক্ষপাসিক হন। যতদিন না ক্ষপা

করেন, ততদিন কেহই তাহার স্বরূপ বুঝিতে সমর্থ হয় না। তিনি কল্পতরু, যে যাহা চায়, ভগবান্ নিশ্চয় তাহাকে তাহা দান করেন; কিন্তু যাহাতে জীবকে পুনঃ পুনঃ জন্মমৃত্যুর পথে যাইতে হয়, এমন বাসনা করা জীবের কদাপি উচিত নহে। ভগবানের পাদপদ্মে কেবল শুক্রাভক্তি ও শুক্রজ্ঞানের জন্য প্রার্থনা করা উচিত। তবেই জীব সংসারবন্ধন ছিন করিয়া ভগবৎ-কৃপায় মুক্ত হইয়া যাইতে পারে। সংসারের যে কোন বিষয়ে বাসনা করা যায়, তাহা হইতে জীবের জ্বালা যন্ত্রণা আসিবেই। কিন্তু যিনি ভগবান্, ভক্ত ও ভাগবত প্রসঙ্গে দিন যাপন করেন তাহার ত্রিতাপ-জ্বালা অন্তে দূর হইয়া যায়।”

সিদ্ধি সম্বন্ধে বলিতেন, “যথার্থ সাধুভাবাপন্ন হইলে শক্তি, সিদ্ধি, ঋক্ষি সাধককে সর্বদা প্রলোভিত করে। যথার্থ সাধুর হৃদয়ে জগতের যাবতীয় বস্তুর প্রতিবিষ্ট পড়ে, তাহাকে ভাবিয়া চিন্তিয়া কিছু দেখিতে বা বলিতে হয় না; যেমন সাদা শ্ফটিক পাথরে সকল জিনিসের প্রতিবিষ্ট পড়ে, তজ্জপ। কিন্তু এই সকলে লক্ষ্য হইলে তাহাকে আদর্শ-জীবন-লাভ হইতে বিপর্যাপ্তি করে।”

কাহারও মনে কোন সন্দেহ উঠিলে, তাহাকে প্রশ্ন করিতে হইত না, তিনি আপনা হইতে কথা তুলিয়া মীমাংসা করিয়া দিতেন। কে কেমন আধার, কাহার কি মনের ভাব, তিনি মুখ দেখিয়া বুঝিতে পারিতেন। কত লোকের সম্বন্ধে তাহার কত কথা অবিকল সত্যে পরিণত হইয়াছে। কেহ দেওভোগে আসিবার পূর্বে তিনি মাতাঠাকুরাণীকে বলিতেন, “আজ অমুক লোক আসিতেছেন, আমাকে এখনি বাজারে যাইতে হইবে।” যাহাকে শ্঵রণ করিতেন, তিনিই তাহার সকাশে উপস্থিত হইতেন।

আমার আঙীয় শ্রীযুক্ত অশ্বিনীকুমার চক্রবর্তী একবার আমার সঙ্গে নাগমহাশয়কে দেখিতে যান। অশ্বিনীর শূল-বেদনা ছিল, প্রতিদিন সন্ধ্যা হইতে সকাল পর্যন্ত তাঁহাকে এক প্রকার মৃতবৎ হইয়া পড়িয়া থাকিতে হইত। দেওভোগের পথে সন্ধ্যা হইতে আমার ভয় হইয়াছিল, আমি কেবলই তাবিতেছিলাম, কখন তাঁহার বেদনা ধরে, কিন্তু ঈশ্বরেচ্ছায় পথটা নির্বিঘ্নে কাটিয়া গেল। অশ্বিনীবাবু আমায় আশ্঵স্ত করিয়া বলিলেন, “বেদনা ধরিবার সময় উত্তীর্ণ হইয়া গিয়াছে।” পাঁচ মাস রাত্রে জলগ্রহণ করিতে পারেন নাই, কিন্তু সে রাত্রে অশ্বিনী প্রচুর আহার করিয়া শয়ন করিলেন। আমরা তিন দিন দেওভোগে ছিলাম, তিন-দিনই নির্বিঘ্নে কাটিয়া গেল। অশ্বিনী বলেন, “অমন মহাপুরুষের হাওয়া লাগিয়া, আমর জন্মান্তরীণ পাপের ফল এমন উৎকট ব্যাধি দূরীভূত হইয়াছিল। আমি তখন হইতে তাঁহাকে ধরিয়া থাকিলে, আমার নরজন্ম সার্থক হইয়া যাইত।”

একবার দেওভোগের একটি ব্রান্তি বালকের বিস্তুচিকা হয়। তাহার বিধবা জননী মুমুক্ষু অবস্থায় তাহাকে নাগমহাশয়ের বাটীতে ফেলিয়া রাখিয়া চলিয়া যান। ঈশ্বরেচ্ছায় বালকটি আরোগ্য লাভ করে। সুরেশ এই আরোগ্য সম্বন্ধে জিজ্ঞাসা করিলে, নাগমহাশয় বলিয়াছিলেন, “বালকটি সারিয়াছিল বটে, কিন্তু সে সম্বন্ধে আমার কিছু বলিবার নাই।”

একবার চৈত্রমাসে নাগমহাশয়ের বাড়ীর উত্তর ধারে চৌধুরী-দিগের বাড়ীতে আগুন লাগে। অনিলসহায়ে অনল দেখিতে দেখিতে প্রবল হইয়া উঠিল। চৌধুরীবাড়ী হইতে নাগমহাশয়ের বাড়ী পঁচিশ ত্রিশ হাত অন্তরে। তাঁহার চালে আগুনের ফিল্কি

আসিয়া পড়িতে লাগিল। আগুন নিবাইবার জন্ম পাড়ার সকলের চেষ্টা, চারিদিকে গঙ্গাগোল। কেবল নাগমহাশয় একা অবিচলিতভাবে অগ্নির সমুখে জোড়করে দণ্ডয়মান। মাতৃ-ঠাকুরাণী তীতা হইয়া ঘরের কাপড় কাঁথা লেপ বালিশ বাহির করিতে লাগিলেন।

নাগমহাশয় বলিলেন, “এখনও এমন অবিশ্বাস ! কি হবে ছাই এই কাঁথা কাপড় দিয়ে ! ব্রহ্মা আজ বাড়ীর নিকটে উপস্থিত হইয়েছেন ; কোথায় এখন তাঁর পূজা কর্বে, না সামান্য কাঁথা কাপড় নিয়ে এখন ব্যস্ত হয়ে পড়লে ? জয় ঠাকুর ! জয় ঠাকুর !” বলিয়া তিনি বাড়ীর উঠানে করতালি দিয়া নৃত্য করিতে লাগিলেন। তারপর বলিলেন, “রাখে ক্ষণ মারে কে, মারে ক্ষণ রাখে কে !” চৌধুরীদিগের বাড়ী ভস্ত্রসাং করিয়া অগ্নি তৃপ্ত হইলেন। নাগমহাশয়ের বাটীর এক গাছি তৃণও দগ্ধ হয় নাই।

যে বৎসর অর্দ্ধাদিয় যোগ হইয়াছিল, যোগের তিন চারি দিন পূর্বে নাগমহাশয় একবার দেশে যান। তাহাকে তেমন সময় বাটী আসিতে দেখিয়া দীনদয়াল বলিলেন, “এই গঙ্গাস্নান যোগে কতগোক সর্বস্বাস্ত হইয়া গঙ্গাতীরে গমন করিতেছেন, আর তুই সেই গঙ্গাতীর পরিত্যাগ করিয়া দেশে আসিলি ! তোর ধর্ম-কর্ষের মৰ্ম আমি কিছুই বুঝিতে পারিলাম না ! এখনও তিন চারি দিন সময় আছে, আমাকে একবার ভাগীরথীর তীরে লইয়া চল।” নাগমহাশয় বলিলেন, “যদি মাহুষের যথার্থ অচুরাগ থাকে, যা ভাগীরথী গৃহে আসিয়াই দর্শন দেন, তাহাকে আর কোথাও যাইতে হয় না।” ক্রমে গঙ্গাস্নানের দিন আসিল। শ্রীমতী হরকামিনী

শ্রীযুক্ত কৈলাস বস্তু প্রভৃতি নাগমহাশয়ের ভক্তগণ সেদিন দেওভোগে উপস্থিত ছিলেন। যোগের সময় শ্রীমতী হরকামিনী দেখিলেন, নাগমহাশয়ের বাটীর পূর্বদিকের ঘরের অঞ্চিকোণে প্রাঙ্গণ ভেদ করিয়া প্রবল বেগে জল উঠিতেছে। জল ক্রমে কল কল নাদে প্রাঙ্গণ পূর্ণ করিয়া প্রবাহিত হইতে লাগিল। নাগমহাশয় গৃহাভ্যন্তরে ছিলেন। লোকের কলরবে বাহিরে আসিয়া; “মা পতিতপাবনী ! মা ভাগীরথী !” বলিয়া উৎসের সম্মুখে সাষ্টাঙ্গ হইয়া প্রণত হইলেন ; পরে সেই জল অঙ্গলিপূর্ণ করিয়া মাথায় দিয়া আবার প্রণাম করিয়া সে স্থান হইতে চলিয়া গেলেন। তারপর বাটীর সকলে স্নান করিতে আরম্ভ করিলেন। সংবাদ পাইয়া ক্রমে পল্লীর লোক দলে দলে আসিয়া স্নান করিতে লাগিল। “জয় গঙ্গে ! জয় গঙ্গে !” রবে নাগ-মহাশয়ের গৃহপ্রাঙ্গণ মুখরিত হইয়া উঠিল। প্রায় এক ঘণ্টা পরে জলের উচ্ছ্঵াস কমিয়া গেল ; ক্রমে ধীরে ধীরে প্রাঙ্গণের জল নামিয়া গেল। দেওভোগে এখনও এমন লোক জীবিত আছেন, যাহারা একবাক্যে এই ঘটনার সাক্ষ্য প্রদান করেন। শ্রীমতী হরকামিনীর বহুদিনের গুল্ম রোগ এই জল স্পর্শ করিয়া সম্পূর্ণরূপে সারিয়া যায়। নাগমহাশয় জীবনে কখন এ প্রসঙ্গের উল্লেখ করেন নাই। কেহ এ সম্বন্ধে কোন কথা জিজ্ঞাসা করিলে তিনি বলিতেন, “হায় হায়, লোকে কাচকে কাঞ্চন করে।” স্বামী বিবেকানন্দ এই ঘটনা শুনিয়া বলিয়াছিলেন, “অমন মহাপুরুষের ইচ্ছায় এ কিছু অসম্ভব নহে। ইহাদের অমোঘ ইচ্ছা-শক্তিতে জীব উদ্ধার হইয়া ষাহিতে পারে।”

জীবনের সকল ঘটনায় তিনি শ্রীরামকৃষ্ণের মঙ্গলময় কর দেখিতে পাইতেন। একরাত্রে আমি তাহার বাটিতে শুইয়া আছি, একটা শক্তি আমার ঘূর্ম ভাঙ্গিয়া গেল ! নাগমহাশয়ের গলা শুনিতে

পাইলাম। নাগমহাশয় রক্ষনয়ের শয়ন করিতেন, তাড়াতাড়ি সেখানে গিয়া শুনিলাম—একটা বিড়াল আড়ার উপর হইতে নাগমহাশয়ের মুখের উপর লাফাইয়া পড়িয়াছে। মার্তাঠাকুরাণী শৌভ্র প্রদীপ জালিলেন, দেখিলেন বিড়ালের নথাঘাতে নাগমহাশয়ের বামচক্ষুর শ্বেতাংশ কিয়ৎপরিমাণে ছিঁড়িয়া গিয়াছে। মার্তাঠাকুরাণী কাঁদিতে লাগিলেন। নাগমহাশয় বলিলেন, “ও কিছু নয়, ও কিছু নয়।” তারপর বলিলেন, “এই ছাই ভয় দেহের কথা কেন ভাবেন? ঠাকুরের ইচ্ছায় তিনিই বিড়ালজুপে আমার প্রাক্তন পাপের সাজা দিয়া গেলেন। এ সবই ঠাকুর শ্রীরামকুষের দয়া মাত্র!” জগৎ সংসার তিনি শ্রীরামকুষওম্বব দেখিতেন। আমাদের বিশেষ পীড়াপীড়িতে চোখে হৃষি চারি দিন জলের পাটি দিলেন। ঈশ্বরেচ্ছায় তাহাতেই চোখটি সারিয়া গেল।

কলিকাতায় একবার তাঁহার হৃষি হাতে ভয়ানক ব্যথা ধরে। হাত নাড়িতে পারিতেন না, এবং জোড় করিয়া না থাকিলে দাকুণ ঘন্টণা হইত। তিনি বলিতেন, “সর্বদা জোড়হস্তে থাকিতে শিক্ষা দিবার জন্ম ঠাকুর তাঁহাকে এই ব্যাধি দিয়াছিলেন।”

যখন শূলবেদনার দাকুণ কাতর, তখনও তাঁহাকে বলিতে শুনিয়াছি, “জয় প্রভু রামকুষ, তোমারই জয়! এ ছাই হাড়-মাসের ধাঁচা যখন তোমার সেবায় লাগান গেল না, তখন এই-ব্যাধি দিয়ে এর ঠিক উপযুক্ত শাস্তিই বিধান করেছ! শূলব্যথা দিয়ে দয়া করে তোমাকে শ্বরণ করাচ্ছ! ধন্ত সে শূলব্যথা যাতে শ্রীরামকুষদেবকে শ্বরণ করিয়ে দেয়। ধন্ত তুমি! ধন্ত তোমার কৃপা! গুরুকৃপা হি কেবলম্! গুরুকৃপা হি কেবলম্! নিজগুণে কৃপা! তিনি জীবের আর উপায় নাই।”

নাগমহাশয় কথন কাহাকেও শিক্ষা দিবার গৌরব করিতেন না। কেহ কোন বিষয় বুঝিতে চাহিলে তিনি বলিতেন, “কে কারে কি বুঝাইতে পারে ? সময়ে ঠাকুরের ক্ষপায় জীবের অন্তশ্চক্ষু আপনা আপনি খুলিয়া যায়, তখন ‘যথা যথা নেত্র পড়ে, তথা তথা ক্ষণও ফুরে’ ; তখন সে যে দিকে চাহে সব নৃতন রঙে রঞ্জিত দেখিতে পায় ।” কিন্তু যখনি কাহাকেও হতাশ দেখিতেন তখনি তাহাকে আশ্বাস দিয়া বলিতেন, “শেষ জন্ম না হলে শ্রীরামকৃষ্ণনামে বিশ্বাস হয় না !” আরও বলিতেন, “ভগবানে ঠিক ঠিক বিশ্বাস ভক্তি থাকিলে কথন বেতালে পা পড়ে না। ধর্ম অর্থ কাম মোক্ষ চতুর্বর্গ লাভ হয় ।”

“  
শ্রীযুত গিরিশ বলেন, “নরেনকে ( পূজ্যপাদ স্বামী বিবেকানন্দকে ) ও নাগমহাশয়কে বাঁধ্বতে গিয়ে মহামায়া বড়ই বিপদে পড়েছেন। নরেনকে যত বাঁধেন তত বড় হয়ে যায়, মায়ার দড়ি আর কুলায় না। শেষ নরেন এত বড় হল যে মায়া হতাশ হয়ে তাকে ছেড়ে দিলেন। নাগমহাশয়কেও মহামায়া বাঁধ্বতে লাগলেন। কিন্তু মহামায়া যত বাঁধেন, নাগমহাশয় তত সরু হয়ে যান। ক্রমে এত সরু হলেন যে, মায়াজালের মধ্য দিয়ে গলে চলে গেলেন ।”

## সপ্তম অধ্যায়

### ভক্তসঙ্গে

নাগমহাশয়ের কেহ মন্ত্রশিষ্য আছে বলিয়া জানা নাই। শাস্ত্রীয় বিধি-ব্যবস্থা তিনি কখন লজ্জন করিতেন না। কাহাকেও সেৱনপ করিতে দেখিলে তিনি নিরতিশয় হঁথিত, এমন কি বিরক্ত হইতেন। শুদ্ধের মন্ত্র দিবার অধিকার নাই, সে বিধি কখন ব্যক্তিক্রম করিতেন না। তাহার ক্রপায় অনেকের হৃদয়ে চেতন্ত সঞ্চার হইয়াছে, অনেক উচ্ছৃঙ্খল জীবন পরিবর্ত্তিত হইয়াছে, কিন্তু গুরুশিষ্যত্বাব কখন তাহার মনে স্থান পায় নাই। কেহ গুরু বলিয়া সম্মোধন করিলে তিনি মাথা খুঁড়িতেন। বলিতেন, “আমি শুনুর খুনুর, আমি কি জানি? আমাকে আপনারা পদধূলি দিয়া পবিত্র করিতে আসিয়াছেন। ঠাকুরের ক্রপায় আপনাদের দর্শন করিতে পারিলাম।”

নাগমহাশয়ের জনেক ব্রাহ্মণ-ভক্ত দীক্ষার জন্য একবার তাহাকে নিতান্ত পীড়াপীড়ি করিয়া ধরে। তাহাতে তিনি বলিয়াছিলেন, “একে ব্রাহ্মণ, তাহাতে আপনি শিক্ষিত; এ সকল আপনার সর্বদা ত্যাগ করা উচিত। সমাজমর্যাদা ও শাস্ত্রানুশাসন না মানিয়াই লোকের ঘত হৰ্গতি উপস্থিত হইয়াছে। ঠাকুরের আদেশে আমায় এ জীবনে ঠিক ঠিক গৃহস্থের ধর্ম পালন করিয়া যাইতে হইবে, তাহার এক চুল এদিক করিবার সাধ্য আমার নাই।” তারপর ভক্তটির বিষণ্ণত্বাব দর্শন করিয়া তিনি আশীর্বাদ করিয়া-

ছিলেন, “আপনার ভাবনা নাই, সাক্ষাৎ সদাশিব আপনার মন্ত্রদাতা  
গুরু হইবেন।” কিছুদিন পরে নাগমহাশয় শুনিতে পান—উক্ত  
ভক্ত স্বামী বিবেকানন্দের নিকট দীক্ষা গ্রহণ করিয়াছেন। তাহাতে  
নাগমহাশয় পরমাত্মাদিত হইয়া বলিয়াছিলেন, “ইন্দানীতন কালে  
ঠাকুরের সন্ম্যাসী ভক্তগণই জগতের একমাত্র দীক্ষাগুরু। ইহাদের  
নিকট যাহারা দীক্ষা গ্রহণ করিবেন, তাহারা ধন্ত হইবেন।”

নাগমহাশয়ের কেহ মন্ত্রশিষ্য না থাকিলেও, তাহার ভক্ত-  
পরিবার বিশাল। গিরিশবাবু বলেন, “নাগমহাশয় তাহার ভক্ত-  
গণের উপর স্নেহময়ী জননীর স্থায় সর্বক্ষণ সতর্ক দৃষ্টি রাখিতেন।”  
দূরে বা নিকটে, সমক্ষে বা অন্তরালে, সে স্নেহদৃষ্টি সকলের উপর  
সর্বকালে সমতাবে নিপতিত থাকিত। একবার একটি ভক্ত  
তাহাকে দেখিবার জন্ম দেওতোগে আসিতে নিতান্ত ব্যাকুল হয়।  
ভক্তটি ঢাকা কলেজে পড়িত। ঢাকা হইতে যথন ট্রেণযোগে  
নারায়ণগঞ্জে আসিয়া উপস্থিত হয়, তখন সন্ধ্যা হইয়াছে। সে সময়  
বর্ষাকাল, চারিদিক জলে জলময়। একে অঙ্ককার, তার  
উপর আকাশ ঘোর মেঘাচ্ছন্ন; অবিশ্রান্ত ঝুষ্টি পড়িতেছে।  
নারায়ণগঞ্জের শ্রীশ্রীলক্ষ্মীনারায়ণ জীউর মন্দিরের নিকট হইতে  
দেওতোগে যাইবার পথ। বর্ষাকালে নৌকাযোগে যাইতে হয়।  
ভক্তটি দেখিল একখানিও নৌকা নাই। নিরুপায় হইয়া ভক্তটি  
প্রতিজ্ঞা করিল, সে অগাধ জলরাশি সাঁতার দিয়া পার হইয়া  
যাইবে। নাগমহাশয়কে শ্঵রণ করিয়া ভক্তটি প্রবল প্লাবনে ঝুঁপ  
প্রদান করিল। ক্রমে সাঁতার দিতে দিতে রাত্রি ৯টায় তাহার  
অসাড় ক্লান্তদেহ নাগমহাশয়ের বাড়ীর উত্তর ধারের বাগানে  
আসিয়া ঠেকিল। তখনও প্রবল বেগে ঝুঁষ্টি পড়িতেছে। ভক্ত দেখিল,

নাগমহাশয় সেইখানে তাহার জন্ম অপেক্ষা করিতেছেন। ভক্তি বলেন, “আমাকে দেখিয়াই নাগমহাশয় বলিয়া উঠিলেন—হায় ! হায় ! কি করেছেন ? কি করেছেন ? কত দুরস্ত সাপ এ সময় মাঠে ভেসে বেড়ায়, এমন বর্ষার ছর্য্যাগে এমন সময় কি আস্তে হয় ?” ভক্তি নিরন্তরে তাহার পশ্চাত্ত পশ্চাত্ত চলিল।

গৃহে পঁজুচিতেই মাতাঠাকুরাণী তাহাকে একখানি শুষ্কবন্ধ দিলেন, আর তার সঙ্গে সঙ্গে কতকগুলি সুমিষ্ট ভৎসনাও দিলেন মায়ের স্নেহের তিরঙ্কার শুনিয়া ভক্তি কানিতে কানিতে বলিল, “নাগমহাশয়কে না দেখিয়া থাকা আমার পক্ষে বিষম দায় হইয়াছে।” ভক্তি প্রতি শনিবার কলেজ বন্ধ হইলে দেওভোগে আসিত। তারপর তাহার রক্ষনের উদ্ঘোগ করিতে গিয়া মাতাঠাকুরাণী দেখিলেন—একখানি শুকনো কাষ নাই। নাগমহাশয় সে কথা শুনিতে পাইয়াই তাহার দক্ষিণ দিকের ঘরের একটি খুঁটী কাটিতে আরস্ত করিলেন। ভক্তির কোন নিষেধ তিনি শুনিলেন না। মাতাঠাকুরাণী বলিলেও নাগমহাশয় খুঁটী কাটিতে কাটিতে বলিতে লাগিলেন, “ধাঁরা প্রাণের মায়া পরিত্যাগ করে, সাপের মুখে সাঁতার কেটে আমাকে দেখ্তে আসেন, তাদের জন্ম কি একখানা সামান্য ঘরের মায়া পরিত্যাগ কর্তে পারিনা ! প্রাণ দিয়েও আমি এঁদের উপকার কর্তে পারিলে, তবে আমার এই দেহ সর্থক হয় !” শ্রীমতী নিবেদিতার “The Master as I saw Him” এন্তে এই ঘটনাটি বিশেষরূপে বর্ণিত আছে। ভক্তি বলেন, “নাগমহাশয়ের অপার ক্ষপাই যে সেদিন তাহাকে রক্ষা করিয়াছিল, তাহাতে আর সন্দেহ নাই।”

আরও একবার এই ভক্তকে নাগমহাশয় আস্ত্রহত্যাকান্প মহাপাপ

হইতে রক্ষা করিয়াছিলেন। তত্ত্ব তখন কলিকাতায় মেসে থাকিয়া বিদ্যাসাগর মহাশয়ের কলেজে বি, এ পড়ে। ভঙ্গটি বলে, “একদিন রাত্রে আমি ছাত্রাবাসের ছাদে একাকী বেড়াইতেছি। চারিদিক শান্ত, নিশ্চল চন্দ্রালোকে আলোকিত, কেবল আমার হৃদয়ে দারুণ অশান্তি। নাগমহাশয়ের অদর্শনব্যথা, দেওভোগের স্মৃতি, আমার অস্তরে হ হ করিয়া জ্বলিতেছে। তখনও আমার শ্রীরামকৃষ্ণ-ভঙ্গগণের সহিত পরিচয় হয় নাই যে, নাগমহাশয়ের কথা কহিয়া কথফিং শান্তিলাভ করিব। নাগ-মহাশয় প্রতিবৎসর উশারদীয়া পূজার পূর্বে একবার করিয়া কলিকাতায় পূজার দ্রব্যাদি কিনিতে আসিতেন। কিন্তু সে সময় অবধি অপেক্ষা করিতে আমার ধৈর্য হইল না। কেবলই মনে হইতে লাগিল—হায় এমন মহাপুরুষকে পাইয়া হারাইলাম ; তবে আর জীবন ধারণের প্রয়োজন কি ? ভাবিতে ভাবিতে আমার মনে হইল, ছাদ হইতে পড়িয়া আঘাত্যা করিব। দৃঢ়সঙ্কল্প করিয়া যেমন পড়িতে যাইব, অমনি শুনিতে পাইলাম কে যেন বলিল—‘আগামী কল্য প্রাতেই নাগমহাশয়ের সঙ্গে দেখা হইবে।’ আমি শিহরিয়া উঠিলাম। তাড়াতাড়ি ছাদ হইতে নামিয়া ঘরে গিয়া বিছানায় শয়ন করিলাম ও পরে ঘুমাইয়া পড়িলাম।” পরদিন প্রাতে উঠিয়া ভঙ্গটি মুখ ধুইতে যাইতেছে, শুনিল কে যেন তাহার নাম ধরিয়া ডাকিতেছে। তাড়াতাড়ি ঘর খুলিয়া দেখিল—একটি কাপড়ের পুরুলি হাতে করিয়া নাগমহাশয় দাঢ়াইয়া আছেন। ভঙ্গকে দেখিয়া নাগ-মহাশয় ব্যস্ত হইয়া বলিলেন, “আপনি কি করিতেছেন, ভাবিয়া ভাবিয়া আমাকে কলিকাতায় আসিতে হইবাচ্ছে। ভয় কি ?

ভাবনাই বা কিসের ? যখন ঠাকুরের রাজ্যে আসিয়া পঁজি ছিয়াছেন, তখন আর ভাবনা নাই। আত্মাশ মহাপাপ !” তারপর বলিলেন, “এতদিন থালে বিলে ছিলেন, এবার সমুদ্রে এসে পড়লেন।” অর্থাৎ শ্রীরামকৃষ্ণ-লীলার মহাসমুদ্র ! পরে এই ভক্তিকে একদিন বেলুড় মঠে লইয়া গিয়া সন্ধ্যাসী ভক্তগণকে বলেন, “এই বাবুটি বড় চঞ্চল, একে আপনারা কৃপা করে পায়ে রাখবেন। এর খুব বুদ্ধি শুনি, যাতে ঠাকুর একে কৃপা করেন, তাই দেখবেন।”

যে সকল ভক্ত নাগমহাশয়ের নিকট সর্বদা যাতায়াত করিতে তিনি তাহাদিগকে বলিতেন, “আপনারা আপনার চেয়েও আপনার। আমার জীবন দিয়েও আপনাদের যদি কিছু হয় ত হোক ! এ ছাই হাড়মাসের থাচা দিয়ে আর কি হবে !”

ভক্তগণের মধ্যে কে ছোট, কে বড় বলা যায় না। বিশেষতঃ সকলের সহিত লেখকের পরিচয়ও নাই এবং অনেকের নাম তাহার জানা নাই। অজ্ঞতাবশতঃ এ গ্রন্থে যাহাদের উল্লেখ হইল না, তাহারা নিজগুণে লেখককে মার্জনা করিবেন।

নাগমহাশয়ের ভক্তগণের মধ্যে প্রথমেই মার্তাঠাকুরাণীর নাম উল্লেখযোগ্য, কেন-না ভক্তপ্রসঙ্গে তাহারই স্থান সর্বাগ্রে।

নাগমহাশয়ের যে কোন ভক্ত তাহার গৃহে রাত্রিযাপন করিয়াছেন, তিনিই দেখিয়াছেন, মার্তাঠাকুরাণী অতি প্রত্যুষে সর্বাগ্রে জাগরিত হইয়া গৃহকার্য করিতেছেন। সংসারের সকল কার্য সম্পন্ন করিয়া তিনি আনন্দে পূজ্যায় বসিতেন ; তারপর অন্ধকার করিয়া, অতিথি অভ্যাগতদিগের ভোজনের পর, অগ্রে

নাগমহাশয়কে আহার করাইয়া পরে আপনি ষৎকিঞ্চিং প্রসাদ পাইতেন।

সংসারের সকল কার্য মাতাঠাকুরাণী একা সম্পন্ন করিতেন, এমন কি তাহার ভগ্নী শ্রীমতী হরকামিনীকেও কিছুতে হস্তক্ষেপ করিতে দিতেন না। নাগমহাশয়ের ভক্তগণের মধ্যে এখনও যাহারা দেওভোগে গমন করিয়া থাকেন, তাহারা সকলেই একবাক্যে বলেন যে, মাতাঠাকুরাণীর যত্ন, উদ্ঘাটন, সেবা, সহনশীলতা প্রভৃতির কিছুমাত্র হ্রাস হয় নাই। পূর্বে যেমন, এখনও তেমনি দশ হাতে দশদিকে কাজ করিয়া বেড়ান। নাগমহাশয়ের ভক্তগণকে তিনি আপন সন্তান জ্ঞানে স্নেহ যত্ন করেন এবং তাহারাও মাতাঠাকুরাণীকে নিজ জননীর গ্রাম শুকা ভক্তি করেন। নাগমহাশয়ের পুণ্যস্মৃতি ও পবিত্র তত্ত্ববাণি বক্ষে ধারণ করিয়া দেওভোগ এখন পরম তীর্থস্থান হইয়াছে। পুণ্যশ্লোক নাগমহাশয়ের সমাধি দর্শন করিতে তথায় বহু লোকের সমাগম হয়; তন্মধ্যে যাহারা নাগমহাশয়ের জীবদ্দশায় তাহাকে দর্শন করিতে তথায় গিয়াছিলেন, তাহারা বলেন, যত্নে, আদরে, অতিথি-সৎকারে সে মহাপুরুষের পবিত্র প্রভাব দেওভোগে এখনও জীবন্ত রহিয়াছে।

পতি ভিন্ন মাতাঠাকুরাণীর অন্ত ঈষ্ট কথনই ছিল না, এখনও নাই। নাগমহাশয়ের ছবি পূজা না করিয়া তিনি জল গ্রহণ করেন না। এক বৎসর মহাষ্টমী পূজার দিন নাগমহাশয়ের পায়ে পুস্পাঞ্জলি দিতে মাতাঠাকুরাণীর একান্ত ইচ্ছা হয়। তাহাতে নাগমহাশয় বিরক্ত হইয়া উঠেন। কিন্তু এক সময় তিনি ঘরের কোণে অগ্নমনস্ক হইয়া দাঢ়াইলে যা সেই অবসরে সহসা তাহার পায়ে পুস্পাঞ্জলি প্রদান করেন। নাগমহাশয় তাহাতে বলেন, “যাকে পূজা করে, তার কি

আবার সেবা পূজা নেয় ?” মাতাঠাকুরাণী সেই অপিত পুষ্পাঞ্জলির ফুলগুলি কুড়াইয়া একটি স্বর্ণকবচে পুরিয়া গলদেশে ধারণ করেন।

হরপ্রেমন্ন বাবু যখন প্রথম নাগমহাশয়ের নিকট গমন করেন, মাতাঠাকুরাণীকে দেখিয়া তাহার মনে হইয়াছিল—সাধুর আবার স্তুৰ্মুৰ্দ্ধী পরিবার কেন ? নাগমহাশয় তাহার মনের কথা বুঝিতে পারিয়া তৎক্ষণাত বলিলেন, “কেন ? কেন ? দোষ কি ! মা অন্নপূর্ণা থাবার ঘোগাড় করিয়া দিতেছেন !” ষ্মেহ, দয়া, ত্যাগ, তিতিক্ষা, পরার্থপরতা প্রভৃতির জীবন্ত ছবি মাতাঠাকুরাণীকে দেখিলে মনে হয়, তপস্তা মূর্ত্তিমতী হইয়া আদর্শ রমণীরূপে বিরাজ করিতেছেন !

নাগমহাশয় জীবিত থাকিতে যে সকল তত্ত্ব নিয়মিতরূপে প্রতি শনিবার দেওভোগে যাইতেন, মা তাহাদের জন্য বহুবিধ মিষ্টি-পিষ্টকাদি প্রস্তুত করিয়া রাখিতেন। নাগমহাশয়ের বাটীতে বর্ণাশ্রম-ধর্মের একচুল এদিক ওদিক হইবার ঘো ছিল না। ব্রাঙ্কণকে স্বহস্তে রাঁধিয়া থাইতে হইত। ব্রাঙ্কণের আহারের সময় নাগমহাশয় বন্ধাঞ্জলি হইয়া প্রাঙ্গণের একপার্শ্বে দাঢ়াইয়া থাকিতেন, মা নিকটে থাকিয়া যত্ন করিয়া থাওয়াইতেন। দেহভোগে আসিয়া কেহ কখন মনে করিতে পারিত না যে, সাধুর আশ্রমে আসিয়াছি। সকলেরই মনে হইত যেন আপনার পিতামাতার কাছে আসিয়াছি। নাগমহাশয় লোকাস্তরিত হইবার পর, পূজ্যপাদ স্বামী বিবেকানন্দ তাহার পূর্ব প্রতিশ্রুতি অনুসারে, একবার দেওভোগে গমন করেন। স্বামিজী আসিবেন শুনিয়া নাগমহাশয় তাহার জন্য শৌচ প্রভৃতির স্থান প্রস্তুত করিয়া রাখিয়া গিয়াছিলেন। স্বামিজীও বলিয়াছিলেন, নাগমহাশয়ের বাটী গিয়া তিনি দেশীয় প্রথানুসারে শৌচ আনাহারাদি করিবেন। স্বামিজী সর্বতোভাবে স্বীয় প্রতিজ্ঞা পালন

করিলেন। একদিন দেওভোগে বাস করিয়া স্বামিজী ঢাকা অঞ্চলে গমন করেন! যাইবার সময় মাতাঠাকুরাণী তাহাকে একখানি বঙ্গ উপহার দেন। স্বামিজী সেই বঙ্গে উষ্ণীষ বন্ধন করিয়া নাগমহাশয়ের গুণগান করিতে করিতে দেওভোগ হইতে যাত্রা করিয়াছিলেন। এ অঞ্চলে প্রচার কার্যে আসিবার পূর্বে স্বামিজী নাগমহাশয়ের জনৈক ভক্তকে বলিয়াছিলেন, “ওদেশে গিয়ে আর বকৃতা করবার ইচ্ছা বা প্রয়োজন নেই। যে দেশ নাগমহাশয়ের চন্দ্রালোকে আলোকিত, সেখানে আমি গিয়ে আর বেশা কি বল্ব ?” তাহাতে ভক্তটি বলেন, “তিনি ত অতি গুপ্তভাবে ছিলেন, সাধারণে কখন কিছু বলেন নাই !” স্বামিজী বলিলেন, “মুখে নাই কিছু বলিলেন ! নাগমহাশয়ের আয় মহাপুরুষদিগের চিন্তারঙ্গে ( thought vibration ) দেশের চিন্তা-শ্রোতের গতি ফিরিয়া যায়।”

মাতাঠাকুরাণীর কনিষ্ঠা ভগী শ্রীমতী হরকামিনী নাগমহাশয় ব্যতীত অন্য কোন দেবতা বা ধর্ম মানেন না। তাহার ভক্তি ও সরলতা দেখিলে মুঝ হইতে হয়। তিনি স্বামীর সহিত আজীবন পিতৃগৃহে বাস করেন। নাগমহাশয় তাহাকে কল্পার আয় স্নেহ করিতেন ও তাহাকে দেখিবার অন্য মধ্যে মধ্যে শঙ্করালয়ে যাইতেন।

শ্রীমতী হরকামিনীর বাড়ী রাটন্তী পূজা হইত ; কিন্তু নাগমহাশয় উপস্থিত না হইলে প্রতিমার প্রাণপ্রতিষ্ঠাও হইত না এবং পুরোহিতও পূজায় বসিতে পারিতেন না। তিনি জানিতেন, নাগমহাশয় উপস্থিত হইলে, প্রতিমায় দেবীর আবির্ভাব হয়।

এক বৎসর শ্রীমতী হরকামিনীর বাড়ী এক কাঁদি কলা হয়। তিনি স্থির করিয়াছিলেন, ফলের অগ্রভাগ নাগমহাশয়কে দিবেন।

কিন্তু তিনি তখন কলিকাতায়। এদিকে কলা পাকিয়া উঠিল।  
 মাতাঠাকুরাণী তাহা কাটিবার জন্ত ভগ্নিকে জিদ করিতে লাগিলেন।  
 বলিলেন, “তাহার ( নাগমহাশয়ের ) দেশে ফিরিতে এখনও এক  
 মাস বিলম্ব আছে।” শ্রীমতী হরকামিনী বধির হইয়া রহিলেন।  
 অবশেষে মাতাঠাকুরাণী জোর করিয়া কলা কাটাইয়া ফেলিলেন।  
 শ্রীমতী হরকামিনী তাড়াতাড়ি উৎকৃষ্ট কলাগুলি বাছিয়া বাছিয়া  
 নাগমহাশয়ের জন্ত তুলিয়া রাখিলেন, অবশিষ্টগুলি বিলাইয়া দিলেন।  
 ইহার পনরদিন পরে নাগমহাশয় দেশে ফিরেন। শ্রীমতী হরকামিনী  
 সেই কলা লইয়া তাহার সহিত সাক্ষাৎ করিতে আসিলেন।  
 তখনও ফলগুলি পচে নাই। নাগমহাশয় তাহার ভক্তি দর্শনে অতি  
 প্রীত হইয়া কতকগুলি ফল গ্রহণ করিলেন।

যে সকল ভক্তের নাগমহাশয়ের উপর নির্ভর ছিল, তিনি কখন  
 তাহাদের প্রদত্ত দ্রব্য প্রত্যাখ্যান করিতেন না। দেওভোগে কোন  
 ভক্ত একদিন নাগমহাশয়কে মাছ খাওয়াইবার ইচ্ছা করে।  
 মাতাঠাকুরাণী তাহা অবগত হইয়া বিশেষ আপত্তি করিতে লাগিলেন।  
 কিন্তু ভক্তটি কোন কথা না শুনিয়া বাজার হইতে তিন চারি সের  
 ওজনের একটি ঝুঁই মাছ কিনিয়া আনিল। মাতাঠাকুরাণী সে মাছে  
 হাতও দিলেন না, কেবল বলিতে লাগিলেন, “বাবা, আজ আবার না  
 জানি কি কাওঁ ঘটাবে !” ভক্তটি মাতাঠাকুরাণীকে জিদ করিয়া  
 বলিতে লাগিল—“তুমি মাছ কোটো না, দেখা যাবে তিনি থান কি  
 না।” নাগমহাশয় তখন বাড়ী ছিলেন না। ছবের জন্ত গোয়ালাবাড়ী  
 গিয়াছিলেন। তিনি ফিরিয়া আসিলে মাতাঠাকুরাণী সমস্ত বৃত্তান্ত  
 বলিলেন। নাগমহাশয় শুনিয়া ভালমন্দ কিছুই বলিলেন না।  
 তারপর মৎস্য রক্ষন হইল। তিনি আহার করিলে, নাগমহাশয়

পাছে মাছ না থান, এই ভরে ভক্তি আহারে বসিলেন না। কিন্তু নাগমহাশয় মৎস্য গ্রহণ করিবেন স্বীকার করিয়া ভক্তিকে অগ্রে আহার করাইলেন।

শ্রীমতী হরকামিনী সংসারধর্মে একান্ত উদাসীন। রোগে শোকে, শুধে দুঃখে, ইহাকে কেহ কখন বিচলিত হইতে দেখে নাই। নাগমহাশয়ের ভক্তগণকে ইনি সর্বতোভাবে নিজ পরিজন বলিয়া মনে করেন।

নাগমহাশয় তাহার শাশুড়ীর ভক্তিভাবের বড় প্রশংস। করিতেন। একবার বৃক্ষ কলিকাতায় আসিয়াছিলেন এবং কুমারটুলীতে জামাতার বাসায় বাস করিতেন। তিনি প্রত্যহ গঙ্গাঞ্চনে যাইতেন এবং স্নানান্তে তীরে বসিয়া মাটিতে শিব গড়িয়া পূজা করিতেন। একদিন পূজা করিতে করিতে দেখিলেন—শিবলিঙ্গের অগ্রভাগ ফাটিয়া গিয়াছে। বৃক্ষার হৃদয় শিহরিয়া উঠিল। শিবলিঙ্গ বিদীর্ঘ হওয়া বড় অমঙ্গল। বুড়ী, গঙ্গাকূলে বসিয়া আকুল হইয়া কাঁদিতে লাগিল। সন্ধ্যা সন্নিকট, তখনও শাশুড়ী ফিরিতেছেন না দেখিয়া নাগমহাশয় তাহার অন্বেষণে গমন করিলেন। দেখিলেন তিনি একাকিনী ঘাটে বসিয়া কাঁদিতেছেন। শাশুড়ী জামাতাকে সকালের ঘটনা বলিলেন, জামাতা অভয় দিয়া তাহাকে সঙ্গে করিয়া বাসায় আনিলেন। বুড়ী বাসায় আসিয়া একখানি লেপ মুড়ি দিয়া পড়িয়া রহিল। সে দিন আর জল গ্রহণ করা হইল না। রাত্রে শাশুড়ী স্বপ্নে দেখিলেন—বৃষবাহনে মহাদেব তাহার শিয়রে দাঢ়াইয়া বলিতেছেন “তোমার আর পূজার প্রয়োজন নাই, আমি প্রসন্ন হইয়াছি।” বৃক্ষার নিজে হইল না। পরদিন প্রাতে উঠিয়াই জামাতাকে অঙ্গুত স্বপ্নকথা বলিলেন। সেই অবধি তাহার শিবপূজা শেষ হইল।

কেহ জিজ্ঞাসা করিলে বলিতেন, “শিবকে জামাই পেয়েছি, আর শিবপূজার দরকার কি ?” শাঙ্গড়ী জামাতাকে দূর হইতে নমস্কার করিতেন এবং কাছে আসিয়া ঘোমটা টানিয়া বসিয়া থাকিতেন। বৃক্ষার এখন প্রায় নবতি বর্ষ বয়স হইয়াছে, এখন কেবল জপধ্যান লইয়াই দিনঘণ্টাপন করেন।

আমি একবার রটন্তী পূজার সময় নাগমহাশয়ের সঙ্গে তাঁহার শ্বশুরবাড়ী যাই। তখন নাগমহাশয়ের শাঙ্গড়ীর মাতাও জীবিত ছিলেন। আমি তাঁহাকে গীতা পাঠ করিয়া শুনাইয়াছিলাম।

নাগমহাশয় বিবাহের পর প্রথম প্রথম শ্বশুরবাড়ীতে থাওয়া দাওয়া করিতেন। শ্রীরামকৃষ্ণের আশ্রয় গ্রহণ করিবার পর তিনি আর সেথায় জলগ্রহণ করিতেন না। শাঙ্গড়ী সেজন্ত সময় সময় আক্ষেপ করিতেন।

নাগমহাশয়ের নাম করিলে বৃক্ষ বলেন, “ওগো, আমার শিব জামাই লীলা সাঙ্গ করে চলে গেল ! আমি মহাপাতকী, তাই এখনও বেঁচে রয়েছি !”

নাগমহাশয়ের পিতৃশ্রান্তের সময় যে বৃক্ষ ব্রাহ্মণী মাতাঠাকুরাণীকে অর্থ কর্জ দিয়াছিলেন—তিনি ও তাঁহার একজন পরম ভক্ত। এই বৃক্ষ নাগমহাশয়ের প্রতিবাসী চৌধুরীদিগের কল্প। তিনি বধিরা। ব্রাহ্মণীর পুত্রসন্তানাদি ছিল না, তাঁহার হৃদয়ের সমস্ত সংক্ষিপ্ত মেহ, নাগমহাশয় ও তাঁহার গৃহিণীকে আশ্রয় করিয়াছিল। তিনি নাগমহাশয়কে ‘হুর্গাচরণ’ এবং মাতাঠাকুরাণীকে ‘বউ’ বলিয়া সম্মোধন করিতেন। নাগমহাশয় ইহাকে শাতার শার মাত্র করিতেন এবং সাংসারে সকল কার্য্যে তাঁহার উপদেশ লইয়া চলিতেন। বৃক্ষকে লোকে কৃপণ বলিত, তাঁহার হাতে কিছু সংক্ষিপ্ত অর্থ ছিল।

নাগমহাশয়ের সাংসারিক কষ্ট দেখিয়া ব্রাহ্মণীর একান্তই ইচ্ছা ছিল, নাগমহাশয়কে কিছু দান করেন, কিন্তু তাহার সে বাসনা কখন চরিতার্থ হয় নাই। নিতান্ত আবশ্যক হইলে নাগমহাশয় তাহার কাছে যদি কখন কিছু কর্জ করিতেন, টাকা হাতে পাঠিলে তাহা পরিশোধ করিয়া ফেলিতেন।

বহু লোকসমাগমে মাতাঠাকুরাণীকে অপবিমিত শ্রম করিতে দেখিয়া ব্রাহ্মণী ব্যথিত হইয়া বলিতেন, “বউ আমার খেটে খেটে মরে যেতে বসেছে !”

চৌধুরীবাটীর উপর দিয়া নাগমহাশয়ের বাড়ী আসিবার পথ ছিল। সে পথ দিয়া কাহাকেও নাগমহাশয়ের বাটীতে আসিতে দেখিলে ব্রাহ্মণী বলিতেন, “ইহারা সাধুকে দেখিতে যাইতেছে !” বৃক্ষ নাগমহাশয়কে মহাপুরুষ বলিয়া জানিতেন এবং তদনুকূপ ভক্তি করিতেন।

বধূঠাকুরাণী ( শ্রীযুক্ত হরপ্রসন্ন দাদার জ্ঞী ) জ্ঞী ভক্তগণের মধ্যে সর্বপ্রধান। ইহার পত্র আমি প্রথম অধ্যায়ে উন্নত করিয়াছি এবং ইহারই সম্বন্ধে পূজ্যপাদ স্বামী বিবেকানন্দ বলিয়াছিলেন, “তোদের বাঙ্গাল দেশে ঐ একজন স্তুলোক দেখে এলুম যেমন বিহুষী, তেমনি ভক্তিমতী।” নাগমহাশয় তাহাকে “মা” বলিয়া ডাকিতেন এবং পঞ্চম বর্ষীয় শিশুর আয় তাহার হস্তে খান্দ গ্রহণ করিতেন।

কুমারচুলীর পালবাবুদের জন্মভূমি চোজেশ্বর গ্রামে এক বৎসর মড় ইলে পালবাবুরা নাগমহাশয়কে তথায় লইয়া যান। নাগমহাশয়ের আগমনে মড়ক শাস্তি হয়। বাবু হরলাল পাল বলেন, “যখনি তাহাদের গ্রামে মারীভৱ উপস্থিত হইত, তাহারা নাগ-

মহাশয়কে তথায় লইয়া যাইতেন এবং তাহার গমনে মারীভয় শান্তি হইত।” এবার ভোজেশ্বরে আসিয়া বধৃষ্টাকুরাণীকে দেখিবার জন্ম নাগমহাশয় একবার হরপ্রেসন্ন বাবুর দেশে গমন করেন। বধৃষ্টাকুরাণী তাহাকে পূর্বে দেখেন নাই, কেবল শুনিয়াছিলেন তাহার স্বামী এক সাধুর নিকট গমন করেন। নাগমহাশয়কে দেখিয়াই তাহার মনে হইয়াছিল যে, ইন্হি সেই সাধু। নাগমহাশয়কে কিছু আহার করাইবার জন্ম বধৃষ্টাকুরাণীর একান্ত ইচ্ছা হয়, সে সময় তাহাদের মৃতাশোচ ছিল, কিন্তু নাগমহাশয় তাহা গ্রাহ না করিয়া, বধুর হস্ত-প্রস্তুত অন্নব্যঞ্জন পরম তৃপ্তির সহিত খাইয়াছিলেন। বধুর পরিধানে ছিল বস্ত্র দেখিয়া পালংবাজার হইতে দুইখানি লালপেড়ে কাপড় কিনিয়া বধুকে দিয়া আসেন। এই অন্নগ্রহণ ঘটনার উল্লেখ করিয়া হরপ্রেসন্নবাবু আমায় বলিয়াছিলেন, “ওহে তায়া, আমাদের অদৃষ্ট ভাল ; আমাদিগকে উকার করিবার জন্মই তিনি নরশৰীরে জন্ম-গ্রহণ করিয়াছেন, তাহার দয়াতেই আমরা এ জন্মে অভয়ের পাই চলিয়া যাইব।”

লেখকের জন্মভূমি ভোজেশ্বর হইতে দেড় ক্রোশ দূরে। নাগমহাশয় যে সময় ভোজেশ্বর গমন করেন আমি তখন বাড়ীতে ছিলাম। নাগমহাশয় আসিয়াছেন শুনিয়া আমি তাহার সহিত সাক্ষাৎ করিতে যাই। আমাকে দেখিয়া নাগমহাশয় বলিলেন, “কি করি, এঁরা অন্ন দেন, এঁদের কথা না শুনে কি করি ! তাই আস্তে হলো।” বৈকালে তাহাকে আমাদের বাটী লইয়া গেলাম। সেখানে আমাদের গৃহাধিষ্ঠাত্রী দেবী কাত্যায়নীকে দেখি, পরম প্রীত হইয়াছিলেন। আমার পিতাকে প্রণাম করিলেন। এখানেও তিনি আমার পরিবারের হস্তে অন্ন গ্রহণ করিয়া আমাদিগকে ধন্ত

করেন। পরদিন তাহার সহিত ভোজেশ্বরে ফিরিয়া যাইতেছি; পথে তর্করত্ন উপাধিধারী কোন পণ্ডিত আমায় বলিলেন, “এ পাগলের সঙ্গে তুমি কোথায় যাইতেছ?” আমি উত্তর দিলাম, “পাগল বটে; তবে আমরা কামিনী কাঞ্চন লইয়া পাগল, আর ইনি ঈশ্বরপ্রেমে পাগল।”

বধূঠাকুরাণী মধ্যে মধ্যে দেওভোগে আসিয়া বাস করিতেন। যখনি তথা হইতে ঢাকায় যাইতেন, নাগমহাশয় সঙ্গে যাইয়া অনেক দূর পর্যন্ত রাখিয়া আসিতেন। একবার যাইতে যাইতে শ্রীশ্রীলক্ষ্মী-নারায়ণ জীউর বাড়ীর নিকট এক বৃক্ষ বৈষ্ণবীর সহিত দেখা হয়। বৈষ্ণবী ভিক্ষা করিত, সেজন্ত অনেককেই চিনিত। বধূঠাকুরাণীকে দেখাইয়া নাগমহাশয়কে জিজ্ঞাসা করিল “উনি তোমার কে?” নাগমহাশয় বলিলেন, “আমার মা।” বৈষ্ণবী জানিত নাগমহাশয় মাতৃহীন, বলিল, “তোমার মা ত অনেক কাল মরিয়া গিয়াছেন, এ তবে তোমার কেমন মা?” নাগমহাশয় বলিলেন, “এ আমার সত্য মা, সত্য মা!” ভিথারিণী বুঝিল, বলিল, “হা বুঝেছি এ তোমার সত্য মা; নেলে কি, বাবা সাধু বলে তোমার নাম দেশে বিদেশে রাটনা হয়। বেঁচে থাক, দেশের মুখ উজ্জল কর।”

বধূঠাকুরাণীর মত স্তুলোক আমি অল্পই দেখিয়াছি। দেওভোগে আমার সঙ্গে যেদিন তাহার প্রথম পরিচয় হয়, শুনিয়া-ছিলাম তিনি সুন্দর গান করেন, আমাকে একটি শুনাইতে বলিলাম। তিনি কোনরূপ দ্বিধা না করিয়া গাহিলেন, “মন কেন মাঘের চরণ ছাড়া।” একে সুন্দর কণ্ঠস্বর তার উপর তাহার তন্ময়ভাব, আমি মুঝ হইয়া—নীরব হইয়া শুনিতেছি, নাগমহাশয়

বলিয়া উঠিলেন—মাঘের নাম মা নিজেই গাহিতেছেন—“আপন  
স্বথে আপনি নাচ, আপনি দেও মা করতালি।”

নাগমহাশয় বলিতেন, ইনি ( বধূঠাকুরাণী ) বিদ্যামারা দেবী  
সরস্বতীর অংশে জন্মগ্রহণ করিয়াছেন। এই মাতৃস্বকপিণী মানস-  
কল্পাকে নাগমহাশয় তাহার বাল্যজীবনের অনেক কথা বলিয়াছেন।  
তাহার কতকাংশ আমারা প্রথম অধ্যায়ে পাঠকবে উপহার  
দিয়াছি। বধূঠাকুরাণীর পতি পুত্রও নাগমহাশয়ের পুরুষ ভক্ত।

নাগমহাশয়ের গর্ভধারিণী ত্রিপুরাসুন্দরীর জেঠাইয়া ছিলেন,  
তাহার নাম মাধবীঠাকুরাণী ! নাগমহাশয় তাহাকে ঠাকুরমাতা  
বলিয়া ডাকিতেন। ঢাকার নিকটবর্তী কোন স্থানে মাধবী-  
ঠাকুরাণীর বাস ছিল। পূর্ববঙ্গে এখনও ইহার নাম শুনিতে  
পাওয়া যায়।

সুরেশবাবু বলেন—মাধবীঠাকুরাণী একবার কলিকাতায় আসিয়া  
নাগমহাশয়ের বাসায় তিন চারি দিন ছিলেন। সে সময় তিনি  
সামাজিক হৃষ্ট ও ফল আহার করিয়া জীবন ধারণ করিতেন। তিনি  
চিরজীবন ব্রহ্মচারিণী, সাধনভজন এবং অতিথিসেবা ভিন্ন তাহার  
আর কোন কার্য্য ছিল না। নাগমহাশয় বলিতেন, ধর্ম সম্বন্ধে  
এমন উন্নত স্তুলোক তিনি আর দেখেন নাই’ তাহার যেমন  
অসামাজিক ত্যাগ, তেমনি সেবাভাব ছিল। নাগমহাশয় মধ্যে মধ্যে  
তাহাকে দর্শন করিতে যাইতেন এবং তিনি ও নাগমহাশয়কে  
দেখিতে কখন কখন দেওভোগে আসিতেন। মাধবীঠাকুরাণী  
নাগমহাশয়কে বলিতেন “সাগর ছেঁচা মাণিক।”

শ্রীযুক্ত হরপ্রসন্ন মজুমদার মাধবীঠাকুরাণীর বিস্তৃত জীবনী  
“উরোধন” পত্রিকায় প্রকাশ করিয়াছেন।

গৃহস্থ স্ত্রীভক্তগণের মধ্যে যাহাদিগকে আমি জানি, বা মাধবী-ঠাকুরাণীর ত্যায় যাহাদের বিবরণ বিশ্বস্তস্থত্রে অবগত হইয়াছি, তাহাদেরই নামমাত্র এন্ডলে লিপিবদ্ধ করিলাম।

দেওভাগের নিকটবর্তী কাশীপুর গ্রামে একজন মুসলমান বাস করিতেন ; নাগমহাশয়ের উপর তাহার অসীম শক্তি ছিল। নাগমহাশয় বলিতেন, “মুসলমান হইলে কি হয়, তাহার মত সাহস্রিকত্বাব অনেক ব্রাহ্মণেও দেখা যায় না।” এই মুসলমানের প্রায় সত্তর বৎসর বয়স হইয়াছিল ; অল্প বয়সে জীবিয়োগ হইলেও তিনি আর দ্বিতীয়বার বিবাহ করেন নাই। পুত্রের উপর সংসারভাব দিয়া নিশ্চিন্তমনে ঈশ্বর চিন্তা করিতেন। তিনি সর্বদাই নাগমহাশয়কে দেখিতে আসিতেন, আসিয়া তাহাকে দূর হইতে ভূমিষ্ঠ হইয়া প্রণাম করিতেন, কিন্তু হৌনজাতি বলিয়া তাহার বাটীর ভিতর প্রবেশ করিতেন না। নাগমহাশয় সে অন্ত অতিশয় দৃঃখ্য হইতেন। তিনি এই মুসলমানকে ভক্তিসহকারে প্রণাম করিতেন এবং অতি প্রীতির সহিত তাহার সঙ্গে কথাবার্তা কহিতেন। মুসলমান নাগমহাশয়ের পরামর্শ না লইয়া কোন কার্য করিতেন না ; নাগমহাশয়ের আদেশ তিনি খোদাই আদেশস্বরূপ গ্রহণ করিতেন এবং তাহাকে সাক্ষাৎ “পীর” বলিয়া জানিতেন। এই যবন সাধুর ঐকাস্তিক কামনা ছিল, কোন প্রকারে নাগমহাশয়ের কোনরূপ সেবা করেন, কিন্তু নাগমহাশয় তাহাকে উচ্চদরের ভক্ত জানিয়া সর্বদা মান্ত করিতেন এবং উহা কথন করিতে দেন নাই।

মুরেশবাবু একবারে দেওভাগে গিয়া এই মুসলমানকে দেখিয়া-ছিলেন। নাগমহাশয় তাহাকে এই মুসলমানের সম্বন্ধে বলিয়াছিলেন,

“ভগবানের রাজ্যে জাতিবর্ণের বিভাগ নাই। সকলেই ভগবানের কাছে সমান। যাহারা ভগবানের শরণাপন হন, যে নামে যে ভাবে সাধন করুন না কেন, যথার্থ অকপটভাবে ডাকিলে ভগবান্ তাহাকে অবশ্যই কৃপা করেন। জগতের নানা মত, নানা পথ, কেবল ভগবানের রাজ্য যাইবার বিভিন্ন রাস্তামাত্র। অকপট মনে দাচ্যভাবে, যে কোন ভাবাশয়ে ভগবানকে লাভ করা যাইতে পারে।”

নাগমহাশয়ের অমোঘ কৃপায় যে সকল লোকের জীবন-প্রবাহ পরিবর্ত্তিত হইয়াছিল, দেওভোগ-নিবাসী শ্রীযুক্ত কালীকুমার ভুঁইয়া তাহাদের মধ্যে অন্ততম। বাল্যজীবনে কালীকুমার অতি দরিদ্র ছিলেন। তাহার মাতা এক ব্রাঙ্কণগৃহে দাস্তবন্তি করিতেন। এই ব্রাঙ্কণের ঘরে কালীকুমারকে দেওভোগ গ্রামবাসী ধনাঢ় রতন বৃন্দুর বাড়ী পোষ্যপুত্র দেওয়া হয়। কালীকুমার যৌবনে অতিশয় চপলস্বভাব ছিলেন; স্বভাবদোষে ইনি যথাসর্বস্ব খোয়াইয়া পথের ভিথারী হন। নাগমহাশয়ের সংস্পর্শে আসিলেও তাহার যৌবনস্বলভ চাঞ্চল্য একেবারে দূর হয় নাই। সে জন্য নাগমহাশয় প্রথম প্রথম তাহাকে দেখিতে পারিতেন না। কালীকুমার আত্মফূত অপরাধ শ্঵রণ করিয়া সর্বদা বিষণ্মনে নাগমহাশয়ের বাড়ী বসিয়া থাকিতেন। একদিন দেখিয়াছি, কোন কথাপ্রসঙ্গে কালীকুমার নাগমহাশয়ের ঘরের খুঁটিতে মাথা খুঁড়িতেছেন। নাগমহাশয় সেদিকে ফিরিয়াও চাহিলেন না, অধিকস্ত বলিলেন, “যাহার যেমন কর্ম, ভগবান্ তাহাকে তেমনি ফল দেন।” আমি পূর্বে আর তাহার তেমনি কঠোর ভাব দেখি নাই। কাতর হইয়া কালীকুমারকে স্নেহস্তুতে দেখিবার জন্য মিনতি করিলাম। যিনি কোন দিন আমার

কোন প্রার্থনা উপেক্ষা করেন নাই, তিনি আজ তাহা অগ্রাহ করিলেন।

কালীকুমার সম্পর্কে নাগমহাশয়ের সম্বন্ধী ছিলেন। তাহার হাব ভাব তিনি সর্বতোভাবে অনুকরণ করিতে পারিতেন; নাগমহাশয়ের আধা সর্বদা জোড়হাত করিয়া থাকিতেন এবং নতনয়নে পথ চলিতেন। কালীকুমারের গলায় একগাছি তুলসীর মালা ছিল। ত্রয়ে তাহার অবিষ্টাসম্বন্ধ ত্যাগ হইল, তিনি বৃন্দাবনে গেলেন। বৃন্দাবনধাম হইতে ফিরিয়া আসিবার পর নাগমহাশয় তাহাকে স্নেহচক্ষে দেখিতেন। তিনি এখনও মধ্যে মধ্যে তীর্থ পর্যটনে ঘান এবং সর্বদা নাগমহাশয়ের পবিত্র জীবন-বেদ প্রারণ অনুকরণ করিয়া দিনব্যাপন করেন।

নাগমহাশয়কে উপহার দিবার জন্য কালীকুমার একদিন মুটের মাথায় দিয়া অনেক জিনিষপত্র নাগমহাশয়ের বাটীতে আনয়ন করেন। সেদিন দেওভোগে স্বরেশবাবু উপস্থিত ছিলেন। তিনি বলেন, নাগমহাশয় কালীকুমারকে কারুতি মিনতি করিয়া সমস্ত দ্রব্য সামগ্ৰী ফিরাইয়া দিলেন। অধিকস্ত সেদিন তাহাকে নিজ বাটীতে নিমন্ত্ৰণ করিয়া স্বরেশের সহিত তোজন কৱাইলেন।

এক বৎসর শ্রীসত্যগোপাল ঠাকুর ঢাকায় কীর্তন করিতে আসেন। তাহারই মুখে নাগমহাশয়ের কথা শুনিয়া শ্রীযুক্ত হরপ্রসন্ন মজুমদার ও আমি তাহারই সঙ্গে দেওভোগে সাধুদৰ্শনে গমন করি। দেওভোগে পৌঁছিতে সন্ধ্যা হইল। পরদিন প্রাতে সত্যগোপালের বাটীতে কীর্তন আরম্ভ হইল, আমরা দেখিলাম অতি দীন হীন বেশে একব্যক্তি আসিয়া সাষ্টাঙ্গ হইয়া পড়িলেন। সত্যগোপালও তাহাকে ভূমিষ্ঠ হইয়া প্রণাম করিলেন। তারপর আবার কীর্তন

চলিতে লাগিল। মধ্যে মধ্যে সাধুর অপূর্ব ভাবাবেশ হইতেছে। কীর্তন শেষ হইলে নাগমহাশয় “জয় রামকৃষ্ণ” ধ্বনি করিতে করিতে তাহার গৃহাভিমুখে চলিলেন। হরপ্রসন্নবাবু ও আমি তাহার পশ্চাদগামী হইলাম। শ্রীযুত হরপ্রসন্ন তখন ঢাকা কলেটরীতে পেক্ষারী করিতেন।

ঢাকা হইতে প্রায় প্রতি শনিবারেই হরপ্রসন্নবাবু নাগমহাশয়কে দেখিতে আসিতেন। বর্ষাকালে পূর্বাঞ্চল জলপ্রাপ্তি হয়; সেই সময় শনিবার আসিলেই নাগমহাশয় একখানি নৌকা লইয়া নারায়ণগঞ্জে শ্রীশ্রিলক্ষ্মীনারায়ণজীউর বাটীর নিকট তাহার জন্য অপেক্ষা করিয়া থাকিতেন এবং তিনি ট্রেণযোগে নারায়ণগঞ্জে পৌছিলে, তাহাকে নৌকায় তুলিয়া, নিজে বাহিয়া বাটী লইয়া আসিতেন। ক্রমে হরপ্রসন্নবাবু ইহাতে আপত্তি করিতে লাগিলেন। অবশেষে একদিন তিনি নৌকায় উঠিতে একেবারে অস্বীকার করিলে, স্থির হইল একটি বালক নিযুক্ত করা হইবে। সেই প্রতি শনিবার তাহাকে দেওতোগে লইয়া আসিত এবং সোমবার নারায়ণগঞ্জে পুনরায় পৌছাইয়া দিত। তারপর হরপ্রসন্নবাবু নারায়ণগঞ্জে বদলি হন; সে সময় করেক মাস তিনি দেওতোগেই বাস করিয়াছিলেন। কিছু পরে আবার তিনি ঢাকায় বদলি হন। ঢাকা হইতে তিনি পূর্বের গ্রাম সর্বদাই আসিতেন।

কোন কারণে এক সময় শ্রীযুত হরপ্রসন্নের মস্তিষ্ক ঈষৎ চঞ্চল হইয়াছিল, সে সময় তিনি ছুটী লইতে বাধ্য হন। তাহার গৃহিণী উদ্বিগ্ন হইয়া তাহাকে সঙ্গে করিয়া নাগমহাশয়ের নিকট আনয়ন করেন। নাগমহাশয় ভক্তদ্রষ্টাকে অভয় দিবার কিছু পরেই শ্রীযুত হরপ্রসন্নের পীড়া নিষ্পূল হইয়া যায়।

দেহত্যাগ করিবার ছই তিনি দিন পূর্বে নাগমহাশয় হরপ্রেসন্ন-বাবুকে বলিয়াছিলেন, “দেখ, পরমহংসদেব সত্য সত্য ভগবানের অবতার হয়ে এসেছিলেন।” ভক্তগণের মধ্যে হরপ্রেসন্নবাবুই নাগমহাশয়ের সর্বাপেক্ষণ প্রিয়তম। তিনি বলিতেন, “হরপ্রেসন্নের যেমন বীরভাব তেমনি ভক্তি।” পূজ্যপাদ স্বামী ব্রহ্মানন্দও ইহার ভক্তিভাবে বিমোচিত। নাগমহাশয়ের আদর্শ জীবন ইহাতে যেমন প্রতিফলিত, এমন আর কোথাও নয়। ইহাকে দেখিলে এবং ইহার মুখে “কৃপা কৃপা নিজগুণে কৃপা”—এই কথাগুলি শুনিলে নাগমহাশয়কে মনে পড়ে। ইহার দীনতা, ভক্তিভাব, প্রেমোচ্ছাস, সেবা প্রভৃতি নাগমহাশয়কে স্মরণ করাইয়া দেয়। হরপ্রেসন্নবাবু শিশুকাল হইতেই দেবদ্বিজে ভক্তিপরায়ণ। ইহার রচিত অনেকগুলি সঙ্গীত আছে, তাবাবেশে কথন কথন তিনি সেগুলি গান করেন।

একদিন নাগমহাশয়ের শরীর বিশেষ অসুস্থ হইয়াছিল ! সে দিন হরপ্রেসন্নবাবু উপস্থিত হইলে, নাগমহাশয় নিজ অসুস্থ গ্রাহ না করিয়া বাজার হইতে বাছিয়া বাছিয়া চিঙড়ী মাছ কিনিয়া আনিলেন। হরপ্রেসন্নবাবুও মর্মে ব্যথিত হইয়া প্রতিজ্ঞা করিলেন—সে মাছ তিনি মুখে দিবেন না। মাতাঠাকুরাণী নাগমহাশয়কে সে কথা বলিলে, তিনি শয্যা হইতে উঠিয়া আসিয়া, হরপ্রেসন্নবাবুকে নিজহাতে মাছ খাওয়াইয়া দিতে দিতে বলিতে লাগিলেন, “এতে কোন দোষ হবে না !”

নাগমহাশয় লোকান্তরিত হইবার কয়েক ঘণ্টা পূর্বে হরপ্রেসন্নবাবু দেওতোগ ত্যাগ করিয়া যান। প্রাণ ধরিয়া নাগমহাশয়কে অস্তিম বিদায় দিবার শক্তি তাঁহার ছিল না।

জন্মভূমি পরিত্যাগ করিয়া হরপ্রসন্নবাবু ঢাকায় নারাণদিয়া নামক পল্লীতে বাস করিয়াছেন। মধ্যে উৎকল প্রদেশে কিছু-দিন কর্ম করিয়াছিলেন।

শ্রীযুত নটবর মুখোপাধ্যায় নাগমহাশয়ের শেষজীবনে তাহার সহিত মিলিত হইয়াছিলেন। তাহার নিবাস দেওতোগে, সেজন্ত সর্বদাই নাগমহাশয়ের কাছে থাকিবার স্বিধা পাইতেন। নটবরের প্রথম জীবন উচ্ছৃঙ্খল হইলেও, তাহাতে ভক্তির বীজ ছিল। নাগ-মহাশয়কে অবতার বলিয়া তাহার বিশ্বাস। নাগমহাশয়ের পিতৃশ্রাদ্ধে বসতবাটী বন্ধক দেওয়া হয়। মাতাঠাকুরাণী নটবর প্রমুখ ভক্তদের সাহায্যে বহু আয়াসে তাহার উকার সাধন করেন। নটবরের ঘরে নাগমহাশয়ের সমাধির উপর একখানি খড়ের ঘর নির্মিত হইয়াছে। তাহাতে নাগমহাশয়ের ব্যবহৃত যাবতীয় দ্রব্যাদি রক্ষিত এবং ঘরের মেজেয় তাহার ভস্মাদি প্রোথিত আছে। বেলুড়মঠের অনুকরণে নটবর এখানে নাগমহাশয়ের ভোগরাগ পূজা প্রচলিত করিয়াছেন। তিনি যাহা সৎ বলিয়া বুঝেন তাহার জন্ত আপনার যথাসর্বস্ব দিতে এবং তাহা কার্যে পরিণত করিতে কদাচ কুণ্ঠিত নহেন।

নটবর একবার একখানি নাটক প্রণয়ন করেন। ভক্তের জন্ত ভগবানের নন্দেহ ধারণ এবং অধম পতিতগণের উকারসাধন এই নাটকের বর্ণিত বিষয়। দেওতোগ গ্রামে নাটকখানি অভিনীত হইয়াছিল এবং নাগমহাশয় সে অভিনয় দর্শন করিবাছিলেন। নটবর এই নাটকে নাগমহাশয়ের অপার দয়া ও অমালুষিক দৈন্য অঙ্কিত করেন।

নাগমহাশয় তাহাকে কিছু কিছু শাস্ত্রগ্রন্থাদি পড়িতে উপদেশ দেন। গুরুর ক্ষপায় তাহার মর্মার্থভদ্রে নটবরের অলৌকিক প্রতিভা

দেখা যায়। কিন্তু নাগমহাশয় ভিন্ন তিনি অন্ত কিছুই মানেন না। তিনি মধ্যে মধ্যে চাকরী করেন, কিন্তু অধিকাংশ সময়ই ভগবানে আত্মসমর্পণ করিয়া নিশ্চিন্ত মনে অবস্থান করেন। তিনি বেশোর ভাগ দেওভোগেই থাকেন। মাতাঠাকুরাণী তাহার মত না লইয়া কোন কার্য্যই করেন না। নটবর সর্বদা তাহার তত্ত্বাবধান করেন। তাহারই যত্নে এবং সঙ্গে মাতাঠাকুরাণী শ্রীবৃন্দাবন, কাশীধাম প্রভৃতি দর্শন করিয়াছেন। মায়ের জন্য নটবর জীবন দানেও কাতর নহেন। নাগমহাশয়ের ভক্তগণ তাহার প্রাণপেক্ষণ্ও প্রিয়তর। নটবর কথন কথন কলিকাতায় আসিয়া শ্রীরামকৃষ্ণ-ভক্তগণের পদধূলি লইয়া যান, কিন্তু স্থুতে ছঃপে জীবনে মরণে, একমাত্র নাগমহাশয়ই তাহার অবলম্বন। যিনি নাগমহাশয়ের স্মৃতিরক্ষার্থে জীবন উৎসর্গ করিয়াছেন, তিনি অবশ্যই পূজনীয়।

নাগমহাশয়ের আর এক ভক্ত শ্রীযুত অনন্দা ঠাকুর। তিনিও শ্রীরামকৃষ্ণভক্ত-সমাজে সুপরিচিত। তিনি লেখা পড়া জানিতেন না, কিন্তু ভক্তি বিশ্বাসের বীর ছিলেন। মুসীগঞ্জের নিকট কোন পল্লীগ্রামে তাহার জন্ম হইয়াছিল। অনন্দাবাবু স্বয়োগ পাইলেই, নাগমহাশয়ের নিকট আসিতেন, বাটীর কাহারও বারণ মানিতেন না তাহার মনে যখন যে ভাবের উদয় হইত, তাহা কার্য্যে পরিণত না হওয়া অবধি তিনি স্বস্ত হইয়া বসিতে পারিতেন না। কর্ষ্ণে তাহার কথন ক্লান্তি দেখি নাই। তিনি পরহিতে প্রাণদানেও পরামুখ হইতেন না। নাগমহাশয় তাহার অদ্য উত্তম, অজেয় সাহস, অকপট ভক্তি এবং সরল বিশ্বাসের শতমুখে প্রশংসা করিতেন। এই “খ্যাপাটে বামুণের” উপর তাহার অপার কৃপা ছিল

হরপ্রসন্নবাবু যখন ঢাকায় থাকিতেন, শ্রীযুত অনন্দা তাহার বাসায় কিছুদিন ছিলেন। সেখানে এক ডেপুটী ছিলেন, তাহার সহিত অনন্দাবাবুর পরিচয় ছিল। মধ্যে মধ্যে ডেপুটীর বাসায় বেড়াইতে যাইতেন। সেই সময় আমেরিকা হইতে পূজ্যপাদ স্বামী বিবেকানন্দের বিজয়দুল্ভিতি ভারতের একগ্রান্ত হইতে অপর গ্রান্ত আলোড়িত করিয়া ধ্বনিত হইতেছে। স্বামীজী সম্মতে অনেক কথা অনন্দাবাবু নাগমহাশয়ের কাছে শুনিয়াছিলেন। একদিন তিনি ডেপুটীর বাসায় উপস্থিত হইলে, স্বামী বিবেকানন্দের কথা উঠিল। ডেপুটী স্বামীজীর উপর অযথা কটাক্ষ করিতে লাগিলেন। অনন্দাবাবু স্থির স্বরে বলিলেন, “তুমি ডেপুটী হইয়াছ বলিয়া মনে করিও না, তোমার কথার প্রতিবাদ করিব না। সিদ্ধ মহাঞ্জা নাগ-মহাশয় শতমুখে যাহাকে প্রেসংসা করেন, যিনি তপস্তা ও বিষ্টাবলে আমেরিকায় তুমুল আন্দোলন তুলিয়াছেন, যাহার গৌরবে ভারতবর্ষ গৌরবান্বিত, অযথা তুমি কেন তাহার নিন্দা করিয়া পাপগ্রস্ত হইতেছ ?” কোন ফল হইল না, ডেপুটী পুনরায় কটাক্ষ করিতে লাগিলেন। তখন অনন্দাবাবু তাহার সম্মুখীন হইয়া দৃঢ় কণ্ঠে বলিলেন, “One word more against Swamiji and you are done for” স্বামীজীর রিক্ষে আর একটি কথা তোমার মুখ দিয়া বাহির হইলেই তোমাকে খুন করিব। তাহার উগ্রমূর্তি দেখিয়া ডেপুটীর মুখ বিবর্ণ হইল। তা তা করিতে করিতে বলিলেন, “তা ভাই ঠাণ্ডা কর্লুম বলে কি রাগ করতে হয় ?” অনন্দাবাবু আর দ্বিক্ষণি না করিয়া সেখানে হইতে উঠিয়া আসিলেন, ইহ জীবনে আর সে ডেপুটীর মুখ দেখেন নাই।

নাগমহাশয়ের যখন প্রায় অষ্টমকাল উপস্থিত, অনন্দাবাবু ব্যাকুল

হইয়া, শ্রীরামকৃষ্ণ-ভক্ত-জননী শ্রীশ্রিমায়ের নিকট তাহার জীবন ভিক্ষা করিবার জন্ম গমন করেন। শ্রীশ্রিমা তখন জয়রামবাটীতে ছিলেন। তারেকেশ্বর হইতে অনন্দাবাবু পদ্ব্রজে জয়রামবাটীতে গেলেন এবং পদ্ব্রজে পুনরায় তারকেশ্বরে আসিয়া তথা হইতে কলিকাতায় গিয়া গিরিশবাবুর সহিত সাক্ষণ্য করেন। তারপর যখন তিনি দেওতোগে ফিরিয়া আসেন, তখন নাগমহাশয় আর ইললোকে নাই। নাগমহাশয়ের চরম সময়ে তাহাকে দেখিতে পাইলেন না বলিয়া অনন্দাবাবু অবশিষ্ট জীবন আক্ষেপ করিতেন।

অনন্দাবাবুর এক কনিষ্ঠ ভাই সম্মন্দে তিনি বড় সন্তপ্তচিত্ত ছিলেন। ভাইটি ঠিক জ্যৈষ্ঠের বিপরীত। অনন্দাবাবুর আচারনিষ্ঠ বড় ছিল না, এবং লেখা পড়া বিশেষ জানিতেন না। ভাই পরম আচারী এবং বেদবিদ, কিন্তু একেবারে ভক্তিভাববিহীন। অনন্দাবাবু সর্বদা বলিতেন, “আপনারা আশীর্বাদ করুন যাহাতে ইহার, ভগবান্ শ্রীরামকৃষ্ণ-পদে ভক্তি হয়।” নাগমহাশয়ের শেষ শ্যায় এই ভাইটি তাহাকে দেখিতে গিয়াছিলেন। একরাত্রে তাহাতে ও আমাতে উশোপনিষৎ পাঠ করিয়া নাগমহাশয়কে শুনাই। এই ভাই একবার বেলুড়মঠেও গিয়াছিলেন, কিন্তু তাহার অহং বুদ্ধির জন্ম কোথাও সাধুকৃপা লাভ করিতে পারেন নাই। অনন্দাবাবু বলিতেন, তাহার কনিষ্ঠ জীবনে বহু দুঃখ পাইবে। কথা ও সত্য হইয়াছিল।

নাগমহাশয়ের অপ্রকট হইবার নয় বৎসর পরে অনন্দাবাবু আমাশয় পীড়ায় দেহত্যাগ করেন। মৃত্যু সময়ে তিনি নাগমহাশয়ের ভক্তগণকে দেখিতে চান। সংবাদ পাইয়াই শ্রীযুত হরপ্রসন্ন তাহার নিকট গমন করেন। তাহাকে দেখিয়া অনন্দাবাবু পরমাহ্লাদে বলিলেন, “দাদা, শরীর যাইতে আর বিলম্ব নাই। আশীর্বাদ কর

যেন দেহ বদলাইয়া শীঘ্ৰই আবাৰ ঠাকুৱেৱ কাৰ্য্যে আসিতে পাৰি”,  
বলিয়া গদগদকৰ্ত্ত শ্ৰীরামকুমৰেৱ ও নাগমহাশয়েৱ নাম কৱিতে  
লাগিলেন। কিছুক্ষণেৱ মধ্যেই তাহাৰ প্ৰাণবায়ু শিৰ হইল।  
হৱপ্ৰসন্নেৱ উড়িষ্যায় চাকুৱীৱ প্ৰধান উপলক্ষ অনন্দবাৰু। নাগ-  
মহাশয়েৱ ভক্তিগণেৱ জন্ম তিনি প্ৰাণ দিতে পাৰিতেন।

শ্ৰীমতী হৱকামিনীৱ স্বামী শ্ৰীযুক্ত কৈলাসচন্দ্ৰ দাস সহধৰ্ম্মণীৱ  
আৰ জীবনেৱ শুভাশুভ সকল বিষয়েৱ ভাৱ নাগমহাশয়কে অৰ্পণ  
কৱিয়াছেন। কৈলাসবাৰু নাগমহাশয়েৱ সংসাৱেৱ এক প্ৰকাৰ  
অভিভাৱকস্বৰূপ ছিলেন। হাটবাজাৰ কৱা, ঘৱঘাৰ মেৰামত কৱা,  
সময় অসময়ে ধাৰ কৰ্জ কৱিয়া সংসাৱ চালান প্ৰভৃতি কাৰ্য্যে শ্ৰীযুক্ত  
কৈলাস মাতৰাঠাকুৱাণীৱ প্ৰধান সহায়। তিনি বীৱতাবেৱ সাধক,  
মধ্যে মধ্যে কাৱণ ব্যবহাৰ কৱিতেন। সময় সময় তাহাৰ মাত্রা ও  
ছাড়াইয়া উঠিত। তাহাকে নিৰুত্তিপথে আনিবাৰ জন্ম নাগমহাশয়েৱ  
বিশেষ যত্ন ছিল। কৈলাসবাৰুকে পানদোষ হইতে নিৱন্ত কৱিবাৰ  
জন্ম নাগমহাশয় একদিন নিজে কাৱণ কিনিয়া আনিয়া তাহাকে  
পুনঃ পুনঃ পান কৱান; সেই দিন হইতে কৈলাসবাৰু আৱ জীবনে  
কাৱণ স্পৰ্শ কৱেন নাই।

নাগমহাশয় কাৰণও সেবা লইতেন না, কিন্তু কৈলাসবাৰু সমস্তে  
কোন কথা চলিত না। নাগমহাশয়কে ধৰক দিয়া তিনি আপনাৰ  
ইচ্ছামূৰ্তি আহাৱাদি কৱাইতেন। তাহাকে ভৱ কৱিত না  
দেওভোগে এমন লোক ছিল না।

সৰ্বপ্ৰকাৱ কপটাচাৱেৱ উপৱ কৈলাসবাৰু একেবাৱে খড়গহস্ত;  
বলেন, “যখন অন্তর্যামি ভগবান্ সবই দেখিতেছেন, তখন আবাৰ  
কাকে লুকাইয়া চলিব ?”

যে নাগমহাশয় আব্রহাম্ব পর্যন্ত সমগ্র জগতের সঙ্গে সেব্য-সেবকভাবে ব্যবহার করিতেন, তাহার সঙ্গে কৈলাসবাবুর সেই ভাব ছিল। যতদিন নাগমহাশয় জীবিত ছিলেন, তাহার আজ্ঞা প্রতিপালন করা, কৈলাসবাবুর একমাত্র ক্রতৃ ছিল।

শ্রীযুক্ত পার্বতীচরণ মিত্র সম্পর্কে নাগমহাশয়ের জামাতা। মুন্দীগঞ্জের উকীল বাবু রাজকুমার নাগ সম্পর্কে নাগমহাশয়ের জ্ঞাতিভাই; তাহার কন্তা শ্রীমতী বিনোদিনী দেবীকে পার্বতীবাবু বিবাহ করেন। এই দম্পত্যগল নাগমহাশয়ের ক্ষপায় ধর্ম-বিষয়ে খুব উন্নতি লাভ করিয়াছেন। ইহাদিগকে নাগমহাশয় “লক্ষ্মী-নারায়ণ” বলিয়া নির্দেশ করিতেন। এই উভয় ভক্ত নাগমহাশয়ের উপরত্ব নির্দেশ করিয়া থাকেন। শুনা যায়, ভগিনী বিনোদিনী নাগমহাশয়ের ক্ষপায় অনেক রকম আলোকিক দর্শন লাভ ও করিয়াছেন। পার্বতী বাবু এখনও মাতাঠাকুরাণীকে মাসে মাসে কিঞ্চিৎ অর্থ সাহায্য করিয়া থাকেন।

নাশমহাশয়ের শেষজীবনে আমরা সর্বদা শ্রীযুক্ত রাজকুমার নাগকে তাহার নিকট যাতায়াত করিতে দেখিয়াছি। ইদানীং তিনি নাগমহাশয়কেই জীবনের আদর্শ জানিয়া ধর্মপথে অগ্রসর হইতেছেন। ইনি নাগমহাশয় সন্দেশে ইদানীং অনেক অলৌকিক ঘটনার উল্লেখ করিয়া থাকেন। তাহার মধ্যে একটি ঘটনা এই যে, নাগমহাশয়ের বাড়ীতে যে দিন গঙ্গার উৎস উঠে, সেই দিন নাকি ছই একজন ভক্ত কালীঘাটের মা কালীকে তথায় প্রকট দেখিতে পাইয়াছিলেন। যেন সমস্ত কালীঘাট তথায় প্রতিবিহিত হইয়া ভক্তগণকে কালীঘাটের ভাবরাজ্য বিচরণ করাইয়াছিল।  
লেখককে ইহাও বলিয়াছেন যে, দীনদয়ালের মৃত্যুকালে নাগমহাশয়

নাকি বলিয়াছিলেন, “যদি বাবার মৃত্যু যন্ত্রণা চক্ষে দেখিতে হয় তবে  
এ জীবনে ধর্ম করাই বুথা হইল—হে ভগবান् শ্রীরামকৃষ্ণ,  
বাবার এই সময় সদগতি করিয়া তোমার পতিতপাবন নাম সার্থক  
কর !” ইত্যাদি ।

পার্বতীচরণ বড় নির্জনপ্রিয় ; ধর্ম সম্বন্ধে কাহারও সহিত তর্ক  
বিতর্ক করেন না ; নাগমহাশয়কে মহাপুরুষ জানিয়া সর্বথা তাহার  
চরণে আত্মবিক্রয় করিয়াছিলেন । আমরা যখন নানা গঙ্গোল  
করিতাম, পার্বতীবাবু নিঃসঙ্গে বসিয়া আপনার ঈষ্টচিন্তা করিতেন ।  
নাগমহাশয়কে তিনি কখন কোন প্রার্থনা জানান নাই, তাহার  
বিশ্বাস ছিল, নাগমহাশয় সর্বজ্ঞ, তাহার পক্ষে যাহা প্রয়োজন,  
নাগমহাশয় নিজেই তাহার বিধান করিবেন । নাগমহাশয়ের অন্তিম  
দিনে পার্বতীবাবু দেওভোগে উপস্থিত ছিলেন । নাগমহাশয়ের  
স্মৃতিরক্ষাকল্পে তিনি সর্বদা মুক্তহস্ত । মাতাঠাকুরাণীর উপর তাহার  
অচলা ভক্তি ।

নাগমহাশয়ের তদানীন্তন প্রতিবাসী শ্রীযুক্ত জগদ্বজ্ঞ ভুইঝা  
প্রতিদিন নাগমহাশয়ের বাটী আসিয়া ভাগবত পুরাণাদি পাঠ ও  
ভক্তসঙ্গে সঙ্গীর্ণন করিতেন । তাহার ভক্তি ও দীনতার প্রশংসন  
নাগমহাশয়ের মুখে সর্বদা শুনা যাইত । জগদ্বজ্ঞবাবুকে তিনি যথেষ্ট  
ক্রপা করিতেন, প্রতিদিন নিজে লণ্ঠন ধরিয়া তাহাকে বাটী রাখিয়া  
আসিতেন ।

জগদ্বজ্ঞবাবু এখন দেওভোগ ছাড়িয়া স্থানান্তরে বাস  
করিতেছেন । মধ্যে মধ্যে দেওভোগে আসিয়া নাগমহাশয়ের সমাধি  
দর্শন করিয়া যান ।

নাগমহাশয়ের বাল্যবজ্ঞ শ্রীযুক্ত কামিনীকুমার শুখোপাধ্যায়

দেওতোগের সর্বাপেক্ষা বর্কিষ্ঠ লোক। কামিনীবাবুর গন্তীরাত্মা, নাগমহাশয়ের উপর তাহার অস্তর্নিহিত ভক্তিভাব মুখে কখন প্রকাশ হইত না, কেবল একদিনমাত্র তাহাকে বলিতে শুনিয়াছি “নাগমহাশয়ের আয় মহাপুরুষের জন্মে তাহাদের দেওতোগ গ্রাম ধন্ত হইয়াছে।”

কামিনীবাবুর পিতা ও নাগমহাশয়ের পিতার ভিতর বিশেষ সৌহন্দ ছিল, সেই স্থিতে পুত্রবয়েরও সৌহন্দ হয়।

কামিনীবাবু নাগমহাশয়ের বাড়ী আসিয়া বড় একটা কথাবার্তা কহিতেন না। নীরবে বসিয়া বসিয়া তামাক খাইতেন আর নাগমহাশয়কে দেখিতেন।

নাগমহাশয়ের ভক্ত বলিয়া কামিনীবাবু ও তাহার পিতা আমাদিগকে ও বিশেষ স্মেহের চক্ষে দেখিতেন এবং মধ্যে মধ্যে নিমন্ত্রণ করিয়া আহার করাইতেন।

একদিন কামিনীবাবুকে নাগমহাশয়ের নিকট বসিয়া—“নীল আকাশে ধীর বাতাসে কোথা যাও পাখী” এই গানটি গাহিতে শুনি। গায়কের বিভোর ভাব এখনও আমার স্মৃতিপটে অঙ্গিত রহিয়াছে; তাহার কঠস্বর এখনও আমার কর্ণে বাজিতেছে! নাগমহাশয় ভাবময় সঙ্গীত শুনিলে একেবারে তন্ময় হইয়া যাইতেন। একদিন তাহার একটি ভক্ত—“নবীনা নীরদনীলা, নগনা কে নিতস্থিনী” গানটি গাহিতেছিলেন। শুনিতে শুনিতে নাগমহাশয়ের ভাবসমাধি হইল। সমাধিভঙ্গের পর, তামাক সাজিতে সাজিতে তিনি ভক্তিকে বলিলেন, “মাকে দেখ্লাম, আপনার গান শুনিতে এই ঘরে দাঢ়াইয়া আছেন। এই জন্মেই আপনি মাঝের কৃপালাভ করিবেন।”

আর একদিন এই শেষোক্ত ভক্তি নাগমহাশয়ের নিকটে বসিয়া একটি শ্রামাবিষয়ক গান করিতেছিলেন। নাগমহাশয় “জয় মা আনন্দময়ী” বলিতে বলিতে তুড়ি দিতে লাগিলেন। কিছুক্ষণ পরে তিনি কেবলই বলিতে লাগিলেন, “হেরিলে ও মুখ দূরে যাই হথ শ্রামা মার রে।”—ভক্তির মনে তত্ত্ব তিনি মায়ের মুর্তি প্রত্যক্ষ দেখিতেছেন। তারপর নাগমহাশয় বার বার ভাবাবেশে বলিতে লাগিলেন—“প্রসাদ বলে, হর্ণ বলে যাত্রা করে বসে আছি।” ভক্ত এ সকল কথা মাতাঠাকুরাণীকে বলিলে মা বলিলেন, “বাবা সাধন ভজনের কথা কি বলিতেছে? ইনি ইচ্ছা করিয়া যে দেবদেবীকে ডাকেন, তাহারা তৎক্ষণাৎ ইঁহাকে দর্শন দেন। উনি এ কথা নিজে আমায় কতদিন বলিয়াছেন।”

বলিতে গেলে একপ্রকার দেওভোগের আবালবৃক্ষবনিতা নাগ-মহাশয়ের ভক্ত ছিল। তাহারা সর্বদাই তাহাকে দর্শন করিতে আসিত। তন্মধ্যে শ্রীযুত সত্যগোপাল ঠাকুরের সহোদর শ্রীযুক্ত মহিমাচরণ ঠাকুর ও নকড়ি দত্তের নাম বিশেষ উল্লেখযোগ্য।

নাগমহাশয়ের পুরোহিতপুত্র শ্রীযুত অশ্বিনী চক্রবর্তী নাগ-মহাশয়ের নিকট বসিয়া শাঙ্কালাপে ভক্তিপ্রসঙ্গে কোন কোনদিন রাত কাটাইতেন। এই পুরোহিতপুত্রের সঙ্গীর্ণনে বড় অনুরাগ ছিল। কীর্তন করিতে করিতে উন্মত্ত হইয়া নৃত্য করিতেন। ইনিই এক্ষণে সমাধির উপর স্থাপিত নাগমহাশয়ের ছবি নিত্য পূজা করেন এবং ভোগরাগ প্রভৃতি দিয়া থাকেন।

নাগমহাশয়ের প্রতিবাসী শ্রীযুত গোপালচন্দ্র চক্রবর্তী নাগ-মহাশয়ের সর্বপ্রথম ভক্ত। নাগমহাশয়ের ভক্তগণের মধ্যে অনেকেই তাহার সহিত প্রথম পরিচয়ের জন্ম গোপালের কাছে আণী। ইনি

কোন সময়ে নারায়ণগঞ্জে পাটের ব্যবসা করিতেন, পরে কার্য্য হইতে অবসর লইয়া সাধনভজনে মনোনিবেশ করেন। প্রথমে এক শ্রীগুরুর নিকট ইহার দীক্ষা হয়। দীক্ষা লইয়া ইনি মধুরভাব সাধন করেন। এই সাধনার ফলে তাহার এক অপূর্ব আকর্ষণী শক্তি জন্মিয়াছিল। ভক্তসমাজে ইনি সত্যগোপাল নামে পরিচিত। সত্যগোপাল মৃদঙ্গে সিদ্ধহস্ত এবং অতি শুকর্ণ ছিলেন। তিনি কীর্তন করিয়া নানাহানে ঘূরিয়া বেড়াইতেন। তাহার কীর্তনের এমনি এক মোহিনী শক্তি ছিল যে, পায়াগহুদয়ও বিগলিত হইত। সত্যগোপাল প্রায় তিনি বৎসর একাদিক্রমে নাগমহাশয়ের সঙ্গ করিয়াছিলেন। তাহার সংশ্রবে আসিয়াই সত্যগোপালের জীবন পরিবর্ত্তিত হয়, তিনি বৈষ্ণব তন্ত্রের বামাচার-সাধন ত্যাগ করিয়া ভক্তিমার্গের পথিক হন। তাহার উপর নাগমহাশয়ের বিশেষ স্থে ছিল। কখন কখন তাহাকে নিবিড় জঙ্গলের ভিতর লইয়া গিয়া তিনি সাধন ভজন করিতেন। নাগমহাশয় বলিতেন, “এই খুব বিশ্বাস, খুব অহুরাগ আছে, কিন্তু ভোগবাসনার একান্ত ক্ষম হয় নাই।” সত্যগোপাল নাগমহাশয়কে মনে মনে শুরু বলিয়া মানিতেন, কিন্তু নাগমহাশয় শুরু সম্বোধন সহ করিতে পারিতেন না বলিয়া, মুখে কিছু বলিতেন না। নাগমহাশয়ের সমস্তে তাহার ধারণা হইয়াছিল যে, তিনি মুর্দিমান বেদ ও আকাশের শ্রা঵ মহিমাপ্রিত। এজন্ত তিনি সর্বদা “শ্রীগুরু বেদাকাশের জয়” বলিয়া নাগমহাশয়ের জয় ঘোষণা করিতেন। নাগমহাশয়ের ক্রপায় তিনি ভক্তসমাজে বহু প্রতিষ্ঠা লাভ করেন। নারায়ণগঞ্জের নিকট ধৰ্মগঞ্জ পল্লীতে তিনি আশ্রম স্থাপন করিয়া জীবনের শেষ তিনি বৎসর অতিবাহিত করিয়াছিলেন। তাহার অনেক শিষ্য হইয়াছিল।

କିଛୁ ଦିନ ହଇଲ ପୃଷ୍ଠାଗେ ତୀରାର ମୃତ୍ୟୁ ହଇଯାଛେ । ଏକବାର ତିନି ନାଗମହାଶୟକେ କଷେକଟି ସୁପକ୍ର ଆମ ଉପହାର ପାଠାଇୟା ଦେନ । ନାଗ-ମହାଶୟ ତଥନ ବାଟୀ ଛିଲେନ ନା । ସେ ଲୋକଟି ଆମ ଆନିୟାଛିଲ ମାତାଠାକୁରାଣୀ ତାହାକେ ଉତ୍ତାଫିରାଇୟା ଲହିୟା ଯାଇବାର ଅନ୍ତ ବିଶେଷ ଜିଦ କରେନ, କିନ୍ତୁ ଲୋକଟି ତୀରାର କଥା ନା ଶୁଣିୟା ସରେର ଦାରେର ପାଶେ ଆମ କଷ୍ଟଟି ରାଖିୟା ଚଲିୟା ଯାଇ । ଗୃହେ ଫିରିୟା ନାଗମହାଶୟ ସମସ୍ତ ବୃତ୍ତାନ୍ତ ଶୁଣିଲେନ । ତଥନ ବର୍ଷାକାଳ, ନୌକା ବ୍ୟତୀତ ଏକ ବାଟୀ ହଇତେ ଅନ୍ତ ବାଟୀତେ ଯାଓଯା ଯାଇ ନା । କିନ୍ତୁ ଦିନ ନୌକା ପାଞ୍ଚା ଗେଲ ନା । ନାଗମହାଶୟ ସଂତାର ଦିଯା ସତ୍ୟଗୋପାଲେର ବାଟି ଗିଯା ଆମ କଷ୍ଟଟି ବିନୟ କରିୟା ଫିରାଇୟା ଦିଯା ଆସିଲେନ ।

---

## অষ্টম অধ্যায়

### মহাসমাধি

১৩০৬ সালের শরৎকালে নাগমহাশয় আর কলিকাতায় আসিতে পারিলেন না। বিবিধ কার্যবশতঃ আমিও সে বৎসরে দেওভোগে যাইতে পারি নাই। আশ্বিন কার্তিক ছইমাস কাটিয়া গেল, অগ্রহায়ণের শেষভাগে আমি মাতাঠাকুরাণীর একখানি আহ্বান টেলিগ্রাম পাইলাম। সেদিন শনিবার, বেলা দ্বিপ্রাহরে টেলিগ্রাম আসে। পরদিন রবিবার “রামকৃষ্ণ-মিশন” সভায় “বেদের ধর্ম” সম্বন্ধে আমার একটি প্রবন্ধ পড়িবার কথা ছিল। সাধারণের কার্য ছাড়িয়া করিপে যাই! আমি ইতিকর্তব্য-বিমুচ্চ হইয়া ভাবিতেছি, এমন সময় স্বামী অঙ্গুতানন্দ আমার বাসায় আসিলেন। টেলিগ্রাম দেখিয়া তিনি বলিলেন, “বেদের বক্তৃতা দিতে জীবনে অনেক সময় পাইবে, কিন্তু নাগমহাশয়ের শরীর চলিয়া গেলে আর তোমার ভাগ্যে সে দেবহূর্লভ মহাপুরুষের দর্শন ঘটিবে না।” আমি সেই দিনই দেওভোগ যাত্রা করিব স্থির করিলাম।

শ্রীরামকৃষ্ণ-ভক্ত শ্রীযুত হরমোহন মিত্র কিছু অর্থসাহায্য করিলেন। তদ্বারা নাগমহাশয়ের জন্য পানফলের পালো ও বেদানা কিনিয়া শহীয়া আমি সেই রাত্রেই গাড়ীতে উঠিলাম। পরদিন রবিবার সন্ধ্যার প্রাক্কালে আমি দেওভোগে উপস্থিত হই।

বাটীর ভিতর প্রবেশ করিয়া দেখিলাম, তিনি পূর্বদিকের ঘরের বারান্দার দক্ষিণভাগে একখানি ছেঁড়া কাঠার উপর পড়িয়া

রহিয়াছেন। অথচ তাহার ঘরে লেপ তোষকের আভাব ছিল না। শীতকাল, রাত্রে মাঠের কন্কনে ঠাণ্ডা হাওয়া বহিতে থাকে, সে সময় কেবল কয়েকখানি শতচিন্দ্র দরমা ঘেরা বারান্দায় এইভাবে রাত্রিযাপন করা রোগীর কথা ত দূরে, সুস্থ শরীরেই যে তাহা কি কষ্টকর তাহা অনুমান করিতে কল্পনার সাহায্যের প্রয়োজন হয় না। তাহাকে তদবস্তাপন দেখিয়া আমি মাঘের মুখপানে চাহিলাম, তিনি চুপে চুপে আমায় বলিলেন, “বাবা! যে দিন হইতে উনি উখানশক্তিহীন হইয়া শয্যাশায়ী হইয়াছেন, সেই দিন হইতে আর ঘরে প্রবেশ করেন নাই, বারান্দায় এই ভাবে পড়িয়া আছেন। পূজার পূর্ব হইতে শূল বেদনা বাঢ়িয়াছিল, তার উপর আমাশয় রোগ আক্রমণ করিয়াছে। রোগের উত্তরোত্তর বৃক্ষ দেখিয়া উহাকে সম্মত করিয়া তোমায় তার করিয়াছিলাম।”

মাতাঠাকুরাণীর মুখে আমার আগমন সংবাদ পাইয়া নাগমহাশয় বলিলেন, “আমার শেষ বাসনাও ঠাকুরের কৃপায় পূর্ণ হইল।” আমাকে দেখিয়া তিনি উঠিয়া বসিলেন; আমার অশ্রু দেখিয়া আমায় আশ্রম্ভ করিবার জন্ম বলিলেন, “আপনি যখন আসিয়া পড়িয়াছেন, তখন সকলি মঙ্গল হইবে।” তারপর বলিলেন, “হায়, হায়, এ দেহ দিয়া আর আপনার সেবা করা হইল না। আমি সেবাপরাধী হইলাম।” মাতাঠাকুরাণীকে আমার জন্ম দুঃখ মাখন প্রভুনি সংগ্রহ করিবার আদেশ দিলেন। আমি কাঁদিতে কাঁদিতে স্থানান্তরে গেলাম।

অস্তুথের কথা নাগমহাশয় নিজে কখন মুখে আনিতেন না। একবার মাত্র মাকে ইঙ্গিতে বলিয়াছিলেন, “তাহার প্রারক কর্মের ক্ষয় হইয়া আসিয়াছে, অতি অল্পই বাকি।” ভাজ্জমাসের শেষ হইতে তাহার শরীর অতিশয় অসুস্থ হয়। দিবসে ছচার গ্রাস মাত্র

অন্ন খাইতেন, আর রাত্রে উপবাসী থাকিতেন। দেহ ক্রমে কঙ্কাল-সার হইল। সে জীবন্ত কঙ্কাল দেখিয়া মাতাঠাকুরাণীকে কথন দীর্ঘ-নিষ্পাস ফেলিতে দেখিলে নাগমহাশয় বলিতেন, “ছাই এ হাড়মাসের থাচার জন্তু তুমি ভাবিত হইও না।” বহু সাধ্য সাধনা করিয়াও মা তাহাকে কোনরূপ ঔষধ খাওয়াইতে পারেন নাই। ঔষধের কথা বলিলে বলিতেন, “ঠাকুর বলিতেন—হিংচে শাক শাকের মধ্যে নয়, এতে কোন অনিষ্ট হবে না।” পথের ধারণে তাহারই রস একটু একটু পান করিতেন।

তাহার চরম-দিবসের অয়োদশ দিন পূর্বে আমি দেওভোগে উপস্থিত হই। কোন মতেই তাহাকে ঘরে উঠাইয়া শোয়াইতে পারিলাম না। মধ্যে মধ্যে তাহাকে প্রাণান্তিক ঘন্টণা অনুভব করিতে দেখিয়াছি। কিন্তু এক মুহূর্তের জন্তু কাতর হইতে দেখি নাই। শ্রীরামকৃষ্ণ-প্রসঙ্গ ভিন্ন অন্তর্ভুক্তের, কি অন্ত কোন কথা তাহার মুখে ছিল না।

একাদিক্রমে এই অয়োদশ দিবস আমি তাহার কাছে কাছেই থাকিতাম। কথন তাহাকে স্তব পাঠ করিয়া শুনাইতাম, কথন তাহার কাছে বসিয়া গীতা, ভাগবত, উপনিষদ্ প্রভৃতি পড়িতাম, কথন শ্রামাবিষয়ক গীত গাহিতাম, আবার কথন কীর্তন করিতাম। শুনিতে শুনিতে তিনি মধ্যে মধ্যে সমাধিষ্ঠ হইতেন। সমাধিতে কথন কথন একষণ্টা দেড়ষণ্টা কাটিয়া যাইত। সমাধি ভঙ্গের পর তিনি সময় সময় স্বপ্নোথিত শিশুর ভায় ‘মা মা’ বলিয়া কাঁদিয়া উঠিতেন, আর তাহার দেহে প্রেমের অষ্টসাত্ত্বিক-বিকার-লক্ষণ পরিশুট হইয়া উঠিত। কথন কথন গভীর সমাধি-ভঙ্গের পর বলিতেন, “সচিদানন্দ অথগু চৈতত্ত, অথগু চৈতত্ত।”

নাগমহাশয়ের পীড়া বাড়লে, তাহার ভগ্নী সারদামাণ, তাহার শাঙ্গড়ী, শালী, কৈলাসবাবু ও কৈলাসবাবুর জামাতা আদিত্যবাবু তাহার সেবা করিবার জন্ত দেওভোগে আসিয়াছিলেন। কিন্তু নাগমহাশয় কাহাকেও সেবা করিতে দিলেন না। মা কায়মনে তাহাকে শুশ্রষা করিতে লাগিলেন।

আমি দেওভোগে গমন করিলে, নাগমহাশয় আমার হাতে পথ্যাদি লইতে লাগিলেন। কলিকাতা হইতে পানফলের পালো আনিবার সময় আমার মনে হইয়াছিল, তিনি হয় ত গ্রহণ করিবেন না; কিন্তু আমি নিজহস্তে প্রস্তুত করিয়া থা ওয়াইয়া দিতে তিনি কোন আপত্তি করিলেন না।

শীঘ্ৰ নটবৱ, হৱপ্ৰেসন, পাৰ্বতীচৱণ, অনন্দা প্ৰভৃতি প্ৰায়ই তাহাকে দেখিতে আসিতেন, কোন কোন দিন বা রাত্রেও থাকিতেন। এতক্ষণ নারায়ণগঞ্জ হইতে অনেক ভদ্ৰলোক ও রাজকৰ্ম্মচাৰী তাহার তত্ত্ব লইতে আসিতেন। তাহাদিগকে বিষণ্ন দেখিলে নাগমহাশয় বলিতেন, “হায়, হায় ! অনৰ্থক কষ্ট কৰিয়া কেন এই ছাড়মাসের থাঁচা দেখিতে আসিয়াছেন, এ দেহ আৱ বেশীদিন থাকিবে না।” তাহার এইকথা শুনিয়া মার্তাঠাকুৱাণী আমায় কাদিতে কাদিতে বলিয়াছিলেন, “ইহার জীবনে কখন মুখ দিয়া মিথ্যা কথা বাহিৰ হয় নাই, ইনি যখন বলিতেছেন দেহ আৱ বেশী দিন থাকিবে না, তখন নিশ্চয়ই এবাৱ মহাযাত্রা কৰিবেন।”

এই দারুণ হৃদিনেও নাগমহাশয় গৃহাগত অতিথিগণের আহাৰাদিৰ পুজ্বালুপুজ্বালপে তত্ত্বাবধান কৰিতেন। কাহার জন্ত কিৱৰ থাত্তসামগ্ৰীৰ আয়োজন কৰিতে হইবে, কাহাকে কোথায়

শয়ন করিতে দিতে হইবে, বাজার হইতে কি আনাইতে হইবে, নাগমহাশয় মাতাঠাকুরাণীকে সমস্ত বলিয়া দিতেন। কৈলাসবাবু হাটবাজার করিয়া আনিতেন, আমরা সে ছৰ্দিনেও রাজভোগ ‘ধৰংস’ করিতাম। মৃত্যুর পাঁচদিন পূৰ্বে তিনি কৈলাসবাবুকে গোয়ালাবাড়ী পাঠাইয়া আমার জন্ম দধিছুঞ্চ আনাইয়াছেন। তিনিদিন পূৰ্বেও আমার প্রিয় ভাঙ্গনমাছ আনাইয়া আমাকে থাওয়াইয়াছেন।

দিবসের অধিকাংশ সময়ই আমি তাঁহার কাছে বসিয়া থাকিতাম। তিনি অবিরত বলিতেন, “ভগবান् দয়াবান् ! ভগবান্ দয়াবান् !” তাঁহার যন্ত্রণা দেখিয়া আমার মনে হইত, ভগবান্ নিষ্ঠুর। একদিন তাঁহার শয্যাপার্শ্বে বসিয়া এইরূপ ভাবিতেছি, তিনি যেন আমার মনের কথা বুঝিতে পারিয়া বলিলেন, “ভগবানের অপার করণায় কদাপি সন্দিহান হইবেন না। আমার এ দেহ দিয়া জগতের আর কি উপকার হইবে ? এখন বিছানায় পড়িয়া ত আর আপনাদের সেবা ও করিতে পারিলাম না ! ভগবান্ শ্রীরামকৃষ্ণ তাই দয়া করিয়া এই জন্ম দেহ পঞ্চভূতে মিশাইয়া দিতেছেন !” তারপর তিনি ক্ষীণকর্ত্ত্বে ধীরে ধীরে বলিতেলাগিলেন, “দেহ জানে আর দুঃখ জানে, মন তুমি আনন্দে থাক ।” আমাকে যখনই বিষণ্ণ দেখিতেন তিনি বলিতেন, “কি ছাই ভৱ্য ভাবিতেছেন ! এ ছাই হাড়মাসের খাচার কথা ভাবিবেন না। মায়ের নাম করুন, ঠাকুরের কথা বলুন,—এ সময়ে উহাই ভবরোগের একমাত্র মহৌষধি !” আমি মনের আবেগে গাহিতে লাগিলাম—“আমায় দে মা পাগল করে, আর কাজ নেই মা জ্ঞানবিচারে ।” বিভোর হইয়া গাহিতে গাহিতে আমার যেন বাহচৈতন্ত বিলুপ্ত হইয়া গেল। কিছুক্ষণ পরে শুনিলাম, মাতাঠাকুরাণী আমায় ডাকিতেছেন। তাঁহার দিকে চাহিতে তিনি

আমায় দেখাইয়া দিলেন, আমি দেখিলাম—নাগমহাশয় উঠিয়া বসিয়া আছেন—দৃষ্টি স্থির, নাসাগ্রস্থাপিত, নয়নপ্রাপ্তে প্রেমধারা। এখন তাঁহাকে ধরিয়া পাশ ফিরাইয়া দিতে হয় ; গান শুনিতে শুনিতে তিনি সমাধিস্থ হইয়াছেন, কখন যে উঠিয়া বসিয়াছেন আমি টের পাই নাই ! দেখিয়া আমার ভয় হইল। সমাধি শীঘ্ৰই ভাঙিল ; সমাধিশেষে আৱ তিনি বসিতে পারিলেন না। মার্তাঠাকুৱাণী ও আমি ছজনে ধরিয়া তাঁহাকে শোয়াইয়া দিলাম। তিনি তখনও বলিতে লাগিলেন, “আমায় দে মা পাগল কৱে !”

ব্যাধি দিন দিন বাঢ়িতে লাগিল ! আহারও প্রায় বন্ধ হইল, কখন বিহুকে করিয়া একটু আধটু পানফলের পালো থাইতেন। ক্রমে তাঁহার কাছে রাত্রিতে লোক থাকিবার প্রয়োজন হইল। মার্তাঠাকুৱাণী ও আমি পালা করিয়া তাঁহার কাছে থাকিতাম। আমি প্রায়ই শেষ রাত্রে জাগিতাম। কাতর হইয়া কখন তাঁহাকে বলিতাম, “আমাকে কৃপা করিয়া ধান ; আৱ কাৱ মুখ চাহিয়া সংসাৱে থাকিব !” তিনি অভয় দিয়া বলিতেন, “ভয কি ! যখন এসে পড়েছেন, তখন শ্ৰীরামকুৰ্বণ অবগুহী কৃপা কৱবেন। মঙ্গলাকাঞ্জীৰ কখনও অমঙ্গল হয় না।”

স্বামী সারদানন্দ তখন শ্ৰীরামকুৰ্বণ মিশনেৱ কাৰ্য্যাপলক্ষে ঢাকায় ছিলেন। নাগমহাশয়কে তিনি প্রায় নিত্য দেখিতে আসিতেন এবং তাঁহার সেবাশুৰু চিকিৎসা সম্বন্ধে অনেক সহপদেশ দিতেন। শ্ৰীরামকুৰ্বণেৱ পাৰ্বত বলিয়া নাগমহাশয় তাঁহাকে কোনৰূপ সেবা কৱিতে দিতেন না। “শিবসঙ্গে সদা রঞ্জে,” “মঙ্গল আমাৱ মনভূমিৱা” ও “গয়া গঙ্গা প্ৰভাসাদি কাশী কাঞ্জী কেবা চাব” এই তিনটি গীত তিনি নাগমহাশয়কে একদিন গাহিয়া শুনাইয়া-

ছিলেন। শুনিতে শুনিতে নাগমহাশয় সমাধিস্থ হইলেন। স্বামী সারদানন্দের উপদেশে নাগমহাশয়ের কর্মসূলে কালীনাম উচ্চারণ করিতে করিতে সমাধি ভঙ্গ হইল। বেলুড়মঠ হইতে স্বামী সারদানন্দ কতকগুলি হোমিওপ্যাথিক ঔষধ আনাইয়া তাঁহাকে থাওয়াইয়া-ছিলেন। হায়, কিছুতেই কিছু হইল না, রোগ উত্তরোত্তর বাড়িতে লাগিল।

মহাসমাধি লাভের কিছু পূর্বে নাগমহাশয় কালীপূজা করিবার ইচ্ছা করেন। ১২ পৌষ, শনিবার রাত্রে পূজার দিন স্থির হইল। নানা অভাব সঙ্গেও মাতাঠাকুরাণী পূজার বিধিমত আয়োজন করিতে লাগিলেন। প্রতিমা ফরমাইস দেওয়া হইল। ঢাক বায়না করা হইল। কোন কিছুরই ক্রটী রহিল না।

পূজার রাত্রে শ্রীযুত নটবর ও আমি উপস্থিত ছিলাম। প্রতিমা আনা হইলে স্বামী সারদানন্দ বলিলেন, “নাগমহাশয় ত উঠে মাঘের প্রতিমা দেখতে পারবেন না, প্রতিমাখানি ধরাধরি করে একবার তাঁকে দেখিয়ে নিয়ে আয়, তারপর মণ্ডপে বসিয়ে দিবি।” আমরা রক্ষাকালী প্রতিমা তাঁহার শিররদেশে রাখিয়া বলিলাম, “আপনি কালীপূজা করিতে চাহিয়াছিলেন, প্রতিমা আনা হইয়াছে, মা আপনার শিরে।” নাগমহাশয় চক্ষু মুদ্রিত করিয়াছিলেন; প্রতিমা দর্শন করিয়াই, “মা মা” বলিতে বলিতে তাঁহার গভীর সমাধি হইল। স্বামী সারদানন্দের উপদেশে পূর্বকার মত আমরা আবার তাঁহার কর্ণে কালীনাম উচ্চারণ করিতে লাগিলাম, কিন্তু এ সমাধি ভাঙিল না। নাড়ী নাই, হৃৎপিণ্ডের স্পন্দন পর্যন্ত স্থিত। মাতাঠাকুরাণী কাঁদিয়া বলিলেন, “ইনি বুঝি কালীপূজা উপলক্ষ্য করিয়া, আমাদিগকে ছাড়িয়া গেলেন।” আমরা ও কাঁদিতে লাগিলাম।

স্বামী সারদানন্দ বলিলেন, “আপনারা ভয় পাইবেন না, ইনি এখনি  
আবার ব্যবহার-জগতে ফিরিয়া আসিবেন।” প্রায় দুই ঘণ্টা  
অতীত হইলে নাগমহাশয়ের সমাধি ভঙ্গ হইল। “মা আনন্দময়ী,  
আনন্দময়ী” বলিয়া তিনি বালকের ত্বায কাঁদিতে লাগিলেন।  
কিছুক্ষণ পরে জিজ্ঞাসা করিলেন, “কালীপূজা হইয়াছে কি?”  
আমি বলিলাম “মা সন্ধ্যা হতে আপনার শিয়রে, অনুমতি করেন ত  
মাকে মণ্ডপে নিয়ে যাই।” তাহার সম্মতিক্রমে প্রতিমা মণ্ডপে নীত  
হইল। ঢাক বাজিতে লাগিল। রাত্রি দশটার সময় পূজা আরম্ভ  
হইল। নাগমহাশয়ের সম্মতি লইয়া পুরোহিত প্রাণ-প্রতিষ্ঠা করিলেন।  
মাকে বলির পরিবর্তে চিনির নৈবেদ্য, কারণের পরিবর্তে সিদ্ধি  
দেওয়া হইল। ষোড়শোপচারে মায়ের পূজা শেষ হইলে পুরোহিত  
নির্মাল্য আনিয়া নাগমহাশয়ের মন্তকে স্থাপন করিলেন। কিছুক্ষণ  
তাহার ভাবাবেশ হইয়াছিল, কিন্তু সত্ত্বরই সহজাবস্থা প্রাপ্ত হইলেন।  
স্বামী সারদানন্দ পূজার পূর্বেই ঢাকায় চলিয়া গিয়াছিলেন।

শেষ রাত্রে আমি তাহার শয্যাপার্শ্বে বসিয়া বলিলাম, “আজ  
আপনার অবস্থা দেখে মনে হয়েছিল—বুঝি আর দেহে ফিরে  
আসবেন না।” তিনি ক্ষীণস্বরে বলিলেন, “প্রারকের ক্ষয় না হলে  
দেহ যাবার নয়।”

রক্ষাকালী পূজায় আমরা একটু আশাবিত হইয়াছিলাম।  
ভাবিয়াছিলাম, মা নিশ্চয়ই তাহাকে রক্ষা করিবেন। নাগমহাশয়  
বলিলেন, “মা আজ রক্ষাকালীর মুর্তিতে দয়া করে এসেছেন। এ  
হাড়মাসের থাঁচা রক্ষা করতে নয়; যে সকল মঙ্গলাকাঙ্ক্ষী এখানে  
দয়া করে পদধূলি দিতে এসেছেন, তাদের আপনে বিপন্নে রক্ষা  
করতে এসেছেন। মঙ্গলময়ী মা আপনাদের মঙ্গল করুন।” তাহার

রক্ষাকালী পূজার অভিপ্রায় তখন আমরা বুঝিলাম। পরদিন  
শ্রীরামকৃষ্ণ-প্রসঙ্গ করিতে করিতে তিনি আমায় বলিয়াছিলেন—  
“দয়াময় শ্রীরামকৃষ্ণের চরণে আপনাদের ভক্তি বিশ্বাস হউক। আমি  
বোকা লোক, তিনি অক্ষম জানিয়া নিজগুণে আমাকে কৃপা  
করিয়াছেন।” বলিয়া “জয় রামকৃষ্ণ, জয় রামকৃষ্ণ!” বলিতে বলিতে  
তিনি ঠাকুরকে প্রণাম করিতে লাগিলেন।

পিতৃশ্রান্ত উপলক্ষে বাটী বন্ধক রাখিয়া যে মহাজনের নিকট  
নাগমহাশয় ঋণ লইয়াছিলেন, পরদিন সেই মহাজন তাঁহাকে দেখিতে  
আসেন। নাগমহাশয় তাঁহাকে করজোড়ে প্রণাম করিয়া বলিলেন,  
“আপনার ঋণশোধ করিয়া যাইতে পারিলাম না। এ দেহ আর  
বেশীদিন থাকিবে না। আপনার দয়ায় পিতৃশ্রান্ত সম্পন্ন হইয়াছিল।  
কিন্তু আপনি চিন্তা করিবেন না। এ বাড়ী আপনারই রহিল।  
আপনি যথাসময়ে দখল করিয়া স্বর্খে স্বচ্ছন্দে ভোগ করিবেন।”  
পরে মাতাঠাকুরাণীকে উল্লেখ করিয়া বলিলেন, “উনি অবশিষ্ট জীবন  
পিত্রালয়ে যাইয়া থাকিবেন।” নাগমহাশয়ের কথায় মহাজন কাতর  
হইয়া বলিলেন, “আপনি এ সামাজ্য ঋণের বিষয় কিছুমাত্র ভাবিবেন  
না। আমি টাকার জন্য আসি নাই, আপনাকে দর্শন করিতে  
আসিয়াছি।” “সকলি ঠাকুরের দয়া—দয়া!” বলিতে বলিতে তিনি  
চক্ষু মুদ্রিত করিলেন।

মহাজন চলিয়া যাইবার প্রায় তিনি ঘণ্টা পর, সহসা নাগমহা-  
শয়ের ভাবান্তর হইল। বিছানায় ছট্ট-ফট্ট করিতে করিতে প্রলাপ  
বকিতে লাগিলেন। ভয়ানক শীত, কিন্তু হইখানি পাখায় বাতাস  
করিয়াও তাঁহাকে স্বস্থ করিতে পারা গেল না। ঘন ঘন উঠিয়া  
বসিতে চাহিলেন। একবার নটবরবাবু তাঁহাকে উঠাইয়া বসাইলেন।

আবার শোঁয়াইয়া দেওয়া হইল। নাগমহাশয় কিছুক্ষণ স্থির হইয়া রহিলেন, কিন্তু আবার বিড় বিড় করিয়া কি বলিতে লাগিলেন। তখন নটবরবাবু চলিয়া গিয়াছেন। মাতাঠাকুরাণী ও আমি বসিয়া আছি। সহসা নাগমহাশয় “বাঁচা ও বাঁচা ও” বলিয়া আর্তনাদ করিতে লাগিলেন। মাতাঠাকুরাণী কান্দিতে কান্দিতে বলিলেন, “আপনি না আমায় বলিয়াছেন—মৃত্যুকালে এতটুকু মোহও আপনাকে আচ্ছান্ন করিতে পারিবে না। তবে কেন এমন করিতেছেন?” আমি কিংকর্তব্য-বিমুচ্ছ হইয়া বসিয়া আছি! প্রায় আধঘণ্টা পরে নাগমহাশয় একটু স্থৱ হইলেন, তাহার তন্ত্রাবেশ আসিল। তন্ত্রাবসানের পর ঢাকড়ার পলিতা করিয়া আমি তাহাকে একটু উষও হৃষ্ফ পান করাইলাম।

নাগমহাশয়ের এই ক্ষণিক আচ্ছান্নতার সম্বন্ধে স্বামী বিবেকানন্দ বলেন, “তোরা তখন তার বাহিরটাই ত দেখিতেছিলি, ভিতরের ত কিছুই জানিতে পারিস নাই। ভিতরে তিনি পূর্ণপ্রেজ্ঞ হইয়াই অবস্থান করিতেছিলেন। শরীর ধারণ করিলে, এক আধটুকু জৈবিক ধর্ম না থাকিলে, তাহাকে আর শরীরী বলা যায় না। ঐরূপ অবস্থা সকল মহাপুরুষেই দেখা গিয়াছে, ইহাতে জীবন্মুক্ত নাগমহাশয়ের কিছুমাত্র আসে যায় না। আর তিনি যে ‘বাঁচা ও’ বলিয়াছিলেন কি অর্থে, তাহাও স্থির বলা যায় না। বোধ হয় অনিত্য দেহ ছাড়িয়া স্বস্তরূপে অবস্থান জগ্নাই ঐরূপ উদ্বেগের বাক্য প্রয়োগ করিয়া থাকিবেন।

শ্রীযুক্ত গিরিশবাবু বলিতেন, “শ্রীরামকৃষ্ণ-পার্ষদগণ কেহই কৈবল্য মুক্তির আকাঙ্ক্ষা করে না। আকাঙ্ক্ষা করিলেও তাহাদের নির্বাণ মুক্তি হয় না। কারণ ভগবান্ যখন পুনরায় দেহ ধারণ করিয়া অবতীর্ণ হন, সঙ্গে সঙ্গে যুগাবতার পার্ষদগণকেও আবার দেহ

ধারণ করিয়া আসিতে হয়। নাগমহাশয়ের সংসারে এতটুকু আঁট ছিল না। মায়ামুক্ত মহাপুরুষ নাগমহাশয় বাঁচিবার যদি একটু সাধ না রাখিবেন ত কি লইয়া কোন্ স্থত্রে আবার ভগবানের সহিত নরদেহে আগমন করিবেন। এইজন্মই নাগমহাশয় পুনরায় নর-শরীর-ধারণ-ক্রপ সামাগ্র্য বাসনা রাখিয়া দেহ ত্যাগ করিয়াছেন। সে বাসনা কেবল ভগবানের পূর্ণলীলার পৃষ্ঠিসাধন জন্ম।” যাহাই হউক, মৃত্যুর পূর্বে আর কোন দিন তাহাকে মোহ প্রশ্ন করে নাই।

মহাসমাধি লাভের তিনদিন পূর্বে নাগমহাশয় আমায় পঞ্জিকা দেখিয়া যাত্রার দিনস্থির করিতে বলেন। তখন আমি বুঝিতে পারিনাই যে, তিনি মহাযাত্রার দিনস্থির করিতে বলিতেছেন। পঞ্জিকা দেখিয়া বলিলাম, “১৩ই পৌষ ১০টার পর যাত্রার বেশ দিন আছে।” তাহার উভয় শুনিয়া সন্তুষ্ট হইলাম। নাগমহাশয় বলিলেন, “আপনি যদি অনুমতি করেন, তবে ঐ দিনেই মহাযাত্রা করিব।” আমার প্রাণ কেমন আকুল হইয়া উঠিল, আমি কাঁদিয়া গিয়া মাতাঠাকুরাণীকে সকল কথা বলিলাম। তিনি বলিলেন, “আর কেন কাদ বাবা, উনি কিছুতেই আর শরীর রাখবেন না। ওঁর ইচ্ছাই পূর্ণ হউক, রামকুমারের ইচ্ছা পূর্ণ হউক। উনি সজ্ঞানে দেহ ত্যাগ করুন, দেখে আমরা আনন্দিত হব।”

শুভদিন স্থির করিয়া নাগমহাশয় নিশ্চিন্ত হইলেন। মৃত্যুর ছই দিন পূর্বে রাত্রি ছইটার সময় মাতাঠাকুরাণী, হরপ্রেসন্নবাবু ও আমি শয্যাপার্শ্বে বসিয়াছিলাম, নাগমহাশয় চক্ষু মুদিয়া শুইয়াছিলেন। সহসা চক্ষু চাহিয়া ব্যস্তভাবে আমায় বলিলেন, “ঠাকুর এনেছেন, আমায় আজ তিনি তীর্থদর্শন করাবেন।” আমাকে নীরব দেখিয়া তিনি পুনরায় বলিলেন, “আপনি যে সকল তীর্থ দেখিয়াছেন,

একে একে নাম করুন, আমি দেখিতে থাকি।” আমি সম্পত্তি হরিদ্বার গিয়াছিলাম, তাহারই নাম করিলাম। নাগমহাশয় অমনি উত্তেজিত হইয়া বলিলেন, “হরিদ্বার—হরিদ্বার ! এ যে মাভাগীরথী কল কল নিনাদে পাহাড় হইতে নামিয়া আসিতেছেন ! এ যে মায়ের তরঙ্গভঙ্গে তীরতরুরাজি ছলিতেছে ! ওপারে, এ যে চগ্নীর পাহাড় ! ওঃ কত ঘাট মায়ের গর্ভে নামিয়াছে। আপনি একটু থামুন, আমি আজ বিশ বৎসর স্নান করি নাই, একবার মায়ের গর্ভে স্নান করিয়া মানবজন্ম সফল করিয়া যাই। গঙ্গা, গঙ্গা, মা পতিতপাবনী, মা অধমতারিণী” বলিতে বলিতে নাগমহাশয় গভীর সমাধিমগ্ন হইলেন। সমাধিভঙ্গে আমার মনে হইল তিনি যথার্থই স্নান করিয়া উঠিতেছেন।

নাগমহাশয় অন্ত তীর্থের নাম করিতে বলিলেন। আমি যন্ত্ৰ-চালিতবৎ প্ৰয়াগতীর্থের নাম করিলাম। তিনি তখনি বলিয়া উঠিলেন, “জয় যমুনে, জয় গঙ্গে !” বলিয়া প্ৰণাম করিতে লাগিলেন। তারপর বলিলেন, “এইখানেই না ভৱদ্বাজের আশ্রম ? কৈ তা ত দেখতে পাচ্ছি না ! এ যে গঙ্গা যমুনার মিলিত ধারা ! এ যে ওপারে পাহাড় দেখছি ! হায়, ঠাকুৱ ত ভৱদ্বাজের আশ্রম দেখাচ্ছেন না !” যেন একটু তঙ্গাবিষ্ট হইলেন। হই তিনি মিনিট পৱে বলিলেন, “হা, এ যে মুনিৰ কুটীর দেখা যাচ্ছে !” আবার ক্ষণেক নৌৱ থাকিয়া বলিতে লাগিলেন, “মা তুমি রাজৱাজেশ্বৰী মহাশক্তিৰ অবতার হয়ে কেন বনে বনে ঘুৱে বেড়াচ্ছ ? জয় রাম, জয় রাম” বলিতে বলিতে নাগমহাশয় আবার গভীর সমাধিতে মগ্ন হইলেন। সমাধিভঙ্গে আমি সাগৰতীর্থের নাম করিলাম। তিনি যেন সগৱবংশের উক্তার প্রত্যক্ষ দেখিতে লাগিলেন। সমুদ্র দৰ্শন

করিয়া পুনঃ পুনঃ প্রণাম করিতে লাগিলেন। তৎপরে আমি কাশীধামের নাম করিলাম। নাগমহাশয় অমনি বলিতে লাগিলেন, “জয় শিব, জয় শিব বিশ্বেশ্বর ! হর হর ব্যোম্ ব্যোম্ !” তৎপরে বলিলেন, “এবার আমি মহাশিবে লয় হইয়া যাইব।” তারপর শ্রীজগন্নাথক্ষেত্র ; নাগমহাশয় শুনিয়াই বলিয়া উঠিলেন, “ঐ যে উচ্চ মন্দির ! ঐ যে আনন্দবাজারে মহাপ্রসাদ বেচা কেনা হইতেছে ! আমার মনে হইল যেন তিনি হই একবার শ্রীচৈতন্তের নাম করিলেন। এইরূপে ক্রমে রাত্রি চারিটা বাজিয়া গেল নাগমহাশয়ের যেন একটু তন্দ্রাবেশ আসিল। পরদিন প্রভাত হইবার পরও তাহার সে নিদ্রাবেশ ভাঙিল না। গ্রামের একজন ডাক্তারকে ডাকা হইল। তিনি আসিয়া এক পুরিয়া হোমিওপ্যাথিক ঔষধ দিলেন। আমি তাহাকে সেই ঔষধ খাওয়াইয়া দিলাম। ত্বাকড়ার পলিতা করিয়া একটু দুধও খাওয়াইলাম। নাগমহাশয়ের জীবনের এই শেষ আহার। আহার দিয়া আমার স্মরণ হইল, তাঁর জীবনের আজ শেষ দিন !

১৩ই পৌষ আটটার পর হইতে তাহার মুহূর্হু ভাব হইতে লাগিল। আমি তাহার কর্ণমূলে অবিরাম শ্রীরামকুষের নাম শুনাইতে লাগিলাম। ভগবান् শ্রীরামকুষের ছবি তাহার সম্মুখে ধরিয়া বলিলাম, “ঁাহার নামে আপনি সর্বস্ব ত্যাগ করিয়াছেন, এই তাহার প্রতিমূর্তি ! দর্শন করিয়া তিনি করজোড়ে প্রণাম করিলেন। তারপর অতি ক্ষীণকর্ত্ত্বে বলিলেন, “কৃপা, কৃপা—নিজগুণে কৃপা !” ইহাই তাহার জীবনের শেষ কথা।

বেলা নয়টার সময় নাগমহাশয়ের মহাশ্঵াস আরম্ভ হইল, চক্রঃ জ্বৰ রক্তবর্ণ হইয়া উঠিল, ওষ্ঠাধর কম্পিত হইতে লাগিল, মুখে যেন

কিছু বলিতেছিলেন। ইহার প্রায় অর্দ্ধঘণ্টা পরে তাহার দৃষ্টি হঠাৎ নাসাগ্রবন্দ হইল। সর্বশরীর কঢ়কিত, রোমাবলী পুলকিত, নয়নপ্রাণ্তে প্রেমধারা! ধীরে ধীরে প্রাণবায়ু ক্রমে মূলাধার হইতে পদ্মে পদ্মে উক্ষে উঠিতেছে; নাভি হইতে হৃৎপদ্মে আসিলে ঘন ঘন শ্বাস বহিতে লাগিল। তারপর বেলা দশটা পাঁচ মিনিটের সময় নাগমহাশয় মহাসমাধিতে নিশ্চল হইয়া অবস্থান করিলেন। বুঝিতে কাহারও বাকি রহিল না। মার্তাঠাকুরাণী আমায় বলিলেন, “ইনি গৃহী ছিলেন, ইহার শেষকালেও গৃহীর ধর্ষ পালন করা তোমাদের উচিত।” মায়ের আজ্ঞানুসারে কৈলাসবাবু, পার্বতীবাবু, আদিত্য বাবু ও আমি ধরাধরি করিয়া নাগমহাশয়কে বাহিরে আনিলাম। একখানি তত্ত্বাপোষে উত্তম শয়া পাতিয়া তাহাকে শয়ন করাইলাম। এখনও তাহার প্রাণবায়ু ধিকি ধিকি বহিতেছে। বাহিরে আনিবার ৫৭ মিনিট পরে তাহাও স্থির হইল, সব ফুরাইল, নাগমহাশয় ইহজগত হইতে অন্তর্হিত হইয়া গেলেন। এখনও তাহার মুখমণ্ডল জ্যোতিশ্রয়, অর্দ্ধনিমিলিত নয়নপ্রাণ্তে প্রেমাঙ্গবিন্দু! রোদনের রোল উঠিল। আমি মার্তাঠাকুরাণীকে বলিলাম, “মা স্থির হও, তোমার ভয় কি? তোমার ভার তিনি আমাদের দিয়া গিয়াছেন। তোমার এতগুলি ছেলে, এদের মুখ চাহিয়া বুক বাঁধ। শোকের প্রথম বেগ প্রশংসিত হইলে মার্তাঠাকুরাণীর আজ্ঞানুসারে কৈলাসবাবু ঘৃত, ধূলা ও চন্দন কাঠ আনিতে নারায়ণগঞ্জে চলিয়া গেলেন। মহাযজ্ঞে পূর্ণাঙ্গতি দিবার পূর্ণ আয়োজন হইতে লাগিল।

অন্তান্ত ভক্তগণের সাহায্যে আমি নাগমহাশয়ের উপর একখানি চন্দ্রাতপ টাঙ্গাইয়া দিলাম, পল্লীর প্রবীণ প্রতিবাসিগণ আসিয়া শব পরীক্ষা করিয়া দেখিলেন, শরীর তখনও উষ্ণ রহিয়াছে, দাহ করা

কর্তব্য কিনা তাহারা জিজ্ঞাসা করিলে আমি বলিলাম, “নাগমহাশয়ের ত্যায় মহাপুরুষের শরীর—অন্ততঃ দ্বাদশ ঘণ্টাকাল রাখিয়া তবে অগ্নিসৎকার করা বিধেয়। গ্রামের সর্ববর্যোজ্যেষ্ঠ ব্রাহ্মণ, শ্রীযুক্ত কামিনী গঙ্গুলীর পিতা শ্রীযুত কাশীকান্ত গঙ্গুলী আমার কথা স্মসঙ্গত মনে করিয়া সকলকে এইরূপ বলিয়া গেলেন। স্থির হইল রাত্রি দশটার পর অগ্নিকার্য্য করা হইবে। সে পর্যন্ত সেই পবিত্র দেহ প্রাঙ্গণেই রাখা হইল। তখন আমার মনে হইল, আর কিছু পরেই ত এই পবিত্রমূর্তি অগ্নিপূর্ণ ভস্ত্রাণি হইবে। একখানি ফটো তুলিয়া রাখা কর্তব্য। নারায়ণগঞ্জে লোক পাঠান হইল। ফটোগ্রাফার তখন সেখানে উপস্থিত ছিলেন না, তাহার আসিতে বেলা প্রায় তিনটা বাজিল। জীবিতে যথাসাধ্য চেষ্টা করিয়াও আমরা নাগমহাশয়ের ছবি তোলাইতে পারি নাই। তিনি বলিতেন, “এ ছাই হাড়মাসের খাঁচার আবার ছবি রাখিবার প্রয়োজন কি?” যে রসনা আমাদের প্রতিবাদ করিত সে এখন চির নীরব ! গঙ্কমালে তাহার পবিত্র দেহ চর্চিত করিয়া নির্বিবাদে ছইখানি ছবি তোলা হইল। এই ছবি হইতেই শ্রীয়নাথ সিংহ একখানি তৈলচিত্র অঙ্কিত করেন। এখনও তাহা নাগমহাশয়ের বাটীতে আছে। এ গ্রন্থে যে ছবি দেওয়া হইল, তাহা ঐ তৈলচিত্র হইতে তোলা।

সূর্য্যাস্তের পূর্বে ফুল বিষদল ধূপ দীপ নৈবেদ্যাদি দিয়া মাতাঠাকুরাণী নাগমহাশয়ের পাদপদ্ম পূজা করিলেন। সাতবার তাহাকে প্রদক্ষিণ করিয়া সুদীর্ঘ কেশপাশে তাহার পদযুগল মুছাইয়া দিলেন। সহস্রাধিক বিষদল সংগ্রহ করিয়া নানাবিধ পুস্প দিয়া নাগমহাশয়ের পবিত্র দেহ আমরা সজ্জিত করিলাম। তখন নাগমহাশয়ের মৃত্যুসংবাদ পল্লীর ঘরে ঘরে রাষ্ট্র হইয়াছিল, চারিদিক

হইতে আবালবৃক্ষ-বনিতা হাহাকার করিয়া ছুটিয়া আসিল, গ্রামের প্রতিগৃহ হাহাকারে পূর্ণ হইল।

রাত্রি দশটার পর আমরা চন্দনকাঠে নাগমহাশয়ের শেষ শয়া রচনা করিলাম, ও যথাশাস্ত্র ক্রিয়াতে সে পরিত্র দেহ অগ্নিমুখে আহুতি দিলাম। তারপর সেই জলন্ত চিতায় আমি বিস্তৃপত্রে ব্যাহুতি হোম করিতে আরম্ভ করিলাম। ইতিমধ্যে স্বামী সারদানন্দ আসিয়া উপস্থিত হইলেন এবং চিতাসমুখে ভূমিষ্ঠ হইয়া প্রণাম করিলেন। তিনি ঘণ্টার মধ্যে নাগমহাশয়ের মর্ত্যদেহ পঞ্চভূতে মিশাইয়া গেল। মার্ত্তাকুরাণী চিতা নির্বাণ করিলেন।

তিনি ব্যতীত আমরা আর কেহ জ্ঞান করিলাম না, সে পরিত্র দেহের পৃত ভস্মরাশি স্পর্শ করিয়া সকলেই শুন্দ হইলাম। পিতার পরলোকপ্রাপ্তির তিনি বৎসর পরে, ৫৩ বৎসর ৪ মাস ৭ দিন বয়সে জন্মভূমি দেওতোগে নাগমহাশয়ের মৃগ্য দেহ মিশাইয়া গেল, চিহ্নস্বরূপ রহিল কেবল ভস্মরাশি।

পরদিন সে পৃত ভস্মরাশি, স্বামী সারদানন্দের আদেশে একটি পিতৃলের কলসে পূর্ণ করিয়া, নাগমহাশয়ের স্বরচিত একটি সঙ্গীত তন্মধ্যে রাখিয়া সেই চিতাভূমে প্রোথিত করা হইল। মৃত্যুর পূর্বে তিনি যে কালীপূজা করিয়াছিলেন, স্বামী সারদানন্দ সেই শ্রাম্য প্রতিমাখানি সমাধির উপর স্থাপন করিতে বলিলেন। তার উপর একখানি শুন্দর চন্দ্রাতপ টাঙ্গাইয়া দেওয়া হইল।

নাগমহাশয়ের খণ্ড সম্বন্ধে আলোচনা ও উপদেশ প্রদান করিয়া স্বামী সারদানন্দ ঢাকায় চলিয়া গেলেন। চতুর্থ দিনে সে চির শান্তিময় স্থান হইতে চিরবিদ্যায় লইয়া আমিও কলিকাতায় চলিয়া আসিলাম।

## পরিশিষ্ট

নাগমহাশয়ের স্বরচিত কয়েকখানি গীত পাঠকবর্গকে উপহার  
দিবার জন্য আমরা প্রতিশ্রুত ছিলাম। এইস্থানে সেগুলি  
সন্নিবেশিত হইল।

( ১ )

গিরিবর !

আর কবে যাবে উমারে আনিতে কৈলাসভবনে ।

না হেরিয়া বিধূমুখ হৃদয়ে দাক্ষণ দুঃখ,

কত আর সহিব জীবনে ॥

ঙ্গনিরা শিবের রীতি, হৃদয়ে উপজে ভীতি,

ভূত প্রেত সঙ্গে সাথী, থাকে নাকি শুশানে ॥

কি কব তাহার ঙ্গণ, কপালে জলে আঙ্গণ,

সিদ্ধিতে বড় নিপুণ, আপন পর না জানে ॥

দীন অকিঞ্চনে ভাবে, তুষ্ট করি আঙ্গতোষে

আনহ প্রাণের গোরী, নেলে মরিব পরাণে ॥

( ২ )

( কালী ) আমি দিনে দিনে, ক্ষুণ্ণমনে,

ভবজ্জ্বালায় জলে মরি ।

দয়া কর নিজ গুণে আর যে জালা সইতে নারি ॥

এখন দেখা দিবে কি নাই, কি ফরিবে বল তাই,

দীনে দরশন চাই, দোহাই লাগে ত্রিপুরারী ॥

শক্তি ভক্তি কিছুই নাই, নিজগুণে দেখ চাই,

অকিঞ্চনে দেহ ঠাই শ্রীচরণে দয়া করি ॥

( ৩ )

কালী কোথা গো তারিণী, ত্রিশূলধারিণী ।  
 কৈলাসবাসিনী, হরমনোরমা, হরমনমোহিনী ॥  
 ফুপা কর মা দীনে, পুণ্যতীনঞ্চ জনে,  
 স্বগুণে নিষ্ঠারকারিণী ;  
 অপরা জন্মহরা, ভক্তিমুক্তিদায়িনী,  
 তারা ব্রহ্ময়ী পরাংপরা বাঙ্গাতীতি-প্রদায়িনী ॥  
 ( ওগো মা ) কে জানে তোমার, মহিমা অপার,  
 অনন্ত শুণাধার, অব্যক্ত অচিন্ত্যাকৃপণী ।  
 কত ঘোগী ঝৰি ঘোগাসনে, দিবানিশি একমনে  
 ভাবিয়ে না পায় ধ্যানে, নিখিল-ব্রহ্মাণ্ড-জননী ॥  
 আমি দীন, জ্ঞানহীন, ক্রিয়াহীন, ভজনবিহীন,  
 কি জানি মাহাত্ম্য, নিজগুণে ত্রাণ কর দিয়ে চরণতরণী ॥

( ৪ )

( ওগো ) শ্রামা মা আমার—  
 কেবল মুখের কথা হল সার ।  
 তুমি যে আমার সর্বস্ব ধন,  
 তা ত অন্তরের সহিত ভাবিনা একবার ।  
 মনে করি ছাড়ি বিষয় বাসনা,  
 সার করি তব নাম-উপাসনা,  
 কিন্তু কর্মফেরে কিছু মা হল না,  
 নিজগুণে এবে কর মা নিষ্ঠার ॥  
 মনেরে বুঝাই যত, কিছুতে না হয় নত,  
 অকিঞ্চন পদাত্মিত, যন্ত্রণা সহে না আর ॥

( ৫ )

আজি একি হেরি শুভ অপকপ দরশন ।  
 ধরায় আসিলেন মা, ককণামযী,  
 করি-পৃষ্ঠে করি আরোহণ ॥  
 তপ্ত-কাঞ্চন-বরণী, হাস্তযুতা ত্রিনয়নী,  
 বদনে ঝলকে কত বেশের মণি,  
 গলে হার গজমুক্তা রক্তবজ্র পরিধান ॥  
 নানা অলঙ্কার ভূষিত, কপে ত্রিজগৎ মোহিত,  
 দশ ভুজে সুশোভিত  
 আবৃথ তন্ত্রে শঙ্খ চক্র ধনুর্বাণ ॥  
 অমল-কমল-দল, নিন্দিত-চরণ-তল,  
 কিবা তায় সুনির্মল,  
 নখের ছলে প্রকাশে সিত শশী সুশোভন ॥  
 দিবানিশি ওরূপ হেরি, বাল যুবা আদি করি,  
 যত সব নর নারী  
 পাশরিল শোক দুখ সবে পুলকিত মন ॥  
 ভাবে চিত গদগদ, দিয়ে জবা কোকনদ,  
 পূজে মায়ের অভদ পদ,  
 অতুল শোভা সম্পদ যোগিগণের হৃদয়ধন ॥  
 কলুষ নাশিয়ে তারা,  
 পুণ্যস্ত্রোতে ভাসালে ধরা,  
 অকিঞ্চনে দিয়ে ধরা,  
 দেহ ও রাঙ্গা চরণ ॥

# উদ্বোধন

স্বামী বিবেকানন্দ-প্রতিষ্ঠিত ‘রামকৃষ্ণ-মঠ’-পরিচালিত মাসিক পত্র। অগ্রিম বার্ষিক মূল্য সডাক ২॥০ টাকা। উদ্বোধন-কার্য্যালয়ে স্বামী বিবেকানন্দের ইংরাজী ও বাঙ্গলা সকল গ্রন্থই পাওয়া যায়। ‘উদ্বোধন’ গ্রাহকের পক্ষে বিশেষ স্বীকৃতি। নিম্নে স্বীকৃতি :—

## সাধারণের উদ্বোধন-গ্রাহকের

পুস্তক	পক্ষে	পক্ষে
বাঙ্গলা রাজযোগ ( ৭ম সংস্করণ )	১।০	১।০/০
” জ্ঞানযোগ ( ৯ম ঐ )	১।।০	১।।০/০
” ভজ্ঞযোগ ( ১০ম ঐ )	৮।০	৮।০/০
” কর্মবোগ ( ১১শ ঐ )	৮।০	৮।০/০
” পত্রাবলী ( পাঁচ খণ্ড ) প্রতি খণ্ড	৮।।০	৮।।০
” দেববাণী ( চতুর্থ সং )	৮।।	৮।।০/০
” বীরবাণী ( ৮ম সং )	৮।০	৮।০
” ধর্মবিজ্ঞান ( ৩য় সং )	৮।০	৮।০/০
” কথোপকথন ( ৩য় সং )	৮।।০	৮।।০
” ভজ্ঞ-রহস্য ( ৫ম ঐ )	৮।০	৮।০/০
” চিকাগো বঙ্গভা ( ৬ষ্ঠ ঐ )	৮।।০	৮।।০
” ভাব-ব্বার কথা ( ৬ষ্ঠ ঐ )	৮।০	৮।০/০
” প্রাচ্য ও পাশ্চাত্য ( ৮ম ঐ )	৮।০	৮।০
” পরিব্রাজক ( ৫ম ঐ )	৮।০	৮।০/০
” ভারতে বিবেকানন্দ ( ৬ষ্ঠ ঐ )	১।।০	১।।০/০
” বর্তমান ভারত ( ৭ম ঐ )	১।।০	১।।০
” মদীয় আচার্য্যদেব ( ৪ৰ্থ ঐ )	১।।০	১।।০
” বিবেক-বাণী ( ৭ম সংস্করণ )	৮।০	৮।০
” পওহারী বাবা ( ৪ৰ্থ ঐ )	৮।।০	৮।।০/০
” হিন্দুধর্মের নব জাগরণ	১।।০	১।।০
” মহাপুরুষ প্রসঙ্গ ( ৩য় ঐ )	১।।০/০	১।।০

শ্রীশ্রীরামকৃষ্ণ উপদেশ—( পকেট এডিশন ) ( ১২শ সং ) স্বামী ব্রহ্মানন্দ-সংস্কৃতিত। মূল্য ১।।০ আনা।

ভারতে শক্তিপূজা—স্বামী সারস্বানন্দ-প্রণীত ( ৪ৰ্থ সংস্করণ )। মূল্য ১।।০—উদ্বোধন-গ্রাহক-পক্ষে ।।০ আনা।

উদ্বোধন কার্য্যালয়ের অঙ্গস্তোষ গ্রন্থ এবং শ্রীরামকৃষ্ণদেবের ও স্বামী বিবেকানন্দের নানা রকমের ছবির তালিকাব জন্ম ‘উদ্বোধন’ কার্য্যালয়ে পত্র লিখুন।

## শ্রীশ্রীমায়ের কথা

শ্রীমায়ের সন্ন্যাসী ও গৃহস্থ সন্তানগণ তাহার নিকট আসিয়া যে সব কথা বার্তা শুনিতেন তাহা অনেকেই নিজ নিজ ‘ডাইরৌতে’ লিখিয়া রাখিয়াছেন। তাহাদের কয়েকজনের বিবরণী ‘শ্রীশ্রীমায়ের কথা’ শীর্ষক নিবন্ধে ‘উদ্বোধনে’ ধারাবাহিকভাবে প্রকাশিত হইয়াছে। সাধারণের কল্যাণকর বিবেচনায় উহাই পুনর্মুক্তি হইয়া পুষ্টকাকারে বাহির হইল। পাঁচখানি ছবি সম্বলিত—বাঁধাই ও ছাপা সুন্দর, ৩৩৬ পৃষ্ঠার সম্পূর্ণ। মূল্য ২় টাকা মাত্র।

## শ্রীরামানুজ চরিত

( ২য় সংস্করণ )

স্বামী রামকৃষ্ণানন্দ-প্রণীত। ডিমাই আট পেজি ২৯৬ পৃষ্ঠা। সুন্দর মলাটযুক্ত এবং প্রাচীন জ্ঞাবিড়ী পুঁথির পাটার মত নানা বর্ণে বিচিত্রিত। আচার্য রামানুজের জীবদ্ধশায় খোদিত প্রতিমূর্তি গ্রন্থে সন্নিবিষ্ট হইয়াছে। গ্রন্থকারের সংক্ষিপ্ত জীবনী ও শুচী-সম্বলিত। মূল্য ২় টাকা। উদ্বোধন-গ্রাহকপক্ষে ১৫০ আনা।

## নৃত্য

## সংস্করণ

ভজ্যাচার্য রামানুজের জন্মভূমি মাদ্রাজ অঞ্চলে দীর্ঘকাল বাস ও মূলগ্রন্থ সকলের সহায়ে স্বামী রামকৃষ্ণানন্দ উক্ত আচার্যের অপূর্ব জীবন, মত ও কার্যাকলাপের বিস্তারিত বিবরণ বাঙালী পাঠকের সমক্ষে প্রথম প্রচার করিতে আরম্ভ করেন। তাহার সাতবর্ষব্যাপী পরিশ্রম ও অধ্যবসায়ের ফলে ‘শ্রী’সম্প্রদায়ে প্রচলিত আচার্যের এই অপূর্ব জীবন-চরিত সঙ্কলিত হইয়াছে। গ্রন্থের প্রথমাংশে গ্রন্থকার আচার্য্যবলভিত বিশিষ্টার্হেত-মতাবলম্বী অতি প্রাচীন আচার্য্যগণের অপূর্ব জীবনের সংক্ষিপ্ত বিবরণ ‘শুক্রপরম্পরা-প্রভাব’ নামে প্রকাশিত করিয়াছেন। অধিকস্তু তিনি এমন তত্ত্ববভাবিত ও রসগ্রাহী হইয়া তুলিকা ধরিয়াছেন যে, বঙ্গসাহিত্যে আচার্য্যের পরিচয় দিবার ভাবে যে ঘোগ্য ব্যক্তিই গ্রহণ করিয়াছিলেন ইহা গ্রন্থপাঠকালে প্রতিপদে দ্রুত্যন্তম হয়।

## ଶ୍ରୀତ୍ରୀରାମକୁଳଦେବ

( ଶ୍ରୀମୁଖ-କଥିତ ଚରିତାମୃତ ) ଶ୍ରୀତ୍ରୀରାମକୁଳ ପରମହଂସଦେବେର ଏଇଙ୍କପ ସର୍ବାଙ୍ଗ-ସୁନ୍ଦର ଓ ସମ୍ପୂର୍ଣ୍ଣ ଜୀବନଚରିତ ଇତିପୂର୍ବେ ଏକଥଣେ ଆର ପ୍ରକାଶିତ ହୁଏ ନାହିଁ । ବ୍ୟାଖ୍ୟାକାର—୩ଶଶିଭୂଷଣ ଘୋଷ । ମୂଲ୍ୟ ଆଡ଼ାଇ ଟାକା । ପୃଷ୍ଠା ୫୦୪ ।

ପୂଜ୍ୟପାଦ ଶ୍ରୀମଂ ସ୍ଵାମୀ ବିବେକାନନ୍ଦ ଇଚ୍ଛା କରିଯାଛିଲେ ଯେ— “ଏକଥାନି ଶ୍ରୀବାମକୁଳ ଜୀବନୀ ଲେଖା ହବେ ତୀର ଉପଦେଶେର ଉଦ୍‌ଧରଣ-ସ୍ଵର୍କପେ । କେବଳ ତୀର କଥା ତାର ମଧ୍ୟେ ଥାକବେ । ପ୍ରଧାନ ଲକ୍ଷ୍ୟ ଥାକବେ ତୀର ଶିକ୍ଷା, ତୀର ଉପଦେଶ ଅଗରକେ ଦେଓଯା, ତୀର ଜୀବନୌଟି ତାରଇ ଉଦ୍‌ଧରଣ ସ୍ଵର୍କପ ହବେ ।”


ସ୍ଵାମିଜୀର ସେଇ ମହତ୍ୱୀ ଇଚ୍ଛା ପୂର୍ଣ୍ଣ କରିବାର ଆଶ୍ୟାକାର ଉତ୍ସ ପୁସ୍ତକଥାନି ଲିପିବନ୍ଦ କରିଯାଛେ । ଗ୍ରହଥାନି ସର୍ବାଙ୍ଗ-ସୁନ୍ଦର କରିବାର ଜଗ୍ତ ଇହାତେ ବହୁ ନୂତନ ଚିତ୍ର ଦେଓଯା ହଇଯାଛେ ଯାହା ଇତିପୂର୍ବେ ପ୍ରକାଶିତ ହୁଏ ନାହିଁ । ସଥା—ଶ୍ରୀରାମକୁଳଦେବେର ହଞ୍ଚାକୁଳ, କେଶବମହ କେଶବ-ଗୃହେ ଶ୍ରୀରାମକୁଳକେର ମହାଭାବସମାଧି, ଶ୍ରୀରାମକୁଳକେର ତନ୍ତ୍ରମତେର ସାଧନସ୍ଥାନ ବେଳତଳା, ଶ୍ରୀଶ୍ରୀରାମଲାଲା ମୂର୍ତ୍ତି, ସତ୍ତନାଥ ମଲିକେର ଉତ୍ସାନସ୍ଥ ସୀଁଞ୍ଚ ଓ ସେଇର ଚିତ୍ର, ଶ୍ରୀଶ୍ରୀରାଧାକାନ୍ତଜୀ, ଶ୍ରୀଶ୍ରୀଠାକୁରେର ଅନୁଷ୍ଠାନ କାମାରପୁରୁରେ ନାନା ଚିତ୍ର, କାଶୀପୁର ମହାଶ୍ରାନ୍ତେର ବେଦୀ ଓ ବିଦ୍ସବୃକ୍ଷ ଏବଂ ମକ୍ଷିଗେଶ୍ଵର ମନ୍ଦିରେର ଚିତ୍ରାବଳୀ । ଉହା ଆଶା କରି ପାଠକପାଠିକାର ମନୋରଞ୍ଜନ ଓ କୋତୁହଳ ଚରିତାର୍ଥ କରିବେ ।

### ନୂତନ ପୁସ୍ତକ

( ୧ ) ମନ୍ଦଶାବତାର ଚରିତ—ଶ୍ରୀଇନ୍ଦ୍ରଦ୍ଵାଳ ଭଟ୍ଟାଚାର୍ୟ—ମୂଲ୍ୟ ୬୦ ଆନା ।

( ୨ ) ସ୍ନାନ୍-ଖ୍ୟାମର୍ଶଳ—କାରିକା (ବାଂଲା ଟୀକାସହ) ଶ୍ରୀମରେଣୁ ନାଥ ରାୟ ବ୍ୟାରିଷ୍ଟାର-ଏଟ୍-ଲ ପ୍ରେସିଟ । ମୂଲ୍ୟ ୨୦ ଟାକା ।

( ୩ ) ସ୍ଵାମିଜୀର କଥା—ମୂଲ୍ୟ ୬୦ ଆନା, ଉଷୋଧନ-ଶ୍ରାବକ ପକ୍ଷେ ୧୦/୦ ଆନା ।



## ১৯৩১। স্বামী বিবেকানন্দ

### জীবন-চরিত

সমগ্র গ্রন্থ ১১০০ পৃষ্ঠায় সম্পূর্ণ হইয়া চারি খণ্ডে প্রকাশিত হইয়াছে। মায়াবতী অবৈত্তিজ্ঞান হইতে প্রকাশিত ইংরাজী জীবন-চরিত অবলম্বনে শ্রীপ্রমথনাথ বসু, এম-এ, বি-এল প্রণীত, ও শ্রীমৎ স্বামী শুক্রানন্দ কর্তৃক আঘোপান্ত পরিচৃষ্ট।

১ম, ২য় ও ৩য় খণ্ড—প্রতি খণ্ড মূল্য ১৫। ৪র্থ খণ্ড মূল্য ১৫।  
ডাঃ মাঃ স্বতন্ত্র।

সত্ত্বকথা—(পূজ্যপাদ শ্রীলাটু মহারাজের উপদেশ) হই খণ্ড—প্রতিখণ্ড ॥০/০ আনা।

স্বামী বিবেকানন্দ ও শ্রীঙ্গলাম উন্ন-  
বিংশশতাব্দী—শ্রীগিরিজাশঙ্কর রায়চৌধুরী এমএ, বি, এল  
প্রণীত, এন্টিক কাগজে ছাপা, সুন্দর মজবুত বাঁধাই, ৪১৭ পৃষ্ঠার  
সম্পূর্ণ। মূল্য ৪। চারি টাকা মাত্র।

পরমহংসদেন—(২য় সং) শ্রীবেদেন্দ্রনাথ বসু  
প্রণীত। মূল্য ২। টাকা।

শ্রীশ্রীরামকৃষ্ণ কথাচুত—শ্রীম-কথিত (১ম-৪র্থ)  
১৫। প্রতি খণ্ড (ঐ পরিশিষ্ট মূল্য ॥০/০ আনা)।

শ্রীরামকৃষ্ণ—শ্রীইন্দ্ৰিয়াল ভট্টাচার্য, মূল্য ১০। চারি  
আনা।

স্বামী বিবেকানন্দ—ঐ, মূল্য ।০/০ ছয় আনা।

শ্রীশ্রীরামকৃষ্ণ পুঁথি—(তৃতীয় সংস্করণ—সংশোধিত ও  
পরিবর্তিত) ৮অক্ষয়কুমার সেন প্রণীত। সংসারের শোকতাপের  
পক্ষে শ্রীশ্রীরামকৃষ্ণ-পুঁথি সুধাঞ্জলি। আকার রয়েল আট পেজী,  
৬২৬ পৃষ্ঠা। সুন্দর বাঁধাই, উত্তম ছাপা ও ছবি সম্বলিত মূল্য ৪। টাকা।

স্বামীজীর সাহত হিমালয়ে—সিঙ্গাব নিবেদিতা প্রণীত—  
“Notes of Some Wanderings with the Swami Vivekananda”  
নামক পুস্তকের বঙ্গানুবাদ। ২য় সংস্করণ। এই পুস্তকে পাঠক স্বামীজীর বিষয়ে  
অনেক নৃতন কথা জানিতে পারিবেন;—ইহা নিবেদিতার ‘ডায়েরী’ হইতে  
লিখিত। সুন্দর বাঁধান, মূলা ৮। বাব আনা মাত্র।

প্রাপ্তিস্থান—উত্তোধন কার্য্যালয়, বাগবাজার, কলিকাতা।













